

1732

Մ Ա Յ Ր

ԱՌԱՋԻՆ ԴԼՍՏԻՐԸՄ

173

9-34

2010

792

U. S. R.

173

2-34

441 Ծ Ա Յ Ը

ԱՌԱՋԻՆ ԴԱՍՏԻԱՐԱԿ

ՄԱՆԿՈՒԹԵԱՆ

Հեղ:

Հարրիանայան գրադարան



ՎԵՆԵՏԻԿ

ՄԻՒԹԱՐԵԱՆ ՏՊԱՐԱՆ

1874

1008


5044 առ .

111

Ա.

Յուզեալ ու շիտթ ժամանակաց մէջ կ'ա-
 սրինք: Կանգնման, բարգաւաճանաց և
 յառաջադիմելու անընդհատ ջանքերու և
 շատանգամ դժբաղդաբար ընդունայն փոր-
 ձերու առջև՝ օր օրուան վրայ տկարացած
 կը տեսնենք այն ամէն ընտիր բարեմաս-
 նութիւններն որոնցմով աղք մը ոչ միայն
 կը մեծնայ, այլ իր մեծութեան և յառաջա-
 դիմութեան մէջ յարատեւելու յոյս կ'ունե-
 նայ և կու տայ:

Կրթութեան հրահանգաց մէջ ընդհա-
 նուր թուլութիւն, ժողովրդոց և անհատ-
 ներու բարօրութեան համար կարեւոր իշ-
 խանութեան սկզբանց տկարութիւն, մե-
 ծարանաց և յարգանաց էտկան օրէնքնե-



2001

1091
42

րուն դէմ յարձակմունք, նիւթականութեան հոգւոյ և մտաց իշխանութեան նուիրական սահմաններն ստնակոխ ընելը, ասոնք ամէնքը՝ բարւոյն փափաքելի յառաջադիմութեանը արգելք և խոչընդոտն են:

Այսպիսի է մեր դարուն և ժամանակաց՝ նիւթական արագաքայլ յառաջադիմութեան մը առջև ընծայած բարոյականութեան տխուր տեսարանը:

Պատճառն ալ յայտնի է:

Եթէ մարդուս նպատակը միայն երկիրս ըլլար, մեր ժամանակաց հրաշալիք բաւական պիտի ըլլային անոր ամէն պէտքը լեցընել. վասն զի պիտի կարենար գոհ ըլլալ՝ եթէ իր աշխատանքովն յաճողեր հարստութիւն դիզել, համբաւ ստանալ, կամ գէթ օրուան հացը ճարել: Եթէ իր ծագման ազնուականութիւնը, հանճարոյն բարձր մտածութիւններն, սրտին անչափ կարողութիւնը չազդէին իրեն անսահմանին բնազդմունքը, աշխարհիս վրայ նայելով պիտի կարենայինք ըսել թէ երջանիկ է մարդս:

Երջանիկ՝ վասն զի քաղաքային ընկերութեան մէջ՝ զօրաւորք չեն ընկճեր զուկարս. վասն զի իր ամէն օրինաւոր փափաքներն կրնան կատարուիլ, վասն զի աշխատութիւնը, հանճարն ու յարատւութիւնը՝ ա-

մենէն աւելի խեղճին դիմացն ալ կրնան բանալ զճանապարհ բազդի:

Բայց եթէ դառնանք հարցընենք մեր սրտին, հարցընենք անոնց ամենուն ալ ուրոնց վրայ մերթ ընդ մերթ հալած ու թերևս նախանձոտ աչքով մը կը նայինք, պիտի լսենք ամենէն թէ մարդս երջանիկ ըլլալէն դեռ շատ հեռու է: Այդ նպատակին հասնելու համար բաւական չեն հարստութիւնն ու ազդեցութիւնը. մանաւանդ թէ փառասիրութեան և անսահման փափաքանաց յորճանքներ են անոնք, որ ամէն օր ալ աւելի կը խորցընեն իր սրտին պարսպութեան վիհը:

Բոլոր աշխարհի վրայ ձգուած վերիվերոյ ակնարկ մը, շատ է՝ համողել զմեզ թէ մեր ժամանակաց մտաւոր և ուսումնական յառաջադիմութիւնը՝ դեռ ևս չէ կրցած լուծել ընկերութեանց և մասնաւորներու բարեբաստութեան մեծ առեղծուածքը, ըսել կ'ուզենք՝ անոնց բարոյական կատարելագործութիւնը:

Մարդկային սերունդ մը դէպ ՚ի յառաջ կը խաղայ: Քիչ չեն իր վրայ զարմացողներն, զինքը խրախուսողներն և յորդորողք՝ որ ինչպէս անցուցած վտանգներուն վրայ ալ չմտածեր, ասանկ ալ և ոչ դէմը ելլելիքներէն ահաբեկի: Սակայն կը գըտ-

նունին նաև շատեր ալ որ անհանդիստ ու մտատանջ սրտով մը իրարու կը հարցընեն.
 « Չորս կողմերնիս կարկտահար դաշտի մը, թշնամեաց ուռմբերու հարուածներէն դեռ նոր խալըսած քաղքի մը, ջրողող անդաստաններու կերպարանք մը կը նկատենք: Ո՛վ պիտի կարենայ այդ անել ու թշուառութեամբ և աղիտիւք լի ճանապարհներէն զմեզ դէսլ ՚ի յարահետն դարձընել. կամ ո՛ւր է մեր դեգեւեալ և յոգնած քայլերուն՝ այդ խաւարին մէջէն մեզի առաջ նորդող լոյսը »:

Միայն դաստիարակութիւնը կրնայ այդ վերանորոգիչ գործը կատարել: Վասն զի դմարդիկ կազմելու արուեստն ըլլալով, անով պէտք է սկսիլ ընկերական վերանորոգութեան գործը:

Բայց որպէս զի այդ դաստիարակութիւնն ապագային համար ^{որ} իր ոյժն ունենայ, արժան է իրեն ալ նոր կերպարանք մը տալ:

Մեր օրերը՝ կարծես թէ դաստիարակութիւնը երկայնմտութեան և մեծարանաց գործ մը ըլլալէն դադրած է: Ամէն միջոց դիւրանալով՝ կը խաբուինք յենթադրելն թէ դաստիարակութեան գործն ալ դիւրացած ըլլայ. և ամէն օրուան փորձը՝ արտաք

հատտօտիք մըն է մեր պատրանացը: Ո՛րչափ կը սխալին անոնք՝ որ փոխանակ Պլատոնի առ սիրելի աշակերտն զրուցած խօսքն երկրորդելու թէ « Սորվէ կեալ », դաստիարակել ուզած տղուն անդադար կը յեղյեղեն. « Սորվէ հարստութիւն դիւրելու կերպը »:

Բ

Այլ և այլ կերպարանաց տակ կը ներկայանայ մեզի դաստիարակութիւնը:

Հասարակաց, Բնտանեկան ու Մայրենի դաստիարակութիւններ կան:

Այս երեք տեսակ ուսմանց՝ որուն վրայ կը հանգչի արդեօք ապագային վիճակը, կամ որուն արժան է յանձնել նոր սերունդ մը կազմելու խնամքը:

Հասարակաց դաստիարակութեան գործը չի կրնար ըլլալ. վասն զի անոր աղքատ ըլլալուն զիտաւոր և միակ պայմանն է՝ որ նախ մօրը ձեռքով պատրաստուի, ետքը իրմէն կատարելագործութիւնն ընդունելու համար:

Բնտանեկան դաստիարակութեանն ալ գործը չէ. վասն զի մեր ժամանակաց ըն-

տանիրը եթէ իբրև առանին ընկերութիւն մը ուզենանք նկատել զայն, իրեն կարևոր եղած իշխանական ազդեցութիւնը կորսընցուցած է:

Ընկերական վերանորոգութիւնը՝ մայրենի դաստիարակութեան գործը պիտի ըլլայ: Մնոր ձեռքն յանձնուած է սպառազային վիճակը. իր ձեռքով պէտք է սկսի այն բարոյական վերանորոգութիւնն՝ որուն այնչափ կարօտ ենք. յառաջադիմութեան ճանապարհին մէջ ինքն է ամենէն յառաջախաղացը:

Այդ մեծ բարեկարգիչը մայրն է. իր սիրելի զաւկըներէն չըջապատուած մայրը: Ինքն է որ կը պատրաստէ զսպառային. և այդ սպառային իր ուղածին պէս պիտի ըլլայ:

Նախախնամութենէ ընտրուած օժանդակ մըն է մայրը: Տղայական հասակին նախկին ութ տարիներուն մէջ, — կարևոր տարիներուն՝ որովհետև ուրիշներն ալ անոնցմէ կը կախուին, — անսահման է իր իշխանութիւնը: Ինքն է զաւկին նախկին առաջնորդը, առաջին խորհրդականը, առաջին օրինակը. իր սրտին վրայ կը սորվինա կեալ, ուստի և արժան է որ գիտնայ թէ ինչպէս զօրաւոր, բարի և երջանիկ ընելու է զայն: Եւ այս երեք նպատակին

ալ կը հասնի՝ եթէ այդ դժուարին գործոյն մէջ իրեն առաջնորդ առնու զկրօնս և զսէր: Եթէ իր տուած դաստիարակութեան խարխիս ըլլան՝ բարոյական և կրօնական օրէնքներն, առանց տարակուսի կրնայ զուրցուիլ թէ մերձաւոր սպառազայի մը մէջ վերանորոգուած ընկերութիւն մը այս երկու յատկութեանց դրոշմն կրելով իր վրան, սպահով քայլով մը կարող պիտի ըլլայ դէմել դէպ ՚ի բուն և ստոյգ յառաջադիմութիւն: Իսկ եթէ ընդհակառակն այս էական խարխիսը պակասի, կամ լոկ իբրև երկրորդական բան մը սեպուի, միշտ անկատար կը մնայ արտադրած օգուտը, և սպառային անստոյգ:

Գ

Մեր այս համառօտ գրուածքին նպատակն է՝ մօր մը իր զաւկին տուած նախնական դասերուն վրայ յեցընել ընկերութեան հանդիստը և անհատին բարեբաստութիւնը. ցուցընել թէ ինչպէս ամէն բան մանկութեան դաստիարակութիւնէն կը կախուի՝ երբոր անիկայ ըլլայ համբերութեան, սիրոյ և զօրութեան գործ մը. յիշեցընել թէ

ընկ երկրաւոր երջանկութիւն մը նպատակ պիտի չունենան իր հաստատուն ջանքերն. այլ նախ պիտի դարձնէն աշուրներն յերկինս, և անկէ յերկիր:

Մայրենի ուսման դասերը՝ անեղծ կերպով կը տպաւորուին մանկութեան սրտին մէջ: Ժամանակաց փորձանքներէն չեն վախնար, վասն զի յերկարակեացք են քան ամէն մարդկային գործոց անկայունութիւնը:

Սմենայն ինչ կը յառաջագայի 'ի մանկութենէ: Մանուկը կը կազմէ զմարդ, ինչպէս ծաղիկն զպտուղ: Ամէն շէնք՝ ստորերկրեայ հիմանց վրայ կը հանգչին. հասիլը՝ ցորենի հատիկէն կը ձևանայ, բարձրաբերձ կաղնին՝ պղտի հունտէ մը:

Գաստիարակութիւնը կաղապար մըն է՝ յորում ընկերութիւնը իր ձևը կ'առնու:

Ինչպէս ծովը չորս կողմանէ իր մէջը թափուող գետերուն ջրերովը կը սնանի, ասանկ ալ ազգ մը՝ գերդաստաններու իրեն ընծայած սերունդով: Ընկերութեան ածուն է մանկութիւնը, հայրենեաց ծուծն և ոյժը, ընտանեաց ուրախութիւնն և յոյսը. — սփոփիչ յոյս մը նաև երկնից համար:

Ընտիր գանձ մը, նուիրական աւանդ մըն է մանկութիւնը, և որուն պատասխանատու են մարք: Խիստ հաշիւ մը պիտի պա-

հանջուի անոնցմէ օր մը՝ այս իրենց յանձնուած աւանդին համար:

Հայրենեաց սէրը, ազգին բարեբաստիկ ըլլալուն, մարց վրայ ծանրացող այս պատասխանատուութիւնը ըստ կարի թեթեցընելու փափաքովը՝ այս տողերը գրել և իրենց ընծայել ուզեցինք:

Դ

Որեւիցէ ազգ՝ իր նիւթական ու բարոյական բարւոքմանն աշխատելու պարտականութիւնն ունի: Այսպիսի ջանքի մը պէտքը իրեն զլանալը, սրտին մահառիթ հարուած մը տալէն տարբերութիւն չունի:

Մեր ազգն ալ՝ երեսուն վերջի տարիներուն մէջ իր վերանորոգութեանն փոյթ և ջանքը պակաս ըրած չէ: Թէպէտև ոչ ազգային, բայց իր ազգութիւնն և ինքնօրինութիւնն յարգող տէրութեանց օրէնքներուն և սահմանադրութեանց բարերար թոյլտուութեամբը, և մանաւանդ ժամանակին իր վրայ ըրած ազգեցութեամբը, ուզած է զէթ իր վիճակին ու կարողութեան տանելուն շափ՝ ուրիշ ժողովրդոց յառաջադիմութեան հետոցը ետևէն երթալ:

Այս նպատակին հասնելու համար՝ ամենէն բանէ առաջ մանկութեան վրայ դարձուցած է իր մտադրութիւնը:

Իրմէ քիչ ժամանակ յառաջագոյն, տեսեր է զանոնք, իր ապագային գեղեցիկ յոյսերն, երեսի վրայ, անոք, անտերունչ. և այդ տխուր անհոգութեան հետեանք գտեր է իր ժողովրդական, բարոյական ու ինչուան նաև նիւթական խեղճութիւնը: Չանացեր է պատճառը վերցընել, որպէս զի հետեանքն ալ մէջտեղէն վերցուի:

Աւանդ. սրչափ անգամ ընդունայն և անպտուղ եղեր են այդ աշխատանքներն:

Սգգային կեանքերնիս խորունկ քննող, անոր բուն և էական բարգաւաճանքն փրնտուղ, իսկական օգուտը ուղող քանի սըրտեր կան որ կը հառաչեն:

Հառաչանք մը անցելոյն ու ներկային վրայ. բայց աւելի տխուր և խորագոյն հառաչանք մը մեր ապագայն մտածելով:

Ե

Ո՞ր կ'երթանք...

Արիկայ է շատերնուս հարցմունքը, շատերնուս տեսութեանց ու փափաքներուն

նիւթը, շատ մտատանջ հառաչանաց պատճառը:

Կրնանք արդեօք վստահ սրտով և լեցուն բերնով զրուցել թէ դէպ 'ի յառաջադիմութիւն:

Ուստի՛ են ուրեմն յետադիմութեան լքուցիչ տեսարաններն. ինչո՞ւ այդ լոյսը՝ առ որ կը կարծենք զիմել եռանդեամբ, և որ մեղնէ այնչափ հեռու չթուիր, չորս կողմերնիս պատող խաւարը փարատելու վիճակին մէջ չէ:

Դաստիարակութեան գործոյն անհրաժեշտ կարևորութեան օր օրուան վրայ մեր մէջ աւելի զգալի ըլլալուն վրայ տարակոյս չիկայ:

Որևիցէ գործ՝ հարկ է որ պէտք և նպատակ մը ենթադրէ:

Դաստիարակութեան գործն ալ արժան է որ ունենայ իր պէտքն ու վախճանը:

Այդ կարևորութիւնն ու վախճանը անտեսելը՝ նպատակէն ալ կը հեռացընէ:

Արժան է ուրեմն որ քննութեան աւնուի վախճանը, անոր համեմատ ընթացք բռնուի, առ այն ուղղութիւն ամէն ջանք և փոյթ, և այն ատեն նպատակին զիրաւ հասնելու տարակոյս չի մնար:

Մեր ազգին մէջ, վստահութեամբ կըրնանք ըսել, թէ այդ բարերար նպատակին

Հասնելու ջանքը սակաւ չէ. բայց երբ այն-
չափ փութով ալ՝ դեռ փափաքելի նպա-
տակէն շատ հեռու կը մնանք, արժան է
խոտտովանիլ թէ առ այն հասնելու միջոց-
ներուն մէջ սակասութիւններ ունինք,
զորս հարկ է դարմանել, և փութով դար-
մանել:

Զ

Ննչպէս նիւթական՝ ասանկ ալ բարոյա-
կան շէնքի մը հաստատութիւնն, իրեն հի-
մանը վրայ է:

Բարոյական շէնք մըն է դաստիարակու-
թիւնը. ուստի արժան է որ ունենայ իր
հաստատուն հիմը: Եթէ խախուտ ու ան-
հաստատ ըլլայ, Քրիստոսի տեսան առա-
կին ստուգութիւնն ունի իր վրայ, կրնայ
մեծ ու փառաւոր շէնք մը ըլլալ, բայց հի-
մը աւազի վրայ դրուած. և զոր կործանե-
լու և երկրի հաւասար ընելու համար՝ բա-
ւական է որ յորդ անձրեւներ տեղան և գե-
տերն աճին:

Սյոգ հիմը՝ ձգելու աշխատանքն՝ մօր մը
երկայնամիտ համբերութեանը, կրթու-
թեան, աստուածսլաշտութեան և սրտին
յանձնելու ենք:

Մայր...

Ո՛րչափ քաղցր ու սիրելի է այս անունը:
Որպիսի՞ գորովայ, խանդաղատանաց
պատկեր է նա և առարկայ գերգաստա-
նին մէջ:

Ջանանք կրթել զանիկայ, ուստի կը կա-
խուի մեր ասպազայ սերունդին կրթու-
թիւնը:

Հրահանգներ դինքն այն սլարտերուն
մէջ զոր իրեն տկար կարծուած անձին
վրայ դրած են բնութիւն և տէրն բնու-
թեան:

Երբոր հասնինք մեր վախճանին, ալ
այնուհետեւ չգեղեկինք կամ չտարակու-
սինք յանձնել իրեն ազդին մանկութիւնն
և յոյսը:

1591
42

ԳԼՈՒԽ ԱՌԱՋԻՆ



**Ստուուծոյ ձեռքով անկուած երկրաւոր
դրախտին մէջ Ստուուծոյ արարած է կինը։
Իրմէ առաջ բոլոր տիեզերք և իրենց
զարդերը Ստուուծոյ մէկ խօսքովը երև-
ցած, և անոնց ամենուն վրայ 'ի պատկեր
Ստուուծոյ ստեղծուած մարդ մը՝ իշխան և
հրամանատար դրուած է։**

**Մարդուս համար են բոլոր այդ վայել-
քը. իրեն հրամանացն և ակնարկին՝ կամա-
կատար ամենայն արարածք. ինքն միայն
անոնց ամենուն մէջ խոհուն և մտաւոր։
Սակայն այդ ամենայն վայելից մէջ գլխա-
ւոր բան մը կը պակսի իրեն երջանկու-
թիւնը անթերի գործելու համար. — ընկեր
մը, սիրոյ ընկեր մը, կը պակսի իրեն։**

Այդ պակասը, սրտի մեծ կարօտութիւնը

լեցընելու համար՝ ստեղծեց Աստուած զկին մարդ, և ընկեր տուաւ նախաստեղծին:

Կինը՝ մարդկային ընկերութեան մասն է. և ընկերութիւնը կ'անիրաւի եթէ անոր այս իրաւունքը չուզենայ ճանչնալ: Վասն զի իր պատմութիւնը՝ մարդկային ազգին պատմութեանը հետ անմիջական վերաբերութիւն ունի. պատճառ է անոր անկմանը, ինչպէս նաև սատարող բարգաւաճանացը:

Հին ու նոր պատմութեանց էջերը՝ այլ և այլ իրարու հակառակ օրինակներով կը հաւատարմացընեն այս խօսքիս ճշմարտութիւնը: Աստուծոյ երկրաւոր թագաւորութեանը մէջ՝ իրեն դէմ թշնամութեան արհաւիրք արթնցընողը, անմահութեան պարգեւը՝ տխուր մահուամբ մը սեւցընողը, փուշ ու տատասկ բուսցընող երկրի մը վրայ փոխադրողը, անոր սիրոյն պատրանացը արդիւնք է. ինքը՝ բազմամեայ ու ազիտալից պատերազմներով՝ անմահ Տրուվադաներու հրոյ ճարակ ըլլալուն և հիմնայատակ քանդուելուն պատճառ է: Յայել, Յուզիթ, Եսթեր, փրկութիւն ու երկնաւոր այցելութիւնք են աստուածընտիր ժողովրդեան մը, ու մեր ընտանի պատմութիւններէն ալ՝ արքունական սուրբերէ աւելի զօրաւոր եղած են Տիգրանու-

հւոյ մը, Սաթենկան ու անոնց նմանեաց խոհական միտքն, հայրենասէր սիրտն ու աղու լեզուն:

Բայց ընկերութենէն աւելի՝ գերդաստանին կը վերաբերի կին մարդը. անոր փառքը, ու միանգամայն անոր կործանումն է. և իր ազդեցութիւնը ընկերական կենաց վրայ այնչափ աւելի զօրաւոր է, որչափ աւելի ըլլայ առտնին կենաց վրայ:

Մայրութիւնը՝ իր պատուականագոյն առանձնաշնորհութիւնն է. իրեն ճակատը զարդարող պսակը. բայց այդ գեղեցիկ պսակը՝ կրնայ երբեմն ծանրանալ իր գըլխոյն վրայ: Արժան է որ գիտնայ՝ քաջութեամբ վերցընել այդ ծանրութիւնը:

Տնական կենաց ու վառարանին թագուհի է անիկայ, տունը իր թագաւորութիւնն է, դաստիարակութիւնը իր կարևորագոյն պարագմունքը, կենացը մեծագոյն աշխատանքը, սրտին գործը:

Մայրութեան վիճակին հասնելու համար՝ այլ և այլ կերպարանափոխութիւններ կը կրէ. բայց կենացը առջի տարիներէն կը նկատուի անոր վրայ այդ կոչումը: Եր մանկութեան խաղերը, երիտասարդութեան փափաքները, մտաց զբաղմունքը՝ կը պատրաստեն զինքն մայրենի ուսման մեծ պարտուցը:

իր ամենէն աւելի սիրուն հասակը՝ օրիորդութեան հասակն է։ Նորահաս օրիորդ մը՝ գեղեցիկ օրուան արշալոյս մըն է, զըւարթ դարուն մը, ծաղկազարդ ծառ մը, ուսկից քիչ ատենէն անուշահամ պտուղ մը պիտի փրցուի։ Ապագային և յուսոյ մէջ է իր կենաց քաղցրութիւնը։

Գերդաստանին՝ մանաւանդ թէ մօրը նեցուկ մըն է. կը գործօր կրտսերսողոյն եղբարց ու հարազատաց վրայ, կը սրբէ անոնց արցունքը, կ'օգնէ անոնց տկարութեանը, ու սիրոյ համբոյրներ կը դրոշմէ անոնց անմեղ երեսներուն վրայ։

Սակայն բնութեան տէրը՝ գերդաստանէն դուրս փիճակի մը սահմանած է զինքը. ուզած է որ հոն ծլի, բայց ուրիշ ածու մը իր ծաղկըներովն ու պտուղներով դարգարելու համար։ Մնոր համար պիտի գայ ատեն մը՝ յորում բաժնուի իրեն սիրելի գրկերէն, զինքը խնամող ու մեծցընող, վրան գուրգուրացող սրտերէն. բաժնուի այն տունէն ուր սնաւ և զարգացաւ, հոն թողլով իր սիրալիր եղբարքն ու քոյրերը, անոր ետեւէն երթալու համար՝ որ արդէն գրաւած է իր սիրտը։

Ո՛րչափ դժուարին պիտի ըլլար իրեն այս բաժանումը, եթէ սիրելու և իրմով կեանքը մշտնջենաւորելու պէտքը չզգար։

Սրիկայ կը դիւրացընէ, մանաւանդ թէ սիրելի կ'ընէ օրիորդին այդ բաժանումը. և ծնողաց տունէն մեկնելու ատեն թափած արցունքներուն վրայ՝ հաւասար կը տեղան աստուածային, և գորովալիբ հօր մը և մօր սրտալիբ օրհնութիւնները։

Հոն մտած օրը նոր վառարան մը կը բորբոքի, ուրախ զուարթութեան մը կերպարանք կ'առնու տունը՝ երբ իրեն անբաժան ընկերակից ունենայ տնական առաքինութիւններն։ Իսկ անկէ մեկնած օրը, կը մարի կը շիջանի այն վառարանը, կը դադրի զուարթութիւնը, կ'անապատանայ տունը. նման այն որային որուն կապը կը քակուի. հասկերը կը ցրուին, հողմը՝ հալածական կը վարէ, և մրրիկը կ'ապականեն ու կը փճացընեն։

Առաքինի կինը, ինչպէս յաճախ կը յեղ յեղեն սուրբ գիրքը, նաև երկրաւոր վարձատրութիւն մըն է բարի մարդուն։

Ի՛նչ աւելի յայտնի աստուածային բարեբարութիւն մը։

Սոյն մարդը՝ որ իր բազդը վատթար կընկան մը բազդին հետ միացընելու դժբաղդութիւնն կ'ունենայ, արդարև Աստուծոյ երեսէն ընկած անձ մը կրնայ սեպուիլ. վասն զի այնպիսւոյն հետ միանգամայն պիտի մտնեն իր տունն թշուառութիւն, ան-

կարգութիւն, արտասուք, և յաճախ կոր-
ծանուան և ամօթ: Խնդճը փափաքեցաւ
հանգստեան, ու պիտի ապրի մրրկաց մէջ:
Վասն զի եթէ կինը գերդաստանին համար
բարեբաստութիւն չէ, անոր ամենէն աւելի
ահաւոր թշնամին է: Իր հարսանեկան գե-
ղեցիկ պատմութեանին տակ՝ ծածկուած բե-
րէ պիտի ՚ի տուն զխաղաղութիւն կամ
զպատերազմ:

Կու գայ զարդարուած բազմապատիկ
չորհօք, զինուած ամէն ճիրքերով, ու ա-
մենէն աւելի սիրտ վաստըկելու բարե-
մասնութեամբ: Ստուածառաք պատգա-
մաւոր մ'է, երկնից համար աշխարհակա-
լութիւններ ընելու սահմանուած անձ մը.
և ասոնց մէջ առաջին պիտի ըլլան իր ա-
մուսինն ու ետքը զաւկըները: Անխոնջ է,
ու պիտի օրհնէ զինքն Ստուած, և իրմով
երջանիկ ու յաջողեալ պիտի ըլլայ գեր-
դաստանը: Յաջողութեամբ ու գրեթէ ան-
աշխատ իր մեծ պաշտօնը կատարելու բա-
ւականութիւնն ունի. և այն յամր բայց ա-
պահով գործը՝ խմոր մըն է, որով կարող է
վերանորոգել զազգ և զընկերութիւն, բա-
ւական է որ յօժարութիւն և կամք ըլլայ:

Սուրբինի կանայք, գործունեաց ու անձ-
նանուէր գերդաստանի մարք, գերդաստա-
նէն դուրս աղբեցութիւն մը չունին: Սա-

կայն գերդաստանին մէջն է ստուգիւ այն
մասնակցութիւնը՝ զոր կրնան, և զոր ար-
ժան է գործածեն, յօգուտ ընկերական
կենաց:

Անով կրնան գերդաստանէն դուրս ալ
տարածել այն առաքինութիւններն՝ որոնց
ամէն օր ուսուցիչք և գործադիրք են ըն-
տանեկան կենաց մէջ:

Սակայն կին մարդը՝ անտեղեակ է իր
ուժոյն, և ինքզինքը տկար կը համարի: Սյս
վրիպական ենթադրութեան պատճառն
անուշտ անկէ առաջ կու գայ, որ երբեմն
խիստ մանկահասակ կը սկսի գործունեաց
կենաց մէջ մտնել, ու այնպիսի հասակի մը
մէջ կը ծանրանան իր վրայ հարսին ու մօր
պարտերը, մինչ զեռ. և ս զանոնք լաւ
ճանչցած չէ: Անհոգ կ'ըլլայ յապահովել իր
իշխանութիւնն այնպիսի հասակի մը մէջ՝
յորում ամուսինն յօժարափոյթ և յօժարա-
կամ է ՚ի հնազանդութիւն: Սակայն տարի-
ներն իրարու կը յաջորդեն, սիրոյ առաջին
ժամերուն աղբեցութիւնը կը սահի կ'եր-
թայ, այրը միւսանգամ ձեռք կ'առնու իր ի-
րաւունքը, և ալ այնուհետեւ անկարող է
կնիկ մարդը ձեռք ձգել իշխանութեան այն
մասը՝ զոր այնչափ զիւրին էր յառաջագոյն
ստանալը:

Եթէ օրիորդք քիչ մը աւելի ուշկեկ ա-

մուսնանան, ալ աւելի կը ճանչնան իրենց ապագայ օգուտը, և անհոգութեամբ չեն արհամարհեր այն շահերը՝ յորոց օր մը կրնան օգուտ քաղել:

Տղայական խաղ մը չէ ամուսնութիւնը: Անոր մէջ պէտք է որ մուտ գտնեն ծանրութիւն ու խոհականութիւն, և փոփոխակի մեծարանաց զգացմունք մը: Լուրջ գործ մըն է. մարդկային կենաց ամենէն աւելի լուրջ գործերէն մէկը. վասն զի ապագային վրայ մեծ ազդեցութիւն ունի. ուստի կրօնք և ընկերութիւն կը համաձայնին միարան հռչակելու՝ երկու անձանց մէջ դրուած դաշնագրին հանդէսը: Նոր վառարան մը կը բորբոքի. կենդանարար հիւթ մըն է որ քիչ ատենէն նոր ընծիւղներ պիտի բողբոջեցնէ՝ մարդկային կենաց հին ծառոյն վրայ: Անոր համար փափաքելի է որ օրիորդը լաւագոյն կերպով պատրաստուի այն մեծ գործոյն, յորում իր մէկ խոստամբը՝ ոչ ևս անձին տէրը պիտի ըլլայ, և որով պիտի վերցուի իրմէն իր ազատութիւնը: Աւելի մտադրութիւն և ընտրութիւն բանեցնէ այն որոշմանը մէջ, ուստի կախուած է իր բովանդակ կենաց բարեբաւտութիւնը. և փափաքելի է դարձեալ՝ որ ծնողը աւելի ազատութեամբ գործելու իշխանութիւն տան օրիորդին: Թողլով հին

սովորութիւններն, որ այսօր իրենց արժէքը մեծապէս կորսնցուցած են, նոյն խի մեր ժամանակաց և սովորութեանց անհաճոյ շերեւնար՝ որ այդ ընտրութեան սկզբնաւորութիւնն օրիորդին կողմանէ ըլլայ. բայց ծնողը ունենան իրաւունք և իշխանութիւն հաւանիլ անոր, կամ մերժել այդ ընտրութիւնը: Այո, հարկ է որ այգպիսի և այդչափ կարևոր գործի մը մէջ ծնողը ունենան իրենց իշխանութիւնն. բայց պէտք է որ այդ իշխանութիւնն ալ ունենայ սահման մը: Շատ անգամ ընտանեաց կամբողք և ինչուան բւնադատութեամբն կ'ըլլայ այդ որոշումը. և սակայն պէտք է յիշել թէ ընտանիքը չէ ամուսնացողը:

Յաճախ գօրիորդս կ'ամուսնացնեն ծնողք, առանց իրենց ախորժակը հասկընալ ուզելու, շատ անգամ առանց իրենց խորհուրդ հարցնելու: Չեն հարցնիր, չեն քննիր իր սիրտը, ոչ իր հակամտութիւնը, և ոչ ալ հակահրութիւնները: Այլ երբ կը հասնի իր ութևտամնամեայ հասակին, գերդաստանին գլխաւորը կը գումարին, կ'իմացնեն օրիորդին ծնողաց ընտրութիւնը, և թէ զինքը այս անուն անձին հետ պիտի նշանեն: Ո՛րչափ տխուր են այս կերպով եղած միութիւնք, եթէ ծնողաց կամացը համաձայն չընթանայ նաև օրիոր-

դին կամբը: Ար սկսին առանց սիրոյ, առաջ կ'երթան արտասուօք, և յաճախ դառնութեամբ կը լմննան:

Վնասնական կենաց բարեբաստութեանն համար ամենահարկաւոր է սէրը, ինչպէս որ հարկաւոր պիտի ըլլայ օր մը նաև դաստիարակութեան գործոյն մէջ:

Մենք հոս այդ սէրը իրեն յատուկ աստուածահրաման վայելչութեանը մէջ կ'ուզենք նկատել: Եկեղեցին՝ ամուսնութիւնը սուրբ խորհրդոյ մը բարձրութեան հանած է. նուիրագործելով առն ու կնոջ միութիւնը, ուղած է բարձրացընել ամուսնական սէրը. ցուցընել թէ գերադոյն է այն սէրը, սուրբ և մաքուր սէր: Մնացածոյ են այն սիրոյն՝ կրից բորբոքը, որուն անմիջապէս կը յաջորդէ յոգնածութիւն ու ճանճութիւն. անհաճոյ իր եռանդն ու մրրիկներն, վասն զի անոնց ետեւէն պիտի հասնին անտարբերութեան ցուրտ օրեր: Մէկէնիմէկ բռնկող բոց մը՝ շուտով ալ կը սպառի. և յաճախ իր մարած անցած եռանդը՝ հազիւ կրնայ գուշակուիլ թողուցած օտ մը ցուրտ մոխրէն: Այն օրն յորում տղան կը հասնի, կամ այրող և կամ անոր հակառակ՝ սառնապատ օդ մը պիտի գտնէ. կամ պիտի այրի, և կամ բոլորովին ցրտանայ: Ուրիշ առողջ կլիմաներ պէտք են անոր:

Այս և ասոնց նման պատճառներու համար՝ խոհեմութիւն չէ նորահաս օրիորդը շուտով ամուսնացընելը: Մնողաց անհամբերութիւնը վտանգի մէջ կը դնէ անոնց ապագայն. կը վտանգէ հաւասարապէս նաև անոնց առողջութիւնը. վասն զի այն կինը՝ որ բնութեան սահմանած տարիքէն առաջ մայր կ'ըլլայ, կրնայ մեծամեծ վտանգներու մէջ իյնալ: Գծնդակ ճգնաժամ մըն է. և զժբաղգաբար քիչ չեն այն դէպքերը երբ մայրութեան զուարթարար պսակը՝ մէկէնիմէկ անոր թալկացեալ ճակտին վրայ ցաւոց պսակի կը փոխուի: Ար մեռնի՝ դուսկին կեանք տալու ատենը, և երբեմն ալ անբաւական կ'ըլլայ անոր այդ կեանքը տալու: Իսկ եթէ բարեբաղգաբար ազատի այն թշուառութեանէն, սակայն անտարակուսելի է բովանդակ կենացը վրայ ունեցած մեծ աղքեցութիւնը. վասն զի երեսին գեղը կը թառամի, առողջութիւնն կամաց կամաց կը մաշի ու կը հիւծի, ու անդադար խնամոց կարօտ կ'ըլլայ. ուստի և անբաւական՝ իր տղոց դաստիարակութեանն մեծ և նախնական գործն ուղղելու. այն տղոց՝ որոնք կրկնակի սիրելի են իրեն, որչափ աւելի շատ եղած է անոնց պատճառաւ կրած տագնապն ու նեղութիւնը:

Ասլաժամ միութեանց այս սոսկալի հե-

աւանքներէն զատ, որչափ ուրիշ դժնդակ հետեւանքներ ալ կան:

Մանկահասակ ամուսնացող օրիորդը՝ մանուկ կը մնայ նաև ամուսնութենէն ետքը. միայն վիճակն է որ կը փոխուի: Ի՞նչ իշխանութիւն կրնայ ունենալ այն ատեն իր ամուսնոյն վրայ. կրնայ խելամուտ ըլլալ վրան առած պարտքերուն ծանրութեանը, կամ առանց քրթմնջելու հանդուրժել այդ հանսպաղօրեայ զոհին: Անխորձ ղեկավար մըն է, և մարթ է որ դէպ ՚ի ծածկուած ժայռերու մղէ այն զիւրաբեկ նաւը, որուն մէջն է իր ընտանեկան կենաց բարեբաստութիւնը: Տգիտութեամբ կրնայ խորտակել այդ նաւը: Իսկ երբ զաւկի տէր սլ ըլլայ, պիտի կարենայ անոր արժանաւոր դաստիարակն ըլլալ:

Այս բնական ու բարոյական վտանգներէն, որոց շատ անգամ պատճառ են հասակէ առաջ եղած միութիւնը, ազատ կենթադրենք այն նորահաս օրիորդը, զոր գրուածքիս մէջ մեղի օրինակ առած ենք. ատենին ամուսնացած օրիորդ մը, որ ձեռքին հետ՝ նաև սիրտը տուած է անոր՝ զոր իւր այրը և տէրը պիտի կոչէ:



Այն կինը՝ որուն կ'ուզենք նկարագիրն ընել, և փոխութեան ղեկը անոր վրայ մայրութեան առաջին պարտքերը, բաւական չէ միայն որ առաքինի ըլլայ: Իրաւ է որ առանց առաքինութեան՝ կրից ամէն հողմերէն տատանող եղէգն մըն է. սակայն առաքինութենէ զատ՝ պէտք ունի նաև մասնաւոր բարեմասնութեանց, որոնք թէպէտ առջինին չափ գերազանց չեն՝ բայց ոչ նուազ կարևոր:

Մայրութեան հարկաւոր ձիրքերն են, եռանդն, համբերութիւն, անձնանուիրութիւն, իշխանութիւն, քաջալերութիւն և զօրութիւն: Գերդաստանին մայրը մեծ իշխանութիւն ունի. բացարձակ է իր տէրութիւնը. պէտք է որ իշխողի մը կարևոր ամէն առաքինութիւններն ունենայ:

Գերբնական ոյժ մը պէտք է անոր. որպէս զի առանց լքանելու կարող ըլլայ կատարել իր ծանր պարտքը. երկնքէն և ոչ յերկրէ պիտի խնդրէ քաջալերութիւն և կամք: Վասն զի կրօնքը միայն կրնայ այն գերբնական ոյժը պարգևել իրեն, որուն

չատ անգամ կարօտութիւն պիտի ունենայ: Հարկաւոր է ուրեմն իրեն բարեպաշտութիւն. բայց եռանդուն ու գործնական բարեպաշտութիւն մը:

Սակայն ընդունամ է արդեօք իր ընտանեացը մէջ այդ բարեպաշտութիւնն խորունկ կերպով տպաւորող օրինակներ. կրօնից այն ճշմարտութիւններն որ պիտի առաջնորդեն իր կենաց, և ուղղեն իր ընթացքը: Արդեօք իր մայրը այն կատարեալ օրինակներէն մէկն էր, որոնց վրայ կը զարմանայ աշխարհ, առանց լաւ մը ըմբռնելու, և որոնց կը նմանին որդիք՝ առանց զանոնք գերադանցելու:

Ո՛րչափ սակաւագիւտ են մեր փնտռած այս մայրերը:

Աւաղ. մեր ժամանակաց համար չեն այն մայրերն որ արժանի են գերդաստանի մը ճշմարիտ մայրեր սեպուելու. աւետարանին ուղած ու պահանջած մայրերը: Չանոնք գտնելու համար՝ արժան է որ մեր ժամանակներէն քիչ մը հեռանանք. յիշենք ու աչուրնուս առջև բերենք այն մայրերն՝ որոնք թերևս չունէին մեր ատենուան մարց կրթութիւնն ու դաստիարակութիւնը, բայց անոնցմէ աւելի բարեբաստիկ իրենց զաւակաց կրթութեանը մէջ. որոնք իրենց զրկացը վրայ սեղմելով սիրոյ որդի-

քը՝ այն տխուղ ճասակին անմեղ աչուրները կը վարժեցընէին յերկինս վերցընել, ու այն մանկութեան վրայ հրաւիրել երկնաւոր գութ մը ու խնամք: Այո՛, դժուարին պիտի ըլլայ դանել այնպիսի մայրեր, որ մեր մանկութիւնը խնամեցին, և որոնք խելամուտ իրենց վիճակին ծանրութեանը, ոչ հարստութեամբ թուլցան և ոչ ալ ալքատութեամբ լքան. վասն զի կրօնից և աստուածային ճշմարտութեանց ճիշդ գաղափարներն ունէին, ու անոնցմով կը սնանէին:

Իսկ մեր օրերը...

Մէկզի աւելով այլ և այլ բացառութիւններ, տխուր ու ցաւալի է ընդհանրապէս մեր ընտանեկան կենաց կրօնական զաղափարը:

Հարկ է որ կին մարդն ըլլայ գլխաւոր աւանդապահ՝ գերդաստանին կրօնական զգացմանցը: Ինք պիտի խօսի տղոց հետ Արտուծոյ վրայ. պիտի ծանօթացընէ, պիտի սիրցընէ այն աստուածը: Ուստի պէտք է որ բարեպաշտ ըլլայ, ու խորազգած աւետարանին անփափոխ օրինացը. խօսելէն աւելի ջանայ գործել. վասն զի իր առաքելութիւնն՝ օրինակի առաքելութիւն է. պէտք է որ կրօնասէր ըլլայ, որպէս զի զաւակներն ալ կրօնասէր ըլլան. առաքինի



և հաստատամիտ՝ որպէս զի անոնք ալ որ մը առաքինի և զօրաւոր ըլլան :

Հարկ է որ յամենայնի աշուրները երկինք դարձնէ . իր կենաց ամէն զործերուն մէջ կրօնից օգնականութիւնը խնդրէ . անկէ խնդրէ այն ոյժը՝ որ անհրաժեշտ կարեւոր է իրեն՝ նախ աղէկ հարսն , ու ետքը ընտիր մայր ըլլալու համար :

Կրօնքը՝ նաւակոծութենէ վերկող լուսավառ լապտեր մըն է . լոյս մը՝ ՚ի գիշերի և ՚ի մթան , առաջնորդ մը կենաց բաւղին մէջ :

Ուր կը սակաւսին կրօնք և անոր քաղցր մխիթարութիւններն , հոն շիտթութիւն է . հոն խաւար և անդունդք :

Մեր այս համառօտ գրուածն ուրիշ նաւատակ չունի , բայց խորհրդատու ըլլալ և թելագիր մօր՝ որ ճանչնայ զՍտուած , և գիտնայ սիրելի ընել զանիկայ : Իրեն գիմէ՝ կենաց անակնկալ դժուարութեանց մէջ . անդադար անոր օգնականութիւնը խնդրէ : Գաստիարակութեան մեծ գործոյն գլուխը գրուած է կրօնքը . հարկ է որ ինքը տիրէ անոր , ինք լուսաւորէ և արդիւնաւոր ընէ զայն : Ստուած է որ միանգամայն կ'օրհնէ ՚ի նմա զգործն և զգործաւոր . աւանց նորա՝ ամէն ջանք անօգուտ է . աւանց յաջողութեան և սպարդիւն :

Վերջապէս ահաւասիկ մայր է օրիորդը : Դեռ ոչ որ գիտէ զայդ . զաղտնիք մըն է , գեղեցիկ խորհուրդ մը , իր և անոր մէջ որուն իր սրտին մէկ մասը տուաւ :

Մայր է նա . վառն զի կը զգայ տղուն կամաց կամաց կերպաւորիլը , կը զգայ աւոր աճիլն ու սնանիլը :

Սնունութեան սուրբ նպատակը կը կատարուի . կ'ընտրուի նա յՍտուծոյ ցօղուն մը ըլլալ նոր ցեղի մը , որուն ճիւղերը՝ կը սկսին երեւալ , և որ ապագային վրայ սկստի ունենայ իր ազդեցութիւնը :

Մայր է նա . — և այս անունը , այս քաղցր ու սիրալիր անունը զոր աշխարհ դեռ չի կրնար տալ իրեն , ինքն իր անձին կու տայ . գեղեցիկ և յուսալից անուն մը իրեն համար . ինչուան երբեմն կը կարծէ լսել մանկական ձայն մը , դեռ աներևոյթ՝ բայց սիրոյ զրգարանին մէջ սնած մանկան մը , որ մայրենի անունը կը հնչեցընէ քաղցրութեամբ :

Որպէս զի կարող ըլլայ այս բարեբաստութիւնը կատարեալ վայելել , պէտք է որ

աւելի խիստ կեանքի մը ետեւէ ըլլայ. ինչ-
պէս որ խիստ ու ծանր է այն սուրբ պաշ-
տօնն զոր քիչ ատենէն պիտի կատարէ:

Հարկ է որ այնուհետեւ սիրող ըլլայ ա-
ռանձնութեան. բազմութիւնն իրեն ակոր-
ժելի չերենայ: Խղէ թօթափէ այն կապերն՝
որոնցմով ինչուան այն ատեն կրնար կա-
պուած ըլլալ աշխարհի հետ, ու իր ամէն
մտադրութիւնը դարձնէ այն վիճակին ուր
պիտի մտնէ քիչ ատենէն: Քիչ ատենէն նու-
րածին տղայ մը պիտի ունենայ. հարկ է որ
այն աստուածառաք հիւրը արժանապէս
ընդունելու պատրաստութիւնն տեսնուի.
Վասն զի տկար արարած մըն է գալիքը,
գորովոյ ու խնամոյ կարօտ արարած մը:

Աշխարհատէր կինը չիկրնար ընտիր մայր
ըլլալ. վասն զի աշխարհի պահանջմունք-
ները՝ չեն միաբանիր մայրութեան պարտ-
քերուն հետ: Աշխարհատէր կինը չիկր-
նար թէ գիշերներն խնջոյից ու սթափու-
թեանց մէջ անցընել, և թէ միանգամայն
որրանի մը քով հսկել: Աստուան գէմ՝
ցայգահանդէսներէն ու պարերէն յոգնած
տուն դարձած ատենը՝ քնոյ ու հանգըս-
տեան կը կարօտի. տղուն ձայնը՝ իր փա-
փուկ ջղերը կը գրգռեն. ու այն փոքրիկ ու
անմեղ արարածը՝ ՚ի գուր իր սիրուն ձեւ-
քերը այն սնտախատէր մօրը կը տարա-

ծէ, վասն զի անիկայ կը պատուիրէ՝ հե-
ռացընել իրմէ այդ որրանը:

Ասկէ դատ՝ երբ ինքը հրաւերքէ մը չլակ-
սիր, ՚ի հարկէ փոխադարձ հրաւերք ալ
կ'ընդունի: Այս վախճանաւ՝ մասնաւոր
օրեր պատրաստութիւններ կ'ըլլան զանոնք
ընդունելու և արժանապէս պատուելու
համար: Ուստի տունը տակնուվրայ կ'ըլ-
լայ. տղայը կը հեռացուին. կսով ծառայից
ձեռքը կը թողուին անխնամ, կամ բարե-
կամի մը խնամոցը կը յանձնուին:

Հեռացընել տղաքը. մէկ գիշերուան հա-
մար ալ ըլլայ՝ անոնց երեսին գէմ փակել
հայրենի տան դռները, մեծ գէշութիւն մըն
է, ախուր հետեանք աշխարհավար սովու-
րութեանց: Զրկուիլ անոնց խանդաղա-
տանքէն ամբողջ օր մը, ու անծանօթ կամ
անակնունելի վտանգաց մէջ ձգել զիրենք.
և ինչպէս կրնայ գորովազուծ մայր մը
սյսպիսի ախուր քաջասրտութիւն ունե-
նալ:

Ինչ հաճոյք կրնայ իմանալ ճշմարիտ
մայր մը՝ իր հիւրօցը ծիծաղներէն, շաղա-
կրատելէն ու կայթերէն: Փոխանակ ան-
մեղ մանկութեան հաճոյական ձայներուն,
պատշաճի համար տրուած հանդիսի մը
աղմկի ձայներովը կը լնցուի տունը. ինքը
խաղի և զուարճութեանը զբաղած է, երբ

որդինքն հեռու են իրմէ, երեսի վրայ անխնամ թողուած, որք թերևս իրենց նեղութեան ու փոքրիկ անձկութեանց մէջ ՚ի դուր կը կոչեն զնա՝ որ չլիսեր իրենց:

Մեր ուզած մեր փնտռած մայրը ասիկայ չէ. այլ ճշմարիտ մայր մը: Աշխարհք՝ զինք հրապուրելու միջոց մը չունի. այլ իր տանը մէջ է, հսկելով իր սիրելի գանձուն վրայ, և քաղցր առանձնութեան մը մէջ ինքզինքը դաստիարակութեան մեծ գործոյն նուիրելով: Թերևս աշխարհք զինքն արհամարհէ. անգոսէ զինքն իր խնայութեանը համար. որովհետեւ ընտանեացմէ և դուկըներէ դուրս անձանց համար գոց է իր դուռը: Թող խօսի աշխարհ. իրեն համար չեն՝ ոչ անոր ընդունայն գովեստները և ոչ անպատճառ արհամարհանքն. իր նպատակն՝ այն զաւակն է որ քաղցրանիր՝ կը հանգչի իր բաղկացը մէջ. իր բոլոր հոգն ու մտածմունքը՝ դաստիարակութեան այն շէնքն է, որուն պատասխանատու ճարտարակերան է. այն սիրելի հոգին՝ որուն պահպանութիւնն իրեն յանձնուած է:

Բայց չփութանք. դեռ մանուկը ծնած չէ: Այլ մայրութեան պարտքերը՝ հիմակուրնէ կը պահանջեն իրմէ աշխարհի զոհը, անոր հաճոյից արհամարհութիւնը, անոր հանդէսներուն մուսցումը. և թէպէտ

դեռ գործունեայ կերպով չի գործեր, այլ կը մտածէ և խորհրդաբար կը գործադրէ իր կրած մանկան վրայ բարերար ազդեցութիւն մը:

Մեծ է կանանց սեռին պահուած մայրութեան առանձնաշնորհութիւնը. երկնաւոր պարգև մը, որ հարկ է մոռցընել տայ իրեն՝ իր կարծեցեալ նուաստութիւնը. չորս կողմը զաւկըներով պատած մայր մը՝ որ կը բրթմնջէ և կը դանգատի, կ'արհամարհէ զԱստուած: Մայրութիւնն իր ամենէն մեծ և ազնուականագոյն գործն է. անոր փափուկ պարտքերն ճշդիւ կատարած ատենը՝ բոլորովին աստուածապատուէր գործ ու պաշտօն մը կատարած կ'ըլլայ:

Այն կինն՝ զոր ասպականեալ քաղաքականութեան մը բարուց ու սրտի ցամաքութիւնն կը հեռացընէ ՚ի մայրութենէ, կ'իլնայ ու կը նուաստանայ. այնպիսին կամ զերի կ'ըլլայ և կամ վատահամբաւ: Քրիստոնէութիւնը երևնալով, այն աւերակներն լուսաւորեց, և այս գործը՝ կնկան վերանորոգութեամբն սկսաւ. բարձրացուց այն պատուանդանը զոր հեթանոսութիւնը խորտակիր էր. կինը՝ Աստուծոյ մը մայր ըրաւ, ու պահելով անոր սրբութիւնը, զըրկացը վրայ մանկիկ մը դրաւ: Գերագոյն ու սրտաշարժ պատկեր մը: Կոյս մը՝ որ

միանգամայն մայր է, և անով ուզեց վերանորոգեալ կնկան մը վրայ հաւատար երեցընել անմեղութեան հրապոյրքը և մայրութեան շնորհքը:



Քահանայն՝ որ մարդկութեան մէջէն առնուած, Աստուծոյ ու մարդկան սրտացոնեաց է, յանուն Աստուծոյ ու մարդկային ազգին բարեբաստութեանը համար կազմուած գերդաստանին մէջ հարկ է որ ունենայ իր գործն ու փրկարար սաշտօնը: Սակայն իրմէն առաջ, մանաւանդ թէ իր խօսքն ու գործը արդիւնաւոր ընելու համար՝ իրեն գործակից է մայրը:

Իրմէ կը կախուի գերդաստանին ամբողջ ապագայն. ու թէ որ իւր սիրտը առաքինի կամ ապականեալ ըլլայ, անոր համեմատ խունկը անուշահոտ պիտի բուրէ խորանին վրայ:

Մայրն է դարձեալ գերդաստանին հոն-գերձելոյն քահանայն:

Երկիւզի ու տարակուսանաց ժամանակ հարկ է որ զգալի ըլլայ կնկան խորհրդական ազգեցութիւնը: Իր գործն բարի կամ

զէշ կրնայ ըլլալ, բայց միշտ որոշիչ գործ մը:

Առջի առեւտները չէին համարձակեր ուղղակի ու գործունեաց մասն մը յանձնել կնոջ՝ ի դաստիարակութեան: Միայն հայրը իր վրայ կ'առնուր այդ խնամքը, շատ շատ թոյլ տրուած էր կնոջ օգնական ըլլալ հեռուէն, հնազանդելով անոր հրամանացը: Ինքը մայրն էր տղուն առջի խնամքներն տուող, անոր առաջին քայլերուն վրայ հսկող. սակայն ճանչցուած չէր թէ իրաւունք ունենայ նաև անոր սիրտն ալ կազմելու. անբաւական կը համարէին զինքն առ այդ: Գաստիարակութիւնն՝ հօր բացարձակ գործն էր. ինքն այդ գործին զբաղէր կամ ոչ՝ կնիկն հրաման չունէր անոր պակասութիւնն կամ անհոգութիւնը զարմանել:

Սակայն այն ժամանակներն՝ հօր մը զբւխաւոր պարապմունքը աւելի իր տանը և ընտանեաց մէջ էին. ապահով ու սիրտը հանգիստ՝ իր նիւթական պիտոյիցը նկատմամբ, ընտանեաց բարոյական պիտոյքն հոգալէն չէր դադրեր. գաստիարակութիւնն՝ իրեն համար կարևոր գործ մըն էր. ապագային համար այնպիսի կարևոր գործ մը՝ որուն առջև ամէն ընկերական պահանջմունք կը ըլլէին: Հայր էր, և բոլոր

րովին ինքզինքը նուիրած հայրութեան խը-
նամոցը:

Քայց այս խօսքերը՝ բարեբաստիկ, սա-
կայն մեզմէ հեռուոր ժամանակաց համար
են. երբ նախնական բարք՝ իրենց անմեղ
սարգութեանը մէջ էին:

Իսկ այսօր նորանոր սխտոյք ամէն դա-
սակարգի վերաբերող մարդկանց վրայ
ծանրացած են. նիւթական կեանքը՝ բուռն
սահանջմունքներ ունի. ուստի և իւրաքան-
չիւր որ իրաւամբ ոչ այնչափ գոհ իր վի-
ճակին վրայ, ետեւէ է զանիկայ բարեօրե-
լու. սարտըկան է հայրը իր բազդին նուի-
րելու՝ բոլոր հանձարն ու գործունէութիւ-
նը: Ասով ստիպուած է հեռանալ իր զաւ-
կներէն, և իր տեղը բռնողն է մայրը.
բնականաբար ժառանգած է այն իշխանու-
թիւնը՝ զոր կատարելու համար հօր մը ժա-
մանակը կը սրկիսի: Ուստի հիմա մայրն է
տղուն նախնական դաստիարակը. անոր
համար իրեն պէտք է սորվեցընել առա-
ջին մանկութեան դժուարին կառավարու-
թիւնը: Գաստիարակութեան այս մասին
տրուած տեսչութենէն՝ առաջ կու գայ ըն-
կերութեան և անհատից բարեբաստու-
թիւնն կամ թշուառութիւնը:

Գաստիարակութեան մեծամեծ ու ծանր
սարտուցը առջև՝ այնչափ ընդհանուր էր

կնկան անբաւական ըլլալու կարծիքն, որ
ինքն իսկ Յենեւոն իր Աղջկանց Գաստիա-
րակաշին Կոչուած գրքին մէջ չհամարձա-
կեցաւ իր ժամանակին տիրացած կարծեա-
լը դէմ խօսիլ: Անոր համար հարկ կը սե-
պէին՝ մէկէնիմէկ դաստիարակի խնամոց
յանձնել զմանուկն: Յ. Յ. Ռուսոյ՝ որ ու-
ղեց գաստիարակութեան նոր սկզբունք մը
ստեղծել, որուն հիմն ոչ կրօնք ըլլայ և ոչ
սէր, ինքն եղաւ այս կարծեաց սալտսպան
ու գործադիր: ևւ

Այս դրութեան առջև՝ ալ կը քաշուի
մայրը, ալ չերեւնար. և անիկայ՝ որ տղուն
կեանք տուած է, որ իրեն կաթամբը սնու-
ցած է, ալ զուկին հետ վերաբերութիւն
մը չունի. անոր կրթութեան կարևոր գոր-
ծը՝ օտար ձեռաց յանձնուած է: Տխուր
սկզբունք մը, որուն ցաւալից հետեանքը
անսպակաս են: Քաղաքական մրրիկ մը վրայ
հասաւ, և անոր վերջին կայծակունքը՝ յան-
կարծ լուսաւորեցին ամենուն աչքը, և նոր
դրութեան մը կարևորութիւնը ճանչցուե-
ցաւ: Ամէնքը կը հարցընէին իրարու. « Ի՞նչ
չէնք կրնանք բարձրացընել՝ այսպէս յաւեր
ու յասպականութիւն գարձած գաշտի մը
վրայ. որպիսի շինուածներ կրնանք դնել,
փոխանակ այն հին շինուածոյ՝ զոր անխոր-
հըրգաբար արձրկուած մրրիկ մը հիմնա-
յատակ տապալեց »:

Այս ճանաչմունքը անօգուտ չեղաւ յետ-
րոպա:

Վասն զի կը տեսնենք որ անկէ ետքը
նոր գաղափարներ կը սկսին գործադրիլ՝
կրթութեան և դաստիարակութեան գոր-
ծերուն մէջ. ամէն կողմ՝ նորանոր վարժոց-
ներ կը բացուին, ուր բարեպաշտ ու եր-
կիւղած ընտանիք կրնան խրկել իրենց տը-
ղաքը, ասպակով ըլլալով թէ հանճարոյ
գանձեր ձեռք ձգելով, անարատ պիտի
սլազեն հազար անգամ աւելի պատուա-
կան գանձ մը. — անմեղութեան ու հա-
ւատոյ գանձը:



Թագուհի է մայրը. իշխանական գաւա-
դան մը ունի իր ձեռացը մէջ, և ընտանե-
կան վառարանը՝ իրեն պետութիւնն է. իր
ձեռքն է զանկիպ սիրելի ընելն: Հարկ է
ուրեմն որ սէրն ըլլայ իր քաղաքագիտու-
թեան մեծ գաղտնիքը, ինչպէս նաև պատ-
ճառ իր բոլորական անձնանուիրութեանն:
Հարկ է որ գորաւոր և ազատ ըլլայ, որ-
պէս զի կարենայ անարգել և առանց մե-
ղադրուելու՝ ուղղել միայնակ զբաստիաւ-

բակութիւն: Բացարձակ կարողութիւն մը
պէտք է իրեն. այս կարողութիւնը՝ որ ան-
հրաժեշտ է իր իշխանութեան փրկարար
աղբեցութիւնն՝ ՚ի գործ դնելու համար, ի-
րեն իրաւունքը չէ. վասն զի ինքզինքը տի-
րօջ մը յանձնած է, ու հանդիսական կեր-
պով անոր հնազանդութիւն խոստացած.
բայց լուելեայն հաւանութեամբ մը այս մա-
սին մէջ բացարձակ իշխանութիւն մը յանձ-
նուած է իրեն: Կան անանկ բարեբաստիկ
մայրեր՝ որ անախտաւ ձեռք ձգած են այս
իշխանութիւնն. բայց շատերուն համար ալ
սրջափ ծանրագնի եղած է այս հարկաւոր
իշխանութիւնն, և արդիւնք դժուարին պա-
տերազմոց: Այսպիսեաց համար հարկա-
ւոր եղած է առաջ պատերազմիլ զիտնալ,
ու ետքը զիտնալ՝ միանգամ ձեռք ձգուած
իշխանութիւնը պահել:

Սակայն Աստուած ամէն բան նախատե-
սած է. և ինչպէս մօրը յանձնած է առա-
ջին դաստիարակութեան պատասխանա-
տուութիւնը, ուղած է դարձեալ որ ուժով
զինուորի այն բաղմամբիւ արգելքներուն
դէմ, որ կրնան հակառակիլ իր դիտմանցը:
Յաղթական երևնալու համար՝ ամէն հար-
կաւոր ձիրքերն ունի կին մարդը. ունի
քաղցրութիւն, ունի հրապուրիչ բարե-
մասնութիւններ, ունի զսէր. և եթէ հասնի

օր մը յորում զրկուի իշխանութենէն, զը-
ժուարին ժամանակի մը մէջ քաջութեան
կամ ուժոյ պակասութեան հետեանք է
այդ զրկումը:

Իր կարողութիւնը պիտի յայտնուի եր-
կու մեծ ձեռնարկութեանց մէջ. և են՝ ին-
սային բարեբաստութեանը և որդւոց դաս-
տիարակութեանը: Աին մարդուն այս եր-
կու պաշտօնը մէկ նպատակի մը կը դիմէ.
այսինքն՝ աշխատիլ 'ի կատարելագործել
զմարդ դաստիարակութեամբ: Աինը մայր
է, այն գերագոյն սիրով, զոր կ'աղդէ իրեն
զուակը. անոր մէջն է՝ արդիւնարար աղ-
բիւր մը ամենայն անձնանուիրութեանց և
զոհից:

Սուրբ, գերագոյն և վսեմական սէր, ա-
ռանց որոյ չիք ինչ տեւական և մեծագործ.
բայց երբեմն ալ կոյր, ու ինչուան նաև
տղուն վնասակար սէր, երբ աննախատես
է կամ չափազանց. սէր՝ որ պէտք է կար-
գաւորութի և հնազանդ ըլլայ բանին:

Վասն զի գտնուին անանկ մայրեր՝ որ
իրենց գործոյն ու խանդաղատանաց մէջ
կ'երեւցնեն կրից մրրիկներն և նախանձա-
յուզութեան եռանդուն մտատանջութիւն-
ներ: Ար խարուին այն զգացման վրայ որ
զանոնք կ'ուղղէ. կը համարին սիրել զտը-
ղայն, մինչդեռ միայն կը սիրուին իրմէ:

Այն ամէն մարց համար՝ որ իրենց զգաց-
մամբըը չեն նախատեր զընութիւն, Աս-
տուծոյ կողմանէ խրկուած զուարթուն
մանկիկը հաստատուն խորհրդածութեանց
նիւթ մըն է. վասն զի կը քննեն անդադար,
կը սորվին ճանչնալ, կը պատեն իրենց սի-
րովը, և գերագոյն անձնանուիրութեամբ
կը սիրեն զանիկայ. բայց հարկ է որ այդ
սէրը գործունեայ ըլլայ և խոհական: Որ-
պէս զի իրենց սէրն օգտակար ըլլայ, ար-
ժան է որ նախ յստակատես ըլլայ: Յաճախ
մարց չափազանց գորովը՝ դժնդակ կու-
պաշտութեան մը կերպարանք կ'առնու. և
այդ սէրը ոչ լոկ ծաղրական է, այլ նաև
վնասակար:

Պէտք է գիտնալ սիրելը:

Տղայն դեռ չիճնած, իւր մօրը սրտին
մէջ անչափ սէր մը կը ծաւալէ: Գեռ աշ-
խարհք եկած չէ. բայց իրմով կը զօրանայ,
իրմով կը սնանի. մայրն է զինքը կերպա-
ւորողը, և զոր քիչ մը ետքը պիտի սնուցա-
նէ իր կաթմամբը:

Մայրը կը կրէ իր զուակին համար. որ-
չափ աւելի ուժովնայ զուակը, այնչափ
աւելի յաճախ և վշտագին են իրմէն առաջ
զալու կենաց ներկայութեան ցոյցերը. և
վերջապէս բաժսնումը կ'ըլլայ, բայց ա-
նանկ զժուարին ճգնաժամով մը, որ շատ

անդամ նոր ծնած տղուն որբանին քով՝
իրեն կեանք տուողին տխուր գազազը կը
դնէ: Կնոջ նոր վիճակը՝ այսպիսի դժուա-
րին ու տազնապեցուցիչ զրբի մը մէջ
կ'ըլլայ:

Աստուածային վճռոյ մը արդիւնքն է
այս:

Արդեօք սոսկ դժնդակ պատուհան մըն է
առաջին կնոջ յանցանացը փոխարէն: Սա-
կայն ուրիշ իմաստ մըն ալ սիրելի է մեզ
նկատել նոյն խսկ այս դժուարին պատու-
հասին մէջ, և աստուածային սիրոյ նոր ա-
պացոյց մը սեպել. վասն զի երբ Աստուծոյ
մէկ ձեռքը կը բարձրանայ ՚ի հարկանել,
միւսն արդէն երկընցած է յօրհնել: Մա-
նաւանդ որ՝ եթէ Աստուած չունենար իր
ծածուկ խորհուրդը, որուն համար այսչափ
դժուարին ըրած է կնոջ մայրութիւնը, նա-
խամօր յանցանքը անհաւատար կերպով
պատժած պիտի ըլլար. վասն զի մայրու-
թիւնն շատ կանանց համար խիստ դժուա-
րագնի կ'ըլլայ, մինչդեռ այլոց համար ան-
ցաւ է և անվտանգ: Եւ սակայն ամենայն
կանայք գտերք են Եւայի, ամէնքն ալ
հաւասարապէս պարտաւոր սերունդք:

Այդ ցաւը, այդ երկունքը աւելի զորա-
ւոր և զգայուն կ'ընեն զսէր. վասն զի
մարդս կենդանեաց չինմանիր, որ բնազդ-

մամբ կը գործէ յամենայնի. այլ վշտերով
ալ աւելի կը հաստատուի: Այդ դժուարա-
տագնապ ցաւերը՝ մարդկութեան վրայ
խանդաղատող Աստուծոյ մը կողմանէ՝ մօր
ու որդւոյն մէջ գրած աւելի յօդակապ մըն
են. նոր վկայութիւն մը և հաւաստիք աս-
տուածային նախախնամութեան: Արդէն
այլ և այլ կապերով միացած են իրարու
հետ. տղան իր գոյութիւնն է, մայրը ա-
նոր կեանքը: Դեռ զտղան չձանչցած, ա-
ռանց զինքը դէմ յանդիման տեսնելու,
արդէն մայրը սպրած է անոր հետ:

Այն ատենէն՝ ամենէն աւելի դժուարին
զոհերը սկսած են մօր մը համար ընտանե-
նալ: Կը սիրէ զինքը. և այս խօսքը միայն
բաւական է բացատրելու անոր գերագոյն
անձնանուիրութեան չափը:

Մայրութեան հետ մէկտեղ կու գայ սէ-
րը. սիրոյն հետ՝ զանիկայ լուսաւորող
բնազդմունքը: Մայրը վախկոտ ու նախա-
տես կ'ըլլայ, վասն զի վախն ու նախատե-
սութիւնը կը ցուցնեն իրեն այն վտանգ-
ներն՝ յորոց արժան է որ խուսէ: Կը հաս-
կընայ իր պարտքերը, և առանց տրտնջե-
լու կը հպատակի անոնց: Պէտք է իրեն ա-
մէն բան զոհել, ամէն բան մոռնալ, հա-
ճօքը, նախամեծար համարած պարապ-
մունքը, մարմնոյ կրթութիւններն. վասն զի

մայրութիւնն՝ հանգիստ կը պահանջէ . հարկ է որ ամէն բանէ քաջութի՛ առանձնանայ : Բայց այս զրկումներն՝ իրեն յաջքին բան մը չեն երեւար, եթէ զանոնք մտադիւրութեամբ իր վրայ առնող մայրութիւնը գեղեցիկ վարձատրութիւն մը սեպէ : Եւ առանդուն խանդաղատանաց փոխադարձ սիրոյ :

Սակայն եթէ սէրը պակաս է, եթէ զուգահեցայ մէջ ցրտութիւն կայ, ցուրտ պիտի ըլլայ նաև անոր բոյնը . այն պզտի արարածին վրայ՝ պիտի պակսի նախահոգութիւն և նախազգուշութիւն . յաճախ զանգատներ և քրթմնջանք պիտի լսուին այն նեղութեանց համար, որոց՝ խեղճ մանկիկը, տկամայ պատճառ է . ճգնաժամէն վախնալ մը, անգաղար երկիւղ ու լքում մը :

Ո՛րչափ դժնգակ է այսպիսի արտասուակից մայրութեան մը տեսարանը . սրչափ տխուր նախազգեցութիւն մը ապագային առջև : Վասն զի կինը՝ միայն ան ատեն ճշմարիտ մայր է, երբ սրտի մայրութիւնը կ'իմանայ : Երբ մայրենի աղիք կ'ընդարձակուին, ու կը պահպանեն՝ սիրոյ այն դանձը, սիրտն ալ կ'ընդարձակուի զանկիկայ ընդունելու : Որպէս զի մայրը սիրէ, ինչպէս ճշմարիտ մայր մը կրնայ սիրել, պէտք է որ անգաղար նուիրէ ինքզինքն ,

պէտք է որ սիրտը միշտ ուրախ ըլլայ : Ամէն անձնանուիրութիւն անկէ առաջ կուգայ . հոգին կը դնէ իր կամքն մարմնոյն, և անոր առջև՝ թէպէտև մարմինը նեղութեամբ տաղնապի, այլ կը լռէ ու կը հնազանդի . կը մոռնայ այն դառնադառն ցաւերը, և յօժարամիտ է իր կողմանէ՝ ամէն հաճոյքէ զրկուիլ և առ ամենայն զոհ . կը խոնարհի հողւոյն ամենակարող կամացն առջև :

Հոգին է ուրեմն եռանդուն վառարան մը, յորում կը բորբոքի մայրենի սէրը :

Միայն բնազդմամբ շարժող կենդանիք՝ լոկ վաղանցուկ ու առժամանակեայ սէր մը կը ճանչնան . մարդս եւեթ կրնայ անչափ սիրով մը սիրել, ինքն միայն ունի սփոփական յոյս մը այնպիսի սիրոյ՝ որ կը սկսի յերկրի և կը շարունակուի յերկինս . յաւիտենականութեան մէջ ալ տեական սիրոյ մը յոյսն ունի :

Թ

Խանդաղատանքէն առաջ կուգայ սուրբ և անարատ անձնանուիրութիւն մը. պէտք է որ նոյն խանդաղատանաց արգասիք ըլլայ՝ մայրութեան յատուկ խոհականութիւն մը: Մայրը գոհ չըլլար սիրելով ու յառաջուց խանդաղատելով անհամբերաբար այն արարածին վրայ, որ քիչ ատենէն պիտի երևնայ. արդէն սկսած է գործել, սկսած է զգալ և գործունեայ արթնութեամբ հըսկել դեռ չձնած տղուն վրայ:

Խորհրդաւոր գործողութիւն մըն է ասիկայ, որուն աղբեցութիւնը անկարելի է տարակուսի տակ ձգել: Եւ յիրաւի, անտարակոյս է թէ այն բնական զգացողութիւններն՝ որոնք մօրը վրայ այլ և այլ աղբեցութիւններ կ'ընեն յուրթեանը ժամանակ, ուղղակի աղբեցութիւն մը ունին նաև տղուն վրայ: Ուստի պէտք է որ մայրն զգուշանայ ինքնիրեն, չափ պահէ ամէն բանի մէջ, և ետ կենայ որ և իցէ բանէ որ կրնան ձախորդ հետեանք մը ունենալ. այլ մանաւանդ ջանայ տեղիք տալ քաղցր զպայմանց, հաճոյական աղբեցութեանց և

զեղեցիկ տեսարաններու: Վասն զի բարեբաստիկ կամ չարագուշակ հետեանքներ կրնան ունենալ ասոնք, եթէ ուզենանք նկատել այն ներքին յարաբերութիւններն՝ որ կան 'ի մէջ մօր և տղուն:

Բոլորովին բնական դէպք մը, հաճոյք մը, չգործադրուած փափաք մը՝ բաւական կ'ըլլան տգեղայնել այն պզտի արարածը. տպաւորելով անոր դէմքին կամ անոր փափուկ մարմնոյն վրայ՝ անեղծ նշան մը. և այն նշանը կը մնայ՝ իբրև նիւթական բացատրութիւն մը՝ մօրը ծածուկ փափաքանացը: Տխուր տեսարան մը, ցաւալից տպաւորութիւն մը, անակնկալ վախ մը, կ'ունենան իրենց ազդեցութիւնը մանկան վրայ. և այս սրտի յուզումը՝ երբեմն այնչափ զօրաւոր կ'ըլլայ որ ինչուան տղուն մահը կը պատճառէ. և անանկով անխոհեմ կամ թշուառ մայրը՝ դիակ մը աշխարհք կը բերէ:

Ար պատմեն թէ անգլիացի կին մը ծովով ճանապարհորդելու ատեն՝ մրրկի մը ժամանակ տեսաւ նաւաստիներուն մէկուն ծովն իյնալը. կինը վախէն աղաղակեց, և երկու ձեռուրներովը երեսը գոցելով անզգայ ինկաւ: Իր առջի զաւակովն յղի էր այդ կինը. և ծնած տղան՝ բոլոր կենացը մէջ ջրային այնպիսի ցնցմունք ունեցաւ,

որ բժշկաց ամէն խնամքովն ալ չկրցաւ օգուտ մը տեսնել: Տասուերկու տարեկան եղած ատեն, ճակտին վրայ՝ ճիշդ այն տեղը ուր ահաբեկ մայրը դողդոջուն ձեռքերը դրեր էր, տղուն բոլոր մաղերը արդէն ճերմակեր էին:

Ուրիշ կնկան մը համար ալ կը պատմեն թէ այսպիսի դժնդակ տպաւորութեան մը զոհ եղած ըլլայ: Ասիկայ Գաղղիոյ Մոնպուր քաղաքն կը բնակէր, և սովորութիւն ըրած էր իր յղութեանը ժամանակ ամէն առաւօտ ժամ մը շրջագայիլ Պիւֆֆոնի առունը կրող պարտիզին մէջ: Երէ՛ց փակարանին մէջ մտնելով, հարկ էր որ երկրթի դառագողի մը առջևէն անցնի, ուր մեծ կապիկ մը կապուած էր: Ամէն անգամ այն կենդանին տեսնելուն՝ անախորժ կերպով գլուխը կը դարձնէր. բայց այդ տղեղ կերպարանքն այնչափ ազդեցութիւն ըրաւ վրան, որ ծնած տղուն երեսին վրայ նոյն անգեղեայ դաղանին նմանութիւնը կը տեսնուէր:

Ուրիշ բազմաթիւ օրինակներ պակաս չեն ցուցնելու համար մօր մը ընդունած տպաւորութեանց բնական հետեանքն ու ազդեցութիւնը տղայոց վրայ:

Բայց եթէ մայր մը իր անխոհմտութեամբն կամ անզգուշութեամբ կրնայ տը-

գեղացընել իր զաւակը, ինչպէս կրնանք զլանալ նաև 'ի հակառակէն ունեցած իշխանութիւնը: Հարկ է խոստովանիլ որ եթէ մայրը կրնայ զաւակին մարմինը տգեղացընել, ունի նաև զօրութիւն զանիկայ գեղեցկացընելու:

Այս վախճանիս հասնելու համար՝ մասնաւոր մտադրութեամբ հեռու պիտի կենայ տխուր տեսարաններէ, անախորժ տըպաւորութիւններէ, ու պիտի փնտռէ քաղցրիկ տպաւորութիւններ և հաճոյական տեսարաններ: Հարկ է որ գեղեցիկն սէրը տպաւորուի իր սրտին մէջ:

Այլուոր պատկերներ, գեղադէմարձաններ դրուին իր առջևը, և փոխանակ իր ախորժակն խանգարելու այնպիսի նկարազիրներով՝ որ կրնան մեծ ազդեցութիւն ունենալ նաև զաւակին կերպարանացը և ասպագային վրայ, արժան է որ մօր մը երևակայութիւնը սնանի գեղեցիկ գաղափարներով, և հին ժամանակաց հանճարներուն մեղի ձգած վսեմ օրինակներով:

Մեծ է անոնց ազդեցութիւնն ու ձեռնտուութիւնը 'ի կատարելագործել իր գործը: Պէ՛շ գաղափարով՝ քանդակագործ կամ նկարիչ մը չեն կրնար իրենց արուեստին մէջ ընտիր գործ մը արտադրել. իսկ եթէ գեղեցիկ օրինակ մը ունենան առջևնին,

կ'աշխատի իրենց միտքը ու եռանդնին կը բորբոքի:

Եւրոպայի այլ և այլ գլխաւոր քաղաքաց մէջ արդէն տիրող սովորութիւն մը, փափաքելի է որ արեւելք ալ հաստատուի. 'ի ծննդենէ կամ այլ և այլ զիպուածներով պակասաւոր մնացող մարդիկը չթողուլ որ փողոցներուն մէջ երևնան: Տարակոյս չկայ որ հասարակաց կարեկցութեան արժանաւոր են անոնք. պէտք է անոնց օգնել, անոնց վիճակը քաղցրացընելու ամէն միջոցները բանեցընել. սակայն ահա բեկելու ենք այն տպաւորութենէն՝ որուն կրնան իրենք անյանց պատճառներ ըլլալ: Վասն զի կրնայ հանդիպիլ, ինչպէս յառաջագոյն յիշատակեցինք, որ մօր մը մէկ նայուածքը, ընդունած մէկ տպաւորութիւնը պատճառ ըլլայ՝ որ այդ թշուառ արարածն իր մէկ նմանը երեցընէ աշխարհիս վրայ:

Հիմակուան սերունդը՝ հիներուն նման զօրաւոր ու գեղեցիկ չեն: Հնոց գանկերն ու ոսկրոտիքը զմեզ կը զարմացընեն. գործածած զէնքերնին վիպք են անոնց զօրութեանն և ուժոյն. և այսօր չենք կրնար գտնել այնպիսի բազուկն եր' որ անոնց գործածած հսկայական սուրերը կարենան վերցընել: Ուստի տկարագոյն ենք քան զհարս մեր. ինչպէս անոնք ալ իրեն հայ-

րերէն: Կոյն յեզրափոխութիւնը կրած է նաև գեղեցկութիւնը: Սերնդոց՝ կամաց կամաց իրենց գեղը կորսնցընելը անուրանալի է. բնական գեղեցկութիւնն տակաւ կ'այլայլի, և կերպարանք կը սկսին իրենց ներդաշնակութիւնն ու շնորհքը կորսընցընել:

Ինչէն առաջ կու գայ սերնդոց այս տակաւ տկարանալը: Տարակոյս չկայ որ այս երևոյթս՝ ունի իր բնական ու բարոյական պատճառներն, և որոց մէջ յետին պէտք չէ սեպել սովորութեանց և բարուց այլայլութիւնը, որ անդագար կը փոփոխուին, և անոնց յաճախ կերպարանափոխութեանց պատճառը հաճոյք են: Ֆենելոն՝ իր ժամանակին կը գանգատէր այս յեղյեղուկ նորածնութեանց և բարուց վրայ. և խորհուրդ կուտար կանանց՝ Հնոց սովորութեանցը դառնալ: Իսկ մեր օրերը անոնք անդագար յեզրափոխութեանց մէջ են. և որոց կանոն ախորժակը չէ, այլ ամենէն սուելի արտառոց նորածնութիւններ, որոնք շատ անգամ ոչ լոկ ծիծաղական՝ այլ նաև վնասակար ալ են: Վասն զի այն նեղ ու մարմնոյն անյատուկ զգեստներն, որ կը ճնշեն կամ կը տգեղացընեն, օրուան նորածնութեանը համեմատ, վնասակար են առողջութեան. և անոնց տեսիլը ապակա-

նարար է ակործակի. և կրնայ իր տխուր հետեւանքն ունենալ այն կնկան վրայ՝ որ քիչ ատենէն մայր ըլլալու կը պատրաստուի:

Նորոք Հռովմայեցի հին մայրերը փորոնէն կ'անցնէին՝ Արիսեան հրապարակին կամ կրկէսն երթալու, ճամբուն վրայ կը հանգիպէին պարզ՝ բայց շնորհաշուք զգեստներ հազնող պատերազմողաց, որոնք ճորտաճեմ կը քալէին՝ մարտից մէջ վասաւելուած գափնիգեայ պսակներով, և շնորհալից կերպով մը բառնալով իրենց ծանր գէնքերը. այն գլխանոցներն ու այն զրահները՝ կը զարդարէին անոնց մարմինը, առանց յոգնեցընելու:

Զանոնք պարծանօք և ուրախութեամբ նկատող հռովմայեցի մայրը, կ'ըսէր ինքն իրեն. « Իմ զաւակս ալ օր մը ասոնց կորովն ու գեղեցկութիւնը պիտի ունենայ »:

Կը տեսնէր գեղազէմ կանայք, երկայն ասուեսայ զգեստներ հագած, անոնց ինչուան՝ ի գետին երկայնեալ սպիտակ պատմուճանին ծալքերը: Վայրիկ մը կանգ կ'առնուր զանոնք նկատելու. և անոնց վրայէն երկար ատեն անբաժան ունենալով իր աչքերը, « Իմ աղջիկս ալ, կ'ըսէր, մէկ օր մը անոնց շնորհքն ու գեղեցկութիւնը պիտի ունենայ »:



Մանուկն՝ որուն վրայ այնչափ ազդեցութիւն ունեցաւ մայրը իր սրտովն, երեւակայութեամբ ու կամքով, կամաց կամաց կը սկսի ուժովնալ. ու նեղ գալով իրեն այն բանտը ուր արգելուած է՝ կը փափաքի տեսնել զյոյս:

Այս ճգնաժամին ատենը կը մօտենայ:

Այն պզտի արարածին անհամբերութիւնն կը սկսի ալ աւելի յայտնի ըլլալ, ցաւալից՝ բայց միանգամայն մօր մը համար իրեն քաղցրութիւնն ունեցող այլայլութեամբք:

Ամենայն ինչ ՚ի կարգի և պատրաստ է այն նոր հիւրն ընդունելու:

Որրանը, այն փոքրիկ բոյնը, ուր պիտի կատարուի իր կենաց երկրորդ չըջանը, արդէն զարգարուած է: Նոյն իսկ նորահաս մայրը իր երկանց ու ցաւոցը մէջ ուրախութեամբ և յուսով կը զարժընէ իր աչուըններն այն գեռ պարապ որրանին վրայ:

Որրան... որչափ մեծ է այս բառին նշանակութիւնը. վասն զի միանգամայն կը նշա-

նակէ յոյս, ապագայ և սկզբնաւորութիւն. և ինչպէս կ'ըսենք որրան ընկերութեան, որրան հայրենեաց և պետութեան, նոյն սիրով և յուսով կ'ըսենք նաև որրան մանկութեան:

Որրանին ուրախ ներկայութիւնը կը խաղաղէ մայրական սրտին անհանգարտութիւններն, կ'ազդէ իրեն զյոյս:

Վերջապէս կ'ազատի մայրը. իր ցաւոց և վշտացը մէջ չորս կողմը գտնուող բարեկամաց մխիթարական ձայները լսելի կ'ըլլան իրեն, որոնք կ'իմացընեն զաւակի տէր ըլլալը:

Ո՛հ, ինչո՛ւ մարդու սրտին մէջ այնպէս խորունկ տպաւորուած չէ այս մեծ օրուան յիշատակը, յորում մայրը դժնգակ ցաւերով իր քովը սպասողներուն կը յանձնէ վշտալից բեռը:

Եւ սակայն՝ պէտք է որ երբեմն յիշէ մարդ այն ցաւերն՝ սրտնց ինքը պատճառեղած է: Դատերը իրենց մօրը վախճանէն ետքն ալ ըսիկ և խորհրդազգած արտասուօք կը թրջեն նորահաս կնոջ մը պատկերը, և կը բազդատեն զայն սիրելի յիշատակի մը հետ՝ որ անջինջ տպաւորուած է իրենց սրտին մէջ:

Սոյն իրենց մօրը պատկերն է. սակայն ի՛նչ տարբերութիւն, և որպիսի փոփոխութիւն:

Սոյն նկարազրին մէջ դեռ երիտասարդ է իրենց մայրը. զարգարուած շնորհօք և առողջութեամբ. պայծառ ու վճիտ են իր աչքերը, և կիսաբաց ժմտեալ չրթունքը՝ կարծես անբաւական են իր ներքին ուրախութիւնն ծածկելու: Իսկ իր ճանչցած մայրը, այն մայրը զոր սիրեր է, որուն խանդակաթ համբոյրներն ընդունած, բուրովին թալկացեալ է դիմօք. երեսին գեղեցկութիւնը նուազեալ, աչացը մէջ կը նկատուի՝ հոգած սիրտ մը, բերանը ոչ ևս կը շարժի ՚ի ծագը:

Որչափ տարբեր են իրարմէ այս երկու պատկերներն:

Եւ սակայն մի և նոյն անձն է. միայն պատկերին մէջ երեցողը՝ տուն եկած է նոր կազմուելու գերդաստանին զուարթութիւնն ըլլալու. իսկ այն հաւատարիմ՝ սրտին մէջ որ այդ անգարմանելի կորուստը կ'ողբայ, մայրենի խնամքէն պարտասեալ մայր մըն է: Մայրութիւնը անհետ ըրած է իր գեղեցկութիւնը, իր նորահաս երիտասարդութիւնը. այն սակաւատե առուզութեան վրայ՝ թանձր մշուշ մը տարածած է:

Մերթ կինը իր գեղեցկութենէն աւելի բան մըն ալ վրայ տալու ստիպուած է: Վասն զի ոչ լոկ իր գեղեցկութիւնն, առու-

գութիւնը, երիտասարդութիւնը կը զոհէ մայրութեան, այլ նաև առողջութիւնն՝ և ինչուան իր կեանքը:

Ո՛վ որդիք, սիրեցէք ձեր մայրերը. վասն զի ձեզմով ու ձեզի համար շատ կրեցին: Ինչ ալ ընելու ըլլաք, քիչ է անոնց ցուցըցած խնամոցն համեմատ: Մնոնց ձեզի համար ըրած զոհերը անչափ են, և դուք ոչ երբէք կարող պիտի ըլլաք արժանաւոր հատուցմունք մը ընել անոնց խնամոցը. որչափ ալ մեծ ըլլայ ձեր անձնանուիրութիւնն, որչափ ալ եռանդուն ձեր երախտագիտութիւնը, միշտ պարտըկան պիտի մնաք անոնց: Սիրեցէք զանոնք, մտիկ ըրէք իրենց. վախնալով որ չըլլայ թէ իրենց վիշտ պատճառէք. ձեր հպատակութիւնն ու սէրը՝ անոնց ամենէն աւելի քաղցր ուրախութիւնն և հատուցմունքը պիտի ըլլայ:

Ա՛հ, եթէ զիտնալու ըլլայիք թէ որչափ աշխատանք, խնամք ու հիւանդութիւններ ունեցեր են ձեզի համար, անշուշտ անոնց նորանոր վշտերու առիթ տալէն մեծապէս պիտի զգուշանայիք:

Այո՛, հիմա որ կը հասկընաք, հիմա անցեալ կենաց սխալմունքներուն վրայ կը ցաւիք, ու կը փափաքիք ամէն սէր իրենց փոխարինել, անոնք թերևս արդէն հեռացած են ձեզմէ. այդ խնամող

հրեշտակներն՝ թողուցեր են զձեզ, և դուք ՚ի զուր կ'ողբաք այդ սպերախառութիւնը:

Զաւկին ծնունդը՝ մօր մը համար առաջին հատուցումն է. իր ճակտին վրայ արդէն կը փայլի սպակ մը. դաստիարակութեան առաջին քայլն առած կը սեպուի: Իր սըրտին մէջ ամիտօրուած գործըց ու խանդաղատանաց զեղման ատենն հասած է. սիրոյ զգացումը ընդարձակուած է:

Սակայն լոկ մարդուս յատուկ առանձնաշնորհութիւն մը չէ ասիկայ: Այս մայրենի խանդաղատանքը գրեթէ նոյն չափով կը տեսնուի նաև ամէն էգ կենդանեաց վրայ: Անոնք ալ ունին սիրոյ բնազդումը. անոնք ալ կը ցուցնեն գերագոյն անձնանուիրութիւն մը. անոնք ալ կը պաշտպանեն իրենց պղտիկներն, և ամենէն աւելի տկարներն անգամ իրենց կեանքը կը դնեն անոնց վրայ. և կ'արտասուեն՝ եթէ անգութ ձեռք մը զանոնք իրենցմէ յափըշտակէ:

Ասոր մէջ ալ կը փայլի աստուածային իմաստուն նախագիտութիւն մը: Եթէ գերագոյն բնութիւն ունեցող արարածոց վրայ նկատենք, ինչպէս մարդուս, կամ ուրիշ կենդանեաց՝ որ նկատմամբ իրենցմէ աւելի ստորիններուն առաւելութիւն մը ունին, կը տեսնենք զանոնք ալ զոհի բնազդ-

ման ենթակայ: Իրենց զաւակաց թիւը չափաւոր ըլլալով, անոնց պահպանութիւնը պատուական է. ուստի պէտք է որ խնամուին, պահպանուին ու պաշտպանուին: Սէրը կը հսկէ. սէրն իր վրայ կ'առնու այս խնամքը:

Իսկ եթէ ստորին կենդանեաց վրայ նկատենք, սիրոյ տեղ կը գտնենք բազմութիւն սերնդեան, ու կատարելութիւն մը անոնց վրայ, իրենց ծննդեան վայրկենէն: Այս զանազան միջոցներով բնութիւնն իր նպատակին կը հասնի, սերունդը կը պահպանուին, և տեսակը կը շարունակուին:

Բայց կինը գերազոյն է քան զամենեւին՝ իր սիրոյն շարունակութեամբը: Թէպէտ և զաւակին պէտքերը զազրին, զեռսէրը կը շարունակէ. մանաւանդ թէ ժամանակաւ աւելի ոյժ մը կ'առնու. պէտք է որ մօր մը սիրտը զազրի բաբախելէն, որպէս զի զազարի սիրելէն:

Իսկ ընդհակառակն կենդանեաց վրայ կը տեսնենք որ այն սէրը, այն գորովը մէկէնիմէկ կը զազրի: Երբ ձագերը կ'ուժովնան, երբ առանց մօր խնամոց կարօտ ըլլալու կը սկսին իրենց ուտելիքը ճարել, մայրերնին կը վերնտէ զիրենք. անոնք ալ կ'անհետանան անատոնբոս մէջ, կամ կը ցրուին գաշտերու վրայ. ալ զանոնք կը

մուռնան ծնողք, ու քիչ ատենէն և ոչ իսկ կը ճանչնան: Մանաւանդ թէ երբ կը տեսնէ թէ ձագին թևերն սկսած են բուսնիլ, կամ ոյժը բաւական է զինքը պաշտպանելու. և չուզեր՝ կամ դժուարութիւն կը ցուցընէ բունէն հեռանալու, մայրը կ'իմացընէ իրեն թէ զատուելու ժամանակն հասած է. և եթէ հարկ սեպէ՝ անգթութեամբ կը վերնտէ զինքը իր կտցովն կամ սկուաներովը:

Եթէ այսպէս չըլլար, մարդուս կենդանեաց վրայ ունեցած իշխանութիւնը վտանգի մէջ կ'իյնար:

Յեղով առաջ գնացող կենդանեաց մէջ ալ կը տեսնենք որ մայրը երեսի վրայ կը ձգէ իր ձագերը. առաջին հասակին տկարութեանը հետ կը զազրի սէրը: Գերդաստանի զգացմունքն անձանօթ է՝ ինչպէս վիթխարի փղերուն, ասանկ ալ թեթևաշարժ այծեմանց. ինչպէս մեղուաց խմբին՝ այսպէս ալ հնարագէտ մըջմանց: Արտուած չէ ուղած՝ որ մարդկային իշխանութեան նախանձորդ՝ ուրիշ իշխանութիւն մըն ալ գանուի. վասն զի այս վերջինիս միայն յատուկ է երկրի վրայ իշխել:

Ընկերութեամբ ապրող կենդանիք՝ իրարու հետ կը միաբանին բնութեան բնազդմամբ մը, կամ իրենց պահպանութեան պիտոյիցն համար, կամ իրենց տկարու-

թեան զգացմամբը. բայց իրարու համար օտարը են. չկայ անոնց մէջ ոչ հայր, ոչ մայր, ոչ զաւկըներ և ոչ սէր: Կ'սպրին իրարու մօտ, բայց ոչ միացեալ:

Գերդաստանը՝ միայն մարդկութեան մէջ կը գտնուի, ինչպէս նաև մարդկան յատուկ սէրը՝ որ բոլորովին տարբեր է 'ի բնազդմանէ առաջ եկած սիրոյ. ստիկայ գերազոյն բնութիւն ունեցող արարածոյ մը պահուած առանձնաշնորհութիւն է:

Բարի մայր մը, նախախնամութեան գերազանց պարգև մըն է. անիկայ կը ճանչնայ Աստուծոյ օրէնքը, և կը հսկէ անդադար անոնց ճիշդ պահպանութեանը. Աստուած կը հրամայէ. մայրը գործադրել կուտայ: Բարի մայրը գիտէ մտադիւրութեամբ անսալ սիրոյ ամեն խանդաղատանացը. բայց նոյն ժամանակին մէջ բանականութեան ամէն նախատեսութիւնն ունի:

Կը նայի զաւկին վրայ, ու մտածելով՝ անոր ասպագայն՝ կ'աշխատի անոր յառաջադիմութեանը: Ուրախ ու բարեբաստիկ է, վստահ ըլլալով իրեն տուած տղայն գեղեցիկ է, առողջ ու բարեկազմ. կամ գէթ ինքն անանկ կը կարծէ, երբ փախուկ ձեռքերովը որբանին վրայի ծածկոցը մէկդի կ'առնու, ու խանդաղատանօք կը նայի նորածնին վրայ: Կը նայի անոր վրայ սի-

րով, և անհամբեր ու հետաքնին՝ անոր ասպագայն կ'ուզէ խմանալ:

« Ի՞նչ պիտի ըլլայ » կը հարցընէ ինքն իրեն:

Այո՛, ինչ պիտի ըլլայ մէկ օր մը:

Այդ խեղճ, այդ տկար արարածը, որուն վրայ ոչ կամբի ոյժ կը տեսնուի և ոչ գործելու կարողութիւն, ինչ պիտի ըլլայ օր մը ո՛վ մայր: Այդ պզտի հոգին՝ որ հազիւ մեկնած է այն տեղէն ուր կենաց կը սպասէր, ինչ պիտի ըլլայ:

Որպիտի դրոշմն ու նշանակ պիտի պարգևես իրեն:

Պատասխան տուր, ո՛վ մայր, որ մտադիւրութեամբ և ուշի ուշով կը նայիս տղուդ որբանին վրայ: Այդ մանկիկը, որուն տեսքը իրաւամբ կ'ուրախացընէ քու սիրտը, պիտի ըլլայ օր մը պատիւ իր գերդաստանին, փառք իր հայրենեացը. թէ արդեօք ընդ հակառակն նախատինք ու արհամարհանք թէ մէկին և թէ մէկալին: Այդ մանկիկը՝ որուն վրայ իրաւամբ կը խանդաղատիս, պիտի ստիպու՞ գրեզ արդեօք օր մը, ո՛վ մայր, դառնապէս արտասուել անոր ծննդեան ժամը: Իր ճակատը՝ մաքուր և սուրբ կերպով պիտի նկատե՞ արդեօք դերկինս, եթէ նուաստացած ու անպատիւ պիտի դարձընէ իր աչքերը եր-

կրիս վրայ: Այդ պզտի սիրտը՝ որ հազիւ կը բաբախէ, պիտի սիրէ մէկ օր մը իրեն տրուած դաստիարակութեան համեմատ՝ պիտի սիրէ զբարին, կամ հետեւի չարին. պիտի գործածէ իր աղատութիւնը՝ ընտրելով Աստուծոյ սէրը, կամ երկրաւոր հաճոյից սէրը: Որրանին ու գերեզմանին մէջ եղած միջոցը՝ կարճ է այն մանկան համար, որուն դեռ խելքը չհասնիր. բայց գործող մարդուն համար՝ անսահման է այդ միջոցը: Ի՞նչպէս արդեօք պիտի լմնցընէ այդ ընթացքը, ո՞վ մայր. այդ փոքրիկ մանուկը, որ քու մայրական քաղցր ակնարկիդ առջև կը նիրհէ քաղցրութեամբ:

Այն օրը՝ յորում քու մանուկդ տւազանին շնորհքովը կը սրբուի, երբ մկրտութենէն անմիջապէս ետքը գիրկդ առնելով՝ քու սիրոյ համբոյրդ ջերմագին կը տպաւորես անոր երեսին վրայ, քանի սաստիկ պիտի ըլլայ քու սարսափդ՝ երբ անոր դեռ անմեղ ու փափուկ ճակտին վրայ քանդակուած գտնես այս սոսկալի բռտերը. « Անօրէն, ամբարիշտ, սպանող, գող, հայրասպան... »

Ա՛հ, որչափ դառն են մօր մը համար այս խօսքերն լսելը, սակայն ամէն օր մեր աչքին առջև այս յանցանքները կը գործուին. վագերք կամ գաղանները չեն որ բանտերը

կը լեցընեն, կամ ինչուան կախաղանի մը վրայ կ'իւլեն: Մնոնց ամենուն ալ տրուած է երկրիս վրայ մայր մը, ու հայր մը յերկինս. անոնք ամէնքն ալ երկնքի մը համար ստեղծուած են, և վրանին անմահական ակնկալութիւններ կային... Ամենուն սիրտը հաւասարապէս սուրբ և մաքուր ելած է Աստուծոյ ձեռքէն:

Դաստիարակութեան միակ գործն է անոր բարեկարգ ուղղութեանը վրայ հսկել:

Կը հրահանգէ զմարդ վասն երկնից. բայց ի նմին ժամանակի կը սորվեցընէ նաև կենաց պարտքերը. և միայն այն ուսմամբ կ'ուղղէ, կը բարձրացընէ կամ կը խոնարհեցընէ ընկերութեան արժանեաց հաւասարութիւնը:

ԳԼՈՒԽ ԵՐԿՐՈՐԳ



Ռաստիարակութեան գործն սկսելու համար՝ պէտք չէ որ մայրը վայրկեան մը կորսնցընէ: Ա՛րչափ շատ են սորվելու նիւթերը, և քանի արագաստ հմարդուս կենաց ժամերը:

Այս ճշմարտութիւնը գիտնալով, արժան է որ մայրը ամէն բանէ առաջ աղէկ ճանչնայ ժամանակին յարգը, և գիտնայ օգտակար կերպով գործածել զայն:

Այս նպատակին հասնելու համար՝ ամենահարկաւոր է իրեն կարգաւորութեան հոգին (esprit de l'ordre).

Արժան է որ տունը բարեկարգ վիճակի մէջ գտնուի, և իր սղտի կառավարութիւն

նը հնազանդ ըլլայ քաղցր՝ բայց միանգամայն հաստատուն հրահանգի։ Ամէն բան յառաջագոյն կարգի դրուած ըլլայ, ամենայն ինչ իր որոշեալ ժամն ունենայ։

Այն պզտի կառավարութեան, այն տանը տէրն ու հոգին է կինը։ Վասն զի ամէն բանի սկիզբը իրմէ պիտի ըլլայ, ամենայն ինչ անոր կամբովը պիտի շարժի. ծառայք՝ պէտք է որ իրեն հնազանդին անյապաղ, և առանց ստիպելու զինքը որ հրամանը կրկնէ. բայց ինքն ալ չըլլայ դատարկասուն իշխող մը՝ այն աշխատասէր փեթակին մէջ։

Գերդաստանի մէջ իւրաքանչիւր ոք իր գործն ունի։

Հայրը կը հրամայէ, տղայք կը հնազանդին, մայրը միջնորդ իշխանութիւն մըն է, պաշտօնեայ մը. ինքը կարգ և կանոն կը դնէ, և ինք գիտէ զանոնք քաղցրացընել. ինքն արձագանգ է իշխելոց իրաւացի գանգատանացը, և գիտէ զանոնք լսելի և ընդունելի ընել։ Բայց իր գլխաւոր գործը տղուն գաստիարակութիւնն է։ Հոն ինքն է տէրը, և իր գերագոյն իշխանութիւնը կը բանեցընէ այն ամէն բաներուն մէջ որ տընական ներքին կառավարութեան կը վերաբերին։ Յիրաւի երկրորդ է տան մէջ, բայց ամէն հրաման իրմով և իր միջոցովը կը տրուի։

Իր իշխանութեան ազատ գործածութիւնը սպառնալիւ համար՝ պէտք է որ տան մէջ բացարձակ կարգաւորութիւն մը դնելու ետեւէ ըլլայ։ Այսով իր յանդիմանութեանց առիթները կը պակասին, հսկողութիւնը աւելի քիչ բաներու վրայ կ'ամրիփուի, միտքն ալ գերծ կ'ըլլայ զանազան պարտասեցուցիչ հոգերէն։ Ուր ընդհակառակն անբարեկարգ տան մը մէջ մայրը իր անձին գերի է։ Առաջուց նախատես չեղած ու կարգի դրած չըլլալուն համար՝ ամէն քայլին դժուարութիւններ կ'ելլեն իր առջևը. միշտ անհանգիստ է. ամէն բանի վրայ հարկ է մտածել, վիճել, և անանկով՝ ընդունայն մտատանջութեամբ և անօգուտ անցընել օրը։

Վարդաւորութիւնը էական առաքինութիւն մըն է գերդաստանին մօրը, վասն զի կարգը ժամանակին մեծ տնտեսն է. կը կարգաւորէ օրուան կիրառութիւնը, և իմաստուն ճշգութեամբ կը բաշխէ ժամերը։ Ժամանակը պատուական է. և պատուական՝ ինչպէս այն ամենայն ինչ որ մեզնէ դուրս եզրղ օրինաց կը հնազանդի. պէտք չէ հանդուրժել՝ որ անօգուտ կամ գէշ կիրառութեամբ սահին անցնին այն ժամերը՝ որ ճշդիւ համրուած են։

Բարի օրինակ, ժամանակ և կարգաւոր

րութիւն. — ասոնք են այն էական հիմունքը՝ որոց վրայ պէտք է որ հանգչի դաստիարակութեան շէնքը: Գաստիարակութիւնը՝ կարգի և ճշգուծեան գործ մըն է. անոր ընդարձակութեան և բազմապատիկ գծուարութեանց առջև՝ կարճատե է անոր լրման համար սահմանուած և դրուած ժամանակը, թէպէտե ամենայն ճշգուծեամբ գործածուի:

Ո՛վ մայրեր, որոց վրայ առաջին մանկութեան դաստիարակութեանը մեծ գործոյն պարտքը դրուած է յԱստուծոյ, վայրկեան մը մի կորսնցընէք: Առտուան արշալուսի հետ գործի՝ սկսեցէք, առանց սպասելու որ արեն ելլէ կամ բարձրանայ. վասն զի գործերնիդ չլմընցած՝ կրնայ զիշերը վրայ հասնիլ: Գործունեայ ու արթուն եղէք. օրուան այլ և այլ զբաղմունքը ճիշդ կարգի մը վրայ դրէք. այս ժամուն՝ կարճատե ուսումներ, երկար հանգստեամբ, շրջագայութեամբ ու խաղերով. միւս ժամուն՝ կերակուր կամ քուն: Այսպիսեաց մէջ բան մը մի ձգէք ձեր կամ ձեր ազախնայց հաճոյիցը: Գիտնայ ու սորվի տղան՝ թէ ինչպէս մայրը հրամայելու ատեն կարգի մը կը հնազանդի, ասանկ ինքն ալ ՚ի հնազանդելն:

Ճամանակի այս կարգաւորեալ բաշխ-

մանէն, այն անողոր կարգաւորութենէն, որ կը դադրեցընէ քունը՝ երբ կը դադրի օգտակար ըլլալէն, կերակուրը՝ երբ որկրամուրթեան նշանը կուտայ, ուսումը՝ երբ պարտասեցուցիչ կ'ըլլայ, առաջ կու դայ տղուն առողջութիւնն և ոյժը: Իսկ ընդ հակառակն անկարգութեան արգասիք են բնական ու բարոյական անհանգստութիւններ:

Անբարեկարգ տան մը մէջ սնող տղան՝ անդադար վնասակար օրինակ մը ունի աչքին առջև: Տեսածը՝ լսածին հակառակ է. իր մօրն հրամաններն ու գործը՝ իրարու անհամաձայն կը գտնէ: Ինքնիրեն ձգուած է իր գէշ կրիցն ու վնասակար բնազդմանցը. վասն զի տան մը անկարգութիւնը՝ դաստիարակէն ամէն ազատութիւն կը վերցընէ: Անօգուտ խնամքներով զբաղած, որոց հարկ է որ նուիրէ իր վայրկեաններն, կ'աւնու գմանուկն իր ծնգացը վրայ. ու փութալով՝ քանի մը սովորական խրատներ կու տայ. կը սկսի խօսիլ անոր հետ կարգաւորութեան, հրահանգաց և հնազանդութեան վրայ: Այն միջոցին կը կանչեն զինքը. հարկ է որ հեռանայ, և միւս անգամ միայնակ ձգէ զտղայն: Այն յաճախ ընդհատուած համառօտ դասերուն մէջ, երբ մայրը ճշգուծեան և կանոնաւո-

բութեան վրայ կը խօսի, պղտի տղայն կը տեսնէ թէ իր չորս կողմը ամենայն ինչ ըստ դիպաց կ'ըլլայ. կը լսէ ծառաներուն իրենց տեսարց դէմ՝ գանգատիլը, և զանոնք յաճախ յանդիմանելը. թէ զիշխանութիւն և թէ զհնազանդութիւն պակսած կը տեսնէ հոն:

Բարեկարգութեան հրահանգը չունեցող մայրը, և որուն կառավարութիւնը յաճախ վտանգի մէջ է, երկու կերպով առ տղայն ունեցած պարտքերէն կը պակսի. նախ՝ վասն զի ժամանակ չի գտնիր սորվեցընելու և միայն իրմով զրազելու, և երկրորդ՝ անոր աչքին առջև անդադար տխուր օրինակ մը դնելով: Տղայն կը դիտէ, կը համեմատէ, և ընդունած տպաւորութիւնը կը մնայ. և հարկ չէ ըսելը թէ անանկով ոչ երբէք պիտի կարենայ ճանչնալ կարգի առաքինութիւնը, որ այնչափ կարևոր է բարեբաստիկ ըլլալու համար: Ուստի կարգի առաքինութիւնը՝ անհրաժեշտ է մօր մը, նախկին մանկութեան դաստիարակին համար. անոր ճիշդ գործածութեամբը՝ ամէն բան կ'աղնուայընէ, և իր օրինակաւը կ'աւանդէ զայն տղուն:

Սորվեցընելէն առաջ պէտք է սկսի ճիշդ հասկըցընել տալով տղուն այն կարգը՝

որով պիտի տրուի իրեն այդ ուսումը: Որոշ կանոնի մը տակ պէտք է դնէ օրուան զանազան ժամերը՝ որոնք տղուն պիտի նուիրուին. ասոր մէջն է կարգաւորութիւնը և ճշգուծիւնն:

Ասանկով մայրը ժամանակ չկորսնցընէր և անօգուտ գործերու չզբաղիր. այլ մէկ նայուածքով մը կ'իմանայ ընելիքը, կը հասկընայ դժուարութիւններն և անոնց վտանգներէն խուսափելու դիւրին կերպը:

Իր ծնագացը վրայ կ'որբէ պղտի արարած մը՝ որուն հարկ է ամէն բան սորվեցընել:

Ո՛րչափ անսահման է այս գործը:

Ուստի հարկ է սկսիլ. ինչ կարգաւ պէտք է սորվեցընել, որպէս զի օգտակար ըլլան. ո՞րն է անոնց յարմար ու պատեհ ժամանակը:

Մօր մը սիրտը կ'իմացընէ իրեն այս ամէն բան: Անոր համար պէտք չէ որ իր պարտուցը բազմութիւնը տեսնելով ահաբեկի. այլ ամէն օր ընէ՝ ինչ որ արժան է որ ըլլուի. իր պարտքը կատարէ եռանդեամբ ու խղճիւ, ու մնացածը Աստուծոյ թողու: Բայց որպէս զի կարենայ հասնիլ իր կառավարութեանը բազմազգի գործերուն, հարկ է որ ամէն բան կարգաւորեալ կերպով ընէ: Կարգաւորութիւնն իրեն ժամանակ կու տայ ամէն բանի հսկելու. ոչ

երբէք անստոյգ կամ տարտամ կ'ըլլայ իր գործոցը մէջ. այլ ամէն բան պայծառ կը տեսնէ, և Աստուած կ'առաջնորդէ իրեն: Համբերող կ'ըլլայ, վասն զի խիղճը հանգարտ է պարտքերը կատարած ըլլալուն համար. և իր անցեալ յաջողութիւնները՝ յոյս և ակնկալութիւն են իրեն սպազայ յաջողութեանց. երկայնամիտ է և կտրիճ, վասն զի հաւատք ունի նախախնամութեան վրայ:

Մեր ըրած տեսութիւնները, տուած խորհուրդները կրնան իրեն օգտակար ըլլալ: Բայց ամենեւին պէտք չէ մոռնայ թէ մօր մը սիրտը՝ ամէն իրիխտօրայութիւններէ աւելի զիտութիւն կը բովանդակէ, և թէ սէրն է իր լոյսն ու առաջնորդը:



Տղան ծնանելուն պէս՝ հարկ է զանիկայ անուցանել: Շատ անգամ մարք՝ առանց բացարձակ հարկաւորութեան, ուրիշի մը կը յանձնեն մայրութեան այս կարևոր խնամքը: Օտար կին մը՝ նորածին տղուն կաթ կուտայ: Բնութեան ուրիշի համար սահմանածը, վճարքով տղուն կը գործածէ. իր ոյժն և առողջութիւնը շահագլխտու-

թիւն և արուեստ մը ըրած է իրեն: Սակայն վերջապէս ինչ ալ ըլլայ, դայեակ մըն է անիկայ և ոչ մայր. օտար մը, և ինչուան երբեմն նաև թշնամի մը:

Այս առաջին լքմանէն՝ հարկ է որ ներդուի մանուկը. վասն զի այլ և այլ խնամք իրեն կը պակսին, և օտար մը չկրնար ունենալ անոր ամէն պէտքերը գուշակելու արագամտութիւնը. ուստի և շատ անգամ անիմանալի պիտի մնան տղուն աչուընէրուն նշանական նայուածքը, և անլուր իր ցաւազին կոչերը:

Եւ յիրաւի, ինչ փոյթն է այդ կնկան, երբ իր տէրերը հեռու են, նորածին տղուն աղաչաւոր նայուածքն ու աղաղակները: Իր աղեացը զուակը չէ, ուստի և զարմանք չէ՝ երբ իր աղիքը շնն գորովիր. անտարբեր պահապան մըն է, ու հոգը չէ այն լացին և աղաղակին պատճառը փնտռելմանաւանդ թէ անհամբերաբար միջոց կը փնտռէ, ինչուան գէշ ու բռնական միջոցներ, անոր ձայնը լռեցընելու:

Ստնտու գործածելու սովորութիւնը, որ հիմա գրեթէ սովորական դարձած է, հակառակ է բնութեան փափաքանացը: Բնութիւնը կը պահանջէ որ մայրը անուցանէ իր զուակը. խիստ քիչերը միայն կրնան արտօնութիւն ունենալ այս հոգէն աղատե-

լու: Մակայն մեր ժամանակաց մէջ այն որ սակաւադիւտ հարկ մը պիտի ըլլար, ցաւալի բացառութիւն մը, ընդհանուր կանոն մը դարձած է. և հարիւրաւորաց մէջ հազիւ կը գտնուի՝ զսակար իր կաթամբը սնուցանող մայր մը:

Մակայն սրչափ վնասակար է անտարբեր ձեռքերու յանձնել նորածին տղուն պահանջած անհրաժեշտ խնամքը:

Տղուն առողջութեանը իրական վտանգներուն առջև՝ այնչափ անտարբեր է մայրը, որ և ոչ խսկ կ'ուղէ մտածել: Կնքդինքն անբաւական կը սեպէ ՚ի սնուցանել. ու՛ առանց ամենեւին մտածելու, թեթեւութեամբ և անհոյու թեամբ մը կ'ընտրէ իրեն անտարբեր փոխանորդը:

Գիտուածսլ առնուած կին մըն է դայեակը. մօրը աչքին առողջ կ'երեւնայ, և առատաբար լեցուած այն քաղցր սննդեամբը՝ զոր կը սպաննէ տղան. ասիկայ բաւական է իրեն համար: Բայց որպիսի են այն կնոջ զգացմունքը, իր սովորութիւններն ու բարքը. ինչ է իր սիրտը. — ասոնք ամենեւին հոգը չեն: Վասն զի շատ անգամ տղայն այնպիսի դայեկաց կը յանձնուի՝ որոց սիրտը ախտաւոր է, և մայրութիւննին՝ ինչպէս ըսինք, պարզ շահապիտութիւն մը:

Ասոնք ամէնքը տխուր ճշմարտութիւններ են, և որոնց վրայ արժան է ուշի ուշով խորհրդածել, վասն զի ամենուն ծանօթ է որ տղուն թէ՛ բնական և թէ՛ բարոյական առողջութեանը նկատմամբ որպիսի մեծ գործ մը կատարելու սահմանուած է դայեակը:

Գայեակը՝ ծածուկ տէրութիւն մը կը բանեցընէ տղուն բաղդին վրայ: Մնտարակուսելի և անդիմադարձ ճշմարտութիւն մըն է ասիկայ, և ինչուան առած դարձած՝ թէ « Գայեկին կաթին հետ ծծուած պակասութիւն մըն է ». ասանկ կ'ըսենք երբ մէկուն վրայ արմատացած թերութիւն մը կը տեսնենք: Ասիկայ ամէն մարդ կը գրուցէ. ասոր ամէն որ կը հաւատայ, և ոչ որ կ'ուղէ այն վտանգաւոր ու մարց անարժան սովորութենէն ետ կենալ:

Ճշմարիտ քրիստոնեայ մայրեր, սիրեցէք ձեր զաւկըները, և այն ատեն դժուարին չերեւնար ձեզի՛ անոնց սիրոյն նուիրել ձեր հանգիստը, նոյն խոկ ձեր քունը, եթէ տղուն պէտքը սպաննէ. բայց մանաւանդ ձեր հաճոյից զոջը. վասն զի ընդհանրապէս դայեկին սարտքը կ'ազաբեկէ զձեզ իր աշխատանքներովն քան թէ երեւակայական վտանգներով: Ար վախէք կորսընցընել ձեր վաղանցուկ զեզը, եթէ տղուն

Հետ ստիպուիք յաճախ վերաբերութիւն ունենալ: Չե՛ր զաւելնեքէն աւելի կը սիրէք ինք զինքնիդ, և այն վախճանաւ սիրաւ կ'ընէք Հեռացընել ձեզմէ զաւակը...

Սակայն երբ այդ անմեղ տղուն որբանին քով անհոգ ու իրեն գիւրութիւնն ու հանգիստը փնտռող դայեակ մը ձգելով, հանդէսներու կը վազէք, այդ հանդէսներն են զձեզ փճացընողները: Երկայնեալ գիշերաց, խնջոյից և ուրախութեանց մէջ կը յոգնի ձեր մարմինը, որուն կը խնայէք մայրենի սրտաբերնիդ կատարելու համար. և կը հասնի շուտով ձեր գեղը խամրեցընող ժամը. անոր հետ կը թաւաւմինաւ ձեր ունայնասիրութեամբ լեցուած սիրտը:

Որպէս զի հաճոյքէն չզրկուիք, հարկ կը սեպէք արուեստի վտանգաւոր միջոցներուն ձեռք զարնել: Այն կաթը, զոր աշխատանքէ վախնալով կը խնայէք ձեր նորածին զաւակէն, հարկ է կտրել: Նոյն խոկ ձեր խառնուածքին կորսոյն և ոյժը, հիւանդութիւն մը կը դառնայ, յորմէ արժան է զձեզ բժշկել: Բայց ասոնք այնպիսի դժընդակ հնարք և սովորութիւններ են, որ շատ անգամ իրենց սոսկալի հետեւանքներն կ'ունենան:

Մայրութեան առաջին խնամոցը մէջ

արժան է անսալ այն կանանց փորձառութեան՝ որոնք ճշմարտապէս մարք երեցան, և որ կը վկայեն թէ ոչ միայն զեղեցիկութիւնն կորսուելու վտանգի մէջ չիյնար, այլ մանաւանդ այնպիսի առողջարար դբաղմամբք ալ աւելի կը ծաղկի ու կը բարգաւաճէ: Պսակ մըն է՝ զոր Աստուած կը զնէ մարց ճակատին վրայ. և այդ սրակը ալ աւելի կը զեղեցիկացընէ... Ակնարկ մը ձգեցէք աստուածորդւոյն մօրը վրայ, որ երկնային զաւակը կը զիեցընէ. հետեւեցէք այդ հրաշալի օրինակին:

Այլ դուք ոչ միայն չէք ուզեր այդ աստուածային օրինակին հետեւիլ, հապա անարտօսք և առանց ցաւոց՝ կ'արհամարհէք ձեր այդ սրտուական առանձնաշնորհութիւնը: Բժիշկ մը սովորութեամբ, կամ ձեզի հաճոյ ըլլալու համար, առանց շատ անգամ զձեզ լաւ մը քննելու, անբաւական կը սեպէ զձեզ 'ի սնուցանել ձեր զաւակունքը: Մէկէնիմէկ դայեակ մը կը բերուի, և այն անձանօթ կնկան կը յանձնուի զաւակը: Գայեակը կը փոխանակէ զձեզ. կը նստի որբանին քով, և օրական վարձքով մը կը սնուցանէ ձեր որդին: Բայց այդ կինը՝ առողջութեան խաբէական արտաքին նշաններովն ալ, կրնայ սպականեալ արիւն մը ունենալ. կրնայ ոչ ըստ արժանւոյն վաւուրիլ, և անանկալ ապականել իր կաթը:

Խեղճ պղտիկը, անդուժ կամ անտարբեր մարց զաւակը, անոնց աչքին առջև նոյն կենաց աղբիւրէն իրեն հիւանդութիւնը կամ մահը պիտի ընդունի:

Երբեմն դայեակը՝ իր կաթին տեղ անառողջ, կամ տղուն հասակին ու պիտոյիցն անյարմար սնունդ մը կը դործածէ: Վասն զի կրնայ ըլլալ որ դիպուածով կամ անակնկալ տկարութեամբ՝ դայեկին կաթը պակսի կամ այլայլի: Հարկ է տղուն մօրմէն ծածկել զայն, որպէս զի իր շահէն չըլլայ. ուստի և տղուն սոյնպիսի ուտելիքներ կու տայ՝ զորս գեռ չկրնար մարսել. սակայն քաղցէն ստիպուելով կ'ուտէ և կը տկարանայ, և ինչուան կրնայ ալ մեռնիլ, առանց ծնողաց հասկընալուն թէ ինչէն առաջ եկած կրնայ ըլլալ այն ցաւալից դիպուածը:

Պէտք է որ մարք աղէկ մտածին ու կռնն այս վտանգները. թէ իրենց և թէ տղուն օգուտը՝ ընդունայն պատճառանքներով անտես չընեն. այլ ընութեան օրինաց հնազանդելով սնուցանեն իրենց որդիքը:

Սակայն կրնան այնպիսի սպարազաներ մէջ բերուիլ, բացարձակ, զօրաւոր և անդիմադարձ սպարազաներ, որոց առջև հարկ է որ մայրը համակերպի ու հնազանդի: Ե-

թէ հիւանդութիւն, տկար կաղմուածք, կաթի պակասութիւն, բռնադատեն զինքն՝ իր այս իրաւունքէն հրաժարիլ, առանց քրթմնջելու հարկ է որ հնազանդի, և ինքզինքն վտանգի մէջ չձգէ. վասն զի անիկայ ալ ծայրայեղ եռանդ մըն է, հաւասարապէս անդոսնելի: Բայց եթէ այս զրկումը իրեն պիտի պատուիրուի, արժան է որ ատենին իմանայ, որպէս զի գէթ պարսպով վնասէ ու կարենայ գտնել իր փոխանորդը: Ու երբ իր ուղած դայեակը կը գտնէ, քննէ անոր բնաւորութիւնն ու բարքը. որպէս զի վտահ՝ անոր առաքինութեան և անձնանուիրութեանը վրայ, կարենայ յանձնել իր զաւակը: Այս վախճանին հասնելու համար՝ պէտք է որ երբէք մայրը չհեռանայ որրանին քովէն. և դայեկին՝ իր տղուն ցըցուցած ամէն խնամոցն ականատես ըլլայ:

Եթէ տան մէջ դայեակ խոթելն անպատեհ կը սեպենք, հապա ինչ ըսելու է անոնց որ իրենց տղաքն օտար կնկան մը յանձնելով, կը հեռացընեն հայրենի տնէն: Բայց այս սովորութիւնն աւելի եւրոպական ազգաց մէջ յաճախած ըլլալուն, դեռ մեր ազգին անձանօթ չարի մը անպատեհութեանց վրայ աւելորդ կը սեպենք խօսքերնիս երկնցընել:



Պատկերհանր՝ երբ ուզենայ հրեշտակ մը նկարել, աղօւ մը գլուխն իրեն գաղափար կ'առնու: Վասն զի փոքրիկ մանկիկը ճշգրիտ զանիկայ կը կերպարանէ իր զեղովն ու անմեղութեամբ:

Մայրը զիրկը կ'առնու զանիկայ, ուշի ուշով կը նկատէ. « Ո՛րչափ մատղաշ ու փափուկ է, կ'ըսէ, անոր մարմինը, ս՛րչափ զգայուն, և քանի կարօտ իմ խնամոցս »: Ասանկ կ'ըսէ մայրը, բարեբաստիկ սեպւելով ինքզինքն՝ վասն զի բուսական ու կարող կը տեսնէ իր պոչտաման մեծութեան պահանջած ամէն զոհից կատարմանը:

Եւ յիրաւի, ս՛րչափ խնամք, — և հոս միայն նիւթական խնամոց վրայ է մեր խօսքը, — և որպիսի մտադրութիւն պէտք է այդ պզտի մարմինը իր առուզութեան և առողջութեան մէջ պահելու համար:

Մարբութիւնն՝ մօր մը առաջին պարտքն է: Մայրերը լաւ գիտեն զայս: Բայց երբ առաջին հասակին տկարութեան պահանջած խնամքը տուողները իրենք չեն, արդեօք վստահ են թէ այլք պէտք եղածին պէս կը կատարեն այդ պարտքերը:

Հարկ է որ մայրն ըլլայ, հարկ է որ այդ պզտի արարածն իր տղայն ըլլայ, որպէս զի անոր պատճառաւ եղած ամէն հոգ ու աշխատութիւնք սիրով ու մտադրութեամբ ըլլուին: Պէտք է տղուն մարմինը յաճախ լուանալ, երբեմն երբեմն պազ ջրոյ մէջ խոթել, և զոր պէտք է կամաց կամաց և աստիճանաւ պաղեցընել, և վերջապէս բոլորովին ցուրտ ջրոյ բաղանեաց վարժեցընել, սրով երկըթի պէս զօրաւոր կ'ըլլայ մարմինը. բայց առջի բերան այնչափ փափուկ և զգայուն է տղուն մարմինը՝ որ պզտի անհոգութեամբ մը կրնայ վնասուիլ. և այդ վնասը՝ երբեմն ինչուան անդարման ալ կ'ըլլայ: Ուստի հարկ է երկրորդենք թէ նորածին տղու մը փափուկ մարմնոյն անդադար պահանջած խնամոցը դարման տանողը՝ միայն մայր մը կրնայ ըլլալ:

Եթէ տղան իր առջի հատակին մէջ աղէկ չխնամուի ու չնայուի, հաւասարապէս կը վնասուին անոր թէ բնական և թէ բարոյական գաստիարակութիւնը:

Հարկ չէ բացատրել թէ ինչ կը հասկընանք բնական գաստիարակութեամբ: Աղտեղութիւնը, զոր դայեակը, կամ տղուն վրայ խնամք ու պահպանողութիւն ընող ս՛ր և իցէ օտար մը, ետեւէ եղած չըլլայ անհետապընել, ննխի ու ժանտահոտու-

Թեան պատճառ կ'ըլլայ, որով կը ծածկուի տղուն բոլոր մարմինը, և իր առողջութիւնը կը սկսի կրել: Գժուարաւ կ'աճի, կամ կը սկսի տկարանալ. իր կազմուածքը փափուկ է, ուստի և ատենը անցնելէն ետքը տրուած խնամքներ՝ չեն կրնար զինքն ուժովընել. ինչպէս նաև չեն կրնար զօրացընել բժշկական այլ և այլ հրահանգք և խնամք:

Իսկ նկատմամբ բարոյականի, մանուկ հասակին պահանջած մաքրութեան խնամոց անհոգութիւնը՝ հաւասարապէս մեասակար է: Այս մեասուց մէջ ամենէն փոքրագոյնն է՝ որ տղայն օր մը մօրը տուած օրինակին պիտի հետևի: Վասն զի ինչպէս կրնայ տղայն ՚ի գործ դնել զայն՝ որ իրեն սորվեցուած չէ. մանաւանդ երբ մօրն անհոգութեան և անփութութեան ականատես ալ եղած է. ուստի և բնականաբար նոյն անհոգութիւնն պիտի գործածէ՝ երբ օր մը իր անձին տէրն ըլլայ: Աղտեղի, անհոգ ու ամենէն աւելի հասարակ խնամոց անփոյթ պիտի գտնուի: Տղայոց մաքրութիւնը գրեթէ առաքինութիւն մըն է. այնչափ դժուարին է զանիկայ առջի բերան ստանալը:

Երբ տղայն ինքզինքը խնամելու հասակն ունենայ, մայրը պէտք է անդադար հսկէ,

որպէս զի ճշդութեամբ գործադրուին իր հրամաններն. պէտք է որ աղէկ մը հասկըցընէ իրեն՝ թէ երբէք չպիտի տեսնէ զինքն ուսման, կերակրոյ ժամանակ, կամ ուրիշներու առջև ելած աղտոտ կամ խառնափրնգոր զգեստներով, աղտոտ ձեռքերով կամ երեսով. կրնայ քիչ մը ներողամիտ ըլլալ խաղի միջոցին համար. բայց երբ հանգստեան ժամանակն լմննայ, հարկ է որ մէկէն փութայ ժամանակաւոր անհոգութիւնը դարմանելու:

Մաքրութիւնը՝ մեծարանաց նշան մըն է. անով թէ ինքզինքը և թէ ուրիշները կը մեծարէ: Մեծապէս կը սատարէ դարձեալ մտաց առողջութիւնն և ոյժը պահելու համար:

Պէտք չէ ուրեմն որ մայրն արհամարհէ այս առաջին խնամքն. և աղէկ հասկընայ թէ ինքն միայն կրնայ շնորհել զայն: Ներքին զգացմունք մը կ'իմացընէ իրեն ինչ որ բարի է կամ չար, ինչ որ պատշաճ է կամ մեասակար: Ընտրութիւն մը ընելու համար՝ հարկ է որ անպակաս ըլլան իրմէ խորհուրդք, օրինակք և նախկին սովորութիւնք. յաճախ իր ընտրութիւնը աղէկ կ'ըլլայ. բայց մերթ ալ կրնայ խաբուիլ. վասն զի երբեմն առանց լաւ մտածելու կամ անդրադառնալու՝ նորութիւն մը կ'ընդու-

նի կամ հնութիւն մը կը մերժէ, յորոց ետ-
քինը կրնայ օգտակար, ու առաջինը վնաս-
ակար ըլլալ: Ասոնք ամէնը մէկիկ մէկիկ
նշանակելը դժուարին է. միայն անոնցմէ
մէկ քանիէն առաջ եկած վնասները յիշա-
տակելով դո՛հ ըլլանք:

Ասոնց մէջ առաջին է խանձարրելը, որ
յիրաւի բարբարոսական սովորութիւն մըն
է, անարժան մեր ժամանակաց. և սակայն
այնչափ զօրաւոր և ընդհանուր բողոքնե-
րէն հտքն ալ դեռ 'ի կիրառութեան: Խան-
ձարուրքը՝ տղուն առողջութեան վնասա-
կար է. կ'ուշացընէ, մանաւանդ թէ կ'ար-
գելու անոր կատարեալ զարգացումը: Նո-
րածին տղուն անդամները օդոյ՝ և մանա-
ւանդ շարժման կարօտութիւն ունին. խան-
ձարուրքը արգելք մըն է որ օդը ինչուան
անոր մարմնոյն չհասնի և չլօրացընէ. ար-
գելք՝ որպէս զի անոր անդամները չկարե-
նան ազատաբար շարժիլ. մայրը ծոյլ և ան-
հոգ կ'ընէ տղուն մարբութեանը, որովհե-
տե դժուարին աշխատանք մը կ'երևնայ ի-
րեն ամէն օր լուծանել և նորէն կապ-
կըպելը:

Հատ անգամ տղուն լացը, զոր մայրը
կ'ուզէ լռեցընել, ուրիշ սխառառ չունի՝
բայց եթէ խանձարարուրքը:

Կը նեղուի, և իր արցունքը՝ վկայու-

թիւն մըն է քաշածին. բայց կարծես թէ
մարք և դաստիարակք չեն ուզեր հասկընալ
կամ խմանալ թէ ինչ է այն արտասուաց
պատճառը: Եւ սակայն շատ ատենէ 'ի վեր
այս կերպով կը մեծնան տղայք. և այնչափ
արմատացած է շատերուն քով այս սովո-
րութիւնը, որ և ոչ իսկ փոյթ կ'ընեն փըն-
տուել ու հասկընալ թէ արդեօք օգտակար
թէ վնասակար է այս սովորութիւնն. ուս-
տի և կը հետեւին, առանց իսկ մտքերնէն
անցնելու թէ կարելի է փոխել զայն:

Հարկաւոր է որ նորածին տղայն կարե-
նայ առանց նեղութեան համարձակ շար-
ժիլ, որբանին մէջ տեղը փոխել և ձեռուը-
ները շարժելու ազատ ըլլալ: Այն պղտիկ
մարմնոյն վրայ՝ ամենայն ինչ դիւրաթեք է.
ոսկրները դեռ հաստատուած չեն, ջղերը
դեռ չամրացած: Թէ որ տղուն փափուկ
անդամները երկար ատեն նոյն տեղը մնան,
կը սկսին ցաւ տալ. իսկ եթէ նոյն վիճակը
յարատեւէ, մարմնոյն վրայ իր գէշ ազդե-
ցութիւններն կը սկսի ունենալ, կամ գէթ
կը տկարացընէ զայն. և երբ մայրը կընկա-
տէ՝ իր անհոգութենէն առաջ եկած այն
կանխաժաման տձեռութիւնն, ալ անոր
դարմանն ընելու ժամանակն անցած է:
Քանի բնական թերութիւններ առաջ ե-
կած են խանձարոց կիրառութենէն:

Փոխանակ լաթերու մէջ տղան սեղմելու և կապկըպելու, թող տուր որ ինքնիրեն չարժուով ընէ. պահպանէ զայն ցրտէն որուն խիստ զգայուն է, վտանգներէն ու անտեղութիւններէն պաշտպանէ, բայց ազատութիւնն իրմէն մի վերցընէր:

Թող տուր որ առանց արդելքի՝ արիւնն իր շրջանն ընէ, թող տուր տղուն որ առանց նեղութեան իր շարժումն ընէ. շարժման և օդոյ կարօտութիւն ունի. նոր տունկ մըն է՝ զոր կը փծացընես այդպիսի թանձր պատասի մը մէջ ամփոփելով: Խանձարոց պատճառած վնասուցը մէջ ամենէն պզոտիկն՝ տղուն քայլելու ժամանակն ու շայցընէն է: Ընդհանրապէս կաթէն կըտրուելէն ետքն է որ տղուն օտքերը կը սկըսին ուժովնալ. և մեր օրերն՝ որչափ ալ մարք կը փափաքին ժամ մը առաջ տեսնել այդ օրն, այնչափ աւելի կ'ուշանայ: Ամիսներ, ու երբեմն նաև տարիներ ալ կ'անցնին, և դեռ տղան օտք ելած չէ: Արդարմանան, կը չփոթին ծնողք. և սակայն չեն ուղեր հասկընալ թէ խանձարուրքն են տղան տկարացընողը. մինչդեռ օդոյ հետ ունեցած վերաբերութիւնն և անոր հանապազօրդ շարժումները՝ զանիկայ աւելի պիտի զօրացընէին:

Խանձարուրքէն ետքը՝ հարկ է յիշել նաև

մանեկաձև կամ կրոր արգելոցները որ տղայոց քայլելը դիւրացընելու համար կը գործածուին ընդհանրապէս, և որ մեծապէս վնասակար են տղոց առողջութեանը:

Նորածին տղուն զլուխը փափուկ է, իւր ամբողջ մարմնոյն պէս. ոսկորներն դեռ ջիւք են, անոնց ձևը հաստատուն կերպով կազմաւորուած չէ. և արտաքին գործողութեան մը ազդեցութեամբ կրնան կերպարանափոխիլ:

Այս կազմակերպութեան հարկաւոր միջոցին ինչ կ'ընեն մարդիկ, Ա՛ռա՛նուն տղան անձուկ բանափ մը մէջ կ'արգելուն, և անով անոնց բարեկարգ աճմանը խանգարելուն պատճառ կ'ըլլան:

Բայց կ'ըսեն. Տղան՝ յաճախ անկման ենթակայ է, և իր առաջին քայլերն՝ շարունակ վտանգ մըն են իրեն: — Ի՛նչպէս ուրեմն կը մեծնան զեղացի կտրիճ տղայքն, որոց այս հարկաւոր խնամքը կը պակսի: Կ'իցնան, բայց մէկէնիմէկ կ'ելլեն. և չենք յիշեր ամենեւին զեղացի տղայ մը տեսած ըլլալ՝ որ իր առաջին քայլերուն անփորձութեամբը ինկած կամ վնասուած ըլլայ:

Առանց այդ արգելարանին մեծցած տղայն՝ իրաւ է որ մերթ ընդ մերթ կ'իցնայ, ու այն անկման վտանգովը կը սորվի աւելի մտաղիւր ըլլալ և նուազ անհազ ապագային

մէջ. անկէ զատ կ'իմանայ թէ քայլելու ժամանակ իր տկարութիւնը զինքը ենթակայ կ'ընէ վտանգաց. ուստի զգուշութիւն կ'ընէ աւելի խնամքով քայլելու, և անկէ ետքը ինչ ընելիքը կը մտածէ: Այսպէս պահպանողական բնազդով մը և նեղութիւն քաշելու վախը՝ իր արթնցած զգացմանցը մէջ առաջիններէն կ'ըլլան, և մտացը գործունէութիւնը շարժման մը մէջ կը դնեն: Բայց իր անկումները՝ վտանգաւոր հետեւանք մը չեն կրնար ունենալ. վասն զի նոր քայլել սկսող տղան՝ բարձրէն չի կրնար խնալ. և իր պզտի ձեռքերը՝ բաւական կ'ըլլան վտանգը թեթեւցընելու, և սաստիկ ու ցաւ առթող ցնցմանէ մը պահպանելու:

Իսկ ընդհակառակն այն տղայն որ այսպիսի անյարմար միջոցով մը կը պաշտպանուի, վստահ անոր վրայ՝ ամենեւին զգուշութիւն չբանեցընէր: Մտադրութիւն չընէր զգուշանալու. կ'իյնայ, բայց ամենեւին հոգը չէ. գործիքը անկումը կը չափաւորէ, և անկէ իրեն վտանգ մը չպատահիր, ուստի և չվախնար, և զգուշանալու հոգ չընէր, որով իր ասրահովութիւնը՝ թշնամի մը կ'ըլլայ իր կատարելութեանը: Բայց եթէ օր մը մայրը կամ դայեակն ու դաստիարակը մոռնան անով զինքը պահպանել,

տղան գարձեալ նոյն անհոգութեամբն ու վստահութեամբ պիտի քայլէ. պիտի խնայ, և այնպիսի վնասակար կերպով մը՝ որ թերեւս բոլոր կենացը մէջ անոր հետքն կամ նշանը վրան կրելով:

Այսպիսիք են ահաւաստիկ արգելոցի կիրառութեան իրական հետեւանքը, և գըլխաւոր անպատեհութիւնք. այնպիսի գիւտի մը՝ որ իր յաջողութիւնը՝ մարց ու դաստիարակաց ծուլութեանը պարտըկան է:

Ասոնք հարկ է գիտնան թէ տղայք ոչ երբէք վտանգի մէջ կ'իյնան, բաւական է որ պէտք եղած արթնութիւնն ըլլայ վրանին. մինակ չթողուին, և մանաւանդ՝ եթէ արժանապէս սիրուին:

Քանի մը խօսք ալ գրուցենք անոնց առջի քայլերը դիւրացընելուն վրայ՝ որ մարց գլխաւոր գուարձութիւն մը կը սեպուի արժանապէս:

Լայն և ընդարձակ կապերտի մը վրայ կը նստեցընեն զինքը, և իր չորս կողմը կը շարեն սերած խաղալիկները. տղուն ամէն հոգն ու գբաղմունքը անոնց վրայ է, իր վրայ հսկող ու խնամոտ աչքը անոր վրայ չէն չհեռացընող մօր մը առջև: Իր առջի քայլը կ'ըլլայ՝ ձեռք ձգելու համար այնպիսի խաղալիկ մը՝ որ գիտմամբ իրմէ հեռու դրուած է: Ա' երկնցընէ իր պզտի ձեռքերը.

օգնութիւն կը խնդրէ մօրմէն՝ որ աշխատանքի զբաղած՝ բայց միանգամայն անուշութեամբ մը կը գիտէ զինքն. կը ձեւացընէ շքեւ անոր ձայնը. տղան կը շիրթի, կը տազնապի. ինքիր վրայ կ'իյնայ, ոտքերուն ու ձեռացը վրայ կը քայլէ, կ'ելլէ կ'իյնայ. վայրկեան մը կանգուն կը կենայ: Քիչ ատենէն պիտի սկսի քայլել:

Վերջապէս կը քայլէ. և մայրական ձեռաց օգնութեամբը՝ կը համարձակի խուցին մէջ առաջ երթալ, գեղեւեալ ու անխորձ քայլերով: Իր ուժին այս առաջին հրահանգացը մէջ՝ ամենեւին պէտք չէ խտրել զտղայն: Քէշ գրութիւն մըն է բռնել զինքը, և ետքը վստահ տեսնելով զինքը ապահոված պաշտպանութեամբ մը, մէկէնիմէկ թողուլ. վստան զի անվստահ ըլլալու կը սովորի. կ'իմանայ իր տկարութիւնն, ու ալ չհամարձակիր 'ի յառաջագիմութիւն: Աշխատանքէ ու նեղութիւնէ չվախցող մայրը՝ պէտք չէ երբէք որ տղաքը կարօտ ընէ այն գործիքներուն՝ որոնք զիւրացընող կը սեւտուին տղոց քայլերուն. անոնց առաջնորդելու համար ձեռք ունի, և մայրենի սիրտ՝ դանոնք անկմանէ զգուշացընելու. անանկով շատ աւելի աղէկ կը պահպանուի տղան, քան թէ ծիր և արթուն մօր մը համար անօգուտ զանազան գործիքներով:



Արտասուք՝ բնական են մարդկային ամէն հասակի. անոնց ազբիւրը ոչ երբէք կը ցամարի: Մայրը ցաւօք և արտասուօք իր զաւկին կեանք կու տայ, որդին արտասուօք կ'ընդունի այդ կեանքը: Իր առաջին ձայնը՝ արտասուաց ձայնն է:

Երկար ատեն արտասուք իր միակ լեզուն են. անոնցմով կը յայտնէ իր տկարութիւնը, նեղութիւններն ու պէտքը: Տղայոց այս ձայնը լռեցընելու համար, զանոնք քնացընելու վախճանաւ՝ սովորութիւն է որրել: Արդեօք օգտակար թէ վնասակար է այս սովորութիւնը, պատասխանը բժշկաց կը վերաբերի: Բայց ուրիշ միջոց մըն ալ կայ նոյն նպատակին հասնելու, և որուն գործածութիւնը մասնաւոր կերպով կը յանձնենք մարց: Այս միջոցը երգն է:

Երբ տղայն կու լայ, և այն արտասուաց պատճառը ոչ բարկութիւն է և ոչ հաճոյք, մայրը մէկէնիմէկ պէտք է իմանայ թէ նեղութիւն մը ունի. փութայ որբանին քով, և առանց որրելու՝ տղայոց համար մասնաւոր յօրինուած անոյշ ու քաղցրածայն

երգ մը նուագէ։ Այն ձայնը՝ մէկէնիմէկ կը մխիթարէ զմանուկն, կը հանդարտեցնէ զինքը, ու արտասուքը կը լռեցնէ։ աչուրները կը դոցէ, մտադիւրութեամբ կ'անսայ մայրենի երգին, չրթանցը վրայ ժմիտ մը կը փայլի, և սյտերուն վրայ ինջած արտասուքը կը ցամարին։ Քաղցր հանգիստ մը կը յաջորդէ անոր տազնասներուն և աղաղակին։

Մարդու բոլոր կենացը վրայ իր ազդեցութիւնն ունեցող երաժշտութեան արուեստը, անտարբեր չէ մանկութեան հասակին նկատմամբ ալ։ Անիկայ կը ցամարեցընէ արտասուտաց աղբիւրը։ կամ մարդու սրտին մէջ այլ և այլ զգացմունքներ արթնցընելով, անոյչ արտասուք կը հոսեցընէ։ Խաղաղ կը նիրհեցընէ նեղութիւն կրող աղայքը։ Իսկ ուրիշ հասակներու մէջ ալ կը հանդարտեցնէ կենաց տազնասներն, և ամենէն աւելի սաստիկ ցաւերը կը մեղմացընէ։ Սուրբ զիրք կ'աւանդեն թէ Գաւիթ՝ երաժշտութեամբ Սաուդայ վրայ տիրող այսը կը հեռացընէր. հեթանոսական հնութիւնն ալ՝ Որփէոսի քնարովը գործուած զարմանալիք կը պատմէ։

Բայց ինչ հարկ է գրոց մէջ փնտռել մեր այս խօսքին ապացոյցը, երբ իւրաքանչիւր ոք՝ նոյն իսկ իր անձին վրայ փորձած

ու տեսած կրնայ ըլլալ երաժշտութեան զարմանալի ազդեցութիւնը։

Երաժշտութիւնը հարկաւոր է մօր ՚ի դաստիարակութեան. ուստի և կանուխկեկ հարկ է սորվեցընել զայն օրիորդաց։ Առաջին հասակին մէջ իր ազդեցութիւնը զօրաւոր է, և արգիւնքը արագ։ Ո՞ր մը երգը՝ որրոցէն լսուած ամենէն աւելի բարձրագոյ աղաղակները կը լռեցընէ։ Բայց իր երգերն՝ դայեակներու կամ աղախնայց բերանը երդածներուն նման աններդաշնակ և ծանրալուր չըլլան. այլ մանաւանդ դաշնակաւոր և կանոնաւորեալ։

Եւրոպական քաղաքակիրթ ազգաց մէջ սովորութիւն է՝ երաժշտութիւնն հարկաւոր միջոց մը սեպել զաստիարակութեան։ Վասն զի անոր զերագոյն նպատակն է կատարեալ ներդաշնակութիւն մը հաստատել մարդկային ամէն կարողութեանց մէջ. երաժշտութեամբ ալ՝ ձայնը նման օրինաց կ'ուղէ հնազանդեցընել։ Խաղի վրայ կ'առնու մեր զգացմունքները. ճիշդ ներդաշնակութիւն մը՝ հաճոյական կերպով զանոնք կ'արթնցընէ, ինչպէս սխալ կէտ (note) մը կրնայ աւրել։ Արդեօք մեր զգացմունքն երաժշտութեան տակ զնելով, մասնաւոր պաշտօն մը չունին բարոյական ներդաշնակութեան մեծ օրինաց մէջ, առ որ

կը դիմէ դաստիարակութիւն: Այս երկու կարողութեանց, երաժշտութեան ու դաստիարակութեան մէջ, ներքին ու ծածուկ յարաբերութիւններ չկան: Մոնթէյնը գաղղիացին կը զրուցէ թէ իր մանկութեան հասակին հայրը ամէն առաւօտ երաժշտութեան ձայնով մը զինքը կ'արթնցընէր: Իր զրուածներն ու հանճարը յայտնապէս կը ցուցընեն թէ իրեն ազգեցութիւնն ունեցած է երաժշտութիւնն:

Ուրիշ դիտողութիւն մըն ալ հարկ է բնել: Եթէ երաժշտութիւնը տղուն արցունքը դադրեցընելու աղբիւր մըն է, կրնայ նաև օգտակար ըլլալ անոր ականջն ու ախորժակը կրթելու: Եւ կը տեսնենք որ երաժշտականաց տուներուն մէջ մեծցող տղայք՝ իրենց տխեղձ հասակէն կատարեալ տեղեկութիւն ունին օրինաց ներդաշնակութեան: Համեմատ ձայն մը զիւրենք կը զուարթացընէ, մինչդեռ աններդաշնակ ու խոշոր ձայն մը՝ անոնց արտասուացը պատճառ կ'ըլլայ: Այս դիտողութիւնս կրնայ ըլլուիլ այն ազգերուն վրայ՝ յորս ծաղկած է այս արուեստը. Գերմանիա և Իտալիա յայտնի օրինակներ են: Ուստի կը սորվի սոխակ իր գեղեցիկ դայլայլիներն, քայց իր ծննդեանն անտառները զուարթացընող իրեն նմաններէն:



Տղուն անբաւականութիւնը՝ կը շարունակէ անոր կենաց ամբողջ առաջին շրջանին մէջ: Սակայն իր տկարութենէն առաջ կու գայ ոյժը, անոր անբաւականութենէն՝ իր կարողութիւնը: Անոր համար զիտնալով թէ օր մը ինչ պիտի ըլլայ, հարկ է ատենին ամէն բան անոր սորվեցընել. քաւելը, խօսելը, իր անդամները գործածել, մինչդեռ իրմէ անհամեմատ ստորին դասակարգութեան մէջ եղող անբանք՝ ծնած ատեննէն կրնան գործածել իրենց ամէն կարողութիւններն: Հաւկըթէն դեռ նոր ելած վառեակը՝ իր մօրը հետ դարի կ'ուտէ. և ախուսին մէջ մտրուկը՝ ծնանելէն միայն քանի մը ժամ ետքը կը սկսի ցատքըռտել. իսկ տղան բոլորովին կը թուճայ կը տկարանայ՝ եթէ իրեն սորվեցընելու խնամք չըլլուի:

Այս պատճառը այն է որ անբանք՝ սահմանաւոր բնազդում մը ունին, ուսկից անդին անկարելի է իրենց անցնիլ, մինչդեռ մարդս այնպիսի բանականութեան մը տէր է, որուն զարգացումը անսահման է: Անոր

Համար տղայն այլ և այլ կարօթութեամբք կը ծնանի, և անոնց ամենուն զարմանք՝ իր ասպազայ գերազանցութեանը մէջ է: Ապրելու համար՝ հարկ է որ ծառայեն իրեն. վասն զի անբաւական է ընդունած կեանքը պահելու. ուստի և մօրն յանձնուած է զինքը խնամելու հոգը: Այս հարկաւոր օգնականութիւնը՝ զոր ընտանիքը կը ցուցնէ տղուն, ատեն պիտի գայ յորում տղայն ալ ընտանեաց պիտի գարձընէ: Անոր մանկութիւնն խնամողները պիտի ծերանան մէկ օր մը, ինք պիտի ուժովեաց անոնց տկարացած ատենը, և ձեռքէն բռնած պիտի առաջնորդէ այն պառաւեալ մօրը՝ որ այնչափ ատեն որրեց զինքը իր գրկացը մէջ:

Այս փոխադարձ տկարութեան, օգնութեան և օգնականութեան հասարակաց պիտոյից մէջն է ընտանեաց կապը: Անոր համար է որ ընտանիքը միայն մարդուս մէջ է, և անբանք չեն ճանչնար անոր օրէնքները: Կրնանք նսեւ ըսել թէ անոր մէջն է գաղտնի պատճառներէն մէկն, որոնցմով մարդս ծնած ատեն զօրաւոր չէ, չունի կաւարեալ բանականութիւն, և անբաւական է ինքզինքը խնամելու. այլ տըղայութեան հասակին բոլորովին տկարութիւն է, և ամենևին փափկութիւն: Նե-

ղութիւն կը քաշէ, ամէն բան կը պակսի իրեն, անդադար կ'արտասուէ, կը գանգատի, կը հառաչէ. և նոյն խի իր արտասուելու զիւրութիւնը՝ կարօթութեանցը շատութիւնը կը ցուցնէ:

Բայց այս տկար արարածին քով մայր մը գրած է Աստուած. — պահպանութեան և սիրոյ հրեշտակ մը:

Մայրը կը գուշակէ անոր կամքը. անոր հետ մէկտեղ կը կրէ. զիտէ անոր վիշտերը թեթեցընելու հնարքը. ինքն է անոր ոյժը, անոր բազուկներն: Բայց այդ բազուկներն երբեմն խիստ հաճկատար են. անոր համար կ'ուզենք ցուցնել չափազանց սիրով իրենց զաւկընները սիրող մարց՝ թէ ինչպէս կարգէ դուրս գորով մը կրնայ դժնդակ հետեանքներ ունենալ ՚ի դաստիարակութեան:

Եթէ տղայն կու լայ, վասն զի նեղութիւն մը ունի, — ինչպէս եթէ ահուս կը հանէ, կամ մարմնոյն ուրիշ մէկ մասը կը ցաւի, — այդ արտասուքը լուցընելուն հնարքը արդէն սորվեցուցինք մօրը: Իսկ եթէ կ'արտասուէ՝ մօրն օգնութիւնը խնդրելով, ինչպէս եթէ ծարաւ ունի կամ անօթի է, կամ որրանին մէջ հանգիստ չէ, պէտք է փութալ ու անոր արտասուքը զազրեցընել:

Ամէն անգամ որ պէտք մը կը յայտնէ, արժան է անմիջապէս օգնել անոր. բայց հարկ չէ որ մայրն տղուն գերին ըլլայ. ուստի երբ հաճոյք մը վրան կը տեսնուի, մերժելու է: Տղան կը սկսի լալ. սակայն պէտք է թողուլ որ արտասուէ. ալ աւելի ձայնը կը բարձրացընէ, և բոլոր տունը ազաղակաւ կը լեցընէ: Այն ժամանակ պէտք է որ մայրը՝ առանց տղուն երեսը նայելու, առանց անոր յուսահատական ձայներուն ականջ կախելու սենեկէն դուրս ելլէ, ու զինքը մինակ ձգէ:

Տղան կ'ապշի կը մնայ. չի կրնար հասկընալ թէ ինչպէս զգայուն, զինքը սիրող, իր ամէն պիտոյիցն հասնող, իր իրաւացի արտասուքը մէկէն սրբելու ջանացող մայր մը, իրմէ երես կը դարձընէ կամ իրմէն կը հեռանայ: Այն ատեն ալ աւելի կը սկսի ձայնը բարձրացընել. և մայրը՝ որ կը լսէ, պէտք չէ ամենեւին իրեն քով երթայ: Կը հասկընայ տղայն. կ'ամաչէ, կը դուշակէ, կը լռէ, և ալ ինքը կը սկսի փախչիլ մօրը ներկայութենէն: Ալ անկէ՛ ետքը ուրիշ քանի մը անգամ ալ նոյն փորձը կ'ընէ, ու անոնց անյաջողութիւնն ալ նկատելով, բոլորովին կ'ուղղուի:

Բայց եթէ այն զգայուն սիրտ ունեցող մայրերէն ևս, որ չեն կրնար իրենց տղայ

լալուն ձայնը լսել, ուստի և առանց ետև առջև մտածելու՝ անոնց ամէն կամբը կը կատարեն, յուսալով թէ անանկով տղան պիտի հանդարտեցընեն, քու զաւակդ անձնահաճ, կամապաշտ, բուռն և անհաստատ բնաւորութեան տէր կ'ըլլայ: Իր հաճոյքն որ անդադար կը նորոգուին և ոչ երբէք դո՛հ կ'ըլլան, չափ ու սահման չեն ճանչնար. կարելին ուզելէն ետքը՝ կը սկսին անկարելին ալ սրահանջել: Ու երբ չես կրնար հաճել, անոր արտասուաց և ազաղակի ձայնը կը բարձրանայ, և այն ատեն կը հասկընաս թէ քու անարգ կամակատարութեամբդ ալ չի կրցար հանգիստդ ապահովել: Անտակար զիջումն է անիկայ, յորմէ պէտք է որ խնամով զգուշանայ մայրը. վասն զի վտանգի մէջ կը գնէ իր իշխանութիւնն ու տղուն ապագայ բարեբաստութիւնը, առանց կարենալու ապահովել անոր ներկայ հանգստութիւնը:

Առջի անգամ որ իր կամբին գէմբան մը ընես, ինչուան այն օր ըրած բարիքներդ կը մոռցուին. անակնկալ զիմադարձութիւն մը՝ գժնդակ զարմանքի ու դառն ազիտից պատճառ են իրեն: Իր ամէն կամբը կատարելու վարժող տղայն՝ ալ ուրիշ բանի չփափարիք, բայց եթէ միայն մէկ բանի մը. ու կը պահանջէ զայն թախսանձանօք, կա-

տաղութեամբ ու կիրքով. բայց անանկ բան մը կ'ուզէ զոր անկարելի է մօրը շնորհել: Այդ կարծեցեալ գրկման վրայ բոլորովին յուսահատութեան մէջ կ'իյնայ տղան. անիրաւութիւն կը սեպէ մօրն ըրածը. վասն զի չկրնար հասկընալ թէ ինչո՞ւ համար յամենայնի իրեն կամակատար մայրը՝ այն ատեն իրմէ երես կը դարձընէ:

Բայց եթէ ուրիշ կողմանէ ալ ուզենանք նկատել այս կերպ դաստիարակութեան վնասներն, ինչ սոսկալի աւերմունքներու պատճառ պիտի չըլլայ այն: Տղան կը մեծնայ, կը հրամայէ, և իւրաքանչիւր ոք կը փութայ իրեն հնազանդիլ. առաջ որ իր դայեակին բռնաւորն էր, կը սկսի տան ծառայից, աղախնայց, հրահանգչին, ընկերակցաց, և ինչուան իր մօրն ալ բռնաւորն ըլլալ: Ամէն անգամ որ իր կամբին գէմ կենան, կը փութայ անոր քով՝ որուն տկարութիւնը գիտէ, և յուսահատ արցունքներ կը թափէ անոր գրկացը մէջ. մայրը մէկէնիմէկ հրամաններ կու տայ, և տղուն կամքը կը յաղթանակէ: Հասակը կ'առնու և մարդ կ'ըլլայ, և օր կու դայ յորում աշխարհի հետ ալ վերաբերութիւն պիտի ունենայ: Հօրը տան մէջ սորված է որ ամէնքն իրեն զուլս ծուեն. հրամայելու վարժած է, ու չզիտեր թէ ինչ ըսել է հնա-

զանդիլ: Ար կարծէ թէ աշխարհի մէջ ալ ամէն բան իր ուզածին և իր փափաքին համաձայն պիտի ըլլայ: Սակայն սրչափ մեծ է իր խարէութիւնն. հսկարտ, ամբարտաւան և իշխանական կերպով մը կ'երեւնայ յաշխարհի. բայց աշխարհք շուտով կ'իմացընէ իր չափը. աշխարհք՝ որ իրական մեծութիւնն ալ արհամարհելու վարժած է, որ իրաւամբ իշխողներուն ալ դժուարաւ կ'ուզէ խոնարհիլ, որ ճշմարիտ՝ բայց սարձենկոտ հանճարներն ալ կը նախատէ, կը սորվեցընէ աշխարհ այնպիսոցն իր չափը:

Այն սոսկալի դասով իշխանատէր մարդը իր ամէն ապահովութիւնն կը կորուսանէ. երբեմն ալ մէկ ծայրէն մէկալը անցնելով, ամէն բան սլահանջելէն ետքը՝ ամենուն կամացը գերին կ'ըլլայ. և առաջ որ անտեղիտալի կազմի մըն էր՝ յամէն հողմոյ տատանող եղէգն մը կը դառնայ. և աշխարհ՝ որ երկար ատեն արհամարհած էր անոր ամբարտաւանութիւնը, կը ծիծաղի անոր տկարութեանը վրայ. որով անկարող ու արհամարհեալ անձ մը կը սեպուի: Մայրը միայն իրեն մնացած է. ինք ևեթ կ'ըլլայ անոր նեցուկ՝ երբ այս ջախջախ բոյսը իրեն կը կռթընի. վասն զի կնիկ մարդու ընտիր բարեմասնութեանց մէկն ալ գուրն է՝ որ ոչ երբէք կը յողնի, և առ որ

մարթ է ամենայն աստուծովութեամբ դիմել միշտ: Բայց միթէ այդ էր մօր մը ակնկալութիւնը իր որդւոյն համար. այդպիսի ապագայ մը կը յուսար իրեն: Աւաղ, իր առաջին դաստիարակին աննախաճոգ կառավարութիւնը պատճառ եղաւ զինքը թշուառ ընելու:

Վասն զի փոխանակ չափաւորելու անոր ախորժակներն, աննախատես ու զաչացու մայր մը՝ անխոհեմութեամբ վերուցեր էր անոր առջևէն ամէն արգելք. փոխանակ իմաստութեամբ չափաւորելու իր նորանոր հաճոյքն, պատճառ եղեր էր անոնց շատ նարուն, ամէն անգամ զոհ ընելով զինքն և իր կամքը: Քաջալերեր էր անոր ամէն զառամունքն և անկարգութիւնքը. վարժեցուցեր էր զինքն փափաքածն մէկէն ձեռք ձգելու: Չիճանչնար թէ որ բանն է զոր չկրնար պահանջել. իր փափաքները, կարգէ դուրս փափաքները, անհամեմատ են իր կարողութեանը հետ: Ար փափաքի իր կրցածէն վեր բաներու. անանկ բաներու ձեռք կը զարնէ, զորս անհնար է գլխաւորել. և իր փափաքանաց ու միջոցներու անհաւասարութենէն՝ դատապարտուած է անօգուտ՝ բայց յուզեալ կեանքի մը. կը մերժէ կ'օտարացնէ զինքն այն խաղաղ դաւառներէն՝ ուր միայն մարթ է հանդի-

պել ճշմարիտ բարեբաստութեան, և որ զերագոյն նպատակ մըն է ամէն գործունէութեան:

Այսպիսի վախճան սլիտի ունենայ ապագայի մը մէջ զոր մայրն դեռ չիկրնար նկատել. և յայտնի ապացոյցք իրեն հաստատամտութեան պակասութեանը՝ զաւկին արտասուացն առջև: Ուր ընդհակառակն պարտըկան էր սորվեցնել իրեն՝ որ միայն զայն խնդրէ, անոր յուսայ՝ որ իրաւացի կամ հարկաւոր է: Արժան է որ մայրը զիտնայ զանազանել հաճոյականը՝ հարկաւորէն. փոփոխակի արտասուել տայ, ու սրբէ անոր արտասուքը. բայց չթողու որ չցամաքին այն արտասուք՝ մինչև դաստիարակութեան գործոյն լրումը:

9

Տղան կը սկսի քայլել. իր փոքրիկ մարմինը կամաց կամաց կը սկսի գտնել իր հաւասարակշռութիւնը. ծնկուրները՝ թէպէտ երբեմն կը տկարանան, այլ ընդհանրապէս կրնան վերցնել մարմնոյն ծանրութեան բեռը. ամէն օր նոր յառաջագիմութիւն մը կրնանք տեսնել: Մայրն շնորհակալ ըլլա-

լով Աստուծոյ որ այդ պզտի դուարթունք իրեն չնորհեց, ցնծութեամբ կը նայի անոր վրայ. անիկայ իր ուրախութիւնն է, իր բոլոր պարծանքը: Տարիներն որ կ'անցնին, անպտուղ չեն իրեն համար. վասն զի անոնց մէջ տղան առաջին դաստիարակութիւն մը ընդունեցաւ, բնական դաստիարակութիւն մը, որ իրեն մասնաւոր կերպով սորվեցուց իր ամէն անդ ամոց և գործարանաց կիրառութիւնը:

Այլ ահաւասիկ կու գան կը հասնին դաստիարակութեան համար հարկաւոր տարիներ: Աղէկ հող գտնող տունի մը, երկար ատենէ 'ի վեր մչակուած, և բաւական զինքն ընդունելու, ալ կը սկսի արագ արագ մեծնալ. ուստի առանց դանդաղելու արժան է պատրաստել այնպիսի պաշտպաններ՝ որ մրրկաց դէմ զինքն ասպակուցընեն, պէտք է գտնել ու պատրաստել այն ասպաւինի տեղուանքը՝ ուր պատսպարի արեւուն կիզիչ ճառագայթներէն, և հարաւային հողմոց չորցընող փչամունքէն:

Պատրաստ եղիք, ո՛վ մայր քաջասիրտ, ահաւասիկ՝ անստուգութեանց ժամը կը հասնի, անդադար զբաղմանց ժամանակը. դժուարին գործ մըն է, ծանր բեռն մը, ուրունի հարկ է պատրաստուիլ:

Բայց մայրը՝ խռովեալ աչքով մը տես-

ներով իր սարսուռը դժուարութիւնն ու շատութիւնը, կը սկսի թուլութիւն և լքում մը իմանալ: Այս տկարամտութիւնը գովելի չէ. վասն զի ընդհանրապէս Աստուծոյ պահպանութեան վրայ տարակուսելէն առաջ կու գայ: Մայրն անշուշտ կը մոռնայ թէ միայնակ չէ առաջնորդելու, պաշտպանելու և սորվեցընելու իր տղուն. կը մոռնայ անշուշտ թէ Աստուած մը կայ երկինքն, որ կը լսէ ամէն զանգատներն, ու կը տեսնէ ամէն ջանքերն, և թէ աղօթքն ալ միջոց մըն է առ դաստիարակութիւն:

Ասկէ դատ՝ միթէ մօր մը սիրտը մասնաւոր սէր, մասնաւոր փառասիրութիւն չիղգար այն պզտի արարածոց վրայ, զորս այնչափ խնամով կը սիրէ: Ո՛վ կրնայ տարակուսիլ անոնց էութեանը վրայ: Այո՛, այդ միայն բաւական է: Անոր մէջ պիտի ըլլայ մօր մը զխտութիւնը, անոր անխաբելի զիտութիւնը. անիկայ պիտի ըլլայ անոյշ դաստիարակ մը, և գեղեցիկ երաշխաւորութիւն մը մօր մը ասպագայ ջանիքը:

Կանուխ ձեռք զարնելու է դաստիարակութեան գործոյն. ասիկայ հարկաւոր կէտ մըն է: Տղան ծնանելուն պէս սկսելու է զանիկայ կրթել. վասն զի այն ատենէն կարօտ է առաջնորդութեան մը, և որուն

միայն մօր մը ձեռքը բաւականութիւն ունի: Եւսմանակին սկսիլը՝ ապաՀով միջոց մըն է գործը դիւրացընելու, և մօր մը աշխատանքն օգտակար ընելու: Եկեղեցւոյ վարդապետներէն մէկն՝ գեղեցիկ օրինակով մը կը բացատրէ այս խօսքիս ճշմարտութիւնը. « Ինչպէս, կ'ըսէ, գետնի վրայ մատով բացուած ճամբու մը մէջէն կը քալէ ջուրն, ասանկ ալ տղան իր փափուկ և տրկար հասակին մէջ այն ճամբան կ'առնու, զոր իրեն կը ցուցընեն. կը թողու որ ուզած տեղերնին առաջնորդեն »:

Տղան աղբիւր մըն է՝ ուստի կը ձեւանայ գետը. իր բերած ջուրերը առողջարար կամ ապականեալ կրնան ըլլալ, բայց գետը նոյն է՝ ինչ որ կը բերէ առուակը:

Աշխատելու է ուրեմն, սովորիստոնեայ մայրեր. ընկերական գործոյն արուեստաւորներն էք դուք. պէտք չէ ծուլութիւն ընել, անհոգութիւն կամ սնոտի վախեր ունենալ. այլ արժան է սորվիլ, մտածել և գործել: Վասն զի եթէ փոխանակ գործելու՝ դատարկութեան սրբապիք, ու կոյր գորովոյ մը վեասակար ցոյցերը տաք ձեր որդւոց դաստիարակութեանը ժամանակ, գէշընազգումներն կը սկսին խմորիլ, վեասակար միտումներն իրենց գիրքը կ'առնուն. և անդարման կ'ըլլան եթէ չաճապարէք անոնց դէմն առնուլ:

Մի խաբուիք անոնց հասակէն. վասն զի եթէ անոնց բանականութիւնը դեռ քունի մէջ է, այլ զգայարանքնին ՚ի կատարեալ արթնութեան. անոնցմով կը տեսնէ տղան, կը համեմատէ ու կը նմանի. և որովհետև բանականութիւնն դեռ այն կարողութիւնը չունի՝ որ դրսէն եկած այլ և այլ ազդեցութեանց մէջ ընտրութիւն ընէ, երեւակայական ազդեցութեանց աւելի դիւրաւ և աւելի ախորժանօք կը հետևի. որ և իցէ պատկեր, տեսարան, նիւթական և զգալի առարկաներ աւելի սաստիկ տպաւորութիւն կ'ընեն անոր սրտին վրայ:

Մայր մը պէտք է որ նոյն միջոցները գործածէ տղուն դաստիարակութեանը համար. բանավարութիւնն մէջ բերել և անանկով ուղեւ զինքն համոզել, անօգուտ աշխատանք է. պէտք է որ անոր զգայարանաց հետ խօսի, և զանոնք առնու միջոց տղուն տեսչութեանն ու դաստիարակութեան. բայց մանաւանդ օրինակով խօսի անոր հետ:

Օրինակը՝ ամէն խօսքէ աւելի կ'արժէ. վասն զի օրինակը գործ է, մինչդեռ խօսքը պարզապէս վարդապետութիւն մըն է: Գեղեցիկ խօսքեր լսելով, զարմանք չէ որ տղուն սիրտը դեռ ցուրտ և անտարբեր մնայ. բայց աղնուական օրինակ մը կ'ոգե-

ւորէ զինքը, և զբեթէ բռնի կը յորդորէ 'ի հետեւողութիւնս:

Մայրը՝ օրինակով, խօսքով սորվեցուցածէն աւելի կ'ազդէ տղուն վրայ. ամենէն աւելի գեղեցիկ միջոցը՝ աղէկ գործելն է. անով իմանալի կ'ընէ իր խօսքերը, և սիրելի՛ իր անձը: Թէպէտ և ամէն բան իրմէն կը ծագի քայց մասնաւոր երեք առաքինութիւն իր գործն են. ինքը միայն կըրնայ ազդել տղուն զհաւատս, և անոր գեղեցիկ յոյսերը՝ մաքրութեան քոյր՝ պարկեշտութիւնը, և ազբատաց վրայ սէր ու նենալը:

Հաւատքը չսորվեցընել, թշուառութեանց և եղեոնագործութեանց մատնել է՝ զտըղայն. անդատին 'ի ծննդենէ ունեցած աղէկ կամ գէշ բնազդմանցը համեմատ: Չսորվեցընել զպարկեշտութիւն, մատնել մըն է զինքը ամէն տեսակ անառակութեանց, որոնց ըրած ահաւոր աւերումները չենք ուզեր նկարագրել, և զոր կը նկատեն մօրք իրենց տղայոց երեսին կանխաժաման խորշումներուն վրայ, և որոց վկայք են իրենց թափած ծածուկ ու շատ անգամ անօգուտ արտասուքը: Չսովորեցընել 'ի գթութիւն, ամենէն աւելի ազնուական առաքինութիւններէ օտար սիրտ մը կազմել է տղուն սիրտը, որոնցմով իր աստուածազիր բարձրու-

թեան կը հասնի մարդ, և որք զինքը երջանիկ կ'ընեն:

Տգէտ ու տկար կը ծնանի տղայն. արժան է որ մայր մը հրահանգէ զինքն և զօրացընէ: Երբ տարիներն կը սահին կ'անցնին, առանց ուսմանց գեղեցիկ արգիւնքն հետերնին բերելու, տարակոյս չկայ որ յանցաւոր է մայրը: Պիտի հասնի ու գայ՝ Աստուծոյ խիտ համար մը տալուն օրը. վասն զի վատութեամբ կամ անհոգութեամբ երեսի վրայ ձգած է այն աշխատանքը, և չէ ուղած հասկընալ իր պարտուց մեծութիւնը:

Փոխանակ երկնից համար քրիստոնեայ մը մեծցընելու, գէշ կիրք մը աւելցուցեր է աշխարհիս վրայ: Պէտք է որ քրիստոնեայ մարք աղէկ ըմբռնեն իրենց պաշտման հարկաւորութիւնն ու սրբութիւնը: Աստուած իրենց ձեռքն յանձնած է իր ամենէն աւելի սիրելի արարածները, իրենց յանձնած է այն նորահաս սրտերը՝ զորս պիտի գեղեցկացընեն և պատրաստեն երկնից: Բայց պէտք է միանգամայն զիտնան թէ անկարող են իրենք իրենցմէ՝ առանց ուրիշներէ լուսաւորուելու, մանկութեան հասակին դաստիարակութեանը պահանջած ամէն առաջնորդութեանը. ուստի պէտք է որ առաջուց պատրաստուին, և

մինչ չև այլոց սորվեցուցած՝ աղէկ սարեւ-
լուն կերպը, իրենք նախ սորվելու և հաս-
կընալու ետևէ ըլլան:

Մայր մը որ գիտէ սիրել, գիտէ նաև
ինքզինքը նուիրել և զոհել. վասն զի սէրը՝
իւր սիրտը ուրիշի ծառայութեան տալ է,
և զոհը՝ սիրոյ առաւելութեան հետեանք է:
Բայց մայրը մինակ իւր սրտին պէտք չէ
որ հետեի. այլ մտացն ալ խորհուրդ հար-
ցնէ. սրտի և մտաց միութենէն առաջ
կու գայ կատարեալ ուսումը:

Միակ նպատակ մը ունի ձեռք զարկած
գործոյն մէջ, իր որդւոյն երջանկութիւնը,
անոր յաւիտենական բարեբաստութիւնը:
Ասոնք արգելք մը չեն իր զիմացը, պատ-
րաստելու նաև երկրաւոր բարեբաստու-
թիւն մը, որ խղճի կատարեալ հանդար-
տութեան վրայ հաստատուած է: Կը զիմէ
իւր առաջադիր նպատակին՝ հաստատուն
քայլով մը. և չկայ բան մը որ արգելք ըլ-
լայ իրեն. կը տեսնէ այն կէտն՝ ուր կ'ուզէ
հասնիլ, բայց կը լռէ, և խոհականութեամբ
կը ծածկէ իր բռնելիք միջոցները: Սորվե-
լու համար առաջադրած պայմանէն զտո՝
չունի ուրիշ բացարձակ բան մը. վասն զի
գործածելու միջոցներուն համար՝ յառաջա-
գոյն եղանակ մը պատրաստելու կամ կանոն
մը սահմանելու կարօտութիւն չունի: Սոր-

վեցընելու եղանակը, տղուն բնաւորու-
թեանը համեմատ փոփոխութիւն պիտի
կրէ: Աթէ ուզենայ բռնութեամբ իր կամքն
առաջ տանիլ, առանց քննելու աշակերտին
բնաւորութիւնը, երբէք կարող պիտի չըլ-
լայ զինքն հնազանդեցընել: Այլ պէտք է
որ քայլ առ քայլ հետեի տղուն բարգա-
ւաճանացը. անոր բնաւորութեանը համե-
մատ՝ ուսման եղանակ մը գործածէ, որ
միշտ համեմատ ըլլայ նաև անոր նիւթական
կարողութեանը: Միջոցաց միակերպու-
թիւնը՝ հանձարի ալ հաւասարութիւն կ'են-
թադրէ, մինչդեռ գիտենք որ հանձարք կը
զանազանին իրարմէ. ոմանց մտաւորական
կարողութիւններն մէկէնիմէկ կը յայտ-
նուին, իսկ այլոց կամաց կամաց, տղուն
մէկը ութ տարուան հասակին՝ ամէն բանի
խելք կը հասցընէ և կը սորվի, մինչդեռ
ուրիշ մը անբաւական և անյարմար կ'ը-
րենայ մինչև տասուերկ ու տարուան հա-
սակը: Մայր մը պէտք է որ մտադիր ըլ-
լայ այս ամէն զանազանութեանց և չար-
համարհէ. մանաւանդ թէ կրնանք ըսել թէ
այս բանիս մէջ տղան պիտի առաջնորդէ
մօրը: Մօր մը տեսութիւններն այնպիսի
ընդարձակութիւն ունին, զոր անկարելի է
տղուն շուտով ըմբռնելը: Կը տեսնէ իր
նպատակը, կը փոփոխէ միջոցներն, բայց

միակերպ խորհուրդ մըն է իրեն առաջ նորդող. ուստի տղուն մէկ զէշ հակամիտութիւնը հեղձուցանելու, կամ անոր մէկ առաքինութիւնը կամ ընդունակութիւնը քաջալերելու ատեն, պայծառ աչքով մը կը տեսնէ ապագայն. փորձառութիւնն ու սէրը կ'առաջնորդեն իր ընտրութեանն և միտքը կը լուսաւորեն: Իսկ տղայն բան մը չիտեսներ, և հագիւ թէ կ'ըմբռնէ. կը զգայ, և իր գործերը յարմար են յուզողութիւն. ասիկայ է իր բոլոր կարողութիւնը. ինչուան որ գայ հասնի այն օրը՝ յորում միտքը արթննայ, տեսութիւնները մեծնան, և իր զգացմանց սարունակը ընդարձակի:

Բանավարութիւնը (raison) կը սկսի երևնալ տղուն վրայ:

Արև մըն է ատիկայ. ծածկուած արեգակ մը, յուսալիւ արեգակ մը, որ ատուան դէմ կը սկսի բարձրանալ, զիչերուան առատ ցօղով պարարտացած բնութեան վրայ. ոչ գիշեր է և ոչ օր. այլ արչայոյ մը. հեռաւոր մշուշներ տարածուած են այն նոր արթնցող հարուստ բնութեան վրայ. այն առաւօտեան ժամուն դեռ բոլոր հորիզոնը լուսաւորած չէ:

Բանավարութիւնը, եթէ աղէկ կերպով առաջնորդուի, գորաւոր միջոց մըն է կատարելութեան. ուստի մայրը պէտք է փու-

թայ օգուտ քաղելու այն տղնուական կարողութենէն: Պէտք է որ տղուն կարողութեան համեմատ լեզու մը գործածելով ջանայ կերպաւորել զայն համեմատութեամբ և օրինակաւ. յիչէ թէ բանավարութիւնը այլ և այլ աստիճաններունի՛ ինչպէս տղայն այլ և այլ հասակներ. և իրեն սորվեցընելու ատենը ամենևին չմոռնայ թէ տգէտ տղու մը հետ կը խօսի, չէ թէ փորձառութեամբ և տարիքով հասունացեալ մարդու մը: Պիտի հասնի այն օրը՝ յորում հասուննայ անոր բանավարութիւնը և կարող ըլլայ ինքն իրեն առաջնորդել. բայց եթէ այդ ատենը չհասած մայրը խոհական արարածի մը տեղ զներելով զտղայն, կարծէ թէ իր հասկըցածը անիկայ ալ կը հասկընայ, իր սրտին դպածը՝ անոր ալ կը դպչի, ու իրեն զգացմանցն համեմատ անոր հետ խօսի, երբէք մայրն ու տղան իրարու լեզուն պիտի չկարենան հասկընալ:

Այլ տղան հպատակութեամբ, սովորութեամբ, կամ զինքը սիրողին անհաճոյ ըլլալու վախէն, պիտի լռէ և չհամարձակի խոստովանիլ թէ իրեն սորվեցուցածը չկըրնար հասկընալ. մայրն ալ խարուելով՝ պիտի շարունակէ իր ընթացքն, և անանկով տրուած ուսումը անօգուտ պիտի ըլլայ. կամ թերևս գառն պտուղներ ալ բերէ,

որոնք չհասունցած՝ ծառին վրայէն թօթա-
փին խնան :

Ապաժամ մտաւորական կրթութեան մը
ստոյգ հետեւանքն այն է որ տղուն սիրտը
գոց կը մնայ մօրը : Այսն զի տղան տես-
նելով թէ մայրը այնպիսի լեզու մը կը խօ-
սի, զոր ինք չխօսիր և չկրնար հասկընալ,
հնազանդութեան կամ սաստի վախէն՝ բա-
ռերը միտքը կը պահէ . բայց լոկ բառեր . և
կը համոզուի թէ իր ըմբռնումը՝ մօրը ըմ-
բռնումէն տարբեր է, և թէ ամենեւին կա-
րող պիտի չըլլայ անոր միտքը հասկընալ,
ինչպէս որ մայրն ալ անկարող է իրենինը
ըմբռնել : Ուստի կը վերցընէ իր վստահու-
թիւնն անոր վրայէն՝ որ կ'ուսուցանէ ա-
ռանց հրահանգելու . և վստահութեան
հետ՝ սիրտն ալ կը գոցուի :

Բայց պէտք է բանալ այդ սիրտը . հոն է
մօր մը ճշմարիտ անգը, և անով պիտի
ստանայ իր ոյժն և իշխանութիւնը : Տղուդ
սիրտը վատարկելու համար՝ հարկ չէ որ
երկար ճառախօսութիւններ ընես զինքն
համոզելու . մի խօսիր, այլ գործէ . մի խօ-
սիր անոր հետ մարդկանց պարտքերուն
վրայ . խղճի ներքին օրինաց, ընկերութեան
ընդհանուր սկզբանց վրայ . ատոնք անօ-
գուտ խօսակցութիւններ են, որոց ոյժը
տղան չհասկընար, և որոնք պատճառ կ'ըլ-

լան զանիկայ աւելի կերպով մը քեզմէ հե-
ռացընելու :

Երբ այդպիսի նիւթոց վրայ խօսիլ կը
սկսիս, անիկայ արդէն համոզուած է թէ
պիտի չհասկընայ . ուստի և անվստահ կ'ըլ-
լայ քու տուած՝ թերևս օգտակար ու պա-
տուական դասերուդ վրայ :

Սակայն եթէ կարենայ ալ հասկընալ, ե-
թէ ուզենայ մտիկ ընել և անսալ քեզի,
դարձեալ խորհուրդ պիտի տանք որ լուս .
վասն զի տղայք՝ մեծ մարդիկներէ տար-
բեր կը տեսնեն զամենայն . և մեր ամենէն
աւելի իմաստուն խօսակցութիւններն ա-
նոնց անիմանալի են, վասն զի տարբեր է
անոնց տեսութեան եզանակը : Խօսքի կա-
րօտութիւն չունի տղայն, այլ օրինակի :
Պէտք է որ մայրը բարոյականի՝ դասեր տայ
իր զաւկին, ինքնին գործադրելով անոր
խիստ օրէնքները քան թէ քրիստոսական
իմաստասիրութեան խրատներով յոգնե-
ցընել զինքը : Տղան՝ առաքինութեանց
գանազանութիւնը, անոնց սահմանը չսոր-
ված՝ պէտք է որ սորվի զանոնք գործա-
դրելու :

Թէպէտև դաստիարակութեան գործը
չուտով սկսելու է, այլ ուսմանց մէջ կրնաս
բիչ մը յապաղկոտ ըլլալ . որոնք առաւե-
լապէս այն տունին են օգտակար՝ երբ ի-

րենց ժամանակին աւանդուն։ Արեք ազգ
դաստիարակութեան ընդունակ է մարդ-
բնական, բարոյական ու ետքը մտաւոր
դաստիարակութեան։



Ամէն բանէ առաջ տղուն մարմինը կը
սկսի ձևանալ։

Զրուցեցինք թէ ինչ և որպիսի խնամք
և հոգ պէտք է ասոր նկատմամբ։ Աւտտի
և մօր մը գլխաւոր դբազմունքը պիտի ըլ-
լայ զանիկայ զօրացընելու աշխատիլ. պա-
տուական հեղանիւթ մը ընդունելու պատ-
րաստ անօթ մըն է, հարկ է զանիկայ ըն-
դունակ ընել։

Պէտք է ուժովցընել տղուն մարմինը
հրահանգօք, վաղելով ու մարմնակիրթա-
նօք. շուտով պիտի հասնի այն ատենը՝ յո-
րում մարմինը մտաւոր ուսմանց դբազե-
լով երկար հանգստեան մը կարօտ պիտի
ըլլայ. ուստի և արժան է որ այդ ատենը
չհասած իր մարմնոյ ոյժն ու զօրութիւնը
ստանայ. ապա թէ ոչ, կամ տղուն աւող-
ջութիւնը զոհ պիտի ըլլայ, կամ մտաւորու-
կան կրթութենէ բոլորովին հրաժարի։

Տղան միշտ վախաբոյ է սսգիս անդին
վաղելու և շարժմունք ընելու. չէ թէ միայն
պէտք չէ արգելուլ, հապա նաև հնարք
գտնել՝ որպէս զի այդ շարժմունքը թէ ա-
ւելի սաստիկ և թէ աւելի յաճախ ըլլայ։
Արեսը կը կարմրի, կը տաքնայ, բրտինքով
պատած է բոլոր մարմինը. մի վախնար, և
չըլլայ թէ խաղը արգելուս. այլ թող զինքն
իր ազատութեան մէջ, զգուշանալով միայն
որ չափէն աւելի չըլլայ ու ցուրտ չառնու։
Թող խաղայ՝ ուսման չսկսած. խաղայ դար-
ձեալ ուսման պարտպեղէն ետքն ալ, որ-
պէս զի մտաց աշխատանքը չափաւորուի։

Կը գտնուին գաստիարակներ որ պզտի
տղայոց այնպիսի բաներ կը վտթան սոր-
վեցընել, որոնք անօգուտ են թէ կենաց
գիտութեան և թէ առարինութեանց կի-
րաութեանն համար. կը բանադատեն ա-
նոնց միտքն, կամ ատենէ դուրս կը բեռ-
նաւորեն. անանկ որ երբ քսան տարուան
կ'ըլլայ, արգէն միտքը բռնուած է. վասն
զի ատենէն առաջ սպառած են իր կարօ-
ղութիւններն։

Այս տձապարանաց մէջ թէպէտև դաս-
տիարակին զիտաւորութիւնը բարի է, բայց
անպտուղ. անանկ որ իր ամէն ջանքովն ալ
հազիւ բաւական կ'ըլլայ չափաւոր ուսեալ
մը ձևացընել իր աշակերտը։ Արնայ ըլլալ

որ հոգը բարի ըլլայ և աղէկ պատրաստուած, բայց երբ անհամբեր ձեռք մը և զանակէն առաջ կը սերմանէ, հնձոց ծամանակ ունայնաձեռն ելլելուն տարակոյս չկայ:

Մօր մը գործը, որ մտաւորական դաստիարակութիւն չէ, պէտք է հաւատքով սկսի և մեծարանօք շարունակուի: Մեծարանօք՝ վասն զի կերպով մը իր պարտքն է Աջաուծոյ գործոյն լրումն տալ: Մեծ արուեստագէտ մը ուրուագիծը կը շինէ, բայց կրնայ միանգամայն ձեռնտու ըլլալ գործոյն կատարելութեանը, ինչպէս նաև առիթ անոր խանգարմանը: Շրջահայեցութեան և համբերութեան գործ է. վասն զի հարկ է որ անդադար գուշակէ և սպասէ:

Չըլլայ թէ մայր մը անհամբերութեամբ՝ ճանչնալ ուղեով դաւկին բողբին սպառազայն, փութայ անոր վրայ կանխաճանա գատաստան մը ընել. վասն զի այդ գատաստանը՝ յաճախ յանդուգն գատաստան մըն է: Չըլլայ թէ արտամութեամբ կամ սրտի լքմամբ մը՝ տեսնելով անոր վրայ յամր դանդաղութիւն մը, ըսէ. « Ապուշ տղայ մըն է գուակս »: Այլ մանաւանդ թէ ըսէ. « Մտաւորական յարմարութիւն մը կրնայ ունենալ հայեցողական ուամանց. թերևս որ մը տեսնեմ զինքը խորհող մը, իմաստասէր կամ բանաստեղծ մը »:

Ասանկ մտածել պէտք է չյուսահատելու համար. ասանկ խօսել արժան է, որպէս զի համեմատ ըլլայ նաև տրուած դաստիարակութիւնը:

Ասոր հակառակ, երբ կը տեսնէ իր տըղայն որ եռանդուն է և աշխոյժ, յարմար առ ամենայն և առ ուսումն, չըսէ երբէք թէ « Իմ տղուս թէ հանճարովը և թէ իմաստութեամբ նշանաւոր ըլլալուն վրայ տարակոյս չկայ »:

Այս, կրնայ ըլլալ որ սպազայն պսակէ իր ակնկալութիւնը, սակայն ամէն օրուան փորձ մը յայտնի կը ցուցնէ թէ յաճախ ընդունայն յոյս և փափաք մըն է ասիկայ՝ երազ մը՝ որ հազիւ ուրախացուցած՝ կ'ընդունայնանայ:

Իրաւ է որ ամենէն աւելի գերազանց ընաւորութիւններն, սպազայ մը ունեցողներն, եռանդուն և աշխոյժ բնաւորութիւններն են: Կիրքը կրակ մըն է՝ զոր մարելու համար մեծ զգուշութիւն բանեցընելու է. դաստիարակութիւնը միայն կրնայ ուղղել անոր գառածանքը:

Մանկութեան առաջին դայրուցքը (emportement), բաւական է որ բարկութեան նողկալի նշանակքը չկրեն, վախնալու բաներ չեն. անոնք՝ ծածկուած կրակ մը կը ցուցնեն մանկան սրտին մէջ: Սակայն

որչափ անգամ տեսնուած է որ այդպիսի եռանդուն բնութիւններ մէկէնիմէկ կը մարին կ'իյնան. ատենէն առաջ ծաղկած հանձարներն՝ կը մարին. մանկութեան կրակը կ'անհետանայ երիտասարդութեան ատեն, ապագային համար տրուած ակնկալութիւնները կը փճանան. մինչդեռ անգին ներհեալ ու իր վրայ յուսահատցընող բնատրութիւն մը՝ մէկէնիմէկ կ'արթննայ:

Գանգաղ խմորում մը կ'երեւնայ մանկան վրայ: Հիւթը կը կերպարանի, առանց զբռնէն յայտնի նշանակիներ տալու. հոտաւէտ ծաղկըներ կ'ընծիւղէ ու համեղաճաշակ պտուղներ: Կենաց հիւթը կը ծաւալի և ոյժ կ'առնու. և ուրիշ բանի կարօտ չէ, բայց խոհական ու բարի մօր մը առաջնորդութեան, որպէս զի օգնական ըլլայ այդ կարեւոր աշխատանքին:

Սակայն հաւասար մտադրութիւն ունենալու են մարք՝ նոյն խակ իրենց անձին վրայ: Իրենք ալ ունին զանազան պակասութիւններ, զորս հարկ է ուզել. այլ և այլ նիւթեր՝ զորս արժան է գիտնալ և վրանին խորհրդածել. որպէս զի շրջայ թէ ումիկ և անօգուտ գիտութեամբ լեցուած ըլլան՝ երբ կը սկսին ազուն բարոյական կարողութիւններն հրահանգել: Մասնաւոր կերպով արժան է զիտեն թէ արդեօք աը-

զուն միտքը նիւթահան իրաց կապերովը լեցուած է, կամ բարոյական արդիւնք՝ երկար ատեն իրեն անձանօթ պիտի մնան: Զգայական առարկաներու մէջ կը փնտռէ ու կը գտնէ իւր առաջին համեմատութեան կէտերն. և ասոր մեծապէս ձեռնտու կըրնան ըլլալ՝ մօր մը կողմանէ տրուած օրինակներն ու համառօտ դասերը:

Անձանօթ աշխարհի մը մէջ կը մտնէ աղայն. իր չորս կողմն առած կը տեսնէ օտար առարկաներ, և որոց տեսութիւնն՝ դարմանքի ու հետաքրքրութեան գաղափար մը կ'ազդէ իրեն: Կը փափարի ծանշանալ ամէն բան. դէպ 'ի անոնց կ'երկնցընէ իր ձեռքն, և կ'ուզէ բռնել: Անանկով կը սկսին զարթնուլ իր գաղափարներն. այն առարկան որուն կ'երկնցընէ իր ձեռքն, կը տեսնէ որ տաք է կամ պաղ. թեթև կամ ծանր, անձայն կամ ձայն ունեցող. սասանկով կը սկսի մէկ առարկայն միւսին հետ բաղդատել. ամէն բանի վրայ շիտթ գաղափարներ առնուլ, որոնք կամաց կամաց կը լուսաւորուին, և իր մտաց գործունէութեան նախկին սնունդը կ'ըլլան:

Ուստի պէտք չէ նեղանալ՝ ազուն կարգէ գուրս հետաքրքրութեանը վրայ, և ոչ ալ այն հետաքրքրութենէն առաջ եկած վնասներուն պատճառաւ վշտանալ, կամ

զինքը խստիւ պատժել. վասն զի յանցանքը իրեն չէ, այլ իր տկարութեանը. անօգուտ ալ է պատուհասը, վասն զի տղան իր կտորած բաներուն յարգը չգիտանալով, պատժոյն ալ վախճանը շիկրնար հասկընալ: Վասն զի կը տեսնէ թէ քանի մը օր առաջ էրբ իր խաղալիքը կտորած ասեն դառնապէս և յուսահատ կ'արտասուէր, ուրիշները կը խնտային իր վրայ. և կը զարմանայ թէ ինչո՞ւ իրեն կը սրբողին, երբ կտորած նիւթը արհամարհ է իւր աչքին առջև՝ քան իւր խաղալիքը: Այտք չէ տղուն խստիւ պատուիրել թէ ամէն տեսած բանին ձեռք գպցընելու չէ. այլ մանաւանդ թողուլ որ գործածէ բաղդատութեան այս զիւրին միջոցը՝ իր առաջին զգացմանց ստուգութիւնն կամ խաբէութիւնը հասկընալու համար. մանաւանդ թէ սատարել պէտք է իրեն՝ որպէս զի այս հարկաւոր բաղդատութիւնն աւելի կերպով ընէ: Բայց որպէս զի վնասակար չըլլայ այդ հետաքըննութիւնը, պէտք է այնպիսի առարկաներ գնել տղուն առջև՝ որ արժէք կամ գին մը չունենան. որպէս զի անոնց կորուստն կամ փճանալը՝ իրաւացի ցաւ չարտաճառէ ծնողաց: Տղան կը սկսի մեծնալ. իր ձեռքերը աւելի ճարտար կ'ըլլան, և միտնդամայն կը ստանայ դյաջողակութիւն և զվորձաւ

ուրթիւն. որով նիւթական ուսման օգուտը կը տեսնէ:

Տղաք ընդհանրապէս հետաքնին և ամէն բանի ձեռք գարնող կ'ըլլան. լսելէն աւելի՝ փորձառութեամբ եղածը կը տպաւորուի անոնց մտքին մէջ: Ճանչնալով այս խօսքիս ստուգութիւնը, ծնողք պէտք է թողուն զինքը որ համարձակ գործէ. վասն զի յայլուստ միջոցներ պակաս չեն՝ որպէս զի տղուն անփորձութիւնը կամ անմտադրութիւնը ծանրագնի չըլլայ իրենց: Երբ զի պուածով կամ իրեն եռանդուն բնաւորութեամբը՝ իրեն յատուկ բան մը խորտակէ, պէտք չէ յանդիմանել զինքը, բայց և ոչ ծիծաղիլ վրան. մանաւանդ թէ ցաւակցութիւն ցուցընելու է՝ որ իր անխոհեմութեամբն զրկեցաւ անկէ. սակայն զգուշանալու է կտորած խաղալիքին նման ուրիշ մը իրեն յանձնելէն: Այն ատեն տղան առանց քու յանդիմանութեանդ կամ պատուհասիդ՝ ինքնիրեն կը հասկընայ թէ նոյն իսկ իր շահուն համար հարկաւոր է որ աւելի խելօք ու մտադիր ըլլայ. և այս լուռ գասին օգուտը՝ քիչ ժամանակէն կը տեսնեն ծնողք:



Մարդուս կեանքը՝ աշխատութիւնն է. պարտուցը կատարմանէն առաջ կու գան իր հաճոյքն և ուրախութիւնը: Ամենայն ինչ խիստ ու զժնդակ է կենաց պանդըխտութեան մէջ, յորում ուրախութենէն աւելի ընդ առաջ կ'ելլեն ցաւք. ուստի և Ստաւած ուղած չէ որ մարդս կանխագէտ ըլլայ իր տպագայ կենաց վտանգներուն, տրամութեանց և կրելու պատերազմաց: Ապագային զիտութիւնը իրեն տրուած չէ:

Բայց այն զժնդակ փորձերուն մէջ որ ետևէ ետև կրնան վրան համարել, բարեկամ ձեռք մը իրեն նեցուկ պիտի ըլլայ:

Այո՛, ունի իր մայրը. բայց անիկայ բաւական չէ. ունի եղբարք, քոյրեր, որոնցմով Ստաւած շրջապատեր է իր որրանը. բայց անոնք ալ բաւական չեն: Երիտասարդութեան ատեն պիտի ունենայ զսէր. անցեալ հասակին մէջ զբարեկամս, Ժամանակաւ ու փորձառութեամբ պիտի զօրանայ: Սակայն ասոնք ամէնքը բաւական չեն յագեցընելու իր սրտին ընդարձակութեան պարապը:

Կարևոր է իրեն աստուածազնեցիկ բարեկամ մը, խորհրդատու՝ զօրաւոր բարեկամ մը, որ իրեն առաջնորդէ, պահպանէ զինքը, լուսաւորէ, մխիթարէ, և ուրիշներու հեռանալէն ետքն ալ հաւատարիմ մնայ:

Այս կարևոր ընկերակիցը, դէշ օրերուն բարեկամը, զոր իր որրանին քով նստած կը տեսնէ մարդս՝

Կրօնքն է:

Կրօնքը՝ որ երկնից դուստր է, և մեր ամենուն մայրը: Միրտութեան հանդիսին մէջ մանուկն անոր առաջին համբոյրը կ'ընդունի: Կանուխ պէտք է ջանալ հասկըցընել իրեն թէ ո՞վ է այս հաւատարիմ և օժանդակող բարեկամը. պէտք է սորվեցընել որ խանդաղատանօք սիրէ զայն:

Այն հասակին մէջ յորում զիւրըմբռնելի առարկաներն միայն յարմար են մտաց վրայ տպաւորութիւն ընելու, պէտք է կրօնից կերպարանք մը տալ, օրինակով մը հասկըցընել տղուն անոր մեծութիւնը: Պէտք է կրօնքը ընկերակից տալ տղուն կենացը ամէն զօրձերուն: Երբ անգտին յորրանէ կը վարժեցընես զինքը կրօնական գաղափարներու, երբ կը ջանաս զգալի կերպերով զանիկայ ըմբռնել տալ, այդ գաղափարներն կը տպաւորին իր սրտին:

մէջ, ու իրեն ապաւէն՝ իր առաջնորդը
կ'ըլլան կենաց ամէն գործերուն մէջ:

Այն ծառը՝ զոր քու ձեռքդ տնկեց, և ու-
րուն աճմանը՝ լռիկ կը հսկէ քու սիրտդ,
տարուէ տարի աւելի խորունկ կ'արմատա-
նայ, և իր սաղարթախիտ հովանւոյն տակ՝
պիտի գտնէ մարդս իր ապահովութիւնն,
և մրրիկը առանց զինքը կործանելու, պիտի
անցնի երթայ:

Կրօնքն միայն կրնայ պէտք եղած ոյժն
տալ՝ բարին գործելու և չարէն զգուշանա-
լու. զօրաւոր վաճան մը՝ որուն վրայ իրենց
ոյժը կը կորսնցընեն՝ 'ի թշնամւոյն տեղա-
ցած նետերը: Հաւատքով պահպանուած
ու պատսպարուած պիտի անցնի մարդս
սկեստիկանութեան և տարակուսանաց
ցուրտ գաւառներուն մէջէն. և այն վա-
տառողջ ու մահառիթ գաւառաց մէջ փը-
շող հողմունք և փոթորիկք՝ պիտի չկարե-
նան փնասել իրեն:

Մանկութեան հասակէն կրօնական սկզբ-
բանց ընտանեանալով, պատանեկութեան
հասակին անստուգութեանցը, տարակու-
սանաց և անկմանց մէջ զօրաւոր նեցուկ
մը ու առաջնորդ կ'ըլլան անոնք: Նեղու-
թեան, արտասոււաց ու 'ի մարդկային կե-
նաց անհրաժեշտ դառն լքմանց մէջ ան-
խոնջ միտթարութիւն մը:

Արդէն խօսեցանք մօրը կրօնքին վրայ.
այն կրօնքին հետեանք պիտի ըլլայ նաև
տղուն կրօնքն ալ. վասն զի եթէ անկարելի
է սորվեցընել ինչ որ ինք չգիտեր, առաջ-
նորդել իրեն անձանթ ճամբու մը մէջէն,
ևս առաւել անմարթ է ազդել այն սէրը՝
զոր ինք չզգար: Այսպէս պզտի տղան՝ մօ-
րը պաշտած կուռքին խունկ կը ծխէ, կամ
իր նախկին սէրը՝ Յիսուսի փրկողին կը
նստիւրէ, եթէ պզտիկուց սորված ըլլայ ճան-
չնալ զինքը: Որբանին մէջ եղած տղուն
փոյթը չէ Բահադու կամ Արամազդայ պաշ-
տօնասար և երկրպտղու ըլլալը. վասն զի
չոգւոյ կամ ելեքտրականութեան պէս՝
պարզապէս իրեն տրուած մղման կը հնա-
ղանգի:

Գողան ուրեմն թշուառ ծնողք՝ եթէ ի-
րենց պակասութեամբն կամ անհոգու-
թեամբ տղան չճանչնար զճշմարտութիւն.
եթէ ազէտ կը մնայ ուղիղ հաւատոց, որ
միայն կարող է ազդել զբարին, և 'ի կիր
առնուլ զայն սիրով:

Ընդհանրապէս կը կարծուի թէ կրօնա-
կան ուսումը օգտակար ըլլալու համար՝
պէտք է որ դաստիարակութեան մէջ իր
սեղն ունենայ. և այն ատեն միայն աւան-
դուի՝ յորում իրեն բանականութիւնը կը
սկսի արթննալ:

Մեծ նախապաշարմունք և սխալ մըն է ասիկայ: Վասն զի անկարելի է ալ ենթադրելը թէ երեքտասանամեայ մանուկ մը՝ աւելի խելք կարենայ հասցընել քրիստոսական կրօնից իմաստասիրութեան, որուն անկարող է երեք կամ հինգ տարուան մանուկը: Երկուքն ալ՝ կրօնքը իրենց սրտովը կ'ըմբռնեն և ոչ եթէ խելքով: Քրիստոնէականը՝ կրօնից ուսումը լիովին չաւանդեր մանկան. այլ կը տպաւորէ անոր յիշողութեանը մէջ սպարզ և որոշ սկզբունքներ՝ այն մեծ ճշմարտութեանց որոնք որբանէն սկսած են ընտանի ըլլալ իրեն:

Մանուկը չճանչցած՝ կը տեսնէ զերկինս. այսպէս ալ պէտք է սիրէ զԱստուած, զեռ խորհել չսկսած. և կը սիրէ՝ վասն զի մտքը ջանացած է յամենայնի՝ անոր նախախնամող բարերարութիւններն ծանօթացընել իրեն: Այդ առաջին յիշատակներուն ոյժը, և ոչ եթէ ասպժամ ուսում մը կրօնական խորհրդոց, հաստատուն խարխալ մը պիտի ըլլայ՝ որուն վրայ պիտի հանդէլ իր հաւատքը:

Ատենին սորվեցուցուած քրիստոնէականը, ոչ խիստ կանուխ և ոչ ալ ուշ, պիտի կատարելագործէ մայրական գործը. անով պիտի զլխաւորի կրօնական ուսումը: Բայց պէտք է որ քրիստոնէականը՝ տղուն ըմ-

բռնմանը համեմատ ըլլայ, և որով միայն կրօնից մեծ ճշմարտութիւններն իրեն բացատրուին: Մայրը՝ սորվեցուց իրեն՝ սիրել զԱստուած սիրով. քրիստոնէականն ալ պիտի սորվեցընէ սիրել ու ճանչնալ խելքով: Հարկ է որ ասոր մէջ ամիտօրի իր ուսումը:

Մէրը՝ ազբիւր է ամենայն հաւատալեաց. հաւատքը սրտէ առաջ կու գայ և ոչ ՚ի յիշողութենէ. և մանկութեան սիրտը՝ Աստուծոյ նախամեծար օթեւանն է: Անոր համար՝ տղուն սրտին և ոչ եթէ մտայր պէտք է ուղղել՝ կրօնից նախկին ուսումը. վասն զի թէպէտև ժամանած ըլլայ տղայն ան հասակին զոր բանականութեան հասակ կը կոչեն, — և թերևս սխալմամբ, — սակայն պէտք չէ ամենեկն վտահալլ այն նոր և զիւրաթեք կարողութեան վրայ, ուսումը լուսաւորելու համար: Գեռ անկարող է և հազիւ կը թօթովէ. թող տալու է որ ուժովնայ: Տղան մաքուր և եռանդուն սիրա մը ունի. այն սըրտին վրայ կրնաս վտահալլ:

Քրիստոնէականին ուսումը կը կատարելագործէ մօր մը սորվեցուցածը, բայց չի կրնար անոր տեղը բռնել. քրիստոնէականին խօսքերը չեն որ կ'աղղեն զհաւատս. վասն զի հաւատոց նախկին ազբիւր հարկ

է որ ըլլան մօր մը խօսքերն, սովորութիւններն և սոււած օրինակները: Այսպէս նախատես մայր մը վայրկեան մը չկորսնցըներ. տղան հազիւ թէ աչունները կը բանայ, կը դարձնէ զանոնք գեղեցիկ ու սըրտաշարժ պատկերներու վրայ, որ մեր սրբութեան հաւատքը սիրելի ու պատկառելի կ'ընեն: Քրիստոսի խաչելութիւն մը, սուրբ կոյս մը, իր աստուածային զաւակը գիրկը, պահապան հրեշտակ մը՝ որ մանկութեան ձեռքէն բռնած կ'աւաջնորդէ յերկինս, Աստուածհայր մը՝ որ սրբոյ կուսին և անոր Արդոյն աչքին առջև իր աշխատանացը կը պարտալի, — ահաւասիկ որրանին բարեկամ, տղայոց սրտին հետ խօսող գեղեցիկ պատկերներ: Եւ եթէ ջանայ մայրն՝ որ այդ նկարները արուեստի կողմանէ ալ իրենց կատարելութիւնն ունենան, այն օգուտը ձեռք կը բերէ որ տղայոց փափուկ սրտին մէջ հաճուկանին ու գեղեցիկն գաղափարն ալ կը տըպաւորէ, որոնք իր ապագայ կենաց վիճակին մէջ կրնան օր մը իրենց օգտակար աղղեցութիւնն ունենալ: Մէր կը կապէ անոնց վրայ, կը զգուշանայ զանոնք վշտացընելէն. կը ջանայ զանոնք հաճել: Երբ տղուն վրայ բարկութեան նշաններ կը տեսնուին, երբ յամառութեան և անհնազանդութեան

կերպ մը կը նկատես, ցըցուր իրեն՝ որրանին վրայ կախուած պահապան հրեշտակին պատկերը. ըսէ թէ ինչպէս այդ կրքերովը կը տհաճեցընէ զինքն՝ որ իր փոքրիկ անձին պահպանութիւնն վրան աւած է և խնամով կը հսկէ: Յըցուր Քրիստոսի տեսնն մերոյ պատկերը, որ խաչի մը վրայ յանձն կ'առնու մեռնիլ, մարդկանց մեղքերը քաւելու. և որուն սիրելի է անմեղ և հնազանդ մանկութիւնը. դարձուր անոր մըտադրութիւնը՝ Աստուծոյ ու մարդկանց մօրը, սրբոյ կուսին պատկերին վրայ. հասկըցուր թէ իր պաշտպան սուրբը՝ խորհրդական պահպանութիւն մը կ'ընէ վրան, թէ իր աղօթքը կը ներկայացընէ Աստուծոյ, իրմէն վարձք և փոխարէն առնլով:

Տղուն լեզուն բացուած չբացուած՝ երբ հազիւ կը սկսի թոթովել, իր բերնէն ելած առաջին բառն պէտք է որ Աստուծոյ անունն ըլլայ: Պէտք է կոչէ իր հայրն՝ որ կապոյտ երկնից մէջ բազմած է, իր երկրաւոր հօրը անունէն աւաջ, և նոյն իսկ գորովագութ և խանդաղասալից խնամքովը զինքը տածող մօրը: Առ Աստուած աղօթելու ատենը՝ կ'ըսէ. « Հայր իմ ». գեռ չի կրնար անոր կարողութեանը գաղափարն ունենալ. բայց հօր անունը տալով՝ անոր մեծ ու սիրելի իշխանութիւնն կը զգայ: Երբ

կամաց կամաց իր գաղափարներն արթըն-
նան, պիտի սկսի քննել իր նախկին զգաց-
մունքը. « Ի՞նչ է ասիկայ » պիտի ըսէ՝ երբ
ձեռքը նիւթական առարկայի մը երկնցը-
նէ. ու երբ աչքը կը դարձնէ յերկինս,
ծառոց ու լուսոյ վրայ պիտի հարցընէ.

« Ո՞վ ըրաւ դատոնք » :

Այն ատեն իրեն հասկըցուր թէ Աս-
տուած միայն կրնայ սցսպիտի գեղեցիկ
բաներ ստեղծել. իմացուր թէ Աստուած
ըսածդ՝ կարող էակ մըն է. աւելի կարող
քան իր հայրն ու մայրը, որ իրեն Աստու-
ծոյ իշխանութիւնը կը ներկայացընեն. վասն
զի ոչ հայրը և ոչ մայրը չեն կրնար ծառ
մը, տերև մը, խոտի չի՛ւղ մը ստեղծել: Ա-
սով իր հաղիւ ձեացած սրտին մէջ, միայն
նիւթական առարկայից տեսութեամբը կա-
րելի է տպաւորել աստուածութեան վսեմ՝
գաղափարը. իսկ երբ ատենին խելքը բա-
ցուի, կ'ընդարձակուին, կը հաստատուին
և ընտանի կ'ըլլան իրեն այդ գաղափարնե-
րը: Հոգւոյ առաջին բերմունքը, կրօնական
կրթութեամբ առաջնորդուած և ճոխա-
ցած, կը հասկըցընեն տղուն հաւատքի մը
կարօտութիւնը, իսկ նեղութիւններն՝ ուշ
կամ կանուխ, զգալի կ'ընեն այդ կարօ-
տութիւնը:

Բայց մայրը սրտէն առնալ կը զգայ կրօնա-

կան նախկին տպաւորութեանց կարօտու-
թիւնը, ջանայ ազդողազոյնս դրոշմել անոր
սրտին մէջ. և պէտք է գիտնայ ընտրել այս
բանիս յատուկ միջոցներն, որ կրնան ու-
ժով աղդեցութիւն ունենալ անոր երեւա-
կայութեանը վրայ:

Առաջին տպաւորութեանց աղդեցու-
թիւններէն ետքը, պէտք է նշանակել նաև
սովորութեանց ոյժը, որ անվրէպ եղանակ
մըն է՝ աւելի խորունկ կերպով տպաւորե-
լու աղոց սրտին մէջ կրօնական գաղափար-
ները:

Նրանի անոնց որ այնպիսի բարեպաշտ
ընտանեաց զիրկը մեծցած են, որոնք ար-
ժանաւոր գաղափար մըն են ամենայն ըն-
տանեկան առարկնութեանց: Բարեկար-
գութիւն, տնտեսութիւն, ճիշդ պահպա-
նութիւն ամենէն աւելի խիստ պարտուց,
այն սակաւաթիւ դերդաստանաց մէջ կեն-
դանարար օդ մըն են, որուն թափանցող
ուժոյն անկարելի է դէմ դնել: Քանի մե-
ծամեծ փոփոխութիւններ մտած են մեր
ընտանեկան կենաց գեղեցիկ ու հնաւանդ
սովորութեանց մէջ. և սակայն քաղցր է
տեսնել այն հնութեան և պարզութեան
մնացորդներն նաև մեր օրերուն մէջ.
և քաղցր է տեսնել այն Աստուծոյ վախովը
մեծցած ու սնած զերդաստաններն, իրենց

կարօտութեանց և հանգստեան մէջ հաւասարապէս այն նախախնամանդ Աստուծոյ դարձընելով իրենց աչքերը. երբ հաւատարիմք իրենց հայրերէն ընդունած սովութեանցը, ամէն իրիկուն՝ մարմնոյ նիւթական կերակուրը չկերած, կը ժողովեն իրենց զաւկընները՝ երեկոյեան աղօթքը մատուցանելու: Այն ընտանեկան ու աստուածահաճոյ գումարման մէջ ծնողք իրենց որդւոցը համար կ'աղօթեն, աղայք՝ իրենց մանկական ու երախտապարտ սըրտին թելագրած ազնիւ մաղթանաց ձայնը կը բարձրացընեն առ Տէր. մերթ ամէնքը միաձայն կ'աղօթեն, և մերթ՝ մէկուն մաղթանացը ունկնդիր կ'ըլլան և ձայնակից:

Կրօնականաց սովորական հրահանգները՝ կը պահեն, մանաւանդ թէ կ'աւելցընեն աղուն ընդունած նախնական տպաւորութեանց զօրութիւնը:

Կրօնքը՝ սրտին մէջ իր արմատն ունի, և լոյսը՝ մտաց մէջ. բանականութիւնը կը բնայ ալ աւելի լուսաւորել զայն, բայց չի կրնար ոչ աւելի եռանդուն և ոչ աւելի համոզիչ ընել:

Անցած դարուն՝ գոնուեցաւ յԵւրոպա մէկ անձ մը, հռչականուն իմաստասէր մը, որ համարձակեցաւ այս նորօրինակ վարդապետութեան հեղինակ ըլլալ, թէ

զողայն՝ կատարեալ կրօնական աշխուժեան մէջ արժան է պահել, ինչուան այն հասակը՝ յորում խելքն հասունալով, ազատ ընտրութիւն մը կարենայ ընել:

Այսպէս համարձակեցաւ խօսիլ Յ. Յ. Ռուսոյ, և իր ժամանակին մարդիկը անսացին իրեն. իր դարը՝ զինքն ու իր մտածութիւնը գովեց: Ընկերական կենաց գէժ մեծ ոճիր մըն էր ասիկայ, որուն քառութիւնը, ահաւոր քառութիւնը, քիչ ատենէն վրայ հասաւ: Այն գրութեան հեղինակ իմաստասէրը՝ այլ և այլ մտատանջութեամբ թշուառ ու խռովեալ կեանք մը անցընելէն ետքը, իրրե կայծակնաձար ընկաւ մեռաւ մէկ գիշերուան մը մէջ: Իր մահուանը պատճառը անստոյգ մնաց. կարծես թէ աներեւոյթ հզօր ձեռք մը այն պարտաւոր ճակտին վրայ ծանրացրէր էր:

Իրեն մտիկ ընող ժամանակն ու մարդիկ՝ արեամբ լուացին և կը լուան իրենց սխալմունքը: Այն պատուհասը յիշեցընող, այն գրութեան գործած աւերակները՝ գեռ աչու ընուս առջև են. մանաւանդ թէ անոնց մէջ ահուզողով նստած՝¹ կը գրենք այս սողերը: Ահա՛ որ դասեր: Ահուզողով կը գրենք. ու հեռաւոր՝ բայց մեղի սիրելի

¹ Փարիզ 1870-71:

աղգերնիս կը ներկայանայ մեզի, ու տրբու-
մնութեամբ կը նկատենք որ անխափան
ու շահասէր անսիրտ ձեռքեր՝ անմեղ ժո-
ղովրդեան մը մէջ ալ կը սփռեն այդ վեա-
սակար սկզբանց սերմունքը...

Կրօնքը՝ մարդուս կեանքն է. վասն զի
անոր մէջ բացատրուած են իր երկրաւոր
առաքելութեան ու հանդերձեալ կենաց
փառքերը: Անոր համար պէտք է որ կրօն-
քը՝ որրանին քով հսկէ մարդուս, և անոր
հետ ընկերանայ մինչև ՚ի շիրիմ: Աւ յիրա-
ւի. եթէ բարոյական ու մաւաւոր դաստիա-
րակութիւնը, եթէ կրթութիւնը հարկաւոր
է աղուն՝ որ օր մը քաղաքակիրթ ընկերու-
թեան մէջ իր գիրքն պիտի ունենայ, Աւե-
տ արանին գիտութիւնն ալ անհրաժեշտ
հարկաւոր է իրեն: Վասն զի անով կը սոր-
վի ճանչնալ ինքզինքը, և առանց դժուա-
րութեան գլուխ ծռել՝ պարտուց ամենէն
աւելի խիստ պատուիրանացը: Մարդուս
հոգին՝ հաւատալու և սիրելու համար ստեղ-
ծուած է. կրօնքը միայն կրնայ պատասխա-
նել այս պիտոյիցը:

Գաստիարակութեան վերջին վախճանն՝
երկինքն է. — երկինք և Ստուած: Կրօն-
քը՝ Ստուածոյ գիտութիւնն է, զոր ամէն
բանէ առաջ և մասնաւոր խնամքով մը ար-
ժան է սորվեցընել. պէտք է որ կամոց կա-

մաց սխիւն ընտանենալ տղուն ու մանկ
անոր սրտին մէջ իր սկզբունքը, որպէս զի
Ստուածոյ և իրեն հրամանաց հակառակող
սպստամբ թշնամիք՝ չկրնան մուտ գտնել,
կամ մէկէնիմէկ հալածական փախչին:
Պէտք է որ խոհական ու կրօնասէր մօրը
ջանքով ճանչնայ տղան զԱստուած. ճանչ-
նայ այն Ստուածը՝ որ իր յաճախագութ
հայրն է. և յորմէ կը բղխեն ամենայն բա-
րեբաստութիւնք. այն Ստուածը՝ որ իրեն
կարեւոր բարեկամն է, եթէ ներելի է այս
բացատրութիւնս. որուն արժան է որ կար-
կառէ իր բազուկները, որուն յանձնէ իր
երջանիկ տալաւորութիւններն, և սրտի
տրտմութիւնները. այն Ստուածը՝ որ միշտ
հայր է, և յաճախ սիրտիչ ու մխիթարող:

Այդ Ստուածոյ վրայ՝ պարզ ու ընտանի
լեզուով մը խօսի մայրը տղուն հետ, իրեն
հասակին ու ըմբռնմանը համեմատ խօսքե-
րով. չձանրաբեռնէ անոր միտքը այնպիսի
աղօթքներով որոնց ոյժը չհասկընար, և ու-
րոնք պարզապէս հնազանդելու համար,
բայց առանց զգացման և եռանդեան կը
կրկնէ. զորոնք կը յօդէ շրթամբք, բայց
սրտէն առաջ չիզար: Պէտք է որ պզտի
տղուն աղօթքներն համառօտ ըլլան. պառ-
կելու ատենը զրուցէ. « Ստուած իմ, քեզ
կը յանձնեմ հոգիս. պահէ զայն յամենայն

չարէ » : Արթնցած ատենն ալ իր երախտապարտ ձեռքերն ամբառնայ առ Աստուած, չնորհակալ ըլլայ պարգևած հանգըստեանն համար : իրեն յանձնէ իր ծնողքը, խնդրէ իրմէ չնորհք՝ որպէս զի խելօք ըլլայ, և իր օրինացը համաձայն վարք մը ունենայ :

Եթէ տղայն իր մօրը ծնկան վրայ նստած՝ սորվի ճանչնալ ու սիրել զԱստուած, ատեն անցնելէն ետքը՝ կրնայ երբեմն դառածիլ, երիտասարդական կրից բռնութեան թափէն մղուած . սակայն կանուխ կամ ուշ նորէն կը զգաստանայ, կը գառնայ իր առջի հաւատքին . ու այնպիսոյն մահը քրիստոնէի մահ կ'ըլլայ :

Արքերը կը մօրին, կեանքը առաջ կ'երթայ, և անիկայ կանկ կ'առնու . նման այն փրփրերախ երիվարին՝ որ ասպարիզին մէջ կստաղաբար արչաւելէն ետքը՝ յանկարծ կը կենայ նոյն խկ իր բուռն ընթացիցը ժամանակ :

Պատրանքէն օգուտ քաղելու ժամանակը կը հասնի : Երիտասարդը ոսկեզօծ գաւաթի մը մէջէն խմեց ցյազ այդ ըմպելիքն և դառն գտաւ զայն . իրականութիւնն բացաւ անոր աչքը . ուստի և մտքով կը դառնայ դետոյն այն ընթացքին՝ ուստի անմտարար հեռացաւ . ու նորէն կը սկսի յոյս ստանալ :

Յոյսը՝ իր որրանին բարեկամն էր, մանկութեանն ընկերակիցը . իր առաջին յուսահատական ձայնին՝ կը դիմէ կը հասնի այդ մտիթարիչ յոյսը . գորովալիբ գրկացը մէջ կ'ընդունի, կը պատէ անոր վէրքերը, կը դարմանէ ներքին ցաւերը : Այն ատեն կը յիշէ երիտասարդը իր հաւատքը . կը դարձնէ աշուրներն յերկինս . այն աշուրներն որ երկար ատեն երկրապիշ էին . գեղեցիկ յիշատակներ կ'արթննան մտքին մէջ, և անոնց մէջն է իր վրիպութիւնը :

Գորովալիբ ու բարեպաշտ մօր մը ջանքով եղած կրօնական նախնական կրթութեան անուշաբոյր հօտը կը մնայ սրտին մէջ . կրնայ ըլլալ որ այլ և այլ անսրբութեամբք՝ սպալանի անօթոյն սպիտակութիւնը՝ յորում այդ հեղանիւթը ամիսօրուած է . բայց միշտ կը մնայ մէջի անուշահոտութիւնն :

Յուրտ մոխիր մը կամաց կամաց կը դիզուի կրակարանին մէջ՝ որ բոլորովին մաքած չէ . երբ մոխիրն անհետանայ՝ մէկէնիւմէկ կը տեսնուի կրակին փայլը, այնչափ աւելի արծարծ՝ որչափ քիչ մը ատենուան համար անհետ եղած կ'երևնար :

Բայց ինչ կրնայ ըլլալ այն երիտասարդին վիճակը, այնպիսի ճգնաժամի մը մէջ, որ սուտանուն փիլիսոփայական կոչուած

դաստիարակութիւն մը ընդունած ըլլալով, իր առաջին մանկութեան կրօնական կրթութիւնն ստացած չէ: Այնպիսին ընդունայն տեղ կը դարձընէ միտքն անցելոյն վրայ. վասն զի չունի ոչ ակնկալութիւն և ոչ քաղցր յիշատակ մը: Ինքը մինակ է: Անոր համար անդարման է նաև վնասն ալ:

Կրօնից հուրը չվառեցաւ այդ հիւանդ սրտին մէջ. ՚ի դուր կենաց աշնան հովերը կը ցրուեն կիղիջ հասակին եռանդեան կրակէն առաջ եկած մոխիրները. չբորբորի բոց մը. աւանդ, լոկ ցամաքեալ ու աւրըշտը կամ հողոյ կոյտ մըն է մեր տեսածը:

Ո՛րչափ դառն է այն մարդուն վիճակը որ երկրէս յուսահատ, սորված չըլլայ աւտենին յուսալ յերկինս: Ամէն բանի վրայ կը տարակուսի. կեանքն իրեն անհանդուրժելի կ'ըլլայ, և տխուր յուսաբեկութեան մը մէջ կ'ընկղմի: Հաւատքը կրնար իրեն նեցուկ մը ըլլալ. բայց դժբաղդաբար աւանդուած չէ իրեն այդ հաւատքը. երկրաւորաց յոյսը՝ իր գողգոջուն ձեռացը մէջ խորտակած է՝ իբրև դիւրաբեկ բաժակ մը. չունի երկնից յոյսը, ու միայն ընդունայնութիւն մը կը տեսնէ իր առջևը: Ամէն բանի մէջ պարապութիւն մը կը տեսնէ. միշտ խեղճ ու կարօտ կը գտնէ ինքզինքը.

քաղցած, ճարախ, ու ինքզինքը գոհացընելու ամէն միջոց կը պակսի իրեն:

Տխուր փորձառութեամբ լուսաւորուած մարդը, կրնայ ըսել. Հոս պիտի ըլլայ իմ հանգիստս: Բայց հաւատոց սկզբունքէն դուրկ մարդ մը՝ ճշմարտութեան դիմաց փոխանակ խրախուսելու և ոյժ առնելու, կը լքանի և կը յուսահատի. նման այն տըգէտ նաւապետին որ նուահանգիստը կը տեսնէ հեռուէն, ու չկրնար մտնենալ:

Թէ որ յառաջանկատ ձեռք մը շէնք մը շինելու խնամատար ըլլար, իր ընթացքէն յոգնած ճանապարհորդը՝ անշուշտ հոն պիտի մտնէր: Շէնքը երկար ատեն երեսի վրայ ալ ձգուած, և թերևս աւերակ վիճակի մէջ ալ ըլլար, հոգ չէր: Թէպէտ և չունենար կարողութիւն ՚ի նորոյ կառուցանելու, գէթ կրնար նորոգել:

Մայր մը որ ետեւ է այդ տանը շինութեանը, առանց դիտնալու թէ արդեօք հիւրը միշտ հաւատարիմ պիտի մնայ, այնպիսին իր որդւոյն ապագային ճարտարապետն է: Պէտք է ուրեմն աշխատի, առանց իսկ մտքէն անցընելու թէ արդեօք իր վաստակը անօգուտ պիտի ըլլայ. վասն զի կանուխ կամ ուշ, անիկայ անառակին պէս պիտի գտռնայ հանգչելու սիրոյ բնակարանին մէջ ուսկից ապերախտութեամբ հեռա-

ցաւ: Այն շէնքին սեմոցը վրայ կեցած է կրօնքը. անիկայ իր բնակարանն է, և որուն դռները բացուած են ընդունելու այն յոգնած ճանապարհորդը. կ'ընդունի զինքը, և ձեռքէն բռնած՝ կ'առաջնորդէ իրմէ անբաժան եղող առաքինութեանց: Անուակը՝ կը ճանչնայ ամէն բան. կը ճանչնայ իր նախկին բարեկամներն՝ դորոնք արհամարհած էր, ու կը յիշէ անոնց զեղեցիկ բարեմասնութիւնքը. զանոնք կրկին տեսնելուն՝ կը դուարթանայ սրտովը, ու մէկէնիմէկ հանդարտած՝ կուգայ կը բազմի անոնց մէջ. մինչդեռ զինքն հոն բերող մրրիկը՝ կը խորտակի կ'իյնայ այն հաստատուն շէնքին հետ զարնուելով:

Այժմ, կրօնքը սպաստանարան մըն է ամենայն մրրկաց զէմ, նաւահանգիստ մը ալեկոծելոց, փրկութեան խարխիս մը:

Քրիստոնէայ մայրեր, ձեզի հետ է միւր խօսքը, ձեզի՛ որ համոզուելու կարօտ չէք: Չանացէք որ ձեր զակընները կրօնասէր ըլլան, հաւատարիմ ծառայք Աստուծոյ: Կրօնասէր ըրէք զիրենք, ձեր երախտազէտ զգացմամբքն առ Աստուած. կրօնասէր՝ ձեր ամէն օրուան բարի օրինակովը, ապա թէ ոչ, ընդունայն կ'աշխատիք: Վասն զի ինչպէս կարելի է առատ հնձոց սպանել, թանձր սառուցով սպասած երկրէ մը:

Կակղացուցէք այդ հողը, սիօսներ բացէք, մտուցէք անոնց մէջ հաւատոց արեւը, ու սերմանեցէք վստահութեամբ. վասն զի անանկ կերպով պատրաստուած հողէ մը՝ անմարթ է շայեկան արդեանց չսպասել:



Կրօնից, առանց որոյ անիմանալի են ամէն ուսմունք, արմատը սրտի մէջ է. իր բողոր ոյժը՝ նախկին օրինակաց և նախնական տպաւորութեանց մէջ է:

Վասն զի զօրաւոր ու խորունկ են տղուն վրայ եղած առաջին տպաւորութիւններն. կակուղ մոմի մը վրայ կը քանդակուին, ժամանակաւ կը կարծրանան, և որոնց բուրովին փճանալը անկարելի է:

Տղայն՝ որուն, Աստուծոյ շնչովը կենդանացած վայրկենէն, քայլ առ քայլ ընկերացանք, կը սկսի խօսիլ. կրնայ իր միտքը հասկըցընել, և քանի մը խօսք հեզել, որոնք անպատում խնդութեամբ կը լեցընեն իր մտաղիւր մօրը սիրտը: Արիկայ նմանողութեան բնազդմանը հետեանք մըն է, և որ բնական է ամէն շնչաւոր արարածոց, և կամաց կամաց արգասիք կ'ըլլայ նախ-

նական համեմատութեանց այն սղտի իմացականութեան՝ որ կը սկսի մեծնալ :

Այն ատեն մայրը կրկնապատկելու է իր խնամքը. վասն զի ապագային արդիւնքը այն ժամանակէն է, և սղտի անհոգութիւն մը կրնայ դժնգակ հետեանքներ ունենալ :

Մանկիկը ալ չիմնար իր առջի թմբութեանը մէջ. միշտ մտիկ կ'ընէ, ամէն բանի վրայ անկատար համար մը կ'ուզէ տալ. խօսքերը կը լսէ, բայց դեռ անոնց ամենուն նշանակութիւնը չհասկընար. անորոշ կերպով մը կը սլահէ զանոնք իր մտայը մէջ, և պիտի գայ օր մը յորում յիշէ զանոնք :

Որրանին քով ուր օրուան աշխատանքներէն յոգնած գերդաստանը կը գումարի, վնասակար է անդգուշութեամբ կենաց սրտաշաճական բաներուն վրայ խօսիլ : Վնասակար է տղուն առողջութեանը հարգը և մասնակից ըլլալ տնական հոգոց, մտատանջութեանց և վշտաց օրք դժբաղդաբար յաճախ շատ գերդաստաններու միտքն ու սիրտը՝ օրդան մը պէս կը կըրծեն : Տղուն զիմաց արժան է խոհական լռութիւն մը պահել, և մանկութեան հասակը արժան է որ մեծարանք ազդէ : Անիրաւ յանդիմանութիւններ, բարկութիւն, ընդունայն և տաք հակաճառութիւններ,

դառն ցաւեր, պէտք է որ խնամքով հեռու ըլլան որրանէն :

Պէտք է որ գերդաստանն անխտաճ ըլլայ. ու երբ տղայն անշարժ կը տեսնէ, չըսէ երբէք թէ « Քունի մէջ է. ուղածնիս կրնանք խօսիլ » . և ոչ ալ տեսնելով որ աչքերը տընկած իրենց կը նայի ու շարժունքնին կը դիտէ, « Ի՛նչ պիտի հասկընայ » ըսէ :

Արժան է լռել միշտ, և այդ լռութիւնը՝ թէ՛ մանկան և թէ՛ անոր գերդաստանին հաւասարապէս շահաւոր կ'ըլլայ : Տղուն մտքին մէջ ամէն բան կը տպաւորուի կը մնայ. երբ բանավարութիւնը կը բացուի, յիշողութիւնը կ'արթըննայ, իր այդ նոր կարողութիւններուն առաջին կիրառութիւնը՝ անցելոյն յիշատակները միտքը բերելու և անոնց վրայ անդրադառնալու կը գործածէ : Իր մանկութեան հեռաւոր արձագանքները կը սկսի ժողվել, անոնց վրայ մտածել, մէկմէկու հետ համեմատել. առէն բան կը յիշէ. և եթէ մայրը անխոհեմ գտնուած ըլլայ, վնասը կը սկսի ծածուկ ազդել տղուն վրայ : Նախկին տպաւորութեանց ոյժը՝ անհակառակելի ճշմարտութիւն մըն է. և որոց վրայ որչափ աւելի մտադրութիւն ըլլուի, այնչափ աւելի մեծ կ'ըլլայ անոնց օգուտը :

Ո՛րչափ օգտակար պիտի ըլլայ յիշողու-

թիւնը, երբ կանխաձագ աւանդապահ մը կ'ըլլայ այն մեծ ճշմարտութեանց և խոհական խրատներուն, որոնց վրայ պիտի հանդէի դաստիարակութեան շէնքը:

Գիւրբին է ճանչնալ մտնկական հասակի տպաւորութեանց ոյժը. վասն զի ամէն մարդ, կենաց ասպարիզին մէջ առաջ գնացած ստեղծող ալ, յարգանք սրտին մէջ խորշ մը կը նուիրէ մանկութեան սիրելի յիշատակներէն մէկ քանիին: Կը զարմանայ անոնց կարողութեանը վրայ, և անոնց մէջ ծածկուած գեղեցկութիւն մը կը գրտնէ. սիրելի պատկեր մըն է, քաղցր յիշատակ մը՝ զոր ժամանակը չէ կրցած անհետացընել: Աչուրները գոցած ստեղծող ալ նոյն պատկերը կը ներկայանայ իրեն, յիշատակաւ սիրտը կը բարբախէ: Ու երբ կենաց ընթացքին մէջ լքում մը, սրտարեկութիւն մը վրան կու գայ, անցելոյն յիշատակները՝ գէթ քիչ մը ստեղծուած համար՝ կը մոռցընեն կենաց տխրութիւններն. ոյժ կու տան ներկային մէջ, ու վստահութիւն մը ապագային համար. գէթ կը մխիթարեն սիրտը, կը զբաղեցընեն միտքը:

Պէտք է ազէկ համոզուի մայրը թէ առաջին մանկութեան մէջ որ և իցէ տպաւորութիւն մնայուն է. ուստի արժան է խոհական ըլլայ, զգուշաւոր ՚ի խօսս, և ար-

զուն հետ վերաբերութիւն ունեցող ուրիշ անձինքներէ ալ նոյն խոհականութիւնն և զգուշաւորութիւնը պահանջէ:

Սակայն միւս կողմանէ ալ ջանալու է որ և իցէ առիթ չփախցընել ճանչնալու համար թէ որչափ կրցեր է մանուկը լսածէն օգտուիլ: Երբ անակնկալ հարցմունքներ, չկարծուած դիտողութիւններ, ընկերակցացը հետ կամ նոյն իսկ իր խաղալիկ պաճուճապատանացը հետ խօսակցութիւններ կ'ընէ տղան, կը զարմացընեն մայրը և կը ցուցընեն թէ ինչպէս տղան կարծածէն աւելի շուտով կ'ըմբռնէ ամէն բան:

Վասն զի այն հասակին՝ լոկ արձագանգ մըն է տղայն:

Սնոր համար մասնաւոր կերպով զգուշանալու է այն ամէն անխոհեմ խօսակցութիւններէն, որ իրեն վնասակար կրնան ըլլալ, և ամէն կարելի զգուշութիւն արժան է գործածել:

Քեզի մտիկ կ'ընէ, ո՛վ մայր, քեզի նմանելու համար:

Իր պզտի ընդուն, որ առջի բերան անհասկանալի է, կը սկսի կամաց կամաց ձևանալ. գործարաններն աւելի հըռ կ'ըլլան. շատ անգամ իրեն կրկնուած խօսքերը, աշխատանքով կը սկսի հեզել. այն օրէն առաջ հետը քանի մը խօսակցութիւններ

եղած են, զորոնք չէր կրնար հասկընալ, բայց անոնց մէջ համբերութեամբ ինքզինքը կը կրթէր:

Ո՛րչափ մեծ կարողութիւն է խօսիլը:

Խօսքով մարդս կը բազմապատկէ իր զօրութիւնը, կ'ապահովէ իր իշխանութիւնը. խօսքովը կրնայ բռնաւոր՝ կամ բարերար մը ըլլալ մարդկութեան:

Այդ խօսքը՝ ահաւազիկ եկած է տղուն: Պէտք է մայրը՝ առանց ատեն կորսնցընելու, այդ նոր կարողութեան վրայ իր իշխանութիւնը բանեցընէ. կրթէ զմանուկն և անոր լեզուն, և փութացընէ իրեն բարգաւաճանքն:

Կան անանկ մայրեր՝ որ կարծես ինքիբեանէն դուրս կ'ելլեն ուրախութենէ, իրենց տղուն ամէն մէկ խօսքը հեղել լսած ատեննին. ուրիշներ ալ կան՝ որ ընդհակառակն անոր ամէն մէկ խօսքը կը քննեն և ուղղել կ'ուզեն:

Առջիններուն անմիտ զարմանքին վրայ քիչ ատենէն պիտի խօսինք. իսկ հիմա համառօտիւ յիշատակենք թէ որչափ անօգուտ են երկրորդ տեսակին տուած դասերն և ուղղութիւնները:

Գարնան ատեն՝ անտառին մէջ դալարացեալ ծառոց սաղարթախիտ ճիւղերուն վրայ՝ սոխակը դրած է իր բոյնը, Չաղուն-

քը կը սկսին ուժովնալ, և իրենց փետրոցը բուսնելուն վրայ ուրախացած, կը ջանան անդաշնակ պզտի երգեր ճռուողել, և որոնց մտիկ կ'ընէ հայրենին՝ մերձաւոր ճիւղի մը վրայ թառած: Տես ինչպէս շարուած են բոյնին չորս կողմը. ամէնքը միաբան կը թոթովեն, և առանց յոգնելու ինքզինքնին կը կրթեն: Ո՛վ անոնց աններդաշնակ ձայները լսելով, կրնայ ենթադրել թէ օր մը պիտի երգեն զգարուն, և իրենց անոյշ երգերով համօրէն բնութիւնը զուարթացընեն:

Թռչնեկին նման՝ մանուկն ալ իր բոյնին, որբանին մէջ, ինքզինքը կը կրթէ. անոր պէս՝ պիտի գայ օր մը յորում ներդաշնակ ձայներ առնու. բայց որպէս զի երգերը քաղցրութիւն առնուն, որպէս զի հազազը ձևակերպի, ինչպէս թռչնեկին՝ ասանկ ալ տղուն համբերութիւն և ժամանակ պէտք է:

Անոր առաջին փորձերուն մէջ պէտք չէ որ մայրը չափազանց պահանջող ըլլայ. այլ արժան է որ սպասէ: Տղան դեռ չիճանչնար իր նոր կարողութիւնը, իր անվարժ շրթունքը՝ ամենէն աւելի յաճախ լսած խօսքերը կը կրկնեն: Աչքն յերկինս դարձուցած ատենը՝ Աստուծոյ անունը կը յօդէ. ու իր քաղցր ու սիրական դաստիարակին

զերկն իյնելով, Մայր անունը կը լսեցընէ։
 Մայրը կ'օգնէ իրեն, յաճախ երկրորդե-
 լով նոյն խօսքերը, ինչուան որ վարժի. որ-
 պէս զի մաքուր արտաբերութիւն, անսայ-
 թաք լեզու ունենայ, կամ որպէս զի հընչ-
 մանը մէջ գէշ սովորութիւններ չառնու,
 որոնք ետքը դժուարին է ուղղել։ Տղան
 մտիկ կ'ընէ, մօրմէն լսած խօսքերը կ'եր-
 կրորդէ. միտքը կը պահէ, խօսք խօսքի քով
 կը բերէ, և անանկով քիչ ատենէն իր վա-
 վաքանացն, պիտոյից և ցաւոց հարկաւոր
 ու բնական թարգմանը կը գտնէ։

Այն ատենէն արտասոււաց սովորական
 պատճառը հարկ է որ դադրի. վասն զի իր
 կամքն հասկըցընելու համար՝ ալ անոնց
 կարօտ չէ։ Աւստի այն օրուընէն՝ աւելի
 սրտաճմլիկ են մօր մը համար որդւոյն ար-
 տասուքը. վասն զի լուռ լեզու մը կ'ըլլան՝
 յայտարարք հոգւոյն անձկութեանցը, սըր-
 տին այլ և չայլ սղղեցուցութեանցը, մտաց
 ցաւագին յուզմանցը։

Տղան սխալ կը խօսի, բայց հաճոյական
 են իր թոթովանքն ալ. իր միտքը կրնայ
 հասկըցընել, և անով պէտք է գոհ ըլլալ
 առանց աւելի բան մը իրմէ պահանջելու։
 Ատենին լեզուն կրնաս չտկել, բաւական է
 որ կոկաղութիւն կամ դժուարահեզու-
 թիւն մը՝ խօսելու մէջ յաւաճագիւմիւրն

արգելք չըլլայ. այն ժամանակ պէտք է մե-
 կէն գէմն առնուլ, բժշկական՝ ու ինչուան
 երբեմն վիրաբուժական արուեստի հնար-
 քներն գործածելով։ Այսպիսի դիպուած-
 ներէ գատ՝ տղան իր լեզուին անկատարու-
 թիւններն ուղղելու համար մօրը կարօտ
 չէ, այլ ինքրիմէ ինքզինքը կ'ուղղէ. ուստի
 և անօգուտ է մօրը յաճախ զինքը շտկելու
 ջանալը. միայն հարկ է որ անոր առջև ու-
 զիղ խօսի, և հսկէ՝ որ չըլլայ թէ տղուն զի-
 մաց ցած ու անարժան խօսակցութիւններ
 ըլլան։ Իր գլխաւոր խնամքը՝ այս աս-
 տուածահաճոյ զգուշութեան մէջ պիտի
 ըլլայ. անկէ աւելին պահանջել՝ անժամ է
 և թերեւ վնասակար ալ. վասն զի գրեթէ
 միշտ՝ դաստիարակութեան պէս վափուկ
 նիւթի մը մէջ ինչ որ անօգուտ է կրնայ
 վնասակար ըլլալ։

Բայց տղուն մեծապէս վնասակար եզո-
 զը՝ այն ծաղրական զարմանքն է, զոր սո-
 վոր են մարք ցուցընել իրենց տղուն չըր-
 թունքէն ելլող ամէն խօսքին։ Այս կեր-
 պով մեծցած տղան՝ շատախօս ու սնա-
 պարծ մարդ մը կ'ըլլայ, որ անդադար կը
 ջանայ իրեն ունկնդիր ու շղթմիչք գտնել,
 և զոր պիտի չյաջողի։

Շատախօս մարդը՝ նեղացուցիչ անձ մըն
 է, յորմէ ամէնքը կ'ուզեն հեռու ըլլալ։

Այնպիսւոյն վրայ մի փնտուեր ոչ մեծ վայելչութիւն, ոչ զգուշութիւն և ոչ ալ մտադրութիւն: Անդադար խօսելու սէրը, ամէն բանի վրայ իր կարծիքը յայտնելու փափարը՝ կատարեալ հիւանդութիւն մըն է իր վրան: Աչ սը կը վստահի իրեն. ամենէն աւելի ընտիր բարեկամքը կը զգուին իր ընկերութենէն: Այլ խօսի՛ երբ արժան է լռել. գէշութիւն կ'ընէ առանց ուղեւու, և ինչուան առանց տարակուսելու՝ անզգուշութեամբ՝ ծածկուած վէրքեր կը բանայ. միայն խօսել ուղեւուն համար, և ոչ եթէ առ վրիժու կամ զիտմամբ, անխօհեմաբար իրեն յանձնուած գաղանիքը կը յայտնէ: Իր մտած ելած ընտանեաց մէջ անմիաբանութեան սերմեր կը ցանէ. անանկով շատերը իրեն անհաշտ թշնամի կ'ընէ. և այս թերութեամբքը՝ ընկերութեան վէրք մը կ'ըլլայ: Այլ գտնուի՛ արդեօք մայր մը որ հանդուրժէ տեսնել իր զաւակը այդ ցաւալի վիճակին մէջ. և սակայն սրչափ բազմաթիւ են այն մարք որ տղոց սրտին մէջ այս ախտին ճարակելուն պատճառ և խրատ խոսիչ կ'ըլլան: Քանիներ որ երբ կը տեսնեն իրենց զաւակին չատխօսելը, ուրախ և զուարթ սրտով մը « Արսիսի՛ ոգւոյ և հանճարի տէր պիտի ըլլայ այս մանուկը » կ'ըսեն: Արջանիկ կը սեպեն իրենք զիրենք,

սիրով մտիկ կ'ընեն անոր խօսքերուն, նորէն կրկնել կու տան, մանաւանդ իրենց բարեկամացն ու ծանօթից առջեւ:

Մօր մը համար՝ անմիտ սնասպարծութեան արդիւնք է ասիկայ. սակայն վնասը դաստիարակութեանն է:

Վասն զի տղան՝ որ ուրիշ տկար արարածոց պէս՝ զարմանալի թափանցողութիւն մը ունի, կը կարծէ թէ ամենայն ինչ թոյլ տուեալ է իրեն. թէ կրնայ ամէն բան անպատուհաս գրուցել ու կրկնել: Վասն զի կը գրգռեն զինքը, վասն զի կը գովեն. ուստի և վստահ է թէ չեխող մը պիտի չգըտնուի. ու տեսնելով ամենուն զարմանքը, ունայնամիտ գոհութիւն մը կ'իմանայ: Ալ անկէ ետքը կը սկսի խօսիլ, չէ թէ իր բազմապատիկ կարօտութիւններն հասկըցընելու համար, կամ երկիւղագին իր նախկին ըմբռնումները ուրիշի հաղորդելու, այլ պարզապէս գովուելու համար: Զարմանալի հանճարմտութեամբ մը աւելի այնպիսի աուարկաներ կ'ընտրէ, որոնց այլոց առջև մասնաւոր արժէք ունենայն հասկըցած է. ուստի կը խօսի՛ առանց ետև առջև մտածելու, ու անով անհանդուրժելի կ'ըլլայ:



Տղան կը սկսի խօսիլ. մօրը մտիկ կ'ընէ, և զմայրն իրեն գաղափար առած է: Ատենն է ջանալու՝ որպէս զի անոր լեզուն կատարելագործուի: Ժամանակը կը հասնի՝ յորում արժան է սկսիլ՝ ընթերցման վարժեցընելու զինքը: Բայց պէտք է թողուլ, մանաւանդ թէ ետեւէ ըլլալ որ մանուկը ինքիւմէ վտուի այդ ամենակարևոր կրթութիւնը փնտռելու. բռնադատութեամբ եղածը անօգուտ և անպտուղ կ'ըլլայ: Պէտք է ուսումը հասնոյական կերպարանքով մը իրեն ներկայացընել, և այն ատեն արագ կ'ըլլայ յառաջագիմութիւնն. վասն զի հասնոյականը զօրաւոր խթան մըն է որ կը լուսաւորէ, ամէն բան կը զիւրացընէ, մինչդեռ բռնադատութիւնը անպտուղ է, և անբաւական բարիք մը արտագրելու:

Մօր մը համար մեծ աշխատանք պէտք է՝ տղան ինքիւմէ յորդորամիտ և ջանասէր ընելու համար առ ուսումն. մանկան երկու բնազգմունքն՝ մեծապէս կը սատարեն իրեն. նմանողութեան և հետաքննութեան: Ամէն տղայք՝ բնութեամբ նմանու-

ղութիւնը կը սիրեն և հետաքրքիր են. իրենց այս հասակին միտումը օգտակարի գործածելով, առջևնին դրուած ո՞ր և իցէ ուսմանց՝ նորութեան կերպարանք մը պէտք է տալ. անոնց դիմաց՝ սիրով և յարատեութեամբ աշխատելու է, մեր զբաղմունքներէն օգուտ մը հանելով. այն ատեն տղան ինքիւմէ կու գայ կ'աղաչէ քեզի որ զինքն ալ ուսման դնես. և մէյմը որ հասկընայ անոնց օգտակար ըլլալը, ալ անկէ ետքը միջոցներ չեն պակսիր զինքը զբաղեցընելու:

Այս սկզբունքը՝ գործադրութեան մէջ կրնայ այլ և այլ զիւրութիւններ գտնել: Տիկինն Գամբան՝ խրատ կու տայ շարժուն պրուբեններով տղուն կարգալ սորվեցընել: և անիկայ զիւրագոյն եղանակ կը համարի: Ամէն գիր իրարմէ զատ է. մայրը՝ կարգալ սորվիլ ուզող տղուն ձեռքը տուփ մը կու տայ, որուն մէջ կը գտնուին ամէն տաւերը. և ինքն ուզած տաւին անունը կու տայ, զոր տղայն պիտի գտնէ. տղան տուփին մէջ կը փնտռէ, և երբ կը յաջողի գտնել՝ ուրախութեամբ կը տանի կը ցուցընէ իր մօրը: Իսկ երբ բոլոր գրերը ձանչնայ և զիւրաւ սկսի գտնել, այն ատեն մայրը բառ մը, խօսք մը կը զրօցէ. և զոր տղայն պիտի ջանայ ձևացընել, տուփին

մէջ եղած այլ և այլ տառերը իրարու քով
չարեւով:

Տարակոյտ չկայ որ խաղ մըն է ասիկայ,
բայց 'ի նմին ժամանակի նաև ընթերցման
մէջ զիւրաւ յաջողելու միջոց մը:

Իսկ տիկինն Ճանիւի ուրիշ կերպ մը կը
սորվեցընէ մտրց, և որուն օգուտը ան-
ձամբ տեսած ըլլալը կը վկայէ: Տղայոց սե-
նեակը կամ ուսման սրահը զարդարուած
ըլլայ՝ սուրբ գրոց, հին կամ նոր պատմու-
թիւններ ներկայացընող այլ և այլ պատ-
կերներով: Տղայն փափաք կը ցուցընէ գիտ-
նալ թէ ինչ են այն պատկերներն, այն ա-
տեն իրեն իմացընելու է թէ այն պատկեր-
ներուն տակ գրուած է անոնց ինչ ըլլալը,
և եթէ կարգալ գիտնալու որ ըլլար՝ շատ
բան պիտի սորվեր: Այն ատեն հետա-
քննութենէ շարժած՝ կը փափաքի որ իրեն
կարգալ սորվեցընեն. վասն զի ժամ մը ա-
ռաջ կ'ուզէ գիտնալ թէ ինչ կը նշանակեն
այն մարգիկը՝ որ առիւծաբար իրարու հետ
կը կռուին, կամ իմաստնոց պէս խորհուրդի
նստած են:

Նոյն օգուտները կրնանք քաղել՝ երբեմն
ալ աւելի պարզ միջոցներով: Պէտք է այլ
և այլ պատկերազարդ օգտակար գրքերով
զարդարել տանը մէկ սենեկին մէջ սեղա-
նատախտակ մը, և որոնց մէջէն այլ և այլ

հասուածներ երբեմն բարձր ձայնով կար-
դալու է, և թողուլ որ տղայն առնու այդ
գրքերը, խառնէ անոնց մէջի պատկեր-
ներն. և երբ աչքին առջևն, եղած պատ-
կերներուն մեկնութիւնն կամ պատմու-
թիւնը ուզենայ լսել, ջանալ ամէն անգամ՝
գոհ ընել անոր հարցատիրութիւնը: Ասանկ
վարժեցընելէն ետքը, կրնայ երբեմն մայրն
կամ դաստիարակը, ժխտել անոր կամքը
կատարելը. « Կը տեսնես, ըսէ քաղցրու-
թեամբ, որ ես զբաղած եմ և զքեզ գոհ
ընելու ժամանակ չունիմ. թէպէտ կը գո-
վիմ եռանդդ, բայց կը ցաւիմ՝ զքեզ հա-
ճել շիկրնալուս: Սակայն վախճանիդ հաս-
նելու ուրիշ զիւրին միջոց մը կայ, որով
ոչ դու ինծի կարօտ կ'ըլլաս, և ոչ ալ ես կը
ստիպիմ տժգոհ ընել զքեզ. քեզի կարգալ
սորվեցընեմ, որպէս զի առանց ինծի կա-
րենաս զբաղիլ քու սիրական գրքերովդ.
այս աշխատանքը ոչ երկար և ոչ ալ տա-
ժանելի կ'ըլլայ քեզի »: Տղան հետաքըր-
քութենէ մղուած, կը փափաքի մէկէն
ճանչնալ գրքերը, ու մօրը խօսքերէն քաջա-
լերուած՝ սիրով և մտադիւրութեամբ այն
աշխատանքին ետեէն կ'ըլլայ: Սակայն
մայրը պէտք է ջանք ընէ վառ պահելու ա-
նոր սրտին մէջ այդ եռանդը, ու երբ զը-
ժուարութիւններ ելլեն զիմացը, երբ ման-

կական հասակին ընական անհողութիւն կամ լքում մը վրան երևնայ, չվատեցընել զինքը. այլ խորախուսել մանաւանդ՝ ըսելով. « Քիչ մը ջանքդ աւելցուր, սիրելի, և դու ալ պիտի զարմանաս թէ ինչպէս շուտով յաջողեցար ինծի նման անսայթաք կարգալ »: Ասանկով կը քաջաւերէ անոր տկարութիւնն, կը փարատէ անհողութիւնն, և նոյն իսկ մայրը կը զարմանայ տղուն քիչ ատենուան մէջ ցուցըցած յառաջագիմութեանը վրայ:

Տղան նախ հեգելով կը սկսի, ու քիչ ատենի մէջ կը յաջողի յընթերցումն: Քիչ ժամանակի կարօտ գործ մըն է ասիկայ, մանաւանդ եթէ վարձուց ակնկալութիւն մըն ալ գրուի տղուն ղիմաց, որով գրեթէ մօրը կամ ուսուցչին ամենեւին զժուարութիւն չիմար:

Բայց այն ատենն ալ ուրիշ վտանգ մը կ'ելլէ առջևին. դէշ գրոց ընթերցման վտանգը: Գէշ զիրք մը՝ վնասակար ու ծածկուած թոյն մը կ'ամփոփէ, որուն հետեանքը թերևս յամր՝ այլ անհրաժեշտ է. և հարկ չէ ըսել թէ որչափ աղիտաբերք են այն թարմ հասակին մէջ այնպիսի ընթերցմունքներ կամ այնպիսի պատկերներ՝ որոնք ատենէ առաջ տղուն երեակայութիւնը արթնցընելու կամ զրգուելու դէշ

արգիւնքն ունին: Անով սիրտը իր անմեղութիւնը կը կորսնցընէ, ապաժամ հողմերէ թառամած ու փճացած ծաղկի մը պէս. տղուն երեակայութիւնը տաքցընող խմոր մըն է: Այնչափ մեծ է այսպիսեաց բրած վնասը, որ ինչուան երբեմն անդաման ալ կ'ըլլայ: Այսպիսի վտանգէ մը փախչելու համար՝ հարկ է որ արթուն կենայ մայրը, անանկ գրքերն ու պատկերները հեռացընելով իր տնէն. ինքն իսկ այնպիսի վիպասանական բովաններ չկարդայ՝ որոց ընթերցումը կ'արգելու զաւակացը: Այլ ջանք ընէ անոնց ձեռքը տալ մանկութեան համար սահմանուած ընտիր գրուածներ, որոնք կարող ըլլան անոնց սիրտն ու միտքը կրթել, և որեւիցէ վտանգաւոր ազդեցութիւններէ զգուշացընել ու պահպանել անոնց անմեղ սրտերը: Այսպիսի գրուածոց կարգէն են Մակկանց մատենադարան և Զրօսարան կոչուած գրքոյկներ, Ռայքեստե, և ասոնց նման գրուածներ. ու տղոց հասակին և ըմբռնողութեան համեմատ՝ փոփոխել պէտք է նաև ընթերցմունքը, իրական ու ճշմարիտ պատմութեանց գրուածներ տալով ձեռու ընին, ինչպէս Աստուածաշունչ գրոց, Հին և Նոր ազգաց պատմութիւնք, և այլն. բաւական է որ այնպիսի ոճով մը գրուած ըլլան որ

տղուն մտացն ու ըմբռնման համեմատ ըլլալով՝ չճանճրացընեն զինքն յընթերցմանէ։ Վասն զի ասիկայ ալ իր զէջ հետեանքը կրնայ ունենալ անոր ուսումնական ապագայ վիճակին վրայ։

Ոմանք օգտակար կը համարին՝ խօսիլը, կարգալն ու զրելը միանգամայն սորվեցընել տղուն։ Բայց այսպիսի զրութիւն մը՝ սովորական փորձառութեան զիմաց այնչափ ընդունելի չերևնար։ Վասն զի այդ ամէն զանազան կրթութեանց համար տղուն բացարձակ մտազրութիւնը հարկաւոր է. բաժնուելու որ ըլլայ՝ ոյժը կը սկսիսի, և յարատեութիւնը կը յոգնի. և տեսնելով որ ուղածին կամ ուրիշներու պահանջածին չափ յաջողութիւն և յառաջագիմնութիւն չցուցընէր, կը սկսի յուսահատել. ուսման սէրը կը սլաղի և սնտօի բաներով իր ժամանակն անցընել կը սովորի։ Անոր համար այս երեք հարկաւոր կրթութիւններն պէտք է կարգաւ ընել, ու խօսիլն ու կարգալը սորվելէն ու բաւական յաջողելէն ետքը՝ զիր գրել սորվեցընելու զբաղել։

Ասոր մէջ ալ տղուն հետաքննութիւնն քեզի օգնութեան կը հասնի։ Վասն զի գրքերուն մէջ գրածը հասկընալ ուզելէն ետքը, պիտի ջանայ և ուզենայ նմանիլ նաև տեսածին ալ. կ'ուզէ քեզի նմանիլ՝ երբ կը

տեսնէ որ իր աչքին առջև մեծ գրեր կը գրես. և յաճախ կը տեսնես որ իրեն խաղալիկ ըրած է մատիտով այլ և այլ գրերու անկերպարան ձեւեր գծել։ Վերջապէս օր մը գրիչ մը կը գտնէ, և մտադրութեամբ ու ջանքով կը սկսի թղթին վրայ խաղցընել. գիրք մը գրած է առջևը, և կ'ուզէ անոր մէջ տեսած ու ճանչցած գրերուն նմանը երեցընել իր թղթին վրայ։

Այն ատեն մայրը կամ դաստիարակը վրայ կը հասնի։

Հետաքննութեամբ մը մտադիր տղուն կը մօտենայ. և առանց ծիծաղով արհամարհելու անոր ընդունայն աշխատանքը, կը քաջալերէ զինքը, և իրեն օգնելու պատրաստ ըլլալը կը հասկըցընէ։

Տղան հաճութիւն մը կը զգայ. մայրը գրիչը ձեռք կ'առնու, և անոր աչքին առջև քանի մը մեծ գրերու օրինակներ կը դնէ. տղան կ'ուզէ նմանցընել, ու չի կրնար. այն ատեն կ'իմացընէ մայրը որ եթէ ուզենայ իրեն հետեիլ և մօիկ ընել, քիչ աստե՛նէն պիտի յաջողի։ Տղուն տալիք պատասխանը յայտնի է. և ասիկայ կ'ըլլայ իր առջի դասը գրի մէջ վարժելու։

Այլ և այլ գեղեցիկ կերպեր կան՝ զիր գրելու մէջ վարժելու եղանակին վրայ։ Մենք բաւական կը համարինք յանձնել

մարց կամ գաստիարակաց, որ իրենց տը-
ղուն կամ աշակերտին յաջողակութեանը
և բմբունման դիւրին երեցած կերպը գոր-
ծադրեն:

Այս նախնական կրթութիւններէ ետքը՝
տղուն սորվելու ատենը կու գայ կը հասնի:
Աս աշխատանքը մայր մը կամ ինքնին և
կամ ուրիշի մը ձեռքով պէտք է ընէ: Բայց
այս մտաւոր ուսմանէն առաջ է բարոյա-
կան ուսումը, և որ գլխաւորապէս մօրը
գործն է. անով կը կերպարանի մարդ, և
անմիջական աղքեցութիւն մը կ'ունենայ
ընկերութեան ապագային վրայ:

Ք Լ Ո Ւ Խ Ե Ր Ր Ր Ր Գ

Ս որ մը՝ իր զաւկըներուն վրայ ունեցած
իշխանութիւնը բացարձակ պիտի ըլլայ.
բայց այնպիսի իշխանութիւն մը՝ որ 'ի սի-
րոյ իւր աղղեցութիւնն ընդունի, զոր լու-
սաւորէ անձնանուիրութիւնը և ուզղէ կար-
գը: Պէտք է որ անհակառակելի ըլլայ իր
տեսչութիւնը: Տարակոյս չկայ որ այդ պզտի
հպատակը երբեմն հակառակութիւններ և
ընդդիմութիւններ պիտի երեցընէ. ամէն
ատեն հնազանդ և դիւրանսաց պիտի չը-
գանուի:

Ի՞նչպէս ուրեմն արժան է սանձել իր
ընդդիմադարձութիւններն: Զինքն և իր
թերութիւններն ուղղելու ինչ միջոցներ
գործածելու է:

Աստուծոյ դաստիարակութեան մէջ էական կէտեր են, և որոնց վրայ պէտք է տեղնիտեղը խօսիլ:

Մայրը հրամանահանի սպառնոյն կը կատարէ, որդին ալ հպատակութեան օրինաց պիտի հնազանդի: Եթէ մայրը կը հրամայէ, կարող է նաև պատուհասել. վասն զի պատիժ տալու իրաւունքը ուղղակի հետեանք մը և յայտարար է իշխանութեան: Մօր մը իշխանութիւնը բացարձակ է, և ուրիշի համար տալու պարտը կան չէ, բայց միայն իր սրտին, խղճին և մտացը:

Տղայոց դաստիարակութեան մէջ հօրը մեծագոյն իշխանութիւնը կը տկարանայ այս կէտին նկատմամբ մօրը ունեցած ազդեցութեանն առջև. թէպէտև նոյն բանեցուցած իշխանութիւնն ալ, ինչպէս ուրիշ ատեն առիթ ունեցանք յիշատակելու, յանձնարարական իշխանութիւն մըն է: Բայց որչափ ալ բացարձակ ըլլայ մօրը իշխանութիւնը, որովհետև սէրն է դաստիարակին առաջնորդողը, տղան չիմանար հրամանին լծոյն ծանրութիւնը:

Տղայութիւնը՝ կենաց ամենէն աւելի քաղցր հասակն է. իր անհոգութիւնը և պարզ ազատութիւնը զինքը սիրելի կ'ընեն ամենուն: Ինչո՞ւ ուրեմն առանց բացարձակ պէտքի՝ մանկութիւնը արտասուտաց և ցաւ-

ուց հասակ մը ընել, պատուհասի խստութեանց ճաշակը անոր տալով:

Առանց թուլութեան արժան է դաստիարակել զմանուկն, բայց միանգամայն առանց խստութեան: Մտածէ թէ այդ հասակը՝ իրեն բարեբաստագոյն հասակն է, և թերևս անոր հետեանք եղող ուրիշ հասակներու չկարենայ ժամանել. ուստի անոր ուրախութիւնը տեսած ատենիդ՝ դու ալ ժպտէ, քաջալերէ իր հաճոյքը. սասնկով միայն կրնաս ոյժ ունենալ անոր դաստիարակութեանը վրայ: Մայրական սիրտն՝ որուն ուղղուած են մեր խօսքերն, մէկէն կը հասկընայ անոնց ոյժն ու զօրութիւնը. կ'իմանայ թէ ուրիշ կերպով գործելը անգթութիւն մըն է: Հազիւ երբէք անգութ մայր մը կը տեսնուի. անոր թերութիւնը՝ տկարութիւնն է, և զոր հարկ է բժշկել:

Այնպիսի սակաւազդիւտ բնաւորութեանց համար արժան է պատժի զիմել, որոնց վրայ ազդեցութիւն մը չկարենան ընել քաղցրութիւնն, համոզումը և բարի օրինակը: Պէտք է որ մայրենի կառավարութիւնը թեթև և ախորժական ըլլայ տղուն, ոչ երբէք խստութեան կերպարանք մը ունենալով: Սիրէ զինքն, և անոր ասպազայ բարեբաստութիւնն նկատելով՝ ճիշդ եղիր պատուհասելու իր թերութիւններն, բայց

առանց այնպիսի ծանրութիւններ զնելու վրան՝ որոնց բեռանը տակ կրնայ ընկճիլ. որպէս զի տղայն սիրէ քու օրէնքդ, յարգէ հրամանդ, և առանց ծառայական վախի՝ մեծարէ քու իշխանութիւնդ: Չըլլայ թէ քու սաստիցդ և սպառնալեաց իշխանութենէն խրտելով, թօթափէ ձգէ իր տխուր բանտը, և դու չկարենաս միւսանգամ՝ ձեռք բերել զնա՝ վանդակէն փախչող թռչնոյ մը պէս:

Այսպէս անօգուտ կ'ըլլան այն ամէն խստութիւններն՝ որոնցմով սրտամեցուցեր ես այդ մանկութեան հասակը. վառվռուն ձի մը՝ զոր անհմուտ գարմանողը կը ստիպէ անշարժ կենալ մէկ տեղ մը, փոխանակ կրթութեամբ անոր եռանդն ու աշխուժութիւնը չափաւորելու, կը գտնէ պատեհ վայրկեան մը փախչելու գարմանողին ձեռքէն. կը խզէ՝ կը խորտակէ իր սանձը, բաշերը շարժելով կը փախչի, ու ազատութիւնը զինքը կը յիմարեցընէ. բայց զիմայն ելած առջի արգելքին՝ կը զարնուի կ'իյնայ, կամ անդարման հարուած և վէրք մը կ'ընդունի:

Այդ աշխոյժ ու սանձակոտոր երիվարին նման է նաև մանուկը. պէտք է զիմնալ զործածել անոր ոյժը. թողուլ որ արիւնք ազատաբար ընէ իր շրջանը: Իսկ եթէ զին-

քը բռնադատես նեղը խոթելով, անսանձելի կ'ըլլայ: Ոմանք կը համարին թէ անոր բուռն եռանդը կրնան հեղձուցանել, և շէն գիտեր թէ այդպիսի միջոցներով՝ միայն յայտնուիլը կ'ուշացընեն. ազատութեան օրը կուգայ կը հասնի, ու տղան խալըսած կը տեսնէ ինքզինքը այն խստութենէն՝ որուն բռնադատութեամբ և ոչ կամովին հնազանդած էր. ուրախութեամբ կը նետուի կենաց ասպարիզին մէջ, կրքերը զինքը կը կուրացընեն. ու լուսոյն չորս կողմը պտըտող թիթեռնիկներուն նման՝ կարծելով լոյսը գտնել, կ'երթայ անոր հետ կը զարնուի, ու թևերը բռնկեցընելով, մէկէնիմէկ կ'իյնայ:

Այս կերպով միայն կրնանք մեկնել թէ ինչպէս բանականութեան և զգօնութեան հասակը՝ եռանդուն երիտասարդութեան մէջ շատ անգամ անկարգութեանց և մեծամեծ վտանգներու հասակ կ'ըլլայ: Ինչպէս 'ի բնականն՝ ասանկ ալ բարոյականին մէջ օրէնք մը կայ որ ճնշման յետաջրջութիւնը (réaction) համեմատութեան մէջ կը պահէ: Մայրը պէտք է որ պահէ, չէ թէ ճնշէ:

Մանկանց համար այլ և այլ պատիժներ հնարուած են, և որոց կիրառութիւնը հաճոյական է դաստիարակաց՝ իրենց աչա-

կերտներուն անհնազանդութիւնը պատու-
հասելու համար:

Որչափ ալ մեծ ըլլայ տղուն յանցանքը,
մայրենի կրթութեան խստութիւնը պէտք
է որ անկէ չատ նուազ ըլլայ:

Այլ և այլ պատճառներու համար, որոց
միայն մէկ քանին կ'ուզենք յիշատակել,
փնասակար են այս պատուհասները. և ա-
նոնց դիւրին զեղծմամբը կրնան գէշ հե-
տեանքներ առաջ գալ: Եւ նախ տղան՝
դաստիարակին իրեն դէմ ցուցըցած կեր-
պին մէջ վրէժխնդրութիւն մը կը տեսնէ՝
իրեն իշխանութիւնը ճանչցած չըլլալուն
համար: Ուստի կը խռովի, դէմ կը կենայ,
կ'ապստամբի, կ'անհիճանէ իր տկարու-
թիւնն, և մոլեղին ցատում մը կը սնուցա-
նէ սրտին մէջ. զօրաւորին՝ տկարին դէմ
ցուցըցած բռնութեան կամանիրաւութեան
դէմ կը բողոքէ, և կամ ճանչնալով իր ան-
բաւականութիւնն, կատաղի լռութիւն մը
կը պահէ, և անտարբեր կերպով իրեն դէմ
տրուած պատուհասը կ'ընդունի. բայց ՚ի
նմին ժամանակի սիրտը ատելութեամբ լե-
ցուն է այն խիստ դաստիարակին դէմ՝ որ
զինքն անդթութեամբ կը պատուհասէ:

Այլ անկէ ետքը թշնամի մըն է իր աչքին
առջև, դահիճ մը իր դաստիարակը. ուստի
և անգաղար միջոցներ կը փնտռէ՝ որպէս

զի կարենայ անպատուհաս վրէժխնդիր ըլ-
լար անոր՝ իրեն դէմ ցուցըցած խստու-
թեանը: Խր վրէժխնդրութիւնը՝ տկարի
վրէժխնդրութիւն մըն է. ուստի և համբե-
րութեամբ ժամանակին կը սպասէ. և որ
վերջապէս գուրս պիտի երեւայ ետան-
դուն, անգութ և անողոք կերպով: Ըսած-
ներնուս օրինակը ամէն օր առջևնիս է զը-
պրոցաց և մարզատանց մէջ:

Որպիսի՞ ազդեցութիւն կրնայ ունենալ
աշակերտաց վրայ՝ ատելի դաստիարակ մը:
Ղանն զի տղայն՝ վստահութիւն չունի անոր
վրայ, չուզեր հաճոյանալ իրեն, ուստի և
կրթութեանն և ուսման փոյթ ու խնամք
չունի:

Ձգէ թող տոյ ուրեմն մայրը դպրոցաց
և վարժարանաց՝ իրենց հնարած անգութ
միջոցներն՝ դաստիարակին իշխանութիւնը
մեծարելի ընելու համար: Բայց իրեն ըսե-
լինիս՝ միայն քանի մը խօսք է. վասն զի
մօր մը սրտէն արդէն հեռու են, ատելի
են իր աչքին այդ պատուհասները. մեր
խօսքն աւելի անոր համար է, որպէս զի
հսկէ կառավարչաց և դաստիարակաց
վրայ, եթէ երբէք կարօտ ըլլայ իր իշխա-
նութենէն և ազդեցութենէն անոնց մաս
մը յանձնելու:

Եւ նախ համոզուած ենք՝ որ եթէ տղան՝

մեր ըսած ոճովն առաջնորդուի, ամենևին կարօտ պիտի չըլլայ մայր մը վրան պատուհաս գնելու: Վասն զի եթէ մայրն ուշադիր ըլլայ չարին առջևն առնելու, և չերեցած՝ արմատախիլ ընէ, երբէք այս սաստիկ միջոցներուն գիմելու կարօտ պիտի չըլլայ: Այն ատեն տղան կահուղ ու ձկուն կ'ըլլայ, հլու և գիւրանասաց. ուստի և պէտք կամ հարկ եղած ատենին՝ զինքն հաճոյքէ մը զըրկիւր շատ աւելի մեծ և օգտակար տպաւորութիւն մը կ'ընէ իր վրայ, քան թէ զարնել կամ մութ տեղ մը զինքը փակել, կամ որիչ որեւիցէ զգայական պատիժներ: Մանաւանդ թէ շատ անգամ՝ իր անհնազանդութեամբն կամ անհոգութեամբ սիրելի մօր մը յաճախած ցաւը՝ բաւական կ'ըլլայ յորդորամիտ ընելու զինքն որ մէյմըն ալ նոյնպիսի թերութեանց կամ պակասութեանց մէջ չիյնայ:

Իսկ եթէ այս միջոցներն անբաւական ըլլան, և հարկ ըլլայ աւելի ծանր պատիժ մը տալ, միջոց և եղանակ պակաս չէ:

Մօր մը գործածած պատիժներն՝ վերը յիշուածներէն մէկն ալ պէտք չէ ըլլան. այլ նախամեծար սեպէ աւելի այն պատուհասներն որ աւելի սրտի կը դուլչին՝ քան թէ մարմնոյն վրայ ժամանակաւոր, ուստի և վաղանցուկ ազդեցութիւն մը կ'ունենան:

Վասն զի մարմնոյ վրայ խստութիւններ բանեցընելը՝ աւելի բարբարոսաց կը վայլէ քան թէ քաղաքակիրթ ազգաց, աւելի պատկանաւոր հեթանոտութեան քան թէ քրիստոնէական մեծ գերդաստանին:

Պարզապէս մարմնական պատուհասից վախօվը տղայ մը դաստիարակել ուզելը, զինքը նուաստացընել է, և հնազանգութիւնը անարգ և արհամարհ ընել: Տաւէն՝ չէ թէ ամօթէն ետ կը կենայ. բայց քիչ ատենէն մարմինը կը սկսի վարժիլ, ուստի և կը ստիպէ զինքը պատուհասող ձեռքը՝ ալ աւելի խստազոյն միջոցներ բանեցընելու. և ուր կ'երթայ կը յանգի այսպիսի կրթութեան մը վախճանը: Մայրը բիւր տեսակ միջոցներ կրնայ գտնել տղան հնազանգեցընելու, առանց այնպիսի յետին, անարգ և անարգասաւոր պատուհասներու ձեռք զարնելու: — Այս միջոցներն են յանդիմանութիւն, յաճախ ազգարարութիւն, և մանաւանդ բարի օրինակ:

Տղուն վրայ դրուած պատուհասը այնչափ աւելի ազդու է, որչափ աւելի պարագայից համեմատ ըլլայ. յարմար ատենին տրուած յանդիմանութիւն կամ խրատ մը՝ անկարելի է որ իրենց փրկաւէտ ազդեցութիւնը չունենան: Պէտք է որ պատուհասը սրտին դուլչի, բայց առանց չափէն

աւելի խոնարհեցընելու դողայն. պէտք է դարձեալ որ համեմատ ըլլայ յանցանայն ու հասակին. և ասիկայ էական հարկաւոր գիտելիք մըն է. վասն զի կարելի է որ պատուհաս մը խորունկ սուղաւորութիւն ընէ շորս տարուան տղու մը վրայ, մինչդեռ անօգուտ կամ անպտուղ է տասը տարուան եղողին: Պաշտօնները կը փոխուին, բանավարութիւնը կը հասուննայ, պէտք է հասակին ու բնաւորութեան համեմատ չափաւորել ու կերպարանափոխ ընել նաև ուղղութեան միջոցներն. ապա թէ ոչ, իրենց բարոյական օգուտը բոլորովին կը կորսուի: Պատուհասը պէտք է ամբջցընէ գինքը, չէ թէ երես հանէ. ամօթոյն ալ հետեանք պիտի ըլլայ ստրջանք՝ չէ թէ նկնութիւն:

Արժան է որ զինքը պատուհասող ձեռքն արդար ըլլայ. հարկ եղած ատենին խստութիւն ալ բանեցընէ, բայց պատուհասելու կերպին մէջ ալ ոչ երբէք կորսնցընէ իր մեծ վայելչութիւնը: Վասն զի անով իր պատիւը կը պահէ, և բարոյական ծանրութիւն մը կուտայ այն զրկման կամ բնական ցաւոցը՝ որ պատուհասին արդիւնքն է:

Ո՛րչափ շատոր են այն մայրերը՝ որ իրենց զաւակաց կրթութեան ծանր հոգը վրանին առած ատենը՝ կարծես թէ կը մտ-

նան այս էական պայմաններն: Չափէ դուրս կը սիրեն իրենց տղայքը, բայց չափը կ'անցընեն նաև զիրենք պատուհասելուն մէջ. կը նեղանան, կը վշտանան, իրենք իրենցմէ դուրս կ'ելլեն՝ երբ իրենց տղուն անհնազանդութիւնն կամ զիմադարձութիւնը կը տեսնեն. ու կրքերնուն մէջ, առանց անոնց խաղաղելուն սպասելու, կը պատուհասեն զյանցաւորն: Այս կերպով ու այնպիսի ատեն արուած պատիժ մը՝ միշտ յանցանաց հետ համեմատ չի կրնար ըլլալ: Վասն զի այն ատեն մայրը՝ տղուն անհնազանդութեան ծանրութիւնը՝ իրեն պատճառած դժկամակութենէն կը չափէ, և ոչ զաւելին ունեցած զիտաւորութենէն, ուստի և հաւասար կերպով կը պատուհասէ անոր վրայ տեսնուած մէկ անզգուշութիւնը, անխտհեմութիւնն, թեթեամտութիւնը և անհոգութիւնը, մտածուած չարութեան և կամաւոր անհնազանդութեան պէս. և հարկ չէ ըսելը՝ թէ այս յանցանաց մէջ եղած տարբերութիւնը խիստ շատ է, ուստի և նոյն կերպով պատուհաս ընդունելը անարդար: Կը դարնէ տղուն, խստիւ կը յանդիմանէ. ու վայրկեան մը ետքը, երբ կիրքը կ'անցնի, երբ կ'իմանայ թէ չափազանց խստութեամբ վարուեր է տղուն հետ, սիրոյ խանդաղատանօք կը սկսի գուրդուրալ անոր

վրայ, ասով կը նուտատացընէ իր անձնասիրութիւնը, ու կարծես թէ կ'ուրախանայ իր խոնարհութեանը վրայ: Ա՛րջափ ցաւալի են այս կերպով տրուած պատուհասներուն արգիւնքը: Ամենէն պզտի վնասնին՝ անօգուտ ըլլալնին է, սրովհետեւ մայրական իշխանութիւնը կը նուտատացընեն:

Տղուն անձնասիրութեանը յիշատակութիւն մը ըրինք վերը, և թէ բարոյական պատուհասները պէտք է որ անոր հետ վերաբերութիւն ունենան: Խիստ օգտակար կ'ըլլայ, եթէ առանց ղեղձանելու և յարմար ժամանակին, զանիկայ միջոց մը առնու մայրը տղուն դաստիարակութեանը: Բայց պէտք է որ մեծ խոհեմութիւն բանեցընէ, և ոչ երբէք մտնայ թէ նպատակէն դուրս ելլելով, տրուած խրատը անօգուտ կ'ըլլայ: Ուժով և աղղեցութեամբ տղուն անձնասիրութեանը վրայ գործելուն եղանակն է՝ անոր անհնազանդութեան արժանաւոր պատիժը տալ հրապարակաւ, օտարաց առջև և նշանաւոր պարագայի մը մէջ: Գեղեցիկ ղեզ մըն է ասիկայ, բարոյական պատուհասից մէջ ամենէն ծանրը, զոր արժան է ՚ի կիր առնուլ մեծ յանցանքի մը, իրեն դրուած կանոնաց յամառութեամբ անսաստելուն ատեն, երբոր կրթութեանը համար դորձածուած ուրիշ միջոցներն ան-

բուական կամ անօգուտ ըլլան: Այսպիսի պատուհասներուն կարգը կրնանք սեպել՝ առանձին սեղանատախտակի մը վրայ կերակուր տալ տղուն, երբ նոյն սենեկին մէջ բոլոր ընտանիք և բարեկամք ժողվուած են միաբան բազմելու և ուրախանալու համար. անոր հաճոյական մէկ շրջապայութիւնը ուշացընել, պատճառելով թէ մայրը կ'ամաչէ իրեն նման անհնազանդ կամ ստախօս դաւակ մը օտարաց կամ բարեկամաց հետ խառնել. սովորական մէկ համբոյրը մերժել, որովհետեւ արժանի չէ ծնողական խանդաղատանաց՝ հօրը կամ մօր ու ծնողաց և դաստիարակաց խրատներն ու խօսքը արհամարհող զաւակ մը: Այսոնք և ասոնց նման ուրիշ այլ և այլ պատիժներ կրնայ հնարել ու մտածել մօր մը սիրտը, և զաւակաց կրթութեանն համար օգտակար կերպով դորձածել,

Օտար դաստիարակք, որոնց համար կրթութիւնն արուեստ ու շահագիտութիւն մըն է, և որոնք դաստիասութեան առջի ժամէն՝ հանգստեան ժամը կը փնտռեն, կարօտ են տղայքը հնազանդութեան մէջ պահելու համար՝ մարմնական կամ զգայական պատիժներ դորձածել: Խիստ՝ բայց միանգամայն համառօտ միջոց մըն է ասիկայ. տղուն տկանջներէն քաշել, զաւազա-

նով ձեռքին զարնել, երկար ժամերով ծնկան վրայ չոքեցընել, աւելի քիչ խնամք կը պահանջեն քան մտադրութեամբ և խոհեմութեամբ տրուած յանդիմանութիւն և պատիժ մը: Այսպիսի դաստիարակաց սիրտը անդգայ է սիրոյ. և իրենց հրամաններն ու պատուհասներն չէ թէ միայն դիտած վախճանին չեն հասնիր, այլ նաև պզտի տղայոց սիրտը անվատահ կ'ընեն. զիրինք չսիրողը՝ չեն կրնար սիրել, անդթութեամբ պատուհասողին վրայ՝ խանդաղատանօք չեն նայիր. ու թէպէտ առջի բերան վախերնէն կը հնազանդին ու կ'ոնտան, սակայն քիչ ատենէն իրեն դէմ ապստամբելու վիճակին ու վտանգին մէջ են:

Իսկ մայրը, — տղուն սրտին տէրն է մայրը. երկուքն ալ իրարու միտքն ու սիրտը կը հասկընան. մօր ու տղուն մէջ եղած սէրը՝ ամենէն աւելի խիստ պարտքերը կը դիւրացընէ, և ամենէն աւելի դառն երեւցած պատուհասները քաղցրացընելուն գաղտնիքը գիտէ: Սիրով կը հնազանդի իրեն զաւակը. իսկ օտար դաստիարակաց կառավարութեանը տակ ձեռք բերած քիչ մը արդիւնքն ալ, կանխահաս նախանձաւորութեան (émulation) արգիւնք է: Նախանձաւորութիւնը՝ դպրոցաց տեսուչներուն և դաստիարակաց միակ միջոցն է.

բայց ինչ օգուտ կրնայ ընել տղուն՝ երբ այսպիսի կրթութեան մը տակ ձգուի այն հասակին մէջ յորում գեռ ևս բաւականութիւն չունի անոր ոյժը ձանձնալու:

Այդպիսի ձեռաց պէտք չէ յանձնել ամենեւին նախնական մանկութեան առջի հոգը. այլ այդ նուիրական դործը՝ մօրը միակ խնամոցը տակ ձգել. վասն զի այն հասակին մէջ ամէն բանէ առաջ պէտք է որ սիրուի տղայն. անոր վրայ ունեցած սիրով, անոր բարոյական յառաջադիմութեանը փափաքանօք, անոր ապագայ բարեբաստութեան յուսով խանդաղակաթ դաստիարակը կրնայ երբեմն ստիպուիլ սրտովը ատած պատիժ մը դնել տղուն վրայ: Սակայն այդ կերպով տրուած սխտուհասը՝ ոչ խիստ կ'ըլլայ և ոչ ալ անիրաւ. այլ առժամանակեայ և կարճատե, և որուն՝ ինչպէս ըսինք, հազիւ պէտք կ'ունենայ մայրը:

Կրնայ պատահիլ երբեմն որ այնպիսի անսամձ բնաւորութիւններ մօր մը դիմացն ելլեն, որոնց վրայ անբաւական կամ անպտուղ ըլլան սովորական միջոցներ: Այն ատեն պէտք է յանձնառու ըլլայ՝ խիստ հրահանգաց զիմելու: Երբ կը տեսնէ թէ համբերութեան և անուշութեան թելադրած կերպերը կ'ընդունայնանան, առանց ժա-

մանակ կորսնցընելու հարկ է որ կերպը փոխէ, ու սկսի նիւթական պատիժներ զործածել. բայց հարկ չէ յիշեցընելը թէ որպիսի խնամքով, զգուշութեամբ և սրտի ցաւով: Վասն զի պէտք չէ երբէք մոռնալ թէ այսպիսի պատուհասներուն մէջ զգուշութիւն չընեն՝ ինչուան իրենց տղայոց հիւանդութեան և կենաց կարճընալուն պատճառ եղած են: Գիւրին է մարց, գիւրին է դաստիարակաց այսպիսի միջոցներով պատկառելի ընել իրենց իշխանութիւնն, վախի ու սազնապի մէջ զնելով խեղճ տղայքը: Բայց սրչափ անօգուտ են տղայոց այնպիսի միջոցներն, երբ ոչ սիրոյ բըռնադատութեամբ՝ այլ միայն պատուհասի վախովը կը սորվին:

Անոր համար կը տեսնենք այլ և այլ համբաւաւոր դպրոցներէ ելած տղայք, որ տարիներով կեցեր են հոն, ուսմանց աւմէն կարգէն անցեր, և սակայն բան մը չեն սորված. վասն զի սիրով ու քաղցրութեամբ չեն կառավարուած, վասն զի դըպրոցաց մէջ բռնաւորներ դաւեր են, չէ թէ գորովագութ ու խանդաղատալից դաստիարակներ. ուստի և պատուհասի վախով քիչ մը սորվածնին ալ մոռնալու համար շատ ժամանակի կարօտութիւն չեն ունեցած: Աւստի փափաքելի է որ ծնողք

այդպիսի դպրոցաց ընտրութեան մէջ աւմէն կարեւոր զգուշութիւն ընեն: Այո, հարկ է որ մը դպրոց մը զնել զտղայն, և մօր մը կը պատկանի այդ դպրոցին ընտրութիւնը. բայց խիստ պզտիկ խրկելէն զգուշանալու է. սպա թէ ոչ կը փճանայ տղայն. վարպետներն ու աշակերտակիցք զինքը նեղը կը խոթեն. ուսումը դեռ իր հասակին համար չէ, դպրոցաց հրահանգքը՝ իր ընդունակութենէն վեր են. ուստի և դասերը կ'առնու առանց հասկընալու, կամ մտացը մէջ տեղիք ընելու: Մօր մը ձեռքով եղած ուսումը՝ ասոր նման չէ. մայրական քաղցր դասերը կը տպաւորուին տղուն մտքին մէջ, և ոչ երբէք կ'ելլեն: Միբով կը սորվեցընէ, և տղայն հաճոյքով կը սորվի. դաստիարակութեանը կերպին մէջ խստութիւն չկայ, անոր համար աւելի պտղաբեր է և արգասաւոր:

Աւրիշ գեղեցիկ միջոց մըն ալ կայ, դաստիարակութեան էական մաս մը, որ յանցաւոր տղայն կը զգաստացընէ, և մէյմըն ալ նոյնպիսի թերութեանց մէջ իյնելէն կը զգուշացընէ. և ասիկայ է թողութիւն կամ ներումը: Երբ յանդիմանութեան կամ պատուհասին կը յաջորդէ ներումը, հաճոյական ու գրեթէ անվրէպ արդիւնք մը կ'ունենայ: Հարկաւոր հիւանդք մըն է ան իկայ

ամենայն պատուհասից, և դրեթէ անոնց պատկը. և յիրուի, վասն զի անկարելի է մշտակայ պատուհաս մը ենթադրել. կանուխ կամ ուշ երբ յանցանքն կը քատուի, պէտք է որ պատուհասն ալ դադրի, և մօր մը ու տղուն մէջ հաշտութիւն ըլլայ: Ապա թէ ոչ, դաւակը գլուխ կը քաշէ, սիրտը կը կարծրանայ, կը դառնանայ ու չուղղուի: Ներումը՝ պատուհասի վիճակին վախճանն է. կամաւորապէս մոռցուած յանցանքի մը մոռացութիւնը: Բարեբաստիկ է մայրը երբ ներումն կը չնորհէ. և այն չնորհքն ընդունող տղայն՝ ուրախ և երախտագէտ կ'ըլլայ: Օգտակարագոյն է որ մայր մը հանդիսաւոր կերպով տայ այդ ներումը, որպէս զի տղուն առջև յարգի ըլլայ այն մայրական չնորհք, և զոր ընդունելու համար զղջայ և խոնարհի, և իմանայ թէ արդարութեամբ տրուած վճիռ մը մեղմելու կամ խտտութիւնը թեթեցընելու համար եղած ներումը՝ մօր մը դորտվադութ սրտին և խանդաղատանայ նշանակ է, և այդ թողութիւնը տուող մօր մը ուրախութենէն իմանայ թէ որչափ մեծ էր զինքը պատուհասողին վիշտը, և խօսք տայ մէյմըն ալ չստիպել զսիրոյ դաստիարակն այնպիսի խիստ միջոցներ գործածելու:

Բայց պէտք է այդ ներումը խնդրողը

ինքն տղայն ըլլայ. և ասիկայ բաւական չէ. այլ հարկ է որ արժանաւոր ալ ըլլայ. և եթէ այդ ատենը հասած չէ, երբ բոլորովին քառուած չէ յանցանքը, եթէ պատուհասը չախաւորելը՝ գէշ օրինակ մը, կամ աղիտարներ պիտի ըլլայ, պէտք է դեռ ևս ներումը ուշացընել: Բայց մէյմըն որ մայրն իր ձեռքն կ'երկնցընէ առ որդին, երբ սիրոյ համբոյրը անոր տալով « Ներեցի » կ'ըսէ, յանցանացն յիշատակն ալ բոլորովին պէտք է որ ելլէ մօրը սրտէն ու մտքէն. անանկ որ երբ տղայն ինքիրմէ կը յիշէ, պէտք է որ զարմանք ցուցընէ մայրն ու անտեղեակ տղուն գրուցածին. « Չեմ յիշատակեր, ըսէ. իրաւ յանցանք մը գործեցիր, բայց քու յանցանքդ ալ գարմանելու փութացիր. ներելովս՝ ամէն բան մոռցայ »: Երբ տղայն ամօթալից՝ մօրը զիրկը կ'իյնայ ու իրմէ թողութիւն կը խնդրէ, գեղեցիկ գօրծ մը կ'ընէ, և մայրը պէտք է որ ճանչնայ ու յարգէ անոր մեծութիւնը. բայց զգուշանալ արժան է որ չըլլայ թէ տղուն կողմանէ վարպետութիւն մը ըլլայ: Նոյն զգուշութիւնը բանեցընելու է երբ տղայն իր յանցանքը կը խոստովանի, աղէկ հասկընալու համար թէ արդեօք անկեղծ զղջման մը նշանակ է. բայց յանցանքի մը խոստովանութիւնը՝ պիտի չստատահուի իր անպա-

տուհաս մնալը. բաւական է մեղմացընել զայն կամ ժամանակը կարճեցընել. ապա թէ ոչ, աղայն մէկէնիմէկ կը հասկընայ թէ երեսանց խոստովանութիւն մը, արտաքին զլջում մը կը քաւեն իր ամէն յանցանքը, ու անոր հեաւանք ամէն վիշտերէն զինքը կ'ապահովեն. ուստի և կը ջանայ օգտակար ընել իրեն այն միջոցը:



Եթէ մօր մը կառավարութիւնը՝ իր իշխանութիւնն ապահովելու համար՝ ուրիշ որ և իցէ օրինաւոր տեսչութեանց պէս պատժական հաստատութեան (sanction) պէտք ունի, եթէ կարգաց և հրահանգաց թուլութիւնք կամ զանցառութիւնք՝ նուազ կամ խիստ պատուհաս մը կը պահանջեն, որ միշտ համեմատ պէտք է ըլլան յանցանաց՝ և թողութեամբ պսակուած, կանոնաց ճիշդ հպատակութիւնն ալ, տղուն յօժարափոյթ և մտադիր հնազանդութիւնն ալ կարօտ են քաջալերութեան և վարձուց:

Ո՛րչափ միջոցներ ունի մայր մը պէտք եղածին պէս և ըստ արժանւոյն ճանչնալու իւր պղտի աշակերտին եռանդն ու բարեւ.

կրթութիւնը. իր խանդաղատանքն, — մայրենի քաղցր խանդաղատանքն, — սըրտին գոհութիւնը՝ զոր կը ցուցընէ անոր հեզութիւնն ու ճիշդ հնազանդութիւնը սեռնելուն, — ասոնք պիտի ըլլան մօր մը կողմանէ տրուած առաջին վարձատրութիւնները:

Սիրալիր մտադրութիւն մը, զարմանք մը, գրքի կամ օգտակար խաղալեաց ընծայ մը, շրջագայութիւն մը, իրեն օգտակար կրթութեան հրահանգի մը զբաղելու հրաման մը, — ահաւասիկ վարձատրութեան գերազանց միջոցներ, և որոնց կիրառութիւնը անձանօթ չէ մօր մը:

Բայց տղուն տրուած պղտի ընծաներուն մէջ անօգուտ ու վնասակար բան մը չըլլայ. այլ միշտ աչքին առջև ունենալով դաստիարակութեան վախճանը, որ է հրահանգել՝ զուարճացընելով, ջանայ նոյն իսկ վարձատրութիւնն օգտակար ընել անոր: Տղայն՝ մանկութեան հասակին մէջ այնպիսի սէր մը ունի զուարճութեանց, այնպիսի եռանդն ու անհաստատութիւն մը ախորժակացը մէջ, որ զինքը քաջալերելու միջոցներ գրտնելը ամենադիւրին է: Յարմարագոյնը՝ ամենէն աւելի հաճոյական վարձատրութիւնն է իրեն համար: Ընդհանրապէս գործածուածը՝ և զոր զիւրին է ձեռք ձգել, խա-

զալիկ մը սրտգեղեցն է: Այլ մայրը՝ այն-
չափ խաղալեաց շատութեան և բազմազա-
նութեան մէջ պէտք է որ ընէ իր ընտրու-
թիւնը, զանազանելով օրիորդաց և մանչ
տղայոց տրուածները. և զիտելով միշտ որ
անոնց սպառայ կենաց օգտակար ըլլալու
վիճակին մէջ գտնուող խաղալիկներ ըլ-
լան. ինչպէս օրիորդաց համար պաճուճա-
պատանք մը, տնական տնտեսութեան հար-
կաւոր գործիներ, և այլն. իսկ մանչերուն՝
փայտէ ձի մը, փող մը, սուր մը, գնտակ
մը, և այլն: Այսպիսի խաղալիկներ՝ գոր-
ծունեայ կենաց մէջ կը պահեն զտղայն, որ
ոչ միայն իրենց բարոյականին, այլ նաև
նոյն իսկ նիւթական կենաց առողջութեան
համար հարկաւոր է. գործունէութիւն և
աղաղակ, ասոնք են ընդհանրապէս մար-
դուս կեանքը կազմող. պէտք է որ առջի-
նին կրթէ ինքզինքը, ու երկրորդէն չփախ-
չի. գործելու աշխատիլ. ասիկայ է իր վի-
ճակն, և առ որ՝ տխրե՞ծ հասակէն արժան
է զինքը պատրաստել:

Այսպիսի խաղալեաց մէջ պիտի փնտռէ
մայրը աշխատանքով, հնաղ անդութեամբ
և ջանքով արժանացած վարձատրութիւնը:
Այն տղայն պէտք է քաջալերուի՝ որ ջա-
նացեր է արժանաւոր երևնալ, իմացընե-
լով իրեն թէ այն զգացած հաճոյքն՝ աշխա-
տանաց ու ջանից արգիւնք է:

Ուրիշ խաղալիկներ կան որ աւելի ան-
միջական կերպով կ'ազդեն տղայոց դաս-
տիարակութեան վրայ. և ասոնց կարգէն
կրնան սեպուիլ ստուերախաղը, բաւական
է որ տղայոց բարոյականին մլասակար
բան մը չբովանդակէ, մոգական լապտե-
րը, և այլ ասոնց նմաններ, զորոնք սովոր
են ծնողք ներկայացընել տալ իրենց տղա-
յոցն ու բարեկամաց առջև, երբ մանկունք
արժանաւոր երևնան այդպիսի վարձա-
տրութեանց:

Տղայոց մեծ ու հաճոյական վարձատրու-
թիւն մըն ալ ընտանեկան հանդէսներն են,
զորոնք կրնայ մայրը կարգի դնել, ու երբ
տղայք խելօք ու հնազանդ ըլլան՝ զանոնք
ալ մասնակից ընել այն հանդէսներուն: Ա-
ռաջուց մայրը կը խոստանայ տղուն, ու
երբ անիկայ գոհ կ'ընէ իր ընթացքովն ու
վարուք զծնողս, իրենք ալ պէտք է հաւա-
տարիմ գտնուին իրենց տուած խոստմա-
նը: Այդ ակնկալութիւնը՝ զօրաւոր միջոց
մըն է քաջալերութեան, և կատարուիլն
ալ անգին հասուցմունք մը իրենց աչքին:
Մերթ ձմերուան եղանակին՝ սիրալիր ըն-
տանիքը սիրոյ վստարանին քով գումա-
րուած՝ ընտանեաց մեծ հօրը ածնախաբու-
թեան հանդէսն է որ կը կատարեն. բոլոր
զերդատտանք հոն ժողլուած է. տղան՝ սըր-

տին ուրախութենէն կարմրացած առաջ
կու գայ՝ երկու ձեռքովը ձմերուան ծաղ-
կանց փունջ մը վերցնելով. և մտադիր
ունկնդրաց առջև՝ իր մէկ համառօտ բարե-
մաղթութիւնը կ'արտասանէ: Մանուկը իր
ըրած գործին վրայ զոհ, երջանիկ կը սե-
պէ ինքզինքն որ բարի վարքովն ու զգօնու-
թեամբ այսպիսի մասնաւորութեան մը ար-
ժանի եղաւ. երջանիկ՝ վասն զի ամենուն
երեսին վրայ զուարթութիւն մը նկատեց,
և կ'իմանայ կը զգայ թէ ինքն է այն ուրա-
խութեան և հաճութեան պատճառը:
Մերթ հօրը կամ մօրը անուան տօնին տա-
րեղարձն է. և տղան առաջուց մեծ հօրը
կամ դաստիարակին ու ծառայից հետ խօս-
քը մէկ ըրած է՝ ընծայով մը կամ իր մէկ
ձեռագործով հաճոյք մը պատրաստել ճնո-
ղաց, և զոր ուրախամիտ կը նուիրէ ծաղ-
կանց փունջի կամ համբոյրի մը հետ: Եր-
բեմն հանդէս մըն է՝ զոր երախտագէտ
ընտանիք տարուէ տարի կը կատարեն, և
զոր աւելի գեղեցկացընելու համար՝ մաս-
նակից ու հազորդ կ'առնուն նաև զտղայս:
Սովորականէ դուրս ուրախալի զիպուած
մը, անակնկալ ընտանեկան հանդէս մը՝
ամէն անգամ մէյմէկ գեղեցիկ առիթներ
են տղուն աշխատանաց ու ջանից արդիւնքն
ճանչնալու և զինքը խրախուսելու համար:

Այս քանի մը օրինակներն բաւական են
ցուցնելու համար թէ ինչպէս մարք կա-
րող են վարձատրութեան հնարագէտ մի-
ջոցներ գտնել: Սակայն նորէն կը կրկնենք
թէ հատուցմունքն պէտք է համեմատ ըլ-
լան տղուն մտադրութեանն ու ջանից:
Վասն զի եթէ վարձատրութեան միջոցնե-
րով կարելի է պսակել անոր անցեալ աշ-
խատանքը ու ապագային համար ալ խրա-
խուսել, մարթ է նաև շոյլ կամ ագազ ե-
րևնալ, որ վնասակար ըլլայ դաստիարակու-
թեան փոխանակ անոր օգուտ մը ընելու:
Արիկայ այնպիսի պակասութիւն մըն է՝ ո-
րուն մէջ յաճախ կրնան իյնալ մարք, ուս-
տի և առանձին մտադրութեան արժանա-
ւոր: Վասն զի կը գտնուին անխոհեմ, ան-
մտադիր մարք որ վարձատրութեան հա-
մար այնպիսի խաղալիք, զբաղմունք կամ
հաճոյք մը կը խոտտանան՝ որ իրաւամբ եր-
կար ատեն զլացուեր են իրեն, կամ այն-
պիսի փափկասիրութեան առարկայ մը՝ որ
ուրիշ առիթ մը մէջ յանցանք պիտի ըլլար
տղուն խնդրելը:

Այսպիսի վարձատրութիւն մը՝ առիթ
կ'ըլլայ տղուն զղջալու իր առջի հնազան-
դութեանն ու հպատակութեանը վրայ:
Վասն զի տեսնելով թէ ձեռքը տուին այն
խաղալիքը՝ զոր երկար ատեն զլացեր էին,

կամ իրենն անօգուտ ու վնասակար սե-
պած, ալ կը սկսի մօրը վրայ վստահութիւն
չտնենալ, վասն զի տեսաւ որ կրնայ խա-
բուիլ. կը կորսնցընէ դարձեալ ճշմարտին
ու սխալին վրայ ունեցած ուղիղ ծանօթու-
թիւնը. վասն զի իր միտքը կը սկսի մոլորիլ
բարակ պատճառաբանութեանց մէջ ու-
րոնցմով կը ջանայ իրենն մայրն հասկըցը-
նել թէ ինչ պատճառի համար մինչև այն
ժամանակ արգելածն ու զլացածը հիմա կը
չտորհէ: Արեւապէս այս վնասակար սխալ-
ման միւս ծանր հետեւանք մըն ալ տղան
կեղծաւոր ընելն է. ալ այնուհետև իրեն
համար կեղծաւորութիւնը միջոց մը կ'ըլլայ
իրենն օգտակար ընելու. և առանց լքանե-
լու մօրը երկար զխնդարձութենէն, վեր-
ջապէս կը յաջողի իբրև վարձատրութիւն
ձեռք ձգել զայն՝ զոր մայրը երկար ատեն
զլացեր էր: Ար գտնուին այնպիսի մայրեր
ու դաստիարակներ ալ որ կը համարին հա-
տուցմունք մը ընել տղուն, ազատ ընելով
զինքը դասէ մը կամ իր մէկ պարտքէն.
սակայն ասիկայ վնասակար է, և տղան
ծուլութեան կը վարժեցընէ. ուր մանա-
ւանդ ջանալու է այն աստիճան փափաքելի
ընել գուսումն, որ տղայն վարձատրութիւն
չսեպէ զայդ, այլ զրկում մը կամ պատիժ:
Մօր մը ձեռքով բաշխուած վարձա-

տրութիւնք, կրնան նաև նախանձաւորու-
թեան կամ մրցանաց առիթ մը ըլլալ տղոց.
ուստի պէտք է որ իմաստուն ընտրու-
թեամբ մը օգտակար ընէ զանոնք ուսմանց
յառաջադիմութեանը:

Հարկ չէ որ սուղ բաներ ըլլան այս խա-
ղալիքը. վասն զի տղուն համար գինը յարգ
մը չտնի. քիչ ըլլան ապա թէ ոչ մէկէնիմէկ
ամենէն կը ձանձրանայ, և անկարելի կ'ըլ-
լայ ուրիշ նոր և զուարճացուցիչ նիւթեր
գտնել զինքն զբաղեցընելու: Այն մայրեր
որ իրենք իրենցմէ կը շինեն այդ խաղալի-
քը. և ասիկայ ոչ միայն օգտակար խնայու-
ղութիւն մը կ'ըլլայ ծնողաց, հապա նաև
տղայք կը յորդորուին նմանիլ իրենց մօրը:
Ուստի ձեռուընին տալու է նիւթն ու գոր-
ծիքները, բաւական է որ անոնց կիրառու-
թենէն տղուն վնաս մը չըլլայ. ու տեսնե-
լով իր աշխատանքն՝ գովել արժան է զինքն
ու քաջալերել. « Սպիրտ տղաս. ալ ասկէ
հտքը խաղալեացդ համար ծախք ընելու
կարօտ չես ըլլար, ու չես ստիպուի գե-
րի ըլլալ այն խանութպաններուն՝ որոնք
ամենէն աւելի հասարակ խաղալիքներն
ալ սուղ սուղ քեզի կը ծախեն »:

Օրինակ իմն, գեղազնացութեան կամ
ուրիշ ժամանակ տղան շրջագայութեան ե-
լած կ'ըլլայ, ու դաշտի մը մէջ կը տեսնէ

որ իրեն հասակակից տղայք վիշտակ (cerf-volant) թռցընելով կը զուարճանան. ինքն ալ կ'ուզէ վիշտակ մը ունենալ, Պէտք է իրեն իմացընես թէ արժանաւոր ըլլալու է. ու երբ կը տեսնես որ խելօք է և այն պարգևին արժանի՝ փոխանակ զինքը խաւնութ մը տանելու, առջևը դիր թուղթ, սոսինձ, նկարներ ու մկրատ մը, և ըսէ որ ինքը անձամբ շինէ ուզած խաղալիքը : « Դժուարին բան մը չէ ատիկայ, ըսէ իրեն. մանաւանդ թէ շատ զուարճալի. շատ անգամ տեսեր եմ խանութպանին շինելը, ուստի և կրնամ ապահովապէս առաջնորդել քեզի » : Տարակոյս չկայ որ տղայն սիրով յանձնառու պիտի ըլլայ. ուստի մէկէնիմէկ սկսէ գործի. և կը տեսնես որ մանուկը սիրով ու եռանդեամբ կ'աշխատի և իր վիշտակը կը լմնցընէ. անշուշտ այլ և այլ պակասութիւններ պիտի ունենայ. բայց տղուն համար՝ խանութպանէն առածէդ աւելի հաճոյական է, որովհետև իր աշխատանացն արդիւնք՝ իր ձեռագործն է : Ուստի կրկնակի է իր հաճոյքն, և մայրը արժանաւոր հատուցմունք մը տալէն դատ՝ յատկասիրութեան և ճարտարութեան դաս մըն ալ տուած կ'ըլլայ, և որ ատենին իր օգուտն ու ազդեցութիւնը պիտի ունենայ տղուն վրայ :

Տղան այնչափ աւելի սէր կը կապէ իր խաղալեացը վրայ՝ որչափ աւելի դժուարին եղած է զանոնք ձեռք ձգելը, թէ մօրմէն աննելու և թէ անձամբ յարմարցընելու համար : Որոնց վրայ աւելի աշխատած է, կամ անոնց մէջ յաջողելու համար երկարատեն յոգնած, որչափ ալ պակասաւոր ըլլան, նախամեծար ու պատուական են իր աչքին. ուստի և սէր կը կապէ անոնց վրայ, ամէն զգուշութիւն կ'ընէ, կը վախէ կոտորտելէն, չուզեր իր հասակակցաց ձեռքը թողուլ՝ որոնք իրենց անհոգութեամբ կասկածելի են :

Մայրը պէտք չէ անհոգ ըլլայ այս զգածմանը, ետևէ ըլլալով կարգաւորել զայն. վասն զի անկէ առաջ կուգայ կարգասիրութեան ու պահպանութեան հոգին. մանաւանդ թէ մասնաւոր դարան մըն ալ նշանակէ, ուր ամիփոփուն տղուն ամէն խաղալիքներն, և բանալին ալ իրեն յանձնէ : Այն ատեն կը տեսնես որ տղուն զգուշութիւնը կրկնապատիկ կ'ըլլայ. ամէն իրիկուն կարգի կը դնէ իր զանազան խաղալիքներն, աղէկ պահպանուած, խնամուած և անվնաս. և ասանկով իր սրտին մէջ մաքրասիրութեան առաջին գաղափարը խոթած կ'ըլլաս :

Այս ողին՝ տղուն աւելի ընտանի ու սի-

րելի ընելու համար այլ և այլ ուրիշ միջոցներ ալ չեն պակսիր, և զորոնք աւելորդ կը սեպենք որդեսէր ու խոհեմ մօր մը յիշատակել. վասն զի կարօտ ալ չենք տեսներ զինքը:



Մօր մը կողմանէ եղած վարձատրութիւններն՝ օգտակար նպատակ մը ունենալու են. տղուն տուած կամ յանձնած խաղալիքներն ու պարզենքը՝ հարկ է որ յարմար ըլլան ՚ի հրահանգել զմարմին և ՚ի կրթել զսիրտ. բայց նոյն իսկ խաղալիքներն՝ անուղղակի կերպով պէտք է սատար ըլլան իր ձեռք զարկած մեծ գործոյն, որ է մարդուս կատարելութիւնը դաստիարակութեամբ:

Ինքը մայրը պիտի ըլլայ տղուն խաղերն կարգադրողը. զանոնք փոփոխելով, ու իր ներկայութեամբն անոնց նոր հոգի մը տալով, գէպ ՚ի օգտակար նպատակի մը ուղղէ: Պէտք է մասնաւոր մտադրութիւն ընէ անոր պղտի ընկերակցաց ընտրութեանը մէջ, որոնց հետ կը տեսնուի. ապականեալ

ընկերութեամբ՝ ամենէն աւելի լաւագոյն պատուը կը փճանայ: Սնմաբրութիւնը՝ ծածուկ թշնամի մըն է, և միշտ պատրաստ՝ այն գեղեցիկ հասակին անմեղութիւնը թաւամեցընելու. թոյն մը՝ զոր մաքուր բաժակաւ մը կրնան մատուակել ծառայք, պղտի ընկերակիցք, գէշ խօսքեր, գէշ օրինակներ. մէկ խօսք մը, մէկ նայուածք մը միայն բաւական կ'ըլլայ. այնչափ մեր խեղճ բնութիւնը հակամէտ է այն հոգին՝ յորմէ ստեղծուած է:

Ոչ երբէք վստահ ըլլայ մայրը, և առանց ընտրութեան կամ քննութեան չթողու որ իր զաւակըները դրացիներուն կամ բարեկամաց տղոցը հետ տեսութիւն և ընտանութիւն ունենան: Սյդ ընտրութիւնը պէտք չէ որ աւելի հասակաւոր, ո՛ժժով և հարուստ ընտանեաց տղայոցն հետ ըլլայ. վասն զի այդպիսի ընկերութեանց մէջ կ'իշխեն անոնք տղուն վրայ և կը բռնանան, կամ պարզենքով զինքը շահելու ետեւէ կ'ըլլան. ուստի և կը սովորի հնազանդիլ առ երկիւղի, կամ հարկաւոր տեսած ատենը շողքորթել: Իրմէն աւելի ուժով կամ հասակաւոր ընկերակցացը կամակատարը կ'ըլլայ, կը նուաստանայ առջևնին՝ անոնց չնորհաց արժանի ըլլալու համար. և այս վնասակար ընտանութիւնը՝

դժնդակ դպրոց մը կ'ըլլայ, ուր կը սորվի խաբէութեան ու կեղծաւորութեան վարժիւ: Պէտք չէ դարձեալ իրմէն աւելի տըկար, պղտի ու աղքատ տղայք ընկերակիցք ընտրել իր տղայոցը, կամ այնպիսի ծնողաց զաւկըններ՝ որ ընկերական վիճակով իրմէ անհամեմատ վար են. վասն զի այն ատեն տղուն սրտին մէջ իշխողութեան ոգին կ'արթըննայ, և անարգել ուղածը կատարելու կը վարժի. վասն զի այն ատեն մայրը իր տղուն շողորորթ ընկերակիցներ տուած կ'ըլլայ, և որով կը վարժի տղայն բռնաւոր, ինքնատէր և բարկացող ըլլալու. կը պահանջէ որ ամէնքը հնազանդին իր կամացը և կատարողք ըլլան իր հաճոյիցը: Ամենէն աւելի պղտի տղաք ալ ճշդիւ կը դիտեն մարդկանց ընկերական վիճակն ու բաղբի զանազանութիւնները:

Դիտէ կալուածատէր ազնուականի մը տղան՝ որ դաշտին մէջ իր հասակակից տըղայոց հետ կը խաղայ. անոնք չորս կողմի վարձակալաց զաւկըններն են: Թագաւորի մը պէս կը հրամայէ անոնց, կ'ուզէ որ իր ամէն կամքն կատարեն, այլ և այլ կողմեր կը խրկէ իր ընկերակիցքն, ուղածը փնտռելու համար. կը սպառնայ անհնազանդներուն, խաղեր կը հնարէ, և կ'ուզէ զիմացիներն հլու գործի տեսնել իր կամացը: Եւ

այս ամէն բանին մէջ չկայ մէկը որ իրեն դէմ ելլէ կամ ուղածին հակառակի. վասն զի գիւղական տղայքն թէպէտև իրմէ աւելի ուժով են, բայց կը վախնան իրենց տիրոջը տղան տժգոհ ընելէն, որպէս զի չըլլայ թէ ետքը յանդիմանութիւն կամ ծեծ ուտեն, կամ արգելուի իրենց՝ տղուն հօրը տունը մտնելը:

Մտր համար պէտք է տղուն հասակին և վիճակին համեմատ ընկերակիցներ տալ, ջանալով որ քու տղուդ վրայ պակտող կատարելութիւնները գտնուին անոնց վրայ. և լուազոյն է՝ եթէ կարելի ըլլայ ոչ միայն խաղի, այլ նաև ուսման ընկերակից ընել զանոնք, որով մէկզմէկ կը քաջալերեն, իրարու սիրտ կուտան, և իրարու նախանձաւորութիւնը շարժելու առիթ կ'ըլլան:

Բայց թէ հանգստեան և թէ ուսմանց ատեն մայրը պէտք չէ որ անոնցմէ բաժնուի: Աւանց կասկած մը տալու, հսկէ վրանին, մասնակից ըլլայ անոնց խաղուցը, և իրեն նուաստութիւն չսեպէ անոնց գուարձութեանցն գործակից ըլլալ: Այս կերպով աւելի կը մեծնայ իր իշխանութիւնը, և տղոցն վստահութեանը և իրեն յանձնուելուն մէջ՝ նոր միջոց մըն ալ կը գտնէ զանոնք ուղղելու: Իրաւ է որ դժուարին է այս գործը, և զոր շատ մայրեր պիտի չկա-

րենան գիւրութեամբ կատարել. վասն զի թէպէտեւ դաստիարակութիւնը իրենց առաջին պարտքն է, քայց մայրն ուրիշ այլ և այլ զբաղմունք և ընկերական պարտքեր ունի կատարելու: Տղոց հանգստեան ժամերը՝ մայր մը իրեն ազատութեան վայրկեանները կը համարի. ու երբ այլ և այլ բարեմարդկութեան սրտքեր, տնական տնտեսութեան կառավարութեանը յաճախ զինքը կը կոչեն, տղայոց հրաման կու տայ որ խաղալու երթան: Զգիտեր թէ անանկով կը կորսնցընէ իր ամէն նախկին խնամոց պտուղները. իր ամէն զգուշութիւններն, իր արթնութիւնն անօգուտ կ'ըլլան՝ աւրուած տղու մը վնասակար աղքեցութեամբը: Խոհական դաստիարակ մը ոչ երբէք այսպէս կը թողու իր աշակերտներն՝ վնասակար ընկերութեանց մէջ. այլ իր զբաղմանց շատութեանն ու զանազանութեանը մէջ ալ միջոցներ կը գտնէ՝ զանոնք ոչ երբէք աչքէն հեռացընելու. և որչափ ալ իրեն համար նեղութիւն և աշխատանք ըլլայ, ետ չկենար անոնց խաղուցը մասնակից ըլլալէն: Իր երևնալը անոնց մէջ, ուրախութեան ձայներով կ'ընդունուի. վասն զի կը սիրեն զինքը տղայք. չեն վախեր ոչ իր բարկութենէն և ոչ դժկամակութենէն. իրենց նման տղայ մըն ալ ինք

կը դառնայ կ'ըլլայ. և ամէն օր նորանոր խաղեր ու հաճոյական զուարճութիւններ իրենց կը պատրաստէ: Չեն քաշուիր, և իրենց գործոյն ու զբաղմանցը մէջ իրմէն զգուշանալու հնարք չեն մտածեր. և անով առիթ կուտան մօրը այլ և այլ դիտողութիւններ ընելու, որոնք թէ իրենց և թէ դաստիարակութեան օգտակար կ'ըլլան:

Այդ խաղերուն մէջ որչափ աղէկ կ'իմացուի ամէն մէկ տղուն ինչ բանի կոչումն ու յարմարութիւն ունենալը:

Պիւֆոն՝ որ Յիսուսեանց դպրոցին մէջ ըրած էր իր ուսմանց ընթացքը, հանգըստեան ատենը կը զբաղէր աւազի վրայ չափաբերական ձևեր քաշելով: Նափուէոն՝ Պրիէնի դպրոցին մէջ իր պզտի ընկերներովը ձիւնեղէն բերդեր կը շինէր, անոնց հրամանատարութիւն կ'ընէր, և պաշտպանութեան կերպերը կ'առաջարկէր: Անուանի և օգտակար մարդկանց կենսագրութիւններն լեցուն են այսպիսի օրինակներով: Արպիսի անակնկալ լուսով մը պիտի լուսաւորի մայրը անոնց կանխաձայնազգումները տեսնելով. — յայտնութիւն մըն է ասիկայ, որ կրնայ իրեն մեծապէս օգտակար ըլլալ: Կը յայտնուին դարձեալ ծածուկ ախտեր, զորոնք մայրը տան մէջ հրապարակազոյժ ընելով, եթէ խոհեմու-

Թիւնը այնպէս թելադիր ըլլայ, կրնայ ուղղել: Բայց երբ տխուր յայտնութիւն մը կ'ընէ մայրը, պէտք չէ որ մէկէնիմէկ յանդիմանէ կամ պատուհասէ. ապա թէ ոչ, վտանգի մէջ կը դնէ իր իշխանութիւնն և աղգեցութիւնը կը կորսնցընէ: Այլ անկէ ետքը՝ զինքը սիրելու տեղ կը սկսի իրմէ վախնալ. իր երեւնալը՝ խաղերուն զուարթութիւնը կը վերցընէ. սղաք կը քաշուին ու կը խրտին իրմէ, որով զանոնք դիտելու և քննելու սուիթը կը սկսի մօրը: Պէտք է որ տղայք մօրերնուն առջև անանկ ըլլան, ինչպէս իրարու հետ. մայրը իրենց կատարեալ վստահութեանը կարօտ է. ուստի և զայն չկորուսանելու համար՝ հարկ է որ իր կողմանէ անսահման վստահութիւն ցուցընէ, ոչ երբէք բարակ քննութիւններու և ծածուկ լրտեսութեանց ամօթալի գրութիւնը բանեցընելով, որ ընդհանրապէս կը գործածուին մարդատանց և վարժարանաց մէջ: Ի՞նչ օգուտ կրնայ քաղել այսպիսի միջոցներէն. իրեն համար բոլորովին ընդունայն են՝ թէ որ կրցեր է ձեռք ձգել տղոց վստահութիւնը՝ անոնց հաճոյիցն ու խաղերուն մասնակից ըլլալով: Իրենց մէջ յամենայնի պէտք է երևնայ ուղղութիւն, համարձակութիւն, հաւատարմութիւն և բոլորովին իրարու յանձնուիլ մը. մայրը ոչ

երբէք թոյլ պիտի տայ որ տղայք իրարու հետ խորհրդական կերպ մը ունենան, ցած ձայնով իրարու վրայ վստահութիւն յայտնեն, որոնց տակ շատ անգամ չար գործ մը կամ անարժան նպատակ մը կը ծածկուի:

Միայն օգտակար խաղերու պէտք է թոյլտուութիւն ըլլայ տղոց. այն խաղերը՝ որ ոչ հոգւոյ և ոչ մարմնոյ օգտակար հրահանգ մըն են, արժան է որ խնամքով հեռացուին. մայրը վախնալու է անոնցմէ: Սակայն որչափ անգամ տեսնուած է՝ որ մարք են այնպիսի խաղերը իրենց տղոց սորվեցընողք: Ասոնց մէջ մէկը միայն յիշենք, որ նորելուկ ըլլալուն համար՝ յարգի է մեր ժամանակաց մէջ և գրեթէ անհրաժեշտ սեպուած. այսինքն՝ տղայոց պարը: Մնողք տեսնելով որ իրենց դրացւոյն կամ մէկ ազգականին տղայքը պար բռնել ու խաղալ սորվեր են, անոնց նմանելու համար իրենք ալ կը սորվեցընեն. որով տղայք և աղջկունք մէկտեղ կը ժողվուին, և իրենց ընտանեաց կամ բարեկամաց ցայգահանդէս մը կուտան: Թողունք բարոյական վնասներն, որով անոնց մատուցու նորահաս սրտին մէջ՝ դեռ իրենց անձանթ կըքեր կը սկսին երևնալ, անմեղութիւննին կը խամրի, և այն ատենուրնէն կը սկսին մէկ կամ միւս օրիորդին վրայ ուրիշ խանդաղատա-

նօք մը նայիլ, և ինչուան իրենց ապագայ երջանկութեանը առիթ սեպել զանիկայ... Մարք և բարեկամք կը զարմանան այն խօսքերուն վրայ. և չեն գիտեր թէ իրենք են այն անմեղ մանկութեան դահիճներն, իրենք են՝ անոր բարոյականն, որով և ապագայ բարեբաստութիւնն թշուառ ընելու վտանգին մէջ զնողներ:

Ասոնք բարոյական վնասներ են: Ինչը սենք նոյն իսկ տղայոցն իւրթական առողջութեան պատճառած վնասներուն վրայ. երբ ատենէն առաջ կը վարժեցընեն զիրենք այնպիսի ցատքըտելներու, որ իրենց բնական չեն, կը պնդեն կ'ամրացընեն անոնց փափուկ մէջքը, որ աճելու և ուժովնալու կարօտ է. թեթև ու բարակաման զգեստներով առողջութիւննին զիրաւ կորսնցընելու վտանգի մէջ կը ձգեն, և այլն:

Սակայն կը գտնուին անանկ մայրեր որ ուրախ և զուարթ են, երբ տղաքնին խաղալիք մը եղած կը տեսնեն իրենց ընդունայնամտութեանն ու ամբարտաւանութեան: Փոխանակ այնպիսի վնասակար զուարճութիւններու, խելացի մայր մը պարտըկան է անանկ բնական խաղեր պատրաստել, որոնք կարող ըլլան տղուն այլ և այլ պիտոյիցը համապատասխանել: Օրինակ իմն, որոնք աչքի ճշգրտութիւն և մտայ ճարտարութիւն կը պահանջեն:

Պարասոյոյ և հանգստեան ժամերը լաւագոյն է բաց օդի մէջ անցընել, և միայն գէշ օդը՝ չէ թէ եղանակի և բարեխառնութեան փոփոխութիւնն պատճառ ըլլայ այս հաստատուն կանոնն փոփոխելու: Վասն զի բաց օդի մէջ եղած հրահանգքը, արևուն մէջ ամառ ատեն, ցուրտի և սառուցից մէջ ձմեռ ատեն, այն հասակին մէջ տղայոց համար բաժակ մըն է՝ որով լեցուն բերնով կը խմեն զառողջութիւն, զգեղեցկութիւն և զոյժ: Առողջութիւն... կայ մայր մը որ կարենայ մոռնալ զայն, որ ամէն բարեաց մէջ առաջին է. որն որ հարկուոր է տղուն դաստիարակութեան յաջողութեան համար, և առիթ՝ մարդու ապագայ բարեբաստութեանը:

Եթէ արուեստաւորը կ'ուզէ արձան մը կանգնել, նախ անոր հաստատուն պատուանդանը կը պատրաստէ: Առողջութիւնը հիմն է, որուն վրայ պիտի հանգչի քու ձեռագործդ, ո՛վ մայր. որպէս զի հաստատուն ըլլայ, հարկ է 'ի պղնձոյ շինել զայն և ոչ 'ի կաւոյ:

Առաջին հասակին մէջ աւելի խաղ պէտք է տղուն և քիչ ուսումն. ուստի գործունայ, ուժով և ճարտարութեամբ եղած խաղեր պէտք է ընտրես, որոնք ուղղակի կերպով ստտարեն դաստիարակութեան

բարգաւաճանացը: խաղերով կրնայ մայր մը այնպիսի արդիւնք ձեռք ձգել որոնք ապահովագոյն են քան թէ պատուհասով ձեռք ձգուածները:

Թէ որ օգոյն գէշութեանը պատճառաւ կարելի չըլլայ տղոց բաց օդի մէջ խաղալ, և ստիպուին սենեկի մը մէջ անցընել իրենց հանգստեան ժամերը, պէտք չէ որ մայրը անոնցմէ զատուի, ու շատ չյուզենցընող հրահանգներով զբաղեցընէ տղաքը. բայց միշտ դիտելով որ օգտակար նպատակ ունեցող խաղեր ըլլան: Փոխանակ պարտիզի մէջ ըլլալիք հրահանգաց և խաղերու, ճարտարութեան խաղեր դիր անոնց առջևը, և որոնք աւելի համբերութիւն, երևակայութիւն և խնամք պահանջեն. օրինակ իմն, պատմութեան տախտակ մը, կամ աշխարհացոյց մը այլ և այլ կտորներով յարմարցուցած, զորոնք կարելի ըլլայ ուզածիդ պէս միացընել կամ իրարմէ զատել. տղուն ձեռքը տուած ատենդ՝ պէտք է որ անոնք իրարու հետ խառնուած ըլլան, և զոր ջանայ մէկմէկու քով բերել գաւառաց և անուններու համեմատ, կամ՝ եթէ պատմական տախտակ է՝ ժամանակագրութեանն համեմատ:

Կրնաս դարձեալ ճարտարապետական այլ և այլ ձևեր տալ տղուն ձեռքը, որպէս

զի անոնցմով շէնքեր ձեւացընէ, հրապարակի մը զարդեր, կամ ընդունելութեան սրահի մը կահկարասիք, որպէս զի գանոնք իրարու քով բերէ իր պղտի հանճարոյն սատարութեամբը:

Երբ տղայն ասանկ իրեն հաճոյական հրահանգաց ետեւէ կ'ըլլայ, բայց միանգամայն սրտի կամ մարմնոյ նեղութիւն մը քաշելու նշաններ կու տայ, քաջալերէ զինքը՝ երբեմն ժպտելով մը, մերթ խօսքով կամ նայուածքով և կամ համբուրիւ մը. և սիրտը կտարած ետ մի դարձընէր զինքը՝ երբ աշխատանքը լմնցուցած ուրախութեամբ կը զիմէ քու գիրկդ, և իրեն ըրածին համար՝ քու հաւանութեանդ կամ քաջալերութեանդ կը սպասէ: Եթէ պակասութիւն մըն ալ գտնես ըրածին մէջ, մի արհամարհեր. այլ գովէ զինքը՝ միայն անդրադարձընելով թէ լաւագոյն կ'ըլլար եթէ սոնկ կամ նանկ ընելու ըլլար: Տգան իրեն նախկին եռանդեանը մէջ կ'ուզէ մէկէնիմէկ զխոնալ քու դիտած թերութիւններդ. կ'ուզէ զիտնալ թէ ինչ միջոցներ կրնայ բանեցընել՝ աւելի քիչ ջանքով կատարելագոյն արդիւնք մը ձեռք ձգելու համար: Քու երեսդ կը նայի, կը հարցընէ և կ'աղաչէ: Փոխանակ զինքը մէկէն գոհ ընելու, երկրորդ օրուան ձգէ անոր հարց-

ման պատասխանը. և պատճառ բեր թէ այնչափ յողնելէն ետքը՝ լաւ է քիչ մըն ալ հանգչիլ, և թէ ինքզինքդ ալ կարօտ կը տեսնես մտածելու, գործի ձեռք չզարկած: Բայց ինքը կը պաղատի, և ամէն հնարքով կ'ուզէ իմանալ քու գաղտնիքդ. դու ոչ իրեն խանդաղատանքէն և ոչ թախանձելէն կակըղցիր: Իսկ եթէ սկսի արտասուել և անաստութիւն ցուցընել, հասկըցուր թէ երկար ատեն իր խաղերուն փոյթ պիտի չունենաս, և զինքը մինակ ձգելով՝ հեռացիր իրմէ. բայց միշտ խօսքիդ վրայ հաստատուն կենալով: Եթէ նստելու ըլլաս իր գործը նորէն շինելու համար, մէկէնիւ մէկ ըմպընելով քու ճարտարութիւնդ մի ցուցըներ. այլ ընդհակառակն ձեացուր թէ գործելէն առաջ երկար ատեն կը մտածես. և կամաց կամաց քու մտածութիւններդ իրեն հաղորդելով, թող տուր որ ինքիրմէ աշխատի գլխաւորել զայն: Ասիկայ միջոց մը կ'ըլլայ իրեն նոր և օգտակար դասի. վասն զի երբ կը տեսնէ որ կրկին ձեռք կը զարնես գործիդ, և միշտ թերուութիւն մը գտնելով կը հարկադրիս փոփոխել, կը հասկընայ թէ որ և իցէ աշխատանքի մէջ յաջողելու համար՝ յարատե աշխատութիւն պէտք է, և զոր ըմբռնելը՝ մեծապէս հարկաւոր է տղուն:

Խօսքերնիս չափէն աւելի պիտի յերկարէր՝ եթէ ուղեւայինք մէկիկ մէկիկ թուել այն ամէն օգտակար դասերը՝ որ կրնան խաղի միջոցաւ արուիլ. զանոնք ընտրել, չափաւորել ու կարգի դնելը՝ մօր մը պարտքերն են՝ դաստիարակութեան այս էական ճիւղին մէջ:



Մայր մը իր իշխանութեան տեղութիւնն ու զօրութիւնը՝ կրնայ ապահովել իր հաստատուն կառավարութեամբը. աւտենին կը գործածէ զպատուհաս և կամ զվարձս, և նոյն իսկ խաղերը՝ ազնուական փառասիրութեան մը կը ծառայեցընէ: Իր ազդեցութիւնն՝ որ բարոյական մեծ ուժի մը վրայ հաստատուած է, կը կատարեւագործուի իշխանութեամբ: Իշխանութիւնը (autorité) դաստիարակութեան էական օրէնք մըն է, բայց անարգասաւոր կ'ըլլայ՝ երբ կը ծանրանայ, ուստի պէտք է գիտնայ սիրելի ընել զայն: Որպէս զի իշխանութիւնն ազատ և ապահով ըլլայ յընդդիմադարձութենէ, արժան է որ ոչ միայն իր իշխանութեան յատկութեանը, այլ նոյն իսկ

անձին հետ միացած ըլլայ: Իշխանութիւնը՝ կրնայ լոկ իր բնաւորութենէն յառաջ գալ, մինչդեռ կարողութիւնը՝ որ բնութեամբ կատարելագործուած չէ, անբաւական է՝ ի հնազանդեցընել: Իշխանութիւն ունեցող բնաւորութիւն մը անիկայ կը սեպենք, երբ վրան տեսնենք այն աղնուական ներդաշնակութիւնը՝ որ գործոց և խորհրդոց կատարեալ հաւասարակշռութենէն առաջ կուգայ. համառօտ ըսենք, առաքինութիւնն է որ կ'ապահովէ զիշխանութիւն:

Հարկ է յիշեցընել, թէ մայրը որուն խնամոցը կը յանձնենք տղայոց նախնական դաստիարակութիւնը, առաքինի պիտի ըլլայ. վասն զի այնպիսին կը գործադրէ սորվեցուցածը, և կը հրամայէ աւելի իր օրինակաւ՝ քան տուած դասերով:

Իր իշխանութիւնն քաղցր է և համոզիչ. կը հնազանդեցընէ՝ առանց կարօտ ըլլալու խստութեան ձեռք զարնելու. և ինչ կըրնանք ըսել այնպիսի իշխանութեան մը՝ որ իրեն պահանջած զրկմանցն ու ջանից՝ ամենէն առաջ ինքզինքը կը հպատակեցընէ:

Մայրը պէտք է գործածէ իր իշխանութիւնը, առանց անաստուելու վտանգի մէջ դնելու. քիչ անգամ բանեցընէ զայն, մանաւանդ թէ ջանայ բարեկամաց և մերձաւորաց իշխանութեամբը կատարելա-

գործել իրենինը, կամ երբեմն ինչուան թեթեւեցընել. ոչ երբէք սաստիկ ու խիստ կերպեր բանեցընէ, և գիտնայ թէ այն ատեն աւելի պատկառելի կ'ընէ իր իշխանութիւնն, և ապահով անոր արգիւնքը:

Կրթուած տղայ մը կը մեծարէ զձերունիս, հասարակաց համարմունքը վայելող անձինքը կը պատուէ. սիրով մտիկ կ'ընէ անոնց ամենուն խօսքին՝ որոնք իր չգիտցած բաներուն վրայ ծանրութեամբ և հմտութեամբ կը խօսին: Նոյնպէս ալ անտարբեր չուզեր մնալ օտարաց դատաստանին առջև. կը վախէ անոնց արհամարհանքէն, և կը փափաքի անոնց գովութեանը: Մտերմութեամբ տունը յաճախող անձինք, ինչպէս նաև ուրիշ պատուաւոր թէպէտև քիչ անգամ հոն հանդիպողներ, տեսակ մը իշխանութիւն ունին տղուն վրայ. մայրը փափուկ կամ դժուարին պարագաներու մէջ կրնայ անոնց դիմել և օգուտը տեսնել: Այսպէս իր իշխանութիւնը կատարելագործուելով, ազատ կ'ըլլայ ամէն արհամարհանքէ. անվստահութիւն չազդեր. և որովհետև խստութիւն կամ բռնութիւն չունի, ուստի և անհնազանդութեան չիզրգուեր իր իշխանութեան տակն եղողները:

Բայց ամէն իշխանութիւն պէտք է որ

վերէն իջնէ. արեւուն նման՝ որ կը լուսաւորէ և կ'արգասաւորէ, և աւելի իր բարերարութիւններէն զինքը կը ճանչնանք՝ քան թէ խստութիւններէն: Իշխանութեան զեղծմանէն առաջ կու գայ բռնաւորութիւնը. և բռնաւորութիւնը կը գրգռէ յապրտամբութիւն. այդ իշխանութիւնը՝ թէպէտ և ամբողջ ժողովրդեան մը, թէպէտև տղու մը միայն վրան բանեցուի, ամէնքն անոր դէմ կը քրթմնջեն. անկէց է որ քաշաքական իշխանութիւնը աւելի վախ կ'ազդէ քան մեծարանք:

Մօր մը իշխանութիւնը այս տեսակ պիտի չըլլայ. վասն զի երկիւղը անգոր է 'ի կատարելագործել. յառաջագիմութեան համար սէր պէտք է:

Մօրմէն վախցող տղան՝ կը գոցէ իւր սիրտը անոր. վստահութիւն չունի, և օր մը կեղծաւոր պիտի ըլլայ անոր առջև: Ինքզինքը տկար կը տեսնէ. ծանր բեռ մը զինքը կ'ընկճէ. և չկարենալով ուժոյ դէմ ոյժ բանեցընել, խարդախութեան կը դիմէ: Իմացածը իրմէն կը ծածկէ. վասն զի կը վախոնայ գրգռելէն անոր խստութիւնն, և ծանր յանդիմանութեանց և պատժոց արժանի ըլլալէն. ուստի և փոխանակ իրեն յատուկ և բուն զգացմանցը՝ կամաց կամաց գրսէն փոխ առնուած զգացմունքներ

կ'երևցընէ, իր խիստ դաստիարակին տեսութեանցը և բռնած ոճոյն համեմատ, Թագուն աշխատիլ մըն է ասիկայ տղուն կողմանէ, և որուն անտեղեակ է մայրը. ու խաբուելով կրթութեան միջոցներուն և վարձատրութեանց պատշաճութեանը վրայ, մեծապէս վտանգի մէջ կ'իյնայ տղուն դաստիարակութեան գործոյն յաջողութիւնը:

Մէկը չըսէ թէ անկարելի է որ տխեղծ հասակի մէջ եղող տղայք կարող ըլլան այսպիսի հնարագիտութեանց ձեռք զարնելու. ինչուան չորս տարուան տղաք կը գտնուին որ մայրական հսկողութենէն խալըսելու համար՝ չլսուած ճարտարութեանց և խարդախ հնարքներու ձեռք զարկած են: Տղան՝ ճշմարիտ հպատակութեան մէջ պահողը՝ սէրը պիտի ըլլայ, չէ թէ վախը. ուստի և մայրական իշխանութեան ուսաստին խստութեանցը տակ անդադար դողացողը՝ ընկճելոց ամէն ախտը կ'ունենայ. հնազանդ է՝ բայց ինչպէս գերի մը իր տիրօջը. ինչպէս առիւծ մը՝ որ զինքը նուաճող քաջասիրտ մարդուն դարանին մէջ ընկած է. շրթայով մը կապուած է, գոր կը փափաքի ժամ մը յառաջ խորտակել, չէ թէ կամաւոր կապով մը որ ոչ երբէք կը քակուի:

Մօր մը իշխանութիւնն, սիրով կատարե-
լագործուած, պէտք է որ համարձակու-
թիւն ազդէ տղուն, բայց առանց պարտու-
պատշաճ մեծարանքէ պակսելու:

Ամենաբնական է այս. որպէս զի կարող
ըլլայ ուղղել իր պղտի տշակերտը, պէտք է
որ անոր սիրտը գրքի մը պէս բաց ըլլայ իր
տուջէը. պէտք է որ իր համարձակութիւնը
կատարեալ ըլլայ, բայց առանց վնասակար
ընտանութեան մը: Ընտանութիւնը բնա-
կան առաքինութիւն մըն է տղուն. ուստի
և խնամով պիտի ջանայ մայրը որ բնու-
թեան այդ տուրքը չփճացընէ. և եթէ տը-
ղուն բնաւորութիւնը փոխուի, եթէ խա-
բեբայ, կեղծաւոր, երկու երեսով բարբ մը
աւնու, այս տխուր փոփոխութեան հա-
մար յանցաւոր է մայրը:

Արժան է որ այս դժնդակ փոփոխութե-
նէն զգուշանայ, աւելի յաճախ քաղցրու-
թիւն՝ քան թէ իշխանական խստութիւն մը
բանեցընելով. թող տայ որ տղայն թէ իր
և թէ հասակակից ընկերակցացն առջև
գրուցէ իր մտածութիւններն, առանց իր-
մէ յանդիմանութիւն լսելու. երբ կը խօսի
հանդարտ ձգէ զինքը, առանց մերթ ընդ
մերթ ծուռնայուածքով մը ստիպելու զինքն
որ խօսելէն դադրի: Երբէք չպատուհասէ
տղուն պարզսրտութիւնն, թէպէտև անկէ

թեթև մնաս կամ ձանձրութիւն մը իմա-
նայ. և խստութիւնը միայն ան ատեն բա-
նեցընէ, երբ տղուն վրայ գիտաւորութեան
գէշութիւն մը նկատելու ըլլայ:

Երբ այսպիսի կերպերով պղտի աշակեր-
տը կը քաջալերուի իր մտածութիւններն
հաղորդելու, ալ այնուհետև ապահով ըլ-
լայ գաստիարակը թէ ծուռ ճամբայ մը չի-
կրնար բռնել. ապա թէ ոչ, ինչպէս քիչ
մը առաջ ալ յիշատակեցինք, փոխանակ
համարձակութեան հաճոյական ու սիրա-
ւիր առաքինութիւնն իրեն ազդելու, փո-
խանակ զինքը շիտակ և անկեղծ ընելու,
կարգէ դուրս խստութեամբը խաբեբայ
և կեղծաւոր կ'ընէ:

Այսպիսի գաստիարակութեան հետև-
ումը կրնան ըլլալ տղուն կողմանէ երկու
տեսակ խաբէութիւն. առաջինը ամօթալի
պատրանք մը, որով առաքինութիւն կը
ձևացընէ, որպէս զի կարենայ լաւագոյն
կերպով ծածկել իր ախտերը. և ասիկայ
կը տիրանայ տղուն վրայ երկչոտութեամբ
մը և չուղղուելու տմարդութեամբ. ու-
րուն պատճառ կ'ըլլայ յայտնուելու հա-
նապաղորդ վախ մը: Երբ մայրը իր կող-
մանէ անհոգութիւն ընէ, և այն հնարա-
գիտութեանց ինչ ըլլալը չհասկընայ, կամ
չուղենայ արմատը փնտուել, քիչ ատև

նէն այնպէս լու կերպով կը ծածկուի ախտը՝ որ և ոչ իսկ կրնայ գուշակել, և միայն այն ատեն կ'իմանայ՝ երբ ալ անբաւական է անոր դժնդակ հետեանքներուն առջևն առնելու: Վասն զի կամաց կամաց կը սկսի վարժիլ, երկչտութիւնը կ'անհետանայ, ալ չամբնար. հասակին հետ մէկտեղ վստահութիւնը կ'աւելնայ, ու անկարելի ըլլայ զինքը ճանչնալը. անկէ ետքը ոչ միայն խաբեբայ, այլ նաև կեղծաւոր ալ կ'ըլլայ: Տղայական հասակին մէջ կեղծաւորութիւնը հրէջ մըն է. ալ անկէ ետքը մայրը՝ իր դժուարին աշխատանաց ուղղութեան համար՝ առջի հասակին անմեղութիւնն ու անկեղծութիւնը չունի իր առջևը. ալ անառաջնորդ է, չկայ վկայ մը իր յառաջադիմութեանը. իր ամէն ջանքն ընդունայնացած են պզտի տղու մը հնարագիտութեամբը:

Մայրական իշխանութեան զեղծմանէն ուրիշ խաբէութիւն մըն ալ կրնայ յառաջ գալ տղուն կողմանէ, որ թէպէտ և առջինին չափ վնասակար չերևնայ, այլ ոչ նուազ դժնդակ և վտանգաւոր է իր հետեանքներովը: Մօր մը աչքին առջև այնչափ անվնաս կ'երևնայ այս թերութիւնը, որ և ոչ իսկ հօգ կ'ընէ ուղղելու, մանաւանդ թէ Ժպտելով մը կը զրուցէ թէ « Բան

մը չէ, կ'անցնի »: Արգտնուին անանկ մայրեր ալ որ կարծես թէ կ'ուրախանան իրենց տղոցը այնպիսի հնարագիտութեանց վրայ, և թող կու տան անոնց ետեւէ ըլլալու. համարելով թէ այնպիսի բաները կըրնան մեծապէս ազգեցութիւն ունենալ տղոց ապագային վրայ: Բայց չին գիտեր որ եթէ անուղղայ մնայ այդ խաբէութիւնը, տղուն հասակն առած ատեն՝ երբ տղայութենէն կ'անցնի դէպ 'ի պատանեկութիւն և յայր կատարեալ, խաբէութիւն, նենգութիւն և անզգուշութիւն պիտի ըլլայ. ախտ մը՝ առարինութեան տեղ, ստութիւն մը՝ ճշմարտութեան տեղ:

Այո՛, ստութիւն. վասն զի խաբէութիւնը՝ ստելու սովորութիւն է. ստութիւն մը՝ որ չիվախնար ոչ սուտ վկայելէն և ոչ 'ի սուտ երգնլոյ. ստութիւն խօսքի և գործելոյ, ուստի առաջ կու գայ կեղծաւորութիւն, անկէ ալ ցածութիւն և երկերեսութիւն:

Երկու զգացմունք կան որ յորդորամիտ կ'ընեն զմանուկն 'ի ստել. վախ և շահ: Վախին պատճառը՝ խստութեամբ գործածուած իշխանութիւն մըն է. շահը՝ հաշուի արդասիք մըն է:

Թէ որ մայրը իր խրատներովը, բայց մանաւանդ տեսչութեան կերպերովը հասկըցընէ տղուն թէ իր գլխաւոր շահը՝ ճըշ-

մարտախօսութեանը մէջ է, երբէք սուտ չիդրուցեր: Սակայն հարկ է խոստովանիլ թէ ընդհանրապէս ստախօս են տղայք:

Պատճառն այն է որ ծնողք յաճախ այնպիսի կերպ մը կը բռնեն, որ տղայք կը ստիպուին իրենց տկարութեանը վաճան առնուլ զստութիւն. յանցանաց ու մայրական սխտուհասին մէջ կը դնեն զստութիւն. անով պատժէն կը խալըսին. ու երբ կրկին յանցանք մը գործեն, կը ստիպուին նորանոր ստութեանց ձեռք վարնել:

Տղուն ստախօսութիւնն արգիլելու համար, ծնողաց գլխաւոր փոյթն ըլլալու է ճշմարտութեան առողջ դաւառներուն մէջ զինքը սնուցանել: Ոչ որ իր առջևը սուտ դրուցէ. և մայրը հսկէ թէ իր անձին և թէ ուրիշներուն վրայ. և ամենէն աւելի անվեաս երեցած սուտերը արգելու. ոչ երբէք խաբէ զտղայն, ինչ և իցէ պատրուակաւ ալ ըլլայ, թէպէտև շուտով և մէկէնիմէկ ճշմարտութիւնն յայտնելու միտք ունենայ: Մայրը պէտք է որ ճշմարտութեան հայելի մը ըլլայ: Ոչ երբէք զինքը շուտով հնազանդեցընելու համար՝ շատ անգամ և շատերէն գործածուած միջոցն բանեցընէ, սուտ խոստովանեցընելով. որ շիտակն ըսելով՝ ճշմարտ սուտեր են: Եթէ տղայն մէկ անգամ մը մօրը խաբէութիւնը բռնէ, ինչ

վտաճութիւն կրնայ ունենալ անոր խօսքերուն վրայ, թէպէտև ճշմարտութիւնը սորվեցընէ: Որպէս զի ցուցընենք թէ որ ստիճանի մեծ պիտի ըլլայ իր զգուշութիւնն, մանրամասն նշանակենք:

Ամէն անգամ որ տղուն պատմութիւն մը կը պատմէ, կամ իրեն առջև տղուն հաճոյական վէպ մը կը կարդայ, տղուն սովորական հարցմունքն է. « Արդեօք շիտակ է ասիկայ »: Որուն մէկէն պատասխան պէտք է տրուի թէ « Այո՛, շիտակ է » և կամ « Զքեզ ու քեզի նման տղայքը կրթելու և զուարճացընելու համար յօրինուած է »: Ոչ երբէք արժան է անոր անմեղ դիւրահաւանութեամբը զեղծանիլ. և մէյմը որ իրեն վտաճութիւնը կը ստանաս, խնամով ջանալու է պահել զայն: Սակայն կը տեսնենք այլ և այլ մայրեր որ այս էական կանոնէն կը խտորին, մանաւանդ մասնաւոր նիւթի մը մէջ: Եւ յիշուի. երբ առջին անգամ կրօնից վրայ կը խօսի, երբ կը ջանայ ճանչցընել տղուն զԱստուած, և ի նմին ժամանակի սովորեցընել իր ահաւոր արդարութենէն վախնալ, ամէն կերպ և հնարք կը բանեցընէ ըմբռնել տալու համար: Ապա թէ ոչ, տղան ոչ պիտի սիրէ զԱստուած և ոչ ալ մօրը ըսածը պիտի հասկընայ. կրօնը վերացեալ պատճառարանու-

Թեանց շարք մըն է, որուն խելք հասցընել տղուն կարողութենէն վեր է. իր միտքն ուրիշ բան չըմբռնել՝ բայց եթէ իրաց նիւթական յարաբերութիւններն, ուստի և հարկ կ'ըլլայ կերպով մը նիւթաւորել կրօնից այս անմարմին աշխարհը, որպէս զի դէթ անկատար գաղափար մը կտրեան ստանալ: Այս կերպով հասկըցուց իրեն մայրը Աստուծոյ գոհութիւնն կամ դժկամակութիւնը, իր վարձատրութիւնքն կամ պատուհասները, սրբոյ կուսին քաղցր ներողամտութիւնը, որ մասնաւոր գութ և սէր կը ցուցընէ իր մայրութիւնն ճանչցող ու փառաւորող տղոց, պահապան հրեշտակին անրուն հսկողութիւնը, և այլն: Պարապ տեղ ուրիշ միջոց մը պիտի փնտուէր Աստուծոյ նախախնամութեանը վրայ որոշ գաղափար մը տարու համար. հարկ եղաւ իրեն այնպիսի նկարագիրներ գործածել, որ թէպէտև ճշմարիտ չեն, բայց սուտ ալ չեն կրնար սեպուիլ: Այս միտակ պարագայէն դուրս՝ մայրը պիտի չգործածէ և ոչ իսկ մէկ խօսք մը՝ որ բուն ճշմարտութեան հակառակ ըլլայ. և անով միայն անայրայլ վստահութիւն մը պիտի ազդէ ՚ի մանուկն: Բայց պէտք է փոխադարձաբար ըլլայ, և մայրն ալ իր կողմանէ անսահման վստահութիւն մը ցուցընէ տղուն: Եթէ սուտի

մը կասկած ունի տղուն կողմանէ, ոչ շատ հարցմունքներ ընէ իրեն, և ոչ ալ դառն խօսքերով յանդիմանէ. բաւական սեպէ ըսելը. « Ըսածդ կարգէ դուրս կամ անկարելի կ'երևնայ. սակայն կը հաւատամ, վասն զի վրադ վստահութիւն ունիմ, և քեզի անիրաւի կը սեպելմ կարծելը թէ ըսածդ սուտ ըլլայ »: Բայց այս արտաքին վստահութիւնը պէտք չէ արդեւք ըլլայ մօրը ՚ի ծածուկ ճշմարտութիւնը փնտուելն: Եթէ տղայն սուտ ըսէ, փոխանակ մէկէնիմէկ խայտառակելու զինքն և ծանր պատուհաս մը վրան դնելու, համբերութեամբ պէտք է յարմար ժամանակին սպասէ: Տղան չիկարծեր թէ իր սուտը յայտնուեցաւ, և անկասկած է. օր մը կ'ուզէ իր աչքին առջև հանդիպած ծանր դէպք մը յայտնել մօրը: Երբ կը խօսի, մայրը պէտք չէ և ոչ իսկ մտիկ ընէ անոր, այլ բոլորովին ուրիշ բանի մը զբաղած. տղան կը տրտմի մօրը վրայ տեսած անտարբերութեանն համար, և ցաւազին կերպով մը պատճառը կը հարցընէ: Մայրը պէտք է որ այն ատեն պատասխանէ. « Ինչո՞ւ մտիկ ընեմ՝ քեզի. չեմ կրնար ըսածիդ հաւատալ, վասն զի արդէն ուրիշ անգամ սուտդ բռնեցի »: Այս խրատը պատուհասէ ու բանտէ մը մեծ է տղուն համար. վասն զի պատուհասը աղ-

դու ըլլալու համար՝ արժան է որ յանցանքին գիտութենէն առաջ գայ: Հարկ չէ ըսելը թէ ստախօսութիւնը այն ատեն միայն պատժելու է, երբ ծանր նիւթի մը վրայ ըլլայ. խաղի կամ ծաղրածութեան համար զուրցուածները՝ յանդիմանելով կամ խրատելով անցնելու է. սակայն պէտք չէ թողուլ որ տղոց վրայ արմատանայ այս գէշ սովորութիւնը, վասն զի կրնայ անդգալի կերպով բուն ստութեան առաջնորդել:

Չանալու է մէկ կողմանէ ստախօսութեան ախտին հետ կռուելով, միւս կողմանէ ալ ճշմարտութեան սէրը ազգել 'ի մանուկն. քաջալերել զմանուկն՝ որպէս զի միշտ ճշմարիտն ըսէ, և միշտ ճշմարտութիւնը պաշտպանէ. և այն կերպով կրնայ ստոյգ ըլլալ որ ոչ երբէք անոր ազնուական ոգին կրնայ օտար լուծի մը տակ խոնարհիլ. որով խաբէութիւնն ու ստութիւնը իրեն համար ատելի ախտեր կ'ըլլան:

Աւելորդ է ըսելը թէ ինչ ազգեցութիւն ունի այն մարդը որ յամենայնի ուղիղ, հաւատարիմ և անկեղծ սեպուած է: Հաւատարմութիւնն շատ աւելի ապահով կերպով կ'առաջնորդէ 'ի յաջողութիւն, քան թէ խարդախութիւնն ու վարպետութիւնը: Ար յաջողի երբեմն որ խաբեբայ ու կեղծաւոր մարդը իր նպատակին կը հասնի. բայց

աւելի յաճախ՝ իր հնարագիտութիւնքը կը խայտառակին, ու սպասած յաջողութեան տեղ ամօթ և անարգութիւն կը ծառանդէ: Իսկ ընդհակառակն ուղիղ մարդը՝ համարձակ է իր ամէն գործոցը մէջ. ինքն ալ կրնայ իր նպատակին չըհասնիլ, իր օրինաւոր փառասիրութեանը մէջ կրնայ խաբուիլ, բայց իր գործոցը վրայ ամբնալու բան մը չունի: Խարդախութիւնը՝ անվստահութիւն և ինչուան ատելութիւն կը ծնանի. բայց ճշմարտութիւնը գործողը՝ կը յաղթանակէ նախանձու, վստահութիւն կ'երևցընէ, և վստահութենէ առաջ կու գայ մեծարանքը: Ուղիղ մարդը յաջողութիւն կը փնտռէ և կը յուսայ. բայց չյաջողելուն ատեն՝ իրեն նուաստութիւն պատճառելու բան մը չկայ. մանաւանդ թէ իր ճախորդութիւնը՝ ամենուն գութը կը շարժէ, կը ցաւին վրան, և ոչ որ զինքը կը նախատէ: Իսկ ընդհակառակն խաբեբայ մարդուն փրկութիւնը՝ միայն յաջողութեանը մէջ է:

Այսչափ օգտակար է անկեղծութիւնը. անոր համար պիտի զգուշանայ մայրը այդ ազնուական բնազգմունքը փճացընելէն՝ անպատեհ խստութիւններով:

Երկրագործը իր մշակած հողը կը ճանչնայ, զիտէ երկիրը աիօսելու ժամանակը,

Թէ այն նոր բրբրած հողոյն մէջ ուր ցանն-
լու է ցորենը, և վերջապէս երբ նոյն ցորե-
նը հասունցած է և 'ի հունձս: Այսպէս
ալ մայր մը պէտք է ճանչնայ տղան՝ որուն
սիրտը և հոգին կը մշակէ, ինչպէս մշակը
կը ճանչնայ այն հողը ուսկից արգիւնք կը
ժողվէ:

Մերով զարգացած՝ բայց ոչ բռնութեամբ
ստացուած իշխանութիւն մը, զօրստ որ մի-
ջոյ մըն է, որուն սատարելովը կրնայ մայրը
ստոյգ ըլլալ թէ այն երջանիկ նախատակին
պիտի հասնի:

Իշխանութենէն ետքը՝ որ անհրաժեշտ է
մայրական իշխանութիւնը ապահովելու հա-
մար, կուգայ մեծ վայելչութիւնը: Մեծ գործ
մըն է իրեն յանձնուածը. իր ամէն մէկ գոր-
ծը, ամէն մէկ խօսքը պէտք է վրանին կը-
րեն այն մեծ վայելչութեան կնիքը, զոր
հարկ է ունենալ իբրև մայր և իբրև դաս-
տիարակ. ծանր է վրան առած պատաս-
խանատուութիւնը:

Տղոց հետ ունեցած անմիջական վերա-
բերութեանց առևն ոչ ցուրտ ըլլայ և ոչ
խիստ. զգուշաւոր, բայց 'ի նմին ժամանա-
կի քաղցր լքմանէ (abandon) մը պիտի
չգրկէ: Ազգէ իրենց սէր. մեծարանօք լի
սէր մը, բայց նաև լիուրի վստահութիւն
մը: Ստիկոյ չկրնար ամենեւին վնասել իր

մեծ վայելչութեանը. թող մայրը ընտանե-
բար խօսի իր տղոյն հետ, խառնուի ա-
նոնց խաղերուն մէջ. բայց այնպիսի կերպ
մը բռնէ՝ որ անպատեհ ընտանութիւն մը
պատուհասելու չի ստիպուի. բարեկամի
մը պէս է, բայց անով հանգերձ գիտեն
տղայք թէ մայր է. կը տեսնեն այն հեռա-
ւորութիւնն որ զիրենք կը բաժնէ, ու չեն
համարձակիր այն սահմանէն անդին անց-
նիլ. ուստի ալ աւելի կը մեծարեն զինքը և
կը սիրեն:

Մեծ վայելչութեան ամենէն մեծ թշնա-
մին հենդնութիւնն ու ծաղրաբանութիւնն
է, թէ մօր կողմանէ ըլլայ և թէ տղոց: Հա-
ւասար հաւասարի հետ, իր ընկերակցացը
հետ կը ծաղրաբանէ, բայց ոչ երբէք նոյն-
պիսի աղատութիւն մը գործածելու է իր
մեծերուն կամ հպատակաց հետ. վասն
զի առջինին մէջ մեծարանաց պակասութիւն
կը մտնէ, իսկ երկրորդը՝ չափը չգիտնա-
լուն կամ սիրոյ թերութեան հետևանք է:
Վասն զի ծաղրածութիւնը այնպիսի աղա-
տութիւն մը կը պահանջէ զոր միայն հա-
ւասարութիւնը կրնայ թոյլ տալ: Եթէ տը-
ղայք իրենց մօրը հետ ծաղրաբանեն, կը
մոռնան այն հեռաւորութիւնը որով իրար-
մէ կը բաժնուին. ու խաղը լքմանալէն ետքն
ալ դեռ ևս կը շարունակեն ծիծաղիլ ծանր

կամ թեթե նիւթերու վրայ. և մայրն այս անուղղայ ծիծաղողաց առջև զինաթափ կը գանէ ինքզինքն ամէն իշխանութենէ. վասն զի ինքնին, թէպէտև քիչ մը ատենուան համար, վասնզի մէջ գրած է իր իշխանութիւնը: Իսկ եթէ մայրն է որ տղայ հետ կը ծաղրաբանէ, մեծը՝ ստորակարգելոցը հետ, նոյն արդիւնքն կ'ունենայ. վասն զի եթէ ծանր նիւթի մը վրայ ալ ուղեկայ խօսիլ, տղայք պիտի կարծեն թէ դեռ ևս հետեւին կը ծաղրաբանէ. զի զայն կը պահանջէ իրենց շահը: Երբեմն ալ բարեմտութեամբ այնպէս կը կարծեն, և վերջապէս մէկ կամ մէկալ կերպով հնազանդութենէ կը պակսին: Ասկէ զատ երբ տղայն կը տեսնէ որ մայրը կը ծաղրէ զինքը, կը համարի թէ ինքն ալ իրաւունք ունի նոյն կերպը փոխադարձաբար ցուցնելու մօրը. և անոր օրինակին հետևելով չկարծեր թէ գէշ գործած ըլլայ: Եթէ մայրն և տղայն, վարպետն ու աշակերտը, մեծաւորն ու հպատակը կարենային միշտ իրարու միտքն հասկընալ, եթէ այլ և այլ ատեն անոնցմէ ամէն մէկը ստիպուած չըլլար իր դիրքին մէջ կենալ, մնասը թերևս աւելի իրական, բայց այնչափ մեծ չէր ըլլար: Բայց երբ տղան իր չափէն անդին կ'անցնի, մօրը սիրտը կը վշտանայ, ընտանութեան տեղ՝ ան-

ակնկալ ցրտութիւն մը կը յաջորդէ, և իշխանութիւնը ձեռք կ'առնու, պէտք է տղայն մէկէնիմէկ իրեն տրուած օրինակին հետևի, և առանց քրթմնջելու հնազանդութեան անձուկ սահմաններուն մէջ մտնէ: Բայց այս անակնկալ փոփոխութիւններն անկարելի են. վասն զի տղայն՝ ինչ որ մէյմը կը տեսնէ 'ի մայրն, նոյնը միշտ պիտի տեսնէ. և անոր բռնած կերպէն իր տեսած օգուտը այնչափ մեծ է՝ որ անկարելի է իրեն առանց վշտի անկէ ետ կենալ. առջի խրատուելուն՝ կը հակառակի, իր իրաւունքը կը ցուցնէ, պատասխան կու տայ մայրական իշխանութեան բերած պատճառներուն, իր դասերուն և դիտողութեանցը անանկ ինչպէս կը պատասխանէր իր ծաղրաբանութիւններուն: Անով առ մայրն ունեցած մեծարանքէն կը պակասի, ինչպէս որ մայրն ալ պակսեր էր իր իշխանութեան մեծ վայելչութենէն: Կան այնպիսի մայրեր ալ, և դժբաղդաբար քիչ չէ անոնց թիւը, որ իրենց տղոցը հետ բռնած կերպերնուն մէջ անհաստատ, դիւրագրգիռ և կամահաճոյ (քէֆի) կերպ մը բռնեն. իրենց դիւրափոփոխ բնութեանը կը հետևին, չէ թէ անփոփոխ ու հաստատուն կանոնի մը. տղոց հետ ունեցած վարմունքներնուն մէջ կարգէ դուրս ընտանութիւն մը կը

ցուցրենք, ինչուան որ վտանգեն իրենց մեծվայելչութիւնը, ու ետքը մէկէնիմէկ բուռն կերպով մը հնազանդութիւն կը պահանջեն: Տղան քթին տակէն կը ծիծաղի ու չհպատակիր: Թորը հրամանը՝ որովհետեւ մեծվայելչութենէ զուրկ է, զուրկ կ'ըլլայ նաև յիշխանութենէ ու վախճանին չհասնիր: Տղուն դիմադարձութեանն առջև կը խոնարհին. կը բռնեն անոր սրտի ձեռքըները, կը փայփայեն ու կը համբուրեն. կը խնդրեն իրմէ որ խօսքերնուն դէմ չկենայ, սիրով մտիկ ընէ, ու փոխարէն այլ և այլ խոստամունքներ կ'ընեն: Թէպէտև տղան հնազանդի, թէպէտև դէմ կենայ, մնասը միշտ նոյն է. վասն զի այն երկու կերպին մէջ ալ մայրը անդէն կը մնայ: Այլ այնուհետև պարապ տեղ խստութիւն կը բանեցընէ. վասն զի տղան պիտի չհնազանդի. կրնայ քիչ մը ատեն նուաճել զինքը պատիժներուն խստութեամբը, բայց ոչ երբէք կը հնազանդեցընէ: Վասն զի ցուցըցած մնասակար ընտանութիւններովն՝ տղան կը կարծէ թէ ամէն բան թոյլ տրուած է իրեն. և մայրենի իմաստութեան խրատներուն այնչափ ուշադրութիւն կ'ընէ, որչափ իրմէ երիցազոյն աշակերտակցին յանդիմանական խօսքերուն. իսկ եթէ մայրը զրժկամակ անոր բռնած կերպէն, սկսի խըս-

տութեամբ վարուիլ և խօսիլ, այն ալ փոյթը չըլլար. վասն զի փորձով իմացած է թէ որ աստիճանի վախճալու է մայրական խստութիւններէն:

Պատուհասելու իրաւանց գործածութեանը մէջ պէտք է որ ցուցընէ մեծվայելչութիւնը: Երբ աշակերտին ծուլութիւնն կամ յամառ անհնազանդութիւնը անհրաժեշտ հարկաւոր կ'ընեն ուղղութիւն մը, մայրը պէտք է որ առանց տկարութեան և անդանդաղ գործէ. բայց ոչ բարկութիւն և ոչ կիրք երեցընելով, այլ իր ձայնն, շարժուածքն ու կերպը յայտնի երեցընեն իր մեծվայելչութիւնը: Ինքը զարդարութիւն կը ներկայացընէ. ուստի պէտք է մեծապէս զգուշանայ որ չըլլայ թէ իր կերպերովն մնասակար ըլլայ անոր ազդեցութեանէ: Պատուհասող մայրը արժան է յայտնապէս երեցընէ թէ ինչպէս ցաւելով կը ստիպուի օրինաց խստութեանը ձեռք զարնել. պէտք է որ հաստատութեանն հետ ցուցընէ նաև զգաժուած ըլլալը, և թէ որչափ ծանր է իրեն ուրիշի վիշտ պատճառելը. և անով երևնայ թէ արդարութեամբ ուղղութեան իրաւունքը բանեցընելով, ինքն ալ, թէպէտև չուղելովը և զժկամակութեամբ, զլուխ կը ծռէ հնազանդութեան մեծ օրինաց: Բայց եթէ մայրն անբաւա-

կան է իր սրտին այլայլութիւնն ու կիրքը ծածկելու, ու պատուհասելու ատեն պիտի յայտնէ զանոնք, լաւ է որ պատիժը ուշացնէ. անգիտութիւն երեւցընէ անոր յանցանացը, մինչև որ իր անձին տէրն ըլլայ, հանգարտութեամբ և առանց իր մեծ վայելչութիւնը վտանգելու՝ կարող ըլլալով զինքը խրատել ու պատուհասել:

Ապա թէ ոչ, եթէ տղուն մէկ սղօտի անհնազանդութենէն կարող է գուրս կը խռովի, և այլայլած ձայնով մը յանցանքին անհամեմատ յանգիմանութեանց կայծակներ կը թափէ տղուն գլխուն, եթէ բարկութենէն դողզըզացող ձեռքերով զինքը կը պատուհասէ, տղուն անանկ կ'երենայ թէ վրէժխընդրութեան հոգւով մը կը շարժի մայրը. ու ալ չնայիր 'ի նա իբրև դաստիարակի մը վրայ որ անաչառ արգարութեամբ կը գործածէ իր իշխանութիւնը: Եւ չկարծէ մայրը թէ տղուն հասակն իրեն ապահովութիւն կու տայ՝ անվնաս կերպով ատանկ անոր հետ վարուելու: Տղան իրեն համար խիստ դատար որ մըն է. կը կռուէ անոր գործերը, և երբեմն ինչուան առանց մօրը կամ դաստիարակին անդրադառնալուն՝ կամաւ յանցանք մը կը գործէ, որպէս զի տեսնէ թէ ինչ հետեանք պիտի ունենայ, կամ ինչ կերպով պատուհասուի: Ալ իր

երեսը չծածկեր, մանաւանդ թէ համարձակ կը սպասէ մայրական դիկամակալութեան յայտնուիլը տեսնելու: Եթէ մայրը ետ կենայ, տկարանայ կամ ընդունայն բարկութեան կերպարանք մը երեւցընէ, իր կառավարութեան մեծ վայելչութիւնն մէկէնիմէկ կը վնասուի, և տղուն վորձած ծածուկ հնարագիտութիւնը կը յաջողի. ալ անկէ ետքը կը ջանայ իր օգտին համար գործադրել:

Նմանապէս մայրական մեծ վայելչութիւնը արհամարհուելու վտանգի մէջ կ'իյնայ՝ երբ իր նեղսրտութեանը մէջ ահաւոր նկարագրութեամբ և խօսքերով կ'ուղէ վայելչացնել զտղայն. երբ բերիի, ալապիճիւկի պատմութիւններով կը ջանայ զինքը հանդարտեցընել: Եթէ այն ահարկու պատմութիւններն տալաւորութիւն մը ընեն տղուն վրայ, մեծապէս իրեն վնասակար են. վասն զի մէկ օր մը վայելուտ ու մտտիապաշտ պիտի ըլլայ. մինչդեռ արիւթիւնը՝ մարդուս էական ու հարկաւոր առաքինութիւններուն մէկն է. մարդուս՝ որուն կեանքն անդադար պատերազմ մըն է: Խակ եթէ տղայն չհաստայ, և մայրական երեւակայութեան արդիւնք՝ տխուր ստուերներուն վրայ ծիծաղի, կը խղճայ մօրը վրայ որ այնպիսի շինծու բաներու կը հաստայ,

և իբրև ճշմարտութիւն՝ կ'ուզէ ընդունելի ընել աալ իրեն. ուստի և կը սկսի ազու պէս վարուիլ հետը:

Քանի մը խօսք ալ այն մայրերուն վրայ կ'ուզենք գրուցել, որ աղան ուղղելու և դաստիարակելու համար չափէ դուրս կերպով կը նուաստացընեն անոր անձնասիրութիւնը: Անձնասիրութիւնը իախուկ զսպանակ մըն է, զոր մայրը կրնայ գործածել յորմար ժամանակին, մեծ օգուտ մը ձեռք բերելու համար. բայց այս բացարձակ հարկաւորութեան ստիպածէն դուրս, աղէկ ու հարկաւոր չէ գործածելը: Անխոհական մայրեր, անօգուտ տեղ ու առանց օգտի մը այնպիսի ծանր փորձերու տակ կը ձգեն տղուն անձնասիրութիւնն. զինքը անդադար կը նեղեն, ամենուրեւ առջև պզտիկ կը ձգեն, կը յայտնեն իր մէկ պակսութիւնը՝ զոր տղան կը ջանայ ծածկել յօտարաց, և զինքը խոնարհեցընելու և նուաստացընելու առիթը չեն փախցըներ: Այնչափ յաճախ կը սլատահի այս դժուարին միջոցին գործածութիւնն, որ իրենք ալ երբեմն կը հասկընան թէ որչափ ծանր ու անտանելի է այն տղուն, բայց կերպերնին չեն փոխեր, համոզուած ըլլալով թէ օգտակար է այն տղուն դաստիարակութեանը:

Ո՛րչափ վնասակար է այս անխոհեմութիւնը:

Պատուհաս մը՝ որ իր վախճանին չհասնիր, վասն զի առանց ետև առջև նայելու և առանց մեծվայելչութեան տրուած է:

Երբ դաստիարակը այսպիսի միջոց մը կը բանեցընէ, մէկէնիմէկ վրայ հասնելու է. ապա թէ ոչ, տղան կը ծածկէ ինքզինքը՝ փոխանակ ուղղելու. կը զգուշանայ այն ճամբաներէն՝ որ իրեն այնպիսի մահացուցումներ կը պատճառեն, և ուսումը իրեն ատելի կ'ըլլայ: Զիրկ այն մեծվայելչութեանէն՝ յորում է աղնուականութիւնը, անգութ բարբարոսութիւն մը կ'երևնան մօրը գործածած կերպերը. ալ այնուհետև մայրը չխօսիր իր հետը յանուն Արտուծոյ, և անկէ ընդունած նուիրական իշխանութեանցը, յանուն արդարութեան և հանդերձելոյն. այլ կը խօսի իր հաճոյիցն և կամացը ձայնով, ուստի և տղան կ'արհամարհէ իր խրատներն. և որ ցաւալին է ըսելը, երբեմն ծածուկ ատելութեան զգացմունք մը կ'ունենայ այդ անյաջող դաստիարակին, այդ մեծվայելչութեան աղնուական ձիրքէն զրկուած մօրը դէմ: Երբեմն ալ կը խստանայ կամ անտարբեր կ'ըլլայ իր անխոհեմ մօրն հրահանգացն և հրամանաց. ի դուր կը նախատէ և կը խո-

նարհեցընէ զինքը մայրը. վասն զի տղան
ալ կորսնցուցած է իր զգայունութիւնն՝ որ
անձնական մեծվայելչութեան պահպանն
է: Օր մը պիտի երևցընէ յաշխարհի այդ
տխուր բնաւորութիւնը. պիտի նախա-
տուի, արհամարհուի և վար զարնուի ա-
մենէն աւելի երկչոտներէն. և իր մեծ-
վայելչութեան այս մոռացումը՝ անզգալի
կերպով պիտի առաջնորդէ իրեն՝ ամենէն
աւելի էական պարտքերը մոռնալու: Այս
նկատմամբ ալ մայրենի մեծվայելչութեան
հետեանքն է պահպանել տղուն արժանա-
պատուութիւնը: Ուստի մայրը պէտք է
ամէն ջանք ընէ որ այդ արժանապատու-
թիւնը չկորսնցընէ, և նոյնը երևցընէ յա-
մենայնի. իր խրատուցը, յանդիմանու-
թեանց և պատուհաններու մէջ: Մեծվա-
յելչութիւնը իրեն հետ չիբերէր զգրտու-
թիւն, չիմերժեր զբազցրութիւն, այլ հրա-
մայելը զիւրին և հնազանդութիւնը կը
քաղցրացընէ, և իր իշխանութեամբ կը
կատարելազործէ մայրական կառավարու-
թեան գործը:

6

Որպէս զի տղայն իւր մօրը իշխանութիւնը
մեծարէ, որպէս զի հպատակ և դիւրան-
սաց ըլլայ անոր, մայրենի կառավարու-
թեան այլ և այլ գործերու նկատմամբ ու-
րոնց հիմն է իշխանութիւն, հաստատու-
թիւն և արժանապատուութիւն, և որպէս
զի ետքն ալ լծընկէց չըլլայ այդ օրինաւոր
իշխանութենէն, պէտք է որ դաստիարա-
կուի մեծարանաց վարժոցին մէջ:

Մեծարանաց վարժոցը, որուն վրայ հե-
տեեալ գլխուն մէջ պիտի ջանանք երկա-
րօրէն խօսիլ, ընտանիքն է: Թէպէտեւ այդ
վարժոցը դոյ ալ ըլլայ, պէտք է դարձեալ
նոյն ուսումը սորվեցընել. վասն զի առանց
մեծարանաց անկարելի է տղուն կարողու-
թեան և իշխանութեան յարգը իմացընել:

Պատուէ քու հայրդ ու մայրդ. ասանկ կը
պատուիրէ առաջին օրէնսգիրը, և որ հաս-
տատուն և անվտիոխելի օրէնք մըն է:

Հին հասարակապետութեանց հիմնա-
գիրք, նոր տէրութեանց օրէնք սահմանող-
ներն՝ ամենքն ալ իրենց օրինաց զբքին

սկիզբը նշանակած են այս սուրբ պատուէրը որ զաւակը մեծարէ իր ծնողքը. բայց մարդկանց օրէնքէն առաջ է Աստուծոյ օրէնքը, որ անջինջ տառերով քանդակած է այս սուրբ սկզբունքը ամէն մէկուն սրտին մէջ:

Տղայոց մեծարանքն առ հայր, և աւելի խանդակաթ մեծարանքն առ մայր, մէյմէկ պղնձի կամ կաւեղէն սիւներ են՝ որ բոլոր շէնքը կը բռնեն. միայն այս պայմանին մէջ է գերդաստանին էութիւնը: Ուստի գերդաստանին շինուածին տակ ական դրուած համարելու է այն օրն՝ յորում հայրական իշխանութիւնը կ'արհամարհուի: Պէտք է որ գերդաստանին մէջ խըստիւ պահպանուի մեծարանաց օրէնքը. վասն զի պզտի իշխանութիւն մըն է, որուն գլուխ կամ թագաւորն է հայրը. հասարակապետութիւն մը չէ՝ յորում իւրաքանչիւրոց հաւասար իրաւունք կ'ենթագրուի: Քրիստոնեայ գերդաստանը պէտք է այն վիճակին մէջ մնայ՝ յորում զանիկայ հաստատած է Աստուած. և եթէ կարգալու ըլլանք անոր պատմութիւնը սուրբ գրոց մէջ, կը տեսնենք որ թէպէտ սիրոյ և խանգաղատանաց ուժովը՝ այլ իշխանութեան մը վրայ հաստատուած է իր սահմանադրութիւնը:

Մեր օրերը՝ նոր կերպարանափոխութեան մը մէջ կը նկատենք զայն. միջավայրի մը մէջ, եկեղեցւոյ պատուիրած բացարձակ մեծարանքին յորում հին գերդաստաններուն ոյժն էր, և սանձարձակ ազատութեան մը՝ զոր կը քարոզեն, որուն կը փափարին այնպիսիք՝ որ գիտեն թէ ընտանեկան անիշխանութիւնը՝ պատրաստութիւն մըն է ընկերական անիշխանութեան:

Հայրը, կ'ըսեն, տղուն բարեկամը պիտի ըլլայ. պէտք եղած առնեն՝ նաև անոր մտերիմը. կատարեալ հաւատարութիւն մը պիտի տեսնուի անոնց մէջ. անանկով կը համարին թէ սէրը աւելի եռանդուն կ'ըլլայ, և զիրենք իրարու հետ միացընող կապը աւելի ամուր: Այդպիսեաց համար՝ այնչափ զովուած ու պատուիրուած մեծարանքն ուրիշ բան չէ՝ բայց պատուար մը, որ կը զատէ զորդին 'ի հօրէ, ու զանոնք իրարմէ հեռու բռնելով՝ մեծարանաց պահասութեանն ալ պատճառ կ'ըլլայ: Տխուր բարոյական մը, տխուր պատճառաբանութիւն մը, և աւսիզ, ցաւալից հետեանքներու առիթ:

Գերդաստանը՝ իրեն զլսոյն իշխանութեանը վրայ կը հանգչի. այդ իշխանութեան պաշտպանն ու հաստատութիւնը՝ մեծարանքն է. անոր հակառակ սկզբունքը

ներ տարածող անձինքն ու գրքերը՝ գեր-
դաստանին հիմը կը փորեն. արմատին կը
զարնեն, վասն զի գագաթանցը չեն կրնար
հասնիլ. միջոցը տարբեր է, բայց հետե-
ւանքը նոյն. վասն զի ծառը զարնել ու կոր-
ծանել է:

Հաւասարութիւնն ու անոր հետեւանք
ընտանութիւնը երբ ընտանեաց մէջ կ'ե-
րեւան, մէկէնիմէկ հալածական կը փախ-
չի հոնկէ մեծարանքը: Այսօրուան օրս
տղան՝ կը վիճէ իւր հօրը, ինչպէս մէկ ըն-
կերակցին հետ. կը հակառակի, կը կռուի
անոր հետ, անոր գաղափարացը դէմ՝ իր
գաղափարները կը դնէ, և իր քսանամեայ
հասակին և իմաստութեանը վրայ վստահ
կը մերժէ ու կ'արհամարհէ անոր անցեալ
հասակին փորձառու գիտութիւնը: Ասոնք
Գաղղիոյ առաջին մեծ յեղափոխութեան,
և այն պատճառաւ մուտ գտած նորանոր
գաղափարաց տխուր հետեւանքներն են:
Ինչ որ նոյն գաղափարներով ձեռք ձգեց
ընկերական կեանքը, նոյն է նաև ընտա-
նեկան կենաց և գերդաստանին վատը-
կածը:

Մեծարանքը՝ երկիրդի հետեւանք չէ. և
այն կերպով հարկ չէ զանիկայ ըմբռնել
կամ զայն պատուիրել. այլ քաղցր վստա-
հութիւն մըն է որ սրտերը իրարու հետ կը

միացընէ, առանց իշխանութեան չէնքը
քանդելու: Մեծարանքը՝ իշխեցեալը իշ-
խողէն հեռացընելու կամ զանիկայ ահա-
բեկելու համար չէ. չարգելուր՝ որ տղայն
իր կենացը գործերը՝ մօրը արթուն և հե-
ռատես հսկողութեանն յանձնէ, և ամէն
ատեն՝ հայրական իմաստուն թելադրու-
թեանցն անսայ. չարգելուր որ անոնց խոր-
հուրդը և համոյրը չլնողրէ. որ չիյնայ ա-
նոնց զիրկը, թող տալով որ ուրախու-
թեամբ նկատեն իր սրախն ամենէն խո-
րունի դաղանիքը: Վերջապէս համառօտ
ըսենք, մեծարանքը կը պահպանէ զսէր, և
ոչ երբէք կը ցրտացընէ սրտերը, կամ կը
մերժէ զխանդաղատանս. այլ մանաւանդ
թէ էական և հարկաւոր ամբողջութիւն
մըն է ամենայն իշխանութեան: Ուր մե-
ծարանք կայ, հոն կը պահպանուի կարգը,
և հոն հպատակութիւն կայ իշխանութեան.
Իսկ եթէ սկսի նուաղիլ, մէկէնիմէկ կ'ան-
հետանայ հնազանդութիւնը, ամենայն ինչ
ըստ քմաց կ'ըլլայ, իշխանութիւնը իր յար-
գը կը կորուսանէ, կանոնը՝ իր ոյժը. գեր-
դաստանք և տոհմը՝ փոփոխակի իրարու
հետ զարնուելով հակառակ յորձանքներէ,
ծածուկ ժայռերու վրայ կը խորտակին, հող-
մունք կը տապալեն նաւը, և մրրիկը՝ կ'ան-
հետացընեն անոր ամէն կոորուանքը:

Որդիական մեծարանաց ծնունդը, որ գեր-
դաստանին կազմաւորութեանը անտնօրի-
նելի նեցուկն է, սրտի մէջ է. բնագրում մը՝
որուն արմատը աւելի բնական քան քա-
ղաքական օրինաց մէջ է. ամենագէշ բնա-
ւորութիւն մը պիտի ըլլայ որ համարձակի
արհամարհել անոր ոյժը:

Քայց այս մեծ օրէնքը բոլորովին մոռցող
տղայ մը՝ չի կրնար ինքիւրմէ այսպիսի տխուր
վիճակի մը հասնիլ. կամ գերդաստանը և
կամ դաստիարակն անտարակոյս սատար
եղած են: Անշուշտ տեսած պիտի ըլլայ ըն-
տանեաց մէջ անհոգութիւն մը կամ ան-
կախութեան ոգի մը. իրեն ուսուցչին վրայ
տեսած պիտի ըլլայ ծածուկ հակամիտու-
թիւն մը այն մնասակար գաղափարաց, ու-
րոնց հետ հարկ էր մաքառիլ: Վասն զի ե-
թէ ընտանեաց մէջ պակաս ըլլան խրատ-
ներ ու օրինակներ, որոնցմով պիտի յոր-
դորուէր մանուկն 'ի հնազանդութիւն, իր
սրտին մէջ թշնամի մը կը սնանի՝ որ զինքն
օր մը պիտի տապալէ. որովհետեւ ինչպէս
ընկերութիւն մը, ասանկ ալ ընտանիքը
չկրնար հաստատուն մնալ, քանի որ խըս-
տիւ չպահուի մեծարանաց օրէնքը:

Մայրը, գերդաստանին հոգւոյն ամենէն
մեծ երեսփոխանը, պէտք է կանուխ սկսի
սորվեցընել տղուն մեծարել ինչ որ մեծ է,

ինչ որ գեղեցիկ և գերագոյն, թէ նիւթա-
կան և թէ իմանալի աշխարհին մէջ: Հարկ
է որ մարդս սկզբի 'ի մանկութենէ, անդի-
մադարձ և առանց քրթ մնջելու խոնարհիլ
ամէն օրինաւոր մեծութեան առջև: Մօր
մը ձեռքով առաջնորդուած՝ ամենէն ա-
ռաջ խոնարհի Ստաուծոյ գերագոյն կարո-
ղութեանն առջև. և այս մեծարանքը այն-
չափ զօրաւոր և այնպէս բացարձակ պիտի
ըլլայ, որ նոր անուն մը առնելով՝ երկրպա-
գորթիւն կը կոչուի: Անոնց՝ որ իրենց առա-
քինութեամբը, հանձարով և բարուք մար-
դկանց մէջ ճշմարիտ երեսփոխանք սե-
պուած են Ստաուծոյ, մեծարանքէ աւելի
բանի մը արժանաւորք են. և որ յարգանք
կը կոչուի: Այոյն իսկ գերդաստանին մէջ
սիրելի անձինք կը գանուին, և զորս աւելի
կը սիրէ մանուկը. կը պաշտէ ամենայն ա-
րարածոց հասարակաց հայրը, կը մեծարէ
իր նախնիքը, կը պատուէ ծնողքը. և այս-
պէս կը կատարէ առտնին և ընկերական
կենաց մեծարանաց էական օրէնքը, զոր
յօգուտ ընկերութեան և մարդկութեան
արժան է որ ազդէ իրեն մայրը:

Երբ այդ սիրելի դաստիարակը՝ այս ուս-
ման հարկաւորութիւնը ըմբռնէ, չգաղբիւր
տղուն սորվեցընելէն մեծարել միշտ զա-
նոնք որ սովորական հանձարնրէ գերա-

գոյն են և 'ի վեր քան զայլս . և այսպէս կիրթ ու հրահանգեալ զինուոր մը պատրաստած կ'ըլլայ բարեկարգութեան բանակին, և թերևս սուրբ մը երկնից կամ օգտակար անձ մը երկրիս . վասն զի տղան պիտի փափաքի արժանի երևնալ անոնց՝ որոնց մեծարանքովը լեցուած է սիրտը . և անշուշտ պիտի հասնի իր գիտած վախճանին : Մեծարանաց վարժոցը՝ սրտի զգացմունքն ու եռանդը կը սնուցանէ . մարդս կը փափաքի այն բարձրութեան՝ որուն առջև կը խոնարհի . եռանդ մը կը քաջալերէ զինքը . և երբոր յարմար առիթ մը առջևն ելլէ՝ մէկէնիմէկ մէջ կը նետուի, կը հասնի՝ վասն զի իրեն նեցուկ է ոյժը, վասն զի երկար առնէ 'ի վեր՝ ինքզինքն անոր պատրաստեր է . ուստի մեծարանքէն առաջ կրնայ գալ բարուց ազնուականութիւն, հաստատամտութիւն, գիւցազնականութիւն և առաքինութիւն :

Մեծ աշխատանք մը պէտք չէ տղուն սորվեցընելու համար որ մեծարէ զայն ամենայն որ ճշմարիտ մեծութեան կնիքը վրան կը կրէ . վասն զի մայրը տղուն հետ մէկտեղ նոր լեզու մը խօսելու կարօտութիւն չունի . այլ իր ձայնը՝ արձագանգ մը պիտի ըլլայ արգէն լսուած ներքին ձայնին : Գիւրանսաց և հլու պիտի գտնէ զտղայն իր

խրատուցը, որ ընկերական օրէնքը մեծարելէն ետքը՝ պիտի մեծարէ օր մը նաև ընկերութեան օրէնքները :

Պէտք չէ որ մայրը դադրի յիշեցընելէն իր տղուն թէ ամէն մարդ արժան է որ ինքզինքը մեծարելէն սկսի . ինքն մայրը պէտք է որ ըլլայ օրինակ մը, և կամաց կամաց սկսի վարժեցընել զինքը այն անսահման մեծարանաց աստիճանին, որոնցմով կը կազմուի ընկերական մարդը :

Հասկըցընէ իրեն թէ ինչ է իւր անձին և այլոց ունեցած պարտականութիւններն . սովորեցընէ բարեմարդկութեան (politesse) սրտի այն շնորհին՝ որ զօրաւորագոյն է քան զամենայն 'ի շահել զսիրտս, և ապահով ըլլայ յաջողութեանը վրայ . վարժեցընէ զինքը ականածութեան փափուկ հրահանգացը . սորվեցընէ խօսիլ, սորվեցընէ լռել, մտիկ ընել և մերթ մոռնալ . անանկ որ վարժի իր ընկերակցաց հետ ունեցած վերաբերութեանցն մէջ՝ քրիստոնէական մեծարանաց ազնիւ զգացմունք մը ունենալ այն անձին նկատմամբ՝ որուն առաքինութիւններն մեղի անձանօթ են, որուն արդեանցը՝ շատ անգամ անձանաչ կամ անշնորհակալու է աշխարհ, բայց թերևս Ստուոժոյ ընտրեալ անձ մըն է :

Չանայ մայրը որ քրիստոնէական հո-

գւոյն համեմատ սիրելի անձ մը ընէ իր զաւակը, անանկ՝ որուն բարեկիրթ անունը կարենանք տալ արժանապէս: Բարեմարդկութիւնը՝ սիրալիր յատկութիւն մըն է. անով զարգարուած անձի մը առջև՝ ամէն դժուարութիւնք կը զիւրանան, ուրիշներուն սէրն ու համակրութիւնը իր վրայ կը ձգէ, և զուցէ առանց իրեն իմանալուն՝ իրեն բարեկամներ ու կուսակիցներ կը շատցնէ: Ընկերական կենաց մէջ մասնաւոր շահերն իր աչքին առջևն են, որոնք անգաղար իրարու հետ կը զարնուին և իրարու կը հակառակին. բարեմարդկութիւնը կը սովորեցնէ այդ արգելքները զիւրացնելու դժուարին արուեստը, և ամենէն աւելի ահաւոր սեպուած զիմադարձութիւններն անմիտ ընելու կերպը: Սակայն խօսքերնիս այն ցուրտ բարեմարդկութեան վրայ չէ՝ որ միայն խօսքերով ու արտօքին շարժումներով կը ձևանայ. և որ թերևս կարենայ երբեմն միայն յաջողիլ ՚ի խաբէութիւն:

Եթէ մայրը վայրկեան մը անզգոյշ ըլլայ ճշմարիտ բարեմարդկութեան սկզբնաւորութեանը, փոխանակ տղուն սիրտը կըրթելու առ այն, պիտի սովորեցնէ զինքը անոր գլխաւոր պայմանը շարժմանց, բաւերու և ողջունատրութեանց մէջ ենթա-

գրելու, և վախճանին հասած պիտի սեպէ ինքզինքը՝ երբ այդ ընդունայն և թերևս արհամարհ սովորութեանց կիրառութեանը մէջ յաջողի:

Խեղճ մայր. փոխանակ բարեկիրթ տղայ մը ունենալու, հնազանդ կապիկ մը պիտի ունենայ իր ձեռքին տակ. և ժամանակ անցնելէն ետքը՝ ցուրտ անձնասէր մը, որ իրեն եղած անձնատիրութեանց ու ծառայութեանց փոխարէն՝ չնորհալի կերպ մը պիտի ցուցնէ կամ լոկ բարև մը պիտի տայ, և անով ինքզինքը ամէն երախտագիտութենէ ազատ պիտի սեպէ:

Ճշմարիտ բարեմարդկութիւնը ձևերու վրայ չէ. այլ սրտէ առաջ կու գայ, և մեծարանաց վարժոցին մէջ կը կատարելագործի. ուստի և մասնաւոր ճիւրջ կամ արտունութիւն մը չէ առանձին ցեղի մը կամ գերդաստանի. ամէնքն հաւասարապէս, հարուստն ու աղքատը, կրնան ձեռք ձգել զայն:

Այս ուսումնու կրթութիւնը թերևս անպատեհ սլիտի սեպուի այնպիսի ատենուան մը համար՝ յորում մայրը այլ և այլ ծանր պարտքեր ունի տղուն նկատմամբ. ումանց ալ թերևս աւելորդ սեպուին այս բարեմասնութիւններն՝ որ իմաստութեամբ գըլխաւորուած դաստիարակութեան մը վեր-

ջին պտուղները կրնան կարծուիլ. սակայն կը խաբուին: Բարեմարդկութիւնը ընկերական կապ մըն է. երբ ազգ մը բարեկիրթ ըլլալէն կը դադրի, ընկերութեան գոյութիւնն ալ կը դադրի. զինքը ձեւացընող անգամները իրարմէ կը բաժնուին, կուսակցութիւններ կը կազմուին՝ որ շահու համար կը միաբանին և դարձեալ շահու համար իրարմէ կը դատուին. մի և նոյն քաղաքի բնակչաց մէջ չերեւար սէր, անձնանուիրութիւն և իրարու օգնել մը: Ընկերական մեծ միութիւնը կ'անհետանայ, և թէպէտ տեսնուին այլ և այլ՝ շատ կամ նուազ թուով կազմուած ընկերութիւններ, այլ անձնասիրութիւնն միշտ անոնցմէ անբաժան է, և սրտերը նուաստացած. և եթէ չերեւնայ յԱստուծոյ խրկուած անձ մը՝ որ օրէնքով կամ սրով զանոնք չվերանորոգէ, իրենց ձեռքով կազմուած մրդկայոյզ յորձանքին մէջ կ'անհետանան: Այդ բաժանուումը, այդ ցրումը խափանողն է բարեմարդկութիւնը, որ հաճոյական, թեթև ու սիրալիր շղթաներով իրարու հետ կը կապէ մարդկային մեծ ընկերութիւնը: Այն ատեն ընտանիք մը կը ձեւանան, Աստուծոյ ձեռքով 'ի նախուսա հաստատուած մարդկային ընկերութիւնը:

Այս կրթութեամբ՝ ուղղակի ազդեցու-

թիւն մը կ'ունենայ մայրը ընկերական վիճակի վրայ: Վասն զի ընտանեաց մէջ անսալու և հնազանդելու սորվող տղայն, պիտի ըլլայ օր մը արժանաւոր քաղաքացի մը, որ զիտէ մեծարել պետութեան մը գլուխ կեցող անձինքը, և հնազանդիլ անոնց ձեռքով սահմանուած կամ պահպանուած օրէնքներուն: Ընկերութեան քաղաքացի չեղած, գերդաստանին քաղաքացի է. հոն սորված է թէ մարդուս առաջին պարտքն է գլուխ ծուլ ամէն օրինաւոր իշխանութեան: Թերևս զայ այն օրը՝ յորում ինքն ալ տէրութեան կառավարութեանը մէջ մասն ունենայ. հրամայելու իշխանութիւն կամ հնազանդելու պարտք ունենայ. այլ եթէ հրամայէ կամ թէ հնազանդի, միշտ գէշ քաղաքացի մը պիտի ըլլայ եթէ ընտանեաց գրկին մէջ անձանօթ մնացած ըլլան իրեն այս երկու գաղափարներն. իշխանութեան ու պարտոց գաղափարները: Վասն զի ինչ տարբերութիւն ունին տնային ընկերութեան ու քաղաքական ընկերութեան օրէնքները: Երկուքին ալ օրինաց զբքին հիմն ու վախճանը մէկ է: Անոր համար գժբաղդ է այն ընկերութիւնը՝ որուն նեցուկ և օգնական չըլլայ ընտանեկան կառավարութիւնը:

Մեծարանաց վարժոցին հակառակա-

մարտ՝ անկախութեան վարժոց մըն ալ կայ:

Որո՞նք են անոր բերած դառնահամ պաուղները:

Հարցընենք ընտանեաց, հարցընենք ընկերութեանց, ու պիտի տեսնենք առջիններուն աչքը արտասուօք լի, և ընկերութեան շէնքն ալ ՚ի հիմանց խախտած: Անոր արգիւնք է բարոյական արժանապատուութեան մոռացումը, անհաստատ խըղձերը, անբարոյական մտքերը, տկար ու գործելու անկարող բնաւորութիւնները, ցուրտ սրտերը:

Ա՛հ, անկախութիւնն թունաւոր խորշակ մըն է, որ մեր ժամանակաց ընկերութեանը վրայէն անցնելով, կ'ապականէ, կը փճացընէ ամէն բարութիւն:

Այս տողերը գրելու ատեննիս, հառաչանք մը կ'արձըկէ մեր սիրտը, ու արտասուաց կաթիլներ կը խառնուին մեր մեղանին հետ: Այնչափ մեղի մերձաւոր կը նկատենք խօսքերնուս ճշմարտութիւնը:

Մայրեր, դուք էք ապագային յոյսը. ցաւերնուս ու հառաչանաց մէջ ալ ակընկալութիւննիս ձեր վրայ է: Վեհանձն ու բարեկիրթ սերունդ մը կազմեցէք, որ մեր հնցած ընկերութիւնը կհնդանանորոգ պայծառացընէ. ցուրտ սրտերը հռանդեամբ

վառէ: Հաւատացեալ, հռանդուն և զօրաւոր սերունդ մը պատրաստեցէք, որուն առջև ամօթալից՝ ինքնահալած պիտի փախչի ցուրտ, նիւթական, անձնասէր ու արհամարհոտ սերունդ մը: Անցելոյն տխուր աւերակացը, ներկայիս արհաւրացը վրայ՝ ապագային շէնքը պատրաստեցէք:

Ապագային ու ազգերնուս յոյսը՝ միակ ձեր վրայ է, ո՛վ մարք:

Ք Լ Ո Ւ Խ Յ Չ Ո Ր Ր Ո Ր Գ



Մայրը՝ կարողութիւն ունի հրամայելու, մեծարանք ազգող մեծ վայելչութիւն մը, հնազանդեցընելու իշխանութիւն մը, իր անխոնջ դաստիարակին այս զօրաւոր՝ բայց ամոք իշխանութեանը՝ կը պատասխանէ տղայն հնազանդութեամբ։ Աշակերտին առ ուսուցիչն ունեցած առաջին պարտքը՝ հպատակութիւնն է. ուստի և տեսանք որ ամէն փոյթ և ջանք ունենալու է այդ հպատակութեան զինքը վարժեցընելու համար։ Բայց տղուն կողմանէ այդ հնազանդութիւնը միայն բաւական չէ. պէտք չէ որ գոհ ըլլայ մօրը իրեն սորվեցընելովը, այլ իր կողմանէ ալ աշխատի, ու իրեն առաջնորդութիւն ընող ձեռքին օգնական և սատար ըլլայ։

Տղուն՝ մայրենի առաջնորդութեան ը-

րած ամենէն մեծ օգնականութիւնը՝ հնազանդութիւնն է։ Վասն զի եթէ տղան կամաւ խուլ ձեւանայ մօրը խրատներուն, անոր կամքին դէմ կենայ, իրեն տեսչութեան օրինացը դէմ ապստամբի, տարակոյս չկայ որ դաստիարակութեան գործոյն յաջողութիւնը կը խափանի։

Այն ատեն մօրը ջանքը ուրիշ բանի չծառայեր՝ բայց եթէ աւելի կերպով մը դուրս ցատքեցընելու տղուն ապստամբութիւնը. մէկուն կողմանէ եռանդուն փափաք մը, միւսէն՝ ընդդիմադարձութիւն։ Տարակոյս չկայ որ վերջապէս մայրը պիտի վաստակի, բայց դաստիարակութեան ամենէն աւելի ընտիր ժամանակը անօգուտ ջանքերով պիտի անցնի, և փոփոխակի երկու կողմանէ ալ ուժերնին պիտի կորսընցընեն։ Չտեսնողին՝ անկարելի է հասկըցընելը թէ որչափ մեծ և բուռն է այս ընդդիմադարձ հոգին հինգ, երեք ու ինչուան երկու տարուան տղուն վրայ։

Չուզեր հնազանդիլ, և անկարելի է իր կամքը կոտորելը։ Տեսեր ենք փափուկ ու զգայուն սիրտ ունեցող աղայք՝ որ խստութեան առջև պղնձի մը կտոր կտրած են. ամէն նեղութիւն, գրկում, և ինչուան ծեծ ալ մտադիւր յանձն կ'առնուն. քան թէ հնազանդիլ։ Այդչափ անսանձ բնաւորութիւն

ունեցող աղայոց թիւը՝ բարեբաղդաբար քիչ է. և զորոնք կառավարելու համար՝ մեծ ջանք և համբերութիւն պէտք է. սակայն աշխատանքով ու ժամանակաւ՝ անտարակոյս է յաջողութիւնը։ Վասն զի ընդհանրապէս մայր մը զիւրանսաց ու հլու սրտեր կը գտնէ իր առջևը. և եթէ զանոնք կառավարելու կերպը գիտնայ, առանց մեծ աշխատանքի իր նպատակին կը հասնի։ Սակայն միշտ պէտք է որ անվստահ ըլլայ։ Ընդդիմադարձութեան հոգին մարդուս աբեանը մէջ է. զանիկայ կառավարելու համար՝ զգուշաւորութեան փափուկ գիտութիւնը գործածելու է. ոչ երբէք յանկարծակի վեր ցատքեցընել, այլ առանց յոգնելու և հանդարտօրէն զիմել ՚ի նպատակն։

Պէտք է որ մայրը զօրաւոր, բայց միանգամայն համբերող ալ ըլլայ. առանց կրքի, առանց բռնութեան գործէ. և անանկով կը քակէ՝ առանց լիցընելու. և իր հաստատուն ջանիցը նպատակին կը հասնի։

Հնազանդութիւնը՝ անհրաժեշտ առաքինութիւն մըն է տղուն, ինչպէս իշխանութիւն, մեծվայելչութիւն և սէրն ալ՝ մօր մը համար անտնօրինելի առաքինութիւնք են։ Հպատակութեան առաջին արդիւնքն է՝ խոնարհեցընել մարդկային հպարտութիւնն այն դժուարին արդելքներուն դիմաց՝ որ

կրնան կենաց ընթացիցը ամէն քայլերուն առջևն ելլել: Սկզբնաւորութիւն մըն է յառաջագիմութեան. վասն զի թող չտար մարդուն ժամանակը կորսնցընել և փճացընել իր ոյժը, և իր զօրութիւնը դորձածել այն մչտնջնաւոր արգելքներուն դէմ՝ զոր կամ բնութիւնը և կամ օրէնքը՝ իր բերմանցը անչափ ազատութեանցն առջև դրած են: Մնհրաժեշտ է, վասն զի մարդս կը վարժի իր կենաց առաջին ժամերէն՝ հնազանդիլ կուրութեամբ այլ և այլ հարկաւոր օրինաց: Օրինաց վրայ վիճել չըլլար. կամ պէտք է մեծարանօք պահել զանոնք, կամ յանդգնութեամբ անոնց դէմ կռուիլ. սահմանուած օրինաց խիստ պահպանութենէն՝ առաջ կու գայ կարգը. անկարգութեան ալ պատճառը՝ ամենայն օրինաց կամաւոր մտացումն է: Միայն կարգին մէջ որ հպատակութեան գերազանց պտուղն է, կրնան ազատութեամբ աճիլ այն այլ և այլ յարմարութիւններն ու կարողութիւնները՝ որոնց կը զիմէ դաստիարակութիւնը:

Թէ որ տղան կը հնազանդի, օգուտը կը տեսնէ. բայց եթէ դէմ կը կենայ, իր յառաջագիմութիւնը կանկ կ'առնու ու ալ առաջ չերթար: Այն կռուոյն մէջ կը փճացընէ իր կարողութիւններն, առանց իրեն

կատարելագործութեան օգտին: Իր անհանճար ընդդիմադարձութեամբքը կը փրճացընէ այն մեծ զսպանակները՝ որոնք թերեւ օր մը կրնային օգտակար ըլլալ իրեն: Իր կեանքը անօգուտ յուզմանց մէջ կ'անցնի. կը նմանի այն փրփրացեալ ալեաց՝ որ կ'երթան ժայռերու հետ կը զարնուին. այն սաստկաշունչ հողմերուն՝ որ ուժգնութեամբ և մռնչելով բնութեան հսկայական շինուածոց վրայէն կ'անցնին. մարդկային սմբարտաւանութիւնն՝ որ երկնից դէմ իր անկարող Բաբելոնի աշտարակը կ'ուզէ բարձրացընել. անկարգութիւն, վատնումն այն ամենայն կարողութեանց՝ որոնց արգասաւոր միութենէն առաջ կու գայ մարդկային ընկերական ոյժը:

Համասօտ ըսենք, տկարութիւնն է և անբաւականութիւն. տկարութիւն՝ փոխանակ ուժոյ, և ստոյգ վատնումն զօրութեան կամաց:

Իրաւ հպատակութիւնը՝ կամքին վարժոցն է, բայց միանգամայն վարժոց է նաև ազատութեան. սիրով հպատակող տղան՝ կը վարժի հպատակիլ նաև պարտուց. և երբ հնազանդութիւնը կամաւոր է, ազատութեան ամենէն գերազանց գործն է:

Կեանքը՝ յարատև յայտարար մըն է ընդունայնութեան պատրանաց՝ մեր երազ-

ներուն, ակնկալութեանց և փառասիրական խորհրդոց. ոչ երբէք ուզածնիս կուտայ, մեր ամէն մէկ բայլին՝ նորանոր արգելքներ առջևնիս կը հանէ. պատշաճից, կարծեաց և հարկի լուծերը: Ճմարիտ ազատը այն մարդն է՝ որ այս դժուարութեանց մէջ զիտէ շարժիլ առանց յողնելու: Փոխանակ ընդունայն զիմադարձութեամբ վատնելու իր ոյժը, կը սփռուանէ զանոնք և կը յարգէ. որպէս զի կարող ըլլայ մէկ օր մը փառօք գործածել. կը հնազանդի օրինաց, ՚ի հարկէ մեծարանաց և ոչ բռնի. իր հնազանդութիւնը պարտութիւն մը չէ, այլ ազատութեան կամար գործ մը: Հպատակութենէն առաջ կու գայ՝ մեծամեծ ձախողութեանց մէջ համակամութեան աւետարանական առաքինութիւնը. և համակամ մարդը այն է՝ որ առանց քրթմնջելու կը հնազանդի Աստուծոյ կամացը և կամ զիպուածոց օրինացը: Միայն անկախութեան վարժոյցին մէջ գաստիարակուող մարդը՝ կը հասկընայ թէ ինչ ըսել է բռնի հպատակութիւնը. կը հնազանդի վասն զի վախ ունի, վասն զի շահ ունի. ուրով բռնի հպատակութիւնը՝ ամենէն աւելի ամօթալի վատութիւնը կ'ըլլայ:

Տարակոյս չկայ ուրեմն թէ ազատութեան պատճառը հնազանդութիւնն է.

կամքն ալ գէպ ՚ի նոյն սկզբանը կը դիմէ. և ով որ ուզենայ քիչ մը անդրադարձութիւն ընել, կը տեսնէ թէ հնազանդութիւնն որ ազատութեան վարժոց է, միանգամայն վարժոց է նաև կամաց:

Տղան որ մանկութենէն հնազանդելու կը սորվի, նոյն ժամանակին մէջ կը վարժի նաև հրամայելու: Քիչ խօսքով պարզենք մեր միտքը: Բացարձակ անկախութիւնը երազ մըն է, որուն առողջ միտք մը չկրնար հաւատալ. վասն զի զիտէ թէ մարդս հնազանդելու համար եղած է. զիտէ որ եթէ կարգի չհնազանդի՝ պիտի հնազանդի իր կրեցը, և թէ կարգի հպատակութիւնը՝ այսպիսի դժնդակ լուծէ մը զինքը կը խալլէ: Այն մարդը որ չէ ուզած բանականութեան կամ օրինաց հնազանդիլ՝ զերի մըն է. իր կամքը անդադար կը տարուբերի, վասն զի ուղղութեան զեակ մը չունի. բունն է բարւոյն գէմ դնելու, այլ չարին առջև կը տկարանայ. փոփոխակի կը հնազանդի իր հաճոյիցն, քմաց և բաղդին: Աստիճաբէն է իր բռնաւորներն:

Գաստիարակութեան մէջ ամենահարկաւոր է կամքին այս յամբ աճումը հպատակութեամբ: Մարդս՝ մէկ օրուան ճանապարհորդ մըն է մրրկալից ծովու մը մէջ, դիւրաբեկ նաւակի մը վրայ հեծած:

կամքն է իր բևեռացոյցը. անիկայ կ'առաջնորդէ իրեն 'ի նաւահանգիստն կամ 'ի ժայռուտս. հանձարոյ կամ սրտի ամենէն աւելի գեղեցիկ արտադրութիւններն՝ կամքին գործերն են. բարուց ոյժը՝ անտնօրինելի է մարդուս իր ամէն գործոցը, կենաց ամէն արկածիցը մէջ. թէ 'ի ձախողութիւնս և թէ 'ի բարեբաստութեան:

Ճամարտապէս ազատ բնաւորութիւն մը կազմելու համար, ուժով ու անկախ բնաւորութիւն մը, շատ բան կրնայ ընել մայրը: Կրնայ իրեն հրահանգներովն ու խրատներով, բայց մանաւանդ կարող է իր օրինակաւը. ամենայն ինչ տղուն կամքին տրուած ուղղութենէն կը կախուի. վասն զի մայրը կրնայ զօրացնել զայն իր խրատներովն, կամ փճացընել ձախողակի տեսչութեամբը:

Կամքը ոյժ մըն է որ դաստիարակութեամբ կը բարգաւաճէ, բայց դաստիարակութիւնը չկրնար տալ զայն: Մարդս՝ իր էութեանը մէջ ունի, կենաց առաջին ժամէն՝ այնպիսի կարողութիւն մը, որ եթէ աղէկ առաջնորդուի, և իր ճշգրիտ սահմաններուն մէջ մնայ, զօրաւոր խմոր մը կ'ըլլայ. ծածուկ զօրութիւն մը՝ որ կը շարժէ զմեքենայն: Կամքը՝ ուժոյ ազատ կիրառութիւնն է. ինքն կարողութիւն մըն է, և

մարդկային բնութեան զերազանցութեան գեղեցիկ յայտարար մը. վասն զի 'ի բնութեան՝ մարդս թագաւոր մըն է. իր կենաց առջի ժամէն կը տեսնուի թէ տէր մըն է ծնածը. առիւծի կորեանցը խաղերն ու ցաւերը՝ տարբեր են այժեմանց ձագերուն ունեցածներէն: Հրամայելու սահմանուած արարած մըն է. բայց արդեօք պիտի կարենայ իր անձին ալ հրամայել: Այս խընդրոյն լուծումը՝ կամքին ձեռքն է. վասն զի անով պիտի կարենայ մարդս հրամայել, և անով գերի ըլլալ:

Կամքին բնազդումը՝ կանխահաս է տղուն վրայ. երբ իր փափաքանացն արգելք մը կը տեսնէ, պահանջող է, կրքոտ ու բարկացող: Ուստի պէտք է որ դաստիարակն մէկէնիմէկ սկսի իշխել անոր վրայ, հպատակեցընել և հնազանդութեամբ ուղղել տիրապետութեան այդ բուռն բնազդումը: Հնազանդութեան օրինաց հպատակել զիտցող կամքը, զօրութիւն մըն է. այդ զօրութիւնն ազդելու համար՝ հաւատար զօրութիւն մը հարկուոր է. և անհրաժեշտ է որ մայրն ունենայ յինքեան այդ քրիստոնէական հաստատամտութիւնն, և զոր պիտի ազդէ տղուն թէ իր օրինակաւն և թէ խրատներովը:

Հոս է դժուարին կէտը: Հաստատու-

թիւնը, բնաւորութեան ոյժը, կամաց զօրութիւնը այնպիսի առաքինութիւնք են որ քիչ անգամ կը տեսնուին կնկան մը վրայ. վասն զի ոչ դաստիարակութեամբ և ոչ սովորութեամբ վարժած է անոնց: Անիկ մարդու չի պատշաճիր հրամայելը. իր ամէն առաքինութիւններն անոր վրայ կայացած են՝ որ գիտնայ զուարթամիտ հնազանդիլ. մայրը՝ իր տղուն առջև պէտք է որ հպատակութեան ամէն առաքինութիւններն երևցընէ, և այդ հպատակութեան մէջ վրէժտէ իր ոյժը: Ասիկայ անակնկալ բայց կարևոր այլափոխութիւն մըն է. պէտք է որ տղան տեսնէ զինքը գործի մէջ, տեսնէ անոր օրինակն, և իրեն նմանողութեան գաղափար առնու զինքը. ասով իր խրատները օգտակար կ'ըլլան, ասով նոր ոյժ մը կը ստանան իր խօսքերը, և իմանալի կ'ըլլան տղուն. վասն զի օրինակը կը լրացընէ խրատները. ասով կը հասկըցընէ տղուն այն բազմաթիւ արգելքներն՝ որոնք մտածութիւնը գործէն կը բաժնեն. բարւոյն փափաքը կ'արթնցընէ անոր սրտին մէջ, և յօժարամիտ կ'ընէ գկամս 'ի համբերութիւն, և ասանկով կը հասնի այն օրը՝ յորում տղուն ձեռքը այնպիսի ոյժ մը դրած կ'ըլլայ՝ որուն ոչ ոք կրնայ հակառակիլ. — կամբի յարատեւութիւնը:

Երբ այրական հասակին հասնի՝ կրնայ մեծամեծ գործերու ձեռք զարնել. վասն զի հեռաւես կ'ըլլայ, արագ 'ի դատողութիւն, և արգելքներէն չվախնար: Կամբի ոյժը, զոր ճարտարութեամբ կառավարած է մայրը, ընդունայն բաներու մէջ չէր ևնար, վայրկենական փայլ մը չըլար. այլ պայծառ ու թափանցող լոյս մը՝ զոր չեն կրնար շեջուցանել մարկ ոչ միբիկք և ոչ ուժգին հողմունք: Շիտակ կը դիմէ իր նպատակին. աշխատանք, յուսաբեկ պարագաներ՝ զինքը կէս ճամբուն վրայ յոգնած ու լքեալ չին ձգեր: Իրաւ է որ երբեմն անակնկալ արգելքի մը առջև կանկ կ'առնու. բայց այն ճախորդութեամբը՝ իր կտրձութիւնը չկորսնցընէր. գիտէ սպասեչ և երկայնամտեւ. գիտէ թէ օր մը կանուխ կամ ուշ, փառօք պիտի հասնի իր երկարատենէ ի վեր գիտած նպատակին:

Որպիսի ուրախութիւն մօր մը համար երբ կը տեսնէ իր գաւակը օր օրուան վրայ մարդու կարգ անցած, և դօրաւոր իր կամքով. այն կամքովը՝ որուն մէջ է իր ամէն ոյժը: Որպիսի պսակ, ինչ յաղթանակ, և քանի գեղեցիկ փոխարինութիւն իրեն աշխատանացը: Քանի որ ընկերական կենաց ասպարիզին մէջ կը յառաջադիմէ իր տղան, այնչափ քաղցրալուր կ'ըլլան մօր մը

անոր վրայ պտըտած գովութեան խօսքերը: Եւ ինչպէս չորսխաանայ խայտալով: Իր տղան է նա, երկար ատեն զինքն որբեր է իր գրկացը մէջ. տկար արարած մը ընդուներ և իրեն ոյժ ազգեր է. և գրեթէ հազիւ վրան տեսնուած ձիրքերն ու բարեմասնութիւնները՝ ինքն առաւելաւն իրեն հաղորդեր է:

Եթէ դուստր մըն է, հաւասար պիտի կրթէ մայրն անոր կամքը: Պէտք է զգայ թէ տուած կամ ընդունած դաստիարակութեանը մէջ՝ որչափ կարեւոր է կամքին ոյժը, և իրեն յաճախ պահսածը՝ արժան է որ ջանայ աղղել դստերը: Ամէն արարած՝ կրից բուն յարձակմանը ենթակայ է. ուստի և ամենայն որ անոր գէմ կուռելու կարօտութիւն ունի. կին մարդն ալ ներքին պատերազմներ ունի, որոնց գէմ հարկ է որ մարտնչի. և սյգ նպատակին հասնելու համար՝ թերևս էրիկ մարդէն աւելի ուժոյ կարօտ է. վասն զի բնութեամբ տկար է: Եթէ էրիկ մարդը տէրն է, կինն ալ գերի չէ. և թէպէտ հարկ է որ քաղցրաբարոյ և համբերող ըլլայ, բայց կամքին ոյժը չհակառակիր բնաւորութեան քաղցրութեանը, ու համբերութեամբ կը կատարելագործի: Եթէ կինն հարկ է որ հպատակի իր էրկանը, սակայն տղոցն առջև ալ պէտք է զօ-

րաւոր ըլլայ. իր կոչումն է մերթ հրամայել և մերթ հնազանդիլ: Սակայն նոյն իսկ էրկանն հետ ունեցած վերաբերութեանցը մէջ, երբ իր բոլոր կեանքը անձնանուիրութեան ու քաղցրութեան կեանք մը պիտի ըլլայ, այլ և այլ առիթներ կրնան ելլել գիմացը, որոնց համար հարկ է որ ուժով կամք մը և արագ որոշողութիւն ունենայ: Վասն զի կրնայ պատահիլ որ ըստ բաղբի դիպուած մը, անակնկալ մահ մը՝ մէկէնիմէկ զինքն ընտանեկան կառավարութեան զլուխ դնեն. կամ թէ տկար ու անորոշ բնաւորութեան տէր մարդու մը հետ կապուելով, ստիպուի տանը ղեկը ձեռք առնուլ: Բայց եթէ ասոնք ալ չըլլան, դաստիարակութիւնն՝ որ մօր մը յատուկ զործն է, արդեօք զօրութեան և կամքի կարօտ գործ մը չէ:

Թէ աղջիկ ըլլայ և թէ մանչ, որուն մայր մը նախնական դաստիարակութիւն կուտայ, և ընտանեաց վիճակին ու գտնուած զիրքին համեմատ՝ թէպէտև անձուկ և կամ ընդարձակ ըլլայ անոնց առջև բացուած ասպարէզը, ոչ միայն մեծարանաց՝ այլ նաև զօրութեան վարժողին մէջ հարկ է որ կրթէ զիրենք մայրը: Իրեն ոյժ ազգելը՝ զինքն ազատ ընել է. վասն զի եթէ ազատութեան սկզբունքն հնազանդու-

թեան մէջ է, այլ անոր նուիրականութիւնն ուժոյ մէջ է. ոյժը կ'անհետացնէ այն ամէն խոչընդոտներն՝ որ իր ընթացիցը կամ գործելուն կրնան արգելք ըլլալ:

Եթէ կին է՝ կարօտ է զօրութեան և հաստատամտութեան (énergie), որպէս զի կարենայ ձեռք զարնել և շարունակել դաստիարակութեան էական գործը. և յաճախ՝ ընտանեկան կառավարութիւնը ձեռք առնելու համար, որ կրնայ վտանգի մէջ իյնալ՝ ընտանեաց զլուխ սեպուող էրիկ մարդուն տկարութենէն կամ անբաւականութենէն:

Հաւասարապէս զօրութեան կամ ուժոյ ուսումը հարկաւոր է նաև էրիկ մարդուն: Վասն զի պիտի գայ հասնի այն օրը՝ յորում հրամայէ. որչափ ալ աննշան մարդ ըլլայ, կանուխ կամ ուշ իրեն հնազանդողներն պիտի ունենայ: Էրիկ մարդը՝ թագաւոր մըն է տանը մէջ. թագաւորութիւնը՝ միշտ կառավարութիւն մը կ'ենթադրէ: Թէպէտ և զլիսաւոր անձ, կամ տէրութեան գործոց մէջ գտնուի, թէպէտև իր իշխանութիւնը լոկ իր գերզաստանին բաղդին ու գաւակացը վրայ ամիրտիուի, էրիկ մարդը միշտ իշխանութիւն մը պիտի բանեցընէ. ընկերութեան մէջ իր ունեցած զիրքը՝ միշտ հրամայել է: Ըմբիշ մըն է, զոր մայրը գժուարին կուիններու համար կը հրա-

հանգէ. պէտք է որ իր դաստիարակութիւնը՝ Աքիւլլեսի դաստիարակութիւնն ըլլայ. վասն զի կրնայ անոր պէս ամէն վտանգներէ անցնիլ ու անոր պէս անխոց չմնալ:

Բայց բնաւորութեան ոյժը, սրտի արիութիւնը՝ միայն բարոյական դաստիարակութեամբ չեն տրուիր. այլ նաև բնական դաստիարակութեան արգասիք են և հետեանք:

Առողջ հոգի մը՝ յառողջ մարմնի (Mens sana in corpore sano). և այն մարդը զօրաւոր ըսուելու արժանի է, որուն վրայ հաւասարապէս միացած տեսնուի բնական ու բարոյական առողջութիւն: Վասն զի ընդունայն է հոգւոյ կտրիճ դաստիարակութիւնը, երբ մարմինը տկար, հիւանդոտ ու անկարող է. հոգեկան ոյժը՝ իրեն կտտարելութիւնը չգտնելով՝ մարմնոյ ուժին մէջ, անգործ կը մնայ: Գեղեցիկ մտածութիւն մը՝ անթափանցելի արգելքներու առջև անգործ կը մնայ. նման վանդակի մը մէջ արգիլուած արձոյն, որուն աչքը երկինքն է, և ուժով մը թևերը կը շարժէ. և սակայն այդ ջանքը ուրիշ բանի չգար՝ այլ իր տխուր գառազդին երկաթները արեամբը գունաւորելու. գերի բռնուած առիւծի մը՝ որ իր ընդարձակ անապատները կը փըն-

տուէ. և սակայն անանցանելի պատուար մը կը տեսնէ իր առջևը. այսպէս է առողջ ու զօրաւոր հոգի մը ունեցող մարդը՝ որ անդադար իր հիւանդ մարմնոյն հետ կուուելու գծբաղդութիւնն ունի: Գեղեցիկ մտածութիւններ կ'երկնէ, բայց դանտնք դործադրելու բազուկը կը պակսի իրեն:

Մայրը պէտք է ուրեմն անանկ կերպով մը կարգի դնէ այն տեսչութիւնը որ թէ՛ մարմինն և թէ՛ հոգին հաւասար կարենան ձեռք ձգել ան զօրութիւնը որուն կարօտ են: Եթէ աղատ է իր ընտրութեանը մէջ, քաղքէ հեռու գեղի մը մէջ կրթէ իր տղայն. քաղաքաց բնակութիւնը մլասակար է մանկութեան, մլասակար առաջին պատանեկութեան: Այստեղով է շնչած օդը, ապականեալ լսած սկզբունքներն, մլասակար են իր առողջութեանը՝ գլխաւոր քաղաքաց մէջ սովորական եղած բռնադրօսիկ բարեմարդկութեան օրէնքները. փողոցաց կամ հասարակաց պարտէզներու մէջ չրջագայութիւններ՝ իրեն հարկաւոր չեն. մարդերու, դաշտաց կարօտ է այն հասակը, անտառներու՝ որոնց շքին տակ հանդչի, ընդարձակ տեղերու՝ վազելու վազվրտելու համար: Գաղղիացի բժշկին մէկը կը վկայէ՝ որ եթէ գերգաստան մը երեք սերունդ շարունակ 'ի Փարիզ կենայ,

առանց երբէք օդոյ փոփոխութիւն մը ընելու, չորրորդ սերունդը՝ տկար, հիւանդոտ և անզօր կ'ըլլայ. այն մեծ քաղքին փոշիներուն մէջ ուր ծառերն անգամ կամայ կամայ կը կորսնցընեն իրենց կենսական ոյժը: Եւ պատճառն այս է, որ այսօրուան օրս 'ի Փարիզ ամէն ազգէ ժողովուրդք խուռն լեցուած են, բաց 'ի բուն փարիզացիներէն: Աւելորդ կը սեպենք բնական պատճառներու վրայ աւելցընել նաև բարոյականը:

Անոր համար ընտրելագոյն է որ մայրը քաղքէն հեռու, գեղի մը մէջ պարապի տղոց դաստիարակութեանը: Բայց եթէ ձեռքը չէ այդ ընտրութիւնը, եթէ ընկերական պէտքեր, գերգաստանի պարտքեր, էրկանը զբաղմունքը բռնադատեն զինքը որ քաղքին մէջ մնայ, առիթը ձեռքէ չփախցընէ իր ամէն ազատութեան ժամերուն դաշտաց առողջարար և զովագին օդը շնչել տալ իր տղայոցը:

Այրական դաստիարակութիւն մը պիտի ըլլայ տուածը, հաւասարապէս հեռի 'ի թուլութենէ և 'ի բրտութենէ: Տղուն մարմինը անդադար խնամք կը պահանջէ. բայց այդ խնամքը այնպիսի կերպով մը պիտի տրուի՝ որ չըլլայ թէ փոխանակ զօրացընելու՝ տկարացընէ զինքը: Եթէ տղայն հի-

ւանդ իյնայ, և այնպիսի տկարութեամբ մը որ իր ապագային վրայ իրաւացի վախ մը տայ, ամէն հոգ ու խնամք ընելէն պէտք չէ դադրիլ. բայց մօր մը սիրտը չխաբէ ինքզինքը. չըլլայ թէ այդ տկարութիւնը հնարագիտութիւն կամ խաբէութիւն մը ըլլայ տղուն կողմանէ, որպէս զի իր ամէն հաճոյիցը զիջող մայր մը գտնէ. երբեմն ալ իրական հիւանդութիւններէ ետքը կամաւ կը կեղծէ մանուկը թէ չկրնար դիւրաւ առողջութիւնը ձեռք ձգել, որպէս զի չըլլայ թէ հիւանդութեան ատեն տեսած խնամքնու դիւրութիւնները պակասած տեսնէ:

Վասն զի եթէ մայրը այսպիսի խաբէութեան մը բռնուի, եթէ տղուն վարպետ հնարագիտութիւններն աղքեցութիւն ընեն իր սրտին վրայ, անոր թէ բնական և թէ բարոյական դաստիարակութիւնը վտանգի մէջ կ'իյնայ: Շատ անգամ այդպէս դիւրին կերպով այլայլող մայրը կը կարծէ թէ տղուն կաղմուածքը իր կարծածէն աւելի փափուկ է. ուստի և չափազանց խնամոց և զգուշութեանց ետեւէ կ'ըլլայ. որովք եթէ տղան փափուկ կաղմուածք ունի, ալ աւելի կը փափկանայ. իսկ եթէ զօրաւոր խառնուածքի մը տէր է, անօգուտ տեղ իրեն տրուած խնամքով կը ջլատի ու կը տկարանայ:

Սղը, արեւն ու շարժմունք անտնօրինելի են տղուն առողջութեան. ուստի նստողական խաղերէն աւելի անհանգիստ խաղերու, մարմնակրթանաց և վազվզեցելու կարօտութիւն ունի. ասանկով յաճախ կըրթութեան մէջ ըլլալով մարմինը կ'աճի առանց տկարանալու, ու շնորհք՝ կորով և գեղեցկութիւն կ'ունենայ: Ընդհանրապէս մարք 'ի դաստիարակութենէ կը մերժեն այս օգտակար հրահանգները. ցուրտէն կամ օդոյ փոփոխութիւններէն կը վախնան, ձերու կամ դեռառողջ հիւանդի մը պէս՝ մուշտակներ ու ծանր զգեստներ կը հագցընեն անոր, պզտիկ ու ջերմ սենեկի մը մէջ կը պահեն. և մինչդեռ մարտի ու սպրիլի արեւը արդէն դուրսը ծագած է և զքնութիւն կը զուարթացընէ, իրենք դեռ գերութեան մէջ բռնած են իրենց դաւակը: Ասոնք ամէնքը վնասակար զգուշութիւններ են. դաշտերու մէջ աւելի ուժով են կազմուածք քան 'ի բաղաքս, վասն զի դաստիարակութիւնը աւելի գիւղական է. չափազանց խնամոց հետեւանքն է աւելի թոյլ և տկար ընել տղայքը թէ առողջութեամբ և թէ բարուք: Աժը՝ ներդաշնակութենէ առաջ կու գայ. պէտք է որ մարմինը արժանաւոր ըլլայ հոգւոյն. մէկը տէր է, իսկ միւսը պաշտօնեայ. մօր մը պարտքն է երկուքին ալ բարւոքմանը աշխատիլ:



Դաստիարակութիւնն ընականապէս գործ է ուրեմն ուժոյ, և այդ ուժոյ վարժոցէն չղատուող մօր մը ձեռքն յանձնուած: Ո՛րչափ մեծ է իր պարտըկանութիւնը: Կարօտ է նա ուժոյ, քույցրութեան, հաստատամտութեան և բռնի. բայց մանաւանդ ուժոյ. վասն զի դաստիարակութենէ դուրս ալ՝ որ իր գլխաւոր գործն է, այլ և այլ պարագաներ կ'ելլեն իր դիմացը, որոց համար կարօտ է կամաց և հաստատամտութեան:

Եւ յիրաւի, որպիսի դօրաւոր կամքի մը կարօտ է սկսելու և յառաջ տանելու համար դաստիարակութեան գործը. լքումն ու վհատութիւնը իրեն համար չէ: Պէտք է որ հաստատամտութեամբ հսկէ, կարգի դնէ և պատրաստէ. իր օրերը գործելով պիտի անցնին՝ գիշերները մտածելով. մայրութեան առջի ամիսներուն մէջ գիշեր ցորեկ նուիրուած պիտի ըլլան՝ իր սննդեամբը տղան սնուցանելու. պէտք է որ կերպով մը մոռնայ իր կեանքը՝ ուրիշ կեանքով մը զբաղելու համար, որ իրմէն առաջ եկած է, և զոր պահպանելու պարտք ունի:

Մէկէնիմէկ իր ծաղիկ հասակին մէջ, հաճոյիցը ժամանակին, գեղեցկութեան շնորհացը մէջ, բոլորովին անտարբեր է խնջոյից և ուրախութեանց հրաւերներուն: Առանձնացած իր տանը մէջ՝ գիշեր ցորեկ կը հսկէ որրանի մը քով: Ա՛հ, որչափ ազնիւ, մեծ և գերազոյն է այն մայրական սէրը, այն խորունկ տպաւորուած սէրը, որ երբէք չիյոզնիր, որուն խորժելի են անձնանուիրութիւնը, ու որ և իցէ զոհի առջև չահաբեկիր: Սրտաշարժ է տեսնել այն դեռահասակ կինը՝ որ կը սիրէ զառանձնութիւն, փափաքելով ուրիշ բան չսիրել՝ ուրիշ բանի խնամք չունենալ, ինչպէս այն պղտի արարածին՝ զոր Աստուած աւանդ մը տուած է ձեռքը: Բոլոր օրը կը գուրգուրայ վրան. և երբ կը նիրհէ, մօրը սիրտը անոր յուսովը լցուած՝ կը հսկէ մտադիւրութեամբ: Գիտէ թէ այն սիրալիք մարմնոյն մէջ՝ հոգի մը գրած է Աստուած, և անոր պատասխանատու է մայրը:

Բոլոր դաստիարակութեան գիտութիւնը՝ այսպէս կրնայ համառօտիլ. Կրթել հոգի մը՝ մեր հասարակաց հայրենեացը, երկնից համար. բայց՝ ի նմին ժամանակի խորհիլ նաև երկրիս համար, որ աքսորելոցս ընակութիւնն է: Ասոր վրայ կը մտածէ մայրը, երբ տղայն անհոգ կը նիրհէ. կ'ա-

դասէ Աստուծոյ որ խանդաղատական և հաշտ աջօք ակնարկէ այն որրանին վրայ. կը խնդրէ իր որդւոյն համար զօրութիւն, կը խնդրէ իր դասերն համար զչնորհ գեղոյ. և երկուքին համար ալ զբարութիւն: Չի մոռնար ինք իր անձն ալ. կը խնդրէ իրեն համար ալ զառողջութիւն և զգօրութիւն, որպէս զի կարենայ առանց լքանելու աշխատիլ կատարելագործելու այն հոգին, յաւիտենական բարութեանց համար պատրաստել զայն:

Գիտենք թէ սակաւաթիւ են այն մայրերը՝ որ կարող ըլլան բոլորովին նուիրել ինքզինքնին իրենց տղայոց դաստիարակութեանը: Սմէն օր այլ և այլ ընկերական պատշաճութիւններ և պարտքեր կ'ելլին անոնց առջեւը, և չեն կրնար զբաղիլ իրենց գործոյն՝ որուն զօճել արժան է զամենայն, եթէ ուզենայ մէկը ըստ արժանւոյն զբաղիլ: Սակայն կը գտնուին այնպիսիք՝ որոնք խորտակած ու խզած են այն ամէն կապերը՝ որ գիրինք որրանէն հեռու կը բռնեն. ուստի և այն քաջասիրտ դաստիարակաց գործը պիտի օրհնուի յԱստուծոյ. և իրենց զբաղմանցն ու ջանից նպատակ մանուկը՝ պիտի մեծնայ մէկ օր մը, կաղնի ծառի մը պէս, որ խոր ու սննդարար հող մը գտնելով, իր փառաւոր գագաթը կը բարձրացընէ անտառին ամէն ծառերէն վեր:

Բայց ասիկայ մասնաւոր մարց վարմունքն է. վասն զի ընդհանրապէս ստիպուած կը կարծէ ինքզինքը մայրը՝ իր իշխանութեան մէկ մասը ուրիշի մը յանձնել: Այսպիսեաց հետ աւելորդ է խօսիլը. վասն զի անոր որ իր սահմանածէն դուրս չուղեր ուրիշ օրէնք ճանչնալ անկարելի է ուսուցանել զանձնանուիրութիւն:

Եթէ մայրը օտար ձեռքի մը կը յանձնէ այն ամէն խնամքներն որ իրեն միայն կը պատշաճին, գէթ դաստիարակութեան նիւթական մասը յանձնէ. իրեն պահէ՛ ամենէն աւելի փափուկը, և որուն համար սիրոյ, համբերութեան և անձնանուիրութեան առաքինութեանց միաւորութիւնը կը պահանջուի: Իսկ եթէ այս ալ իրեն ծանր ու դժուարին երևնայ, գէթ՝ աղէկ ընտրութիւն մը ընելու աշխատի, և առանց երկար և մանրամասն քննութեան՝ չթողու որ մէկը իշխանութիւն ունենայ իր զակկին վրայ: Գէթ այն դաստիարակութեան որուն վրայ չկրնար կամ չուզեր հսկել, վերին տեսչութիւնը (contrôle) իրեն սեպհականէ: Իր ուժէն վեր կառավարութենէ մը յոգնած՝ արժանաւոր պաշտօնեայ մը ընտրէ իրեն. բայց տղուն սիրոյն համար, իր փառացը համար չհրաժարի անկէ. ապա թէ ոչ, վատ դասալիք մը կը սեպուի այն տեղէն՝ ուր դրած է զինքն Աստուած:

Հարկ է յիշեցընել այն անարժան մայրերը՝ որ հազիւ կը ճանչնան իրենց դուստրերը. զորս վարձկան դայեկի մը գրկէն՝ խիստ դաստիարակի մը խնամոցը, և անկէ գիշերօթիկ դպրոցի մը կը յանձնեն, որպէս զի անդբազ ու հանդարտ սրտով կարենան իրենց ամէն զուարճութեանցն ու հաճոյիցը դբազիլ:

Այսպիսի նիւթերու մէջ աւելորդ է խըրատ կամ յորդոր. պէտք է որ սիրտը միայն խօսի: Սակայն մէկ օրինակ մը միայն մէջ բերենք, ցուցնելու համար թէ որպիսի վտանգներ ծածկուած են նոյն իսկ ամենէն աւելի պարզ կարծուած գործերու և ամենէն աւելի գովելի սեպուած սովորութեանց մէջ: Մեր զրուցելիքը ամէն օր կը հանդիպի նոյն իսկ բարեկարգ տուներու և ընտրելագոյն մարց աչքին տակ և հաւանութեամբը. և սակայն անոր մէջն է ներկային ու ապագային համար իրական վրտանդ մը:

Գովելի սովորութիւն մըն է տղայքն գիշերները կանուխ պառկեցընել: Օրուան մէջ շատ յոգնած ըլլալով, արժան է որ իրենց սպառած ոյժը նորոգեն: Իրենց համար՝ քունը երկու նպատակի կը ծառայէ. կը հանգչեցընէ գիրենք օրուան աշխատանքներէն, և անոնց նորակազմ մարմնոյն

աննդարար հիւթեր կը պատրաստէ՝ որոնք օգտակար ու կարեւոր են իրեն աճմանը: Չենք կրնար մարց վրայ իմաստուն բայց խիստ օրէնք մը սահմանել, որ իրենց օրը տղոց օրուանը հետ լմընցընեն: Միայն կրնանք պահանջել որ եթէ ուզենան ալ արթուն կենալ, տղոց պառկելու ժամը՝ իրենց ազատութեան ժամ՝ չսեպեն. չըլլայ թէ անոնց հանգչելու զնացած ատենը « Փառք Աստուծոյ, խալըսեցայ կամ հանգստացայ » խօսքերը բերնէ հանեն:

Պէտք չէ որ անոնց մեկնելէն ետքը՝ սկըսին մէկէն տան կամ գերդաստանին բարեկամները գալ, տունը ուրիշ կերպարանք մը առնու, ուրախութիւններ, կամ հանդէսներ կատարուին:

Տղան պառկելու սենեկէն կը լսէ այն ամէն ձայները, կ'իմանայ ուրախութիւններն ու խնտայները. և կը զարմանայ ինքն իրեն թէ ինչ՞ու իրեն կը սրգոզին սլոռալու կամ բարձրածայն խնտալուն ժամանակ, մինչդեռ իր հոն չեղած ատենը տանը խնտուին ու աղաղակը շատ աւելի բարձր է և զօրաւոր: Կը կարծէ թէ մայրը իրեն հետ ուրիշ լեզու մը, ուրիշ երես կը գործածէ. և թէ այն խտտութեան գիմակը կ'իյնայ երեսէն՝ երբոր բարեկամացը հետ կ'ըլլայ. և կը սկսի մօր վրայէն վատահութիւնը պակսե-

ցընել: Այդ վտառութեան պակասութիւնը՝ սիրոյ նուազութեան և սյաղեւորն պատճառ կ'ըլլայ: Վասն զի մտքին մէջ տեղիք կ'ընէ թէ մայրը զինքը կը խաբէ կամ չսիրեր:

Մայրութիւնը իր գեղեցիկ նպատակին հասնելու համար՝ հարկ է որ ընկերական կենաց ուրախութեան ամէն զոհերն ընէ: Սակայն այս զոհերը զինքը չվախցընեն. վասն զի ամէն մէկ կորուստը՝ շահ մըն է. վասն զի մէկին տեղ հարիւրաստիակ փոխարէնը սիրտի գտնէ: Մայրութիւնն ինքիրմով այնչափ հաճոյք ունի, որչափ չեն կրնար ունենալ աշխարհային բոլոր խընդութիւններն ու հրճուանք. քաղցր ու տեսական ուրախութիւններ ունի, որ անձնանուէր մարց փոխարինութիւնք են, և որոնք չունին նմանութիւն աշխարհական ուրախութեանց հետ:

Մօր վրայ արդէն երեցած է Աստուծոյ օրհնութիւնը. սիրոյ բոյնը արգասաւոր, տղան երեցած է իբրև քաղցրիկ զուարթնեակ մը յուսոյ և սիրոյ. ասոնց առջև՝ աչ ամէն բան կը մոռցուի. աշխարհք, իր հոնդէսներն, հաճոյքը, ամբոխն ու աղաղակները: Թող մայրը առանձնանայ քաշուի տանը մէջ իր սիրալիբ գանձովը. գրկէն չձգէ զանիկայ, ազդէ իրեն՝ օրինակովը,

հրահանգէ փորձառութեամբը, հասկըցընէ իր սէրը: Երբ դաստիարակութիւնը լմըննայ, կը հասնի կու դայ այն օրը յորում իր տանը մէջ ալ հանդէսներ կրնան ըլլալ. այն ատեն թող բանայ իր դուռը, և հրաւիրելոց ներկայացընէ իր զաւակը: Իրեն երկար առանձնութեանը, իր կամաւոր զոհին ստուղն է անիկայ. վարձատրութիւնը և հատուցմունքը ուրիշներու գովութեանը, բայց աւելի իր սրտին ուրախութեանը մէջ է:



Եթէ մայրը անհոգ կ'ըլլայ իր տղուն նախնական դաստիարակութեանը, եթէ կը հեռանայ սրբանէն, ուրիշները կու դան կը բռնեն իր տեղը. և ահա անոր մէջն է վտանգը: Տղան կը սկսի մեծնալ, ցուրտ սրտեր զինքը կը պաշարեն, վարձկաններու խնամոց կարօտ կ'ըլլայ: Իր պզտիկ հոգին, անոյշ ու պատուական սիրտը շատ անգամ արհամարհուած կը տեսնէ: Վերջապէս ինքն ալ կը խստանայ, և մնասը կը կատարուի:

Տանը մէջ եթէ մայրը գոհ չըլլար տղուն

ընկերութեամբ, ու շատ անգամ կը թողու զինքն ու կը հեռանայ, չուզեր մասնակից ըլլալ անոր զբաղմանցն ու խաղերուն, տըղան ծառայից ընկերութիւնը կը փնտռէ: Ծառայք կու գան իր գիմացը, անոր պղտի կրքերուն կամակատտար կը ձևացընեն ինքզինքնին, անոր ամէն հաճոյիցը կ'անսան, գէշ բնաւորութիւններն կը շողոթորթեն, և անանկով մէկիկ մէկիկ մայրենի դաս տիրակութեան ամէն օգուտները կը փրճացընեն: Ծառայից ընկերութիւնը վնասակար է տղոց. վասն զի յաճախ անոնց միտքը պիտի է 'ի դատմանէ, սիրտը յանձնանուիրութենէ, և առաքինութիւնն ու կրօնական սկզբունք անոնց սովորութիւններէն:

Մեծ սխալմունք մըն է, քիչ մը ատենուան համար ըլլայ, կամ քանի մը ժամուան համար, տղոց հսկողութիւնն այդպիսի ցուրտ ու անտարբեր սրտերու յանձնել: Շատ անգամ ծառայք, և արժան է որ գիտնան զայն մարք, իրենց տերանցը ծածուկ թշնամիներ են. կը նախանձին անոնց բարեբաստութեանը, և չեն անոնց ծառայքն՝ հապա լրտեսները:

Սակայն զայս ալ հարկ է խոստովանիլ թէ մեր ժամանակաց ծառայքը գէշ ծառաներ են, վասն զի գէշ տերանց կը հնազան-

զին. անողոք, անգութ տէրերու, որ ծառայից աղբը արհամարհ ու անբան ցեղի մը սերունդ կը համարին, ու չին ուզեր հասկընալ թէ անոնք ալ իրենց եղբարքն են, թշուառ եղբարքը. չեն խղճեր ծանր աշխատութիւններ զնել անոնց վրայ, և հիւանդութեան՝ տկարութեան ու անբաւականութեան ատեննին՝ տունէն վաճընտել զիրենք:

Ասանկ չէր ծառայութեան սկիզբը: Անոր համար ալ սուրբ գիրք ընտանեաց անունը կը պատշաճեցընեն ծառայից: Այո՛, ընտանեաց մէկ անձը սեպուած էր իր սըրտովն ու սիրով. անոնցմէ շատը մի և նոյն տան մէջ կը ծնանէին, կ'ապրէին ու կը մեռնէին. և բաղդին իրենց վրայ ցուցըցած անգթութիւնը՝ տերանց քաղցր ու անոյշ կերպին մէջ կը մոռնային. կ'ախորժէին ծառայել, վասն զի անով օգտակար կ'ըլլային ընտանեացը, կը հսկէին անոնց վրայ. ու մինչդեռ անոնցմէ երախտիք ու բարիք կը տեսնէին, այդ երախտեաց ու բարեաց յիշատակը անջինջ տպաւորուած էր անոնց սրտին մէջ:

Այսպէս Արրահամ՝ իր ամենէն աւելի սիրալիր անձին ապագայ երջանկութիւնը՝ ծառային հաւատարիմ՝ աշալրջութեանը կը յանձնէր ու կը վստահէր: Նոյնը կ'երաշ-

խաւորէ աստուածընտիր Ժողովրդեան պատմութեան ամբողջ ընթացքը:

Իսկ այսօր, Թէ տերանց և Թէ ծառայից ազգը հաւասարապէս կորսուած կրնանք սեպել մարդկութեան համար: Անունը կը լսուի ընտանեաց մէջ, բայց ոչ իրական արդիւնքը:

Ի՞նչ սրտով կամ որպիսի վստահութեամբ կրնան այդպիսեսաց ձեռքն յանձնել ծնողք իրենց գաւկընները:

Կամ երբ կը տեսնենք մենք անմեղ մանկութիւնը այդպիսի ծառայից և աղախնայց ձեռքը, չենք դարմանար այդ անտարբեր և անհոգ մայրութեան վրայ, որ կը կարծէ այնպիսի անձանց ձեռքով կատարել իր մեծ և աստուածադիր պարտքը:

Անշուշտ պատասխան պիտի տրուի մեզի Թէ ծառայից և աղախնայց մէջ ալ զանազանութիւն պէտք է դնել, ինչպէս իրօք ալ կը դնեն մարք, ու փողոցէ առնուածնեւրուն մէկէնիմէկ չեն հաւատար զանոնք:

Որչափ ալ մեր անձնական գիտութիւնն հակառակ վկայութիւնը կու տայ մեզի, սակայն կ'ուզենք իրաւունք շնորհել այնպիսեաց. կ'ախորժինք ենթադրել Թէ աղէկ ընտրութեամբ վարձուած ըլլան այդ ծառանները:

Ոչ նուազ վնասակարք են ամենէն աւելի

ընտիր և անձնանուէր սեպուած ծառայք: Այո, կը սիրեն զտղայն. բայց կոյր սիրով մը. ու անով կ'աւրենն ու երես կը հանեն տղայքը: Թէ որ մայրը կը յանդիմանէ զտղայս, ու կը տեսնեն անոնց արտասուելը, կը փութան մխիթարել զիրենք, ծածուկ ուտելիք ու շաքար կը դնեն առջևնին: Առանց շահերնին փնտռելու, իրենց սրտին լաւութեանը անսալով կ'ընեն այս բաները, բայց չեն գիտեր Թէ որչափ գէշ ազդեցութիւն և հետեանք կրնայ ունենալ անոնց ասպազային վրայ:

Տղան ծառայից մէջ կենալով, կը տեսնէ անոնց շարժմունքը, կը լսէ խօսքերնին, ինչուան իրեն անմեղութեան վնասակար խօսքերը: Ամենէն աւելի բարեպաշտ և ընտիր ազգատոհմներու մէջ տեսնուած են տղայք որ իրենց հօրը և ազգականաց բերնէն չըլտուած խօսքերը կ'արտաբերեն. և հարկ չէ ըսելը Թէ ուսկից կը սորվին:

Ծառայից հետ ունեցած վերաբերութիւններովը կը սովորի տղան խարդախութեան, շողորթութեան, ցածութեան ու կեղծաւորութեան. վասն զի ծառայք իրեն հետ մէկ կ'ըլլան, և ինչուան երբեմն ծածուկ լրտեսներ են տանը մէջ հանդիպածներուն: Տեսած ենք տղաք որ ցուրտ ու անտարբեր են իրենց մօրը զգուանացը.

բայց դառնապէս կ'արտասուեն ու ինչուան իրենց մօրը վրայ թշնամուց աչքով մը կը նային՝ երբ ծառայն կամ դայեակը իրմէ յանդիմանուած կամ խրատուած, կամ երբեմն ինչուան ճամբայ դրուած տեսնեն:

Այսպիսի վերաբերութեանց մէջ, ինչ ալ ըլլան ծառային յատկութիւններն, տըղան միշտ կը կորսնցընէ և ոչ երբէք կը վաստըկի: Թէպէտև անոնց կողմանէ մասնաւոր ջանք կամ շարատութեան հետքն ալ չըլլայ, մանուկը անոնց օրինակաւը կը սովորի ցած սրտերու ամէն ակտերուն, երբ այդ խոնարհութիւնը 'ի հարկէ առաջ եկած ըլլայ և ոչ յառաքինի համոզմանէ. կամ երբ ճախողակի գորովով մը ուզենայ 'ի ծածուկ խալըսել զինքը մայրական կառավարութեան արգարացի պահանջմունքներէն:

Ծառայից ընկերութեան կը փափաքի մանուկը, չէ թէ միայն անոնց հետ ունեցած վերաբերութեանցը մէջ գտած հաճոյիցը համար, այլ իրենց շողորթութեանց ու շահադէտ ծառայութեանց համար: Որպէս զի այսպիսի վնասակար յաճախակցութենէ մը ետ կենայ, աղէկ է վարժեցընել տղայքը՝ որ իրենք իրենցմէ ընեն իրենց ծառայութիւններն: Ոչ նուազ մխիթարական է տեսնելը թէ նաև մեր

աղբին մէջ պակաս չեն այս խօսքիս ճշմարտութիւնն յարգող մայրերը. որոնք թէպէտ ունին ամէն դիւրութիւն և միջոց, սակայն հարկաւոր կը սեպեն վարժեցընել իրենց տղայքը այն աշխատութեանց որ կենաց հետ անմիջական վերաբերութիւն ունին, և իրենց ուժէն և կարողութենէն վերջէ: Այսպէս է իր ելած նստած սենեկին մաքրութիւնը, լուացուիլը, սրբուիլը և ասոնց նման աշխատութիւններ: Ասանկով ոչ միայն ծառայից հետ ունեցած վերաբերութեանց միջոցները կը դադրին կամ կը պակսին, այլ նաև իրենք ալ մաքրութեան, աշխատասիրութեան և անոնց հետեանք եղող սուաքինութեանց կը յորդորուին:

Ասոր հակառակ, չկայ այնպէս գէշ սովորութիւն մը, ինչպէս տղոց ծառայութեանը յատկացընել այլ և այլ ծառաներ, որոնց մասնաւոր խնամքը պիտի ըլլայ վրանին հսկել, մինչդեռ անոնք դիւրանսաց գործիներ են տղայոց հաճոյիցը, և ինչուան երբեմն իրենց ծածուկ ախտիցը: Տարակոյս չկայ որ իր տղուն բարիքը մտածող մայր մը՝ ամէն պարտք կը դնէ ծառայից որ իրմէ բան չծածկեն, և տղուն ընթացիցը ճիշդ հաշիւը իրեն տան. սակայն ծառայն գիտնալով թէ որչափ կարողութիւն ունի մայրը տղուն սրտին վրայ, չուզեր

զանհկայ իրեն թշնամի ընել: Լաւազոյն կը սեպէ լռել, և մտադիւր ծառայել իր մանուկ տիրոջը, որպէս զի տղայն ալ իրեն ծառայէ. ամէն բանէ աւելի իր շահը մտածելով՝ նոյն շահը խորհուրդ կու տայ իրեն լռել: Մայրը կը կարծէ թէ անհկայ իրեն օժանդակ մըն է դաստիարակութեան գործոյն մէջ, մինչդեռ իրօք չգիտեր անոր թրշնամի մը ըլլալը:

Այս կերպով ծառայութիւն ընդունելու վարժած տղայն, իր ամէն կամքն ու փափաքները կատարուիլ տեսնող տղայն, պահանջող ու խրոխտ կ'ըլլայ: Ամենէն աւելի թեթեւ հակառակութիւն մը զինքը կը գրգռէ. բունն է, անիրաւ ու կրքոտ իր պըզտի մտքին պարապմունք կամ զբաղմունք մը պակսելով, ծոյլ ու անաջող կ'ըլլայ. չնչին դժուարութեան մը առջև կը յուսահատի կը մնայ. սովորած է ծառայուելու, չգիտեր ծառայել: Եւ սակայն մեր դժբաղդ օրերուն՝ պէտք է որ ամէնքնիս վարժած ըլլանք զրկմանց. վասն զի սպազային ահաւոր անստուգութեանը մէջ չենք գիտեր թէ վաղը ինչ փորձանք կրնայ գալ դիւրնուս:

Գաղղիոյ մեծ Յեղափոխութեանն ատեն Լուդովիկոս ԺՉի արքունեացը կանայք՝ ստիպուեցան իրենց ձեռացը աշխատանք

քովը ապրուստնին հայթհայթել: Քիչ չեն իշխանաց, նոյն իսկ թագաւորաց օրինակներն, որոնց վրայ մէկէնիմէկ ծանրացաւ բաղդին ձեռքը: Գաղղիոյ՝ մանաւանդ թէ տիեզերաց մայրաքաղաքին մէջ քանի մը ամսուան մէջ աչքովնիս տեսանք յաջողութեամբ ու յողթանակներով լի կայսեր մը ամէն փառքը, ու քանի մը օրուընէն գերութիւնն ու զինքը շողոքորթողներու և իր կամացը ծառայողներուն անարգանքը և նախատինքը լսեցինք: Տարի մը առաջ Պոլսոյ մէջ Եւզինէ կայսրուհւոյն փառքն ու բոլոր այն ընդարձակ քաղաքին ոտք ելլեն տեսանք, ու քանի մը ժամուան մէջ աներեւոյթ փախուստը 'ի Փարիզէ լսեցինք: Այսպէս յեղյեղուկ է բաղդ և անկայուն:

Ճմարիտ դաստիարակութիւնն է՝ կրթել գտողայն չէ թէ միայն ընտանեացը ներկայ վիճակին համար, հապա նաև նախատես ըլլալով թէ օր մը բաղդը կրնայ իրեն տըխուր ու ինչուան սպառնալից երեսը ցուցնել:

Որչափ արթուն պիտի ըլլայ մայրը որ ծառայից օրինակը վնասակար չըլլայ տղոց, նոյնչափ ալ պիտի հսկէ որ տղայն ալ առ ծառայս ունեցած պարտքերէն չպակսի: Խստիւ պահանջէ իրմէ որ համբերող,

քաղցր ու քաղաքավար ըլլայ անոնց հետ. իր արհամարհանքն ու կրքերը պատուհասէ, և եթէ դանոնք նախատելու ըլլայ՝ մէկէնիմէկ ստիպէ ՚ի դարման: Ամէն անգամ որ կը նախատէ ծառայ մը խօսքով կամ գործով, թէպէտև անհոգութեամբն կամ բրտութեամբ պակասաւոր երեցած ըլլայ ծառայն, պէտք է պահանջել իրմէ որ ըրած արհամարհանացը ներումն խնդրէ. ետքը պատուհասելու է զծառայն, թէպէտև այնչափ մեծ ըլլայ ըրած պակասութիւնը որ ճամբայ դրուելու արժանաւոր սեպուի: Առաջ տղայն, ետքը զծառայն խրատելու է: Բայց պէտք է որ մայրն ալ իր օրինակովը խրատէ զտղայն՝ իրենց վիճակին նըւաստութեանը համար չարհամարհել զծառայս, այլ անուշութեամբ ու քաղաքավարութեամբ վարուի հետերնին. սէր և գութ ցուցնէ անոնց վրայ, և հասկըցընէ տղուն թէ քնչպէս կարելի է որ տեարք իրենց օրինակաւը ծառայութեան դառն ու արհամարհ վիճակին նեղութիւններն ու զրկումները սփոփեն: Ասանկով սիրելի կ'ըլլայ տղայն ծառայից. ամէնքն ալ կը փափաքին իրեն սպասաւորել, և վրան կը դողան՝ որ չըլլայ թէ վտանգի մը հանդիպի:



Չարին տգիտութիւնն ալ ունի իր վնասները:

Այնպիսի դարու և ժամանակի մը մէջ կ'ապրինք՝ յորում չարը ամենուրեք է, ամէն տեղ դիմացնիս կ'ելլէ. մերթ հրապուրիչ կերպարանքներով, և երբեմն ալ նըկարներու և պատկերաց փափուկ ու զեղեցիկ գոյներու տակ: Արձանք, պատկերներ յաճախ աչուընուս առջև են. երաժշտութիւն, պար, թատերք, սուտ ու վնասակար մատենագրութիւն մը՝ սովորական վտանգներ են մեր ականջացը, հոգւոյն ու մտաց:

Ատեն մը կարելի, մանաւանդ թէ հարկ էր, չարին վրայ չխօսիլ տղոց հետ. սակայն այսօր ամէն տեղ կը սովորին ճանչնալ զայն՝ հաճոյից հրապուրիչ գոյներուն տակ: Գրժընդակ ժայռ մը, որուն հետ ամէն օր կու գան կը զարնուին նորահաս ու անծանօթ սրտեր:

Երբ համաճարակ հիւանդութիւն, տարափոխիկ ախտ մը կը տարածուի օդուն մէջ, երբ ժանտախտը կամ մաղձացաւը օրուան մէջ հաղարաւոր զոհեր կ'ընէ, բռն-

կամ կամ տղայամիտ չենք սեպեր այն բժիշկը՝ որ ամենէն սուելի առողջ կարծուած անձանց ալ նախապահեստ զդուշուծիւններ կը պատուիրէ: Հիւանդութիւններ կան՝ զորոնք պարմանելու համար ճարտար բժիշկը ինչուան երբեմն քիչ մը թոյն ալ կը խառնէ դեղերուն մէջ: Մասնաւոր բժշկական դպրոց մը կայ՝ որուն էական գիտութիւնը և ուսումը այս սկզբան վրայ կը կայանայ:

Բարոյական հիւանդութիւններն ալ այսպիսի նոր դարման մը կը պահանջեն: Ահաւոր եւ տխուր են իր ըրած կոտորածները, պէտք է զօրաւոր դեղով մը սնոնց առջին առնուլ:

Խօսքերնիս երկրորդական քաղաքաց կամ մանր գիւղերու համար չէ. այլ գլխաւոր, Պոլսոյ կամ անոր հետեւող քաղաքաց համար, ուր ազգերնու ազնուագոյն մէկ մասին բնակութիւնն է. ուր կարծես թէ անմեղ մանկութեան ամէն մէկ քայլերուն առջև՝ որոգայթներ լարուած են՝ ապաժաման կերպով այդ անմեղ միտքն ու հոգին արթնցնելու: Առաքինութիւնը, պէտք է ցաւով խոստովանինք, գոգցես ծածկուիլ կ'ուզէ մեր մէջ. իսկ չարն ընդհակառակն սիգապանծ, ոչ յարհամարհանաց և ոչ նախատինքէն կը քաշուի. յան-

դուգն ու խրոխտ առաջ կը քայլէ, վասն զի իրենն է յառաջագիմութիւնը:

Յառաջագիմութիւն... արդի քաղաքակրթութեանց ընթացիցը սովորական բառ մը: Մարդկային աղքի տխուր կարաւանը առաջ կ'երթայ դէպ'ի լոյս, ու մտաց հանճարովը կը փափաքի ապագային սլխարհակալութեանը. մեծ բանակ մըն է շարժման մէջ, չորս կողմանէ սխտերէ պաշարուած, որոնք անձանօթ և մութ անտառ մը կ'առաջնորդեն իրեն: Բաղմութիւնը օր օրուան վրայ կը շատնայ. քանի մը ընտիր անձինք կան իրեն առաջնորդ, յառաջ կը քայլէ, իր ետեւէն ձգելով աւերակներ՝ կամ իր հանճարոյն շէնքերը. կը քայլէ, կործանելով, քանդելով, արգելքներուն յաղթելով. և իր ամէն մէկ քայլին առջև՝ նոր հորիզոններ բանալով:

Այս արագ ընթացքին համեմատ է, մարդկային հունճարոյն յառաջագիմութեանը համեմատ է նաև չարին յառաջագիմութիւնը. ապականութիւնը երբ ընդհանուր կ'ըլլայ, քաղաքակրթութեան զառածանք է. յառաջագիմութեան վերջին ծայրը՝ անկումն է:

Դաստիարակութիւնն՝ իր նորանոր միջոցներովը՝ պէտք է որ նորանոր պիտոյից համեմատ ըլլայ: Պէտք է որ դարուն հետ

համաքայլ ըլլայ. և չգոհանայ՝ իր անդէն ձեռքերուն մէջ նախկին իշխանութեան նշանակները շարժելէն: Եթէ մանուկը ամենեւին հօրը տնէն հեռանալու չըլլար, եթէ հարկաւոր չըլլար անոր օր մը հեռանալը, եթէ իր նախկին դաստիարակին հսկող աչքը՝ կարենար անբաժան մնալ անկէ և անանջատ ընկերակից մը ըլլալ անոր, այն ատեն թերևս աւելորդ էր պիտի ճարակմանէն վախ մը կրել աղուն համար: Բայց քանի որ ստիպուած է տխրոյց հասակին հեռանալ իր հայրենի տնէն, եթէ երբէք չարին վրայ հետը խօսած չըլլաս, եթէ իրեն առաջնորդած չըլլաս ատելու զայն, անդէն և անխնամ կը ձգես զինքը ամէն մոլորութեանց հրապուրանացը ձեռք:

Բայց հոս ալ ուրիշ վտանգ մը կ'ըլլէ առջևդ: Ախտը իրեն ծանօթացնելով, իր անմեղութեանը յայտնելով այն անխոնջ թշնամոյն գոյութիւնը՝ որ պիտի չդադրի հետը պատերազմելէն, չարին վրայ խօսելով, և անոր ձեռքով կողած սոսկալի աւերմանց ստորագրութիւնն ընելու ատեն՝ շատ առաջ երթալու չէ. պէտք է որ նկարագրած պատկերիդ գոյները ճշմարիտ ըլլան. ոչ բռնադատեալ և ոչ ալ չափազանց. ապա թէ ոչ, դիտած նպատակիդ չես հասնիր:

Կու գայ կը հասնի այն օրը յորում տղայն այդ ահաւոր թշնամոյն դիմացը կը գըտնուի. իր առջևն ելած հրապուրիչ ու դեղադէշ պատկերին տակ՝ չիկրնար ճանչնալ այն դժնդակ գաղանք՝ որուն վրայ խօսեր էր հետը մայրը: Կը համարէր թէ այդ թշնամոյն երևնալը՝ ուրիշ ահաւոր կերպով մը պիտի ըլլար. և չտեսնելով զայն՝ կը կարծէ թէ վտանգին ատենը դեռ հասած չէ. ուստի և մէկէն նկուռ կ'ըլլայ առանց նախ կռուելու: Աշխարհիս մէջ, պիտի հանդիպի պիտին՝ զարգարուած, ուրախ և զուարթ կերպարանքի մը տակ: Այն ատեն երկու գրքի մէջ պիտի գըտնուի. կամ տեսնելով զայն արտաքին սիրալիր երևոյթով մը, պիտի ըսէ թէ մայրը զինքը խաբեր է, և անոր իմաստուն խրատները պիտի արհամարհէ. կամ նկատելով թէ մօրը ստորագրած հրէշը՝ պատուոյ, սիրոյ և յարգանաց նիւթ մըն է ամենուն, պիտի կարծէ թէ աշխարհային կենաց անտնօրինելի հարկ մըն է այն, և թէ առաքիչնութիւնը՝ յերկրի պատասպարան չունեցող հիւր մըն է, որուն վրայ թերևս գտնուին զարմացողք, բայց հետևող և ոչ ոք. կամ երբ կրից եռանդուն հասակին մէջ ծածկուած կրակի մը բռնութիւնը զգայ, իր սրտին մէջ երևցած այն նոր երևոյթները՝

ախտից ոյժը պիտի համարի, որ առանց իրեն գիտնալուն, կամ առանց իր ուղեւուն, մտեր է սրտին մէջ. պիտի զարհուրի, վտանգը չափազանց ենթադրէ և վերահաս համարի, մինչ դեռ ևս իրմէն շատ հեռու է: Այսան զի իրեն այնչափ ահաւոր, այնչափ ուժով ստորագրած են զայն, որ մտածելովն ալ անկէ վախ կը զգայ. և փոխանակ անոր ընդդիմամարտ հանդիսանալու, զանիկայ դեռ չտեսած՝ մէկէնիմէկ անկէ փոխուել կը նայի:

Ուստի արժան է որ մայրը ինչպէս յամենայնի, նաև ասոր առաջնորդութեանը մէջ խոհեմութիւնը ձեռքէ չձգէ. իրեն բնական գոյնովը զանիկայ ստորագրէ, առանց գեղեցկացընելու, բայց նաև առանց չափէն աւելի տգեղ երևցընելու. որպէս զի պատերազմին ատեն՝ ոչ յանկարծակիի գայ և ոչ ալ գարհուրի. այլ կտրիճ զօրավարի մը պէս սղաղակէ. « Ահաւասիկ թշնամին առջևնիս է. ահաւասիկ կուռելու և զանիկայ նկուն ընելու ժամանակը. տեսնենք թէ ինչ կերպով և որպիսի ուսմամբ պիտի սկսի կռիւը »: Այսպէս քաջութեամբ կը պատրաստէ իր զէնքերը, կը ճանչնայ պատերազմին դաշտը, լի է վրատահութեամբ. կը կռուի, և յաղթական կ'ելլէ մրցանացը մէջ:

Տղայն ալ զինուոր մըն է, ճակատամարտի սահմանուած զինուոր մը. և պիտի կռուի չէ թէ եղջերուաքաղնեւու, կամ մայրենի երևակայութեան հնարած հրէշներուն դէմ. այլ ճարտար թշնամուոյ մը հետ, որ մէկէնիմէկ դարանէ մը՝ ուր ինքզինքը սրահած էր, իր դէմը պիտի ելլէ զինուած և զրահուորուած: Մօրը սորովեցուցածին համեմատ, երիտասարդ ըմբիշը պիտի կռուի. պիտի յաղթէ՝ առանց տկարանալու, կամ վատութեամբ մէկզի ձգէ իր զէնքերը ու պարսութիւն խոստովանի:

Ուրեմն պէտք է որ ատենին խօսի մայրը այդ չարին վրայ. խօսի անկիղծութեամբ, ու գոհ ընէ խոհեմութեամբ անոր ամէն հետաքրքրութիւններն. խօսի, որպէս զի չըլլայ թէ տղայն ուրիշ մը սորովի այն ամէն բան՝ զոր մօրմէն լսելը իրեն օգտակար պիտի ըլլայ, ու ընդհակառակն ուրիշներուն սորվեցուցածը աղիտաբեր:



Այսպիսի զբաղմունքներով տղան՝ իր կենաց առաջին տարիները կ'անցընէ, որոնք բոլորէ բոլորովին բնական դաստիարակու-

թեան նուիրուած են: Մայրենի ուսման այս առաջին մասը բարեբաստ եղաւ. տըղան պատասխանեց իր ամէն տկնկալութեանցը. իր փափուկ մարմինը՝ որ այնչափ խնամոց կարօտ էր, դօրութիւն և ոյժ առաւ, և սկսաւ աճել:

Կարգը հոգւոյն դաստիարակութեանը կու գայ: Այսոր մէջ ալ հարկ է իրեն առաջնորդել:

Կամաց կամաց մարդկային կարողութիւնք կը սկսին յայտնուիլ իր վրայ: Արդէն ունի զիմացականութիւն (intelligence) այն մեծ լոյսը, երկնային հրատը՝ որով պիտի լուսաւորուին իր ամէն կարողութիւններն: Տղուն անդադար հարցմունքներն, իր անակնկալ պատասխաններն կը յայտնեն ասոր ներկայութիւնը. գործունեայ կարողութիւն մը՝ որ իրեն սնունդ կը փռնտուէ:

Մարդկային իմացականութեան առաջին ճաշակներն՝ անկատար են. մարդս խօսելէն առաջ կը թոթովէ. խելամտութիւնն ալ անկատար միջոցներով առաջ կ'երթայ դէպ ՚ի գաղտփարաց գերագոյն յարմարութիւնը:

Այսպէս ատենին կը յայտնուի հոգւոյ այս մեծ կարողութիւնը, կամաց կամաց փառաւոր արեգական մը սլէս բարձրանա-

լով. գեղեցիկ օր մը նախագուշակել կուտայ, բայց մարդուս կամացը թող տրուած ուրիշ կարողութիւններուն պէս՝ ասիկայ ալ կարօտ է սորվուելու:

Այս ուսումը՝ զոր մայրը պիտի սկսի և ուրիշները պիտի գլխաւորեն, պէտք է գիտնայինքզինքը փոքրկացընել, նմանելով այն սիրելի արարածին՝ որուն հետ կը խօսի. երկարու բարոյականներով լեցուն ճառեր անօգուտ կ'ըլլան. վասն զի տղուն կարողութեանէն և ըմբռնմանէն շատ վեր են: Մօր մը դասերը միշտ համառօտ, բարոյականով ու տրամաբանութեամբ իրարու հետ միացած ըլլալու են: Այն ատեն միայն կրնան օգտակար ըլլալ:

Կրնայ և հարկ ալ է որ կամաց կամաց այդ ուսման շրջանը մեծնայ, և ուրիշ կերպարանափոխութիւն մը առնու, աւելի ընդարձակ նիւթեր ամփոփելով. բայց միշտ պէտք է որ յարմար ըլլայ տղուն փոքրիկ իմացականութեանը:

Տեսանք առաջ թէ ինչպէս տղան օժանդակ կրնայ ըլլալ իր մօրը. հնազանդութեամբ: Բայց ասկէ ետքը իր հրահանգութեանը համար ունեցած մասը աւելի ուղղակի է և գործօն: Դաստիարակութիւնն այն ատեն օգտակար կ'ըլլայ և վախճանին կը հասնի, երբ աշակերտին ջանքը՝ ուսուց-

չին ջանհիցը հետ գուգընթաց կը համաձայնի. իսկ վնասակար՝ երբ իրարու կը հակառակին. կարևոր գործ մըն է, որուն յաջողութեանը համար միութիւն և ներդաշնակութիւն կը պահանջուի: Առջի աշխատանքը մօրն է. իսկ տղայն երկար ատեն կրաւորական դիրքի մը մէջ կենալէն ետքը, վերջապէս կը զարթնու, ու կը սկսի գործոյն մասնակից ըլլալ. երկուքին ալ ջանքը կը միաբանի, կամաց կամաց մայրնի աղդեցութեան մասը կը նուազի, բայց տղուն գործակցութեան մասը կ'առաւելու. ինչուան այն օրը յորում բանականութիւնը բոլորովին ձեւաւորուած, իրօք և իրաւամբ միակ տէր կ'ըլլայ: Այն ատեն մայրը կանկ կ'առնու. թող տալով որ առաջ անցնի մարդը, առաջնորդուած իր խղճմտանքովը և զօրաւոր՝ ազատութեամբ:

Բայց ամէն բանէ աւելի հնազանդութեամբն է որով կարող կ'ըլլայ տղայն գործակից ըլլալ իր անձին կատարելութեանը: Արդէն մեզի ծանօթ է այս առաքինութիւնը, զոր գրինք մեծարանքէն ետքը, որուն դուստրն է, և ազատութենէն առաջ որուն մայրն է. ուստի և աւելի ըսելիք մը չունինք վրան: Հնազանդութեամբ իր բարոյական յառաջադիմութեան գործակից և ըող մանուկը՝ պիտի գլխաւորէ իր գործը

սիրով, երևակայութեամբ, մտադրութեամբ և յիշողութեամբ:

Սիրով՝ իր սիրտը մօրը սրտին կը մերձեցնէ: Կը սիրէ, ուստի և կը հնազանդի, գորովանօք կը համբուրէ իրեն առաջնորդող ձեռքը. առանց վշտանալու՝ կը խոնարհի անոր դիմաց, կը գուշակէ անոր փափաքները, չիսպասեր հրամանացը. անոր մէկ նայուածքը բաւական է զինքն իրեն որ և իցէ անհաճոյ բանէն ետ կեցընելու. մայրը գոհ ընելու փափաքը՝ կը յաղթէ ծուլութեան թելադրութեանցը, և գորովալից անձնանուիրութեամբ մը կը կատարէ իր գործը՝ որուն երկիւղը միայն բաւական պիտի չըլլար:

Երևակայութեամբ՝ սիրտը կը շարժի, և դիւրանսաց կ'ըլլայ մայրենի խրատուցը և նախահոգ տեսչութեան:

Մտադրութեամբ՝ չհանդուրժեր որ բան մը անօգուտ ըլլայ իրեն համար. որով մայրական խրատները անբեր երկրի մը մէջ չեն խնար. այլ մինչև իր սրտին խորունկը կը տպաւորուին, որոնք յարմար գալով իր գաղափարացը, կը կատարելագործէ զանոնք, կը հրահանգէ և զարմանալի յառաջադիմութիւն մը ընել կու տայ: Եթէ ձեռք մը կայ տալու պատրաստ, ձեռք մըն ալ կայ անդին ընդունելու յօծարափոյթ, ու

րով դաստիարակին ջանքերը անօգուտ չեն ըլլար:

Վերջապէս՝ Յիշողութեամբ մէկտեղ կը հաւաքէ, կը դասաւորէ, կը սլահէ, օրէ օր կ'աւելցընէ իր նորանոր տեղեկութիւնները՝ արդէն ստացած տեղեկութեանցը վըրայ, և անդադար կը ճոխացընէ: Յիշողութիւնը՝ մտաց անունդն է. ինչպէս գետ մը՝ որուն մէջ չորս կողմանէ այլ և այլ հարկատու ջրեր կուգան կը խառնուին, կ'ընդարձակէ իր փոսը, և թմբերը կը պատռէ մերձաւոր երկիրները պտղաբերելու, արգասաւոր ընելու և ոռոգելու համար:

Մտանց սիրոյ՝ ցուրտ և անտարբեր է տըղայն. — առանց երևակայութեան՝ քնէած և ծոյլ. — առանց մտադրութեան՝ դանդաղ, անձանօթ իր դաստիարակին խրատուցը և ուսմանց, և անյաջող իր ամէն ձեռնարկութեանցը մէջ. — առանց յիշողութեան՝ տըղէտ. վասն զի չկայ բան մը որ տպաւորի անոր սրտին մէջ. և ուսումը անանկ կ'անցնի վրայէն, ինչպէս կիզիչ երկնքի մը երեսէն՝ բարերար անձրևով մը լեցուած ամպեր, կամ ինչպէս կ'անցնի ստուերը բլրոյ մը զառիվայրին վրայէն:

Այս չորս զօրաւոր կարողութիւններն ամէն մէկն իրենց յատուկ եղած միջոցներովը կը սատարեն մեծապէս դաստիարա-

կութեան գործոյն: Մօրը ձեռքին տակ՝ անոնք մէյմէկ թշնամի կամ մէյմէկ դաշնակից կրնան դառնալ. ուստի և մասնաւոր կերպով արժանաւոր ըլլալով մեր մտադրութեանը, արժան է որ անոնց ամէն մէկին վրայ առանձինն խօսինք համառօտիւ:



Նախ սիրոյ վրայ:

Տղուն սէրը՝ մայրենի սիրոյն հետ մէկտեղ կ'արթընայ: Գաղտնիք մըն է այն երկու սրտերու միութեանը, որ սովորած են միակերպ իրարու մօտ ապրիլ:

Սէրը ինքիմէ յայտնութիւն մըն է մայրական փափուկ զգացմանցը, և բաւական յարգարացընել այն անչափ գորովը, որուն առջև ամէն զոհ և անձնանուիրութիւն ոչ ինչ կ'երևնայ, նմանելով հեռաւոր ծովուց և սիրոյ նշանակ սեպուող հաւալուան թռչնոյն, որ ինքզինքը կը վիրաւորէ, մայրենի արեամբը իր ձագերուն վրայ կեանք և առուգութիւն սփռելով: Սէրը՝ աւելի ընդհանուր իմաստով մը, գաղտնիք մըն է ամենայն անձնանուիրութեանց և զոհից, զօդ մը ամէն ընկերութեան. այն գերա-

գոյն ներդաշնակութեան օրէնքն է՝ որ զաշխարհ հաւասարակշռութեան մէջ կը բըռնէ, պահպանելով նախատիպը և շարունակելով սերունդը: Վերջապէս սէրը կեանք է:

Կեալը՝ սիրել է:

Պէտք է ուրեմն որ տղայն մէկէնիմէկ սկսի սիրել: Պիտի սիրէ, վասն զի մարդուս սիրտը սիրելու համար եղած է. ինչպէս թռչուն մը՝ թռչելու, ձուկը լողալու, արևը ջերմացընելու զերկիր, որպէս զի երկիրն ալ ատենին պտղաբերէ: Տղան պիտի սիրէ իր մայրը, վասն զի իրմէ առաջ ջերմ սիրով սիրած է զինքը մայրը: Մայրը սկսած է նախ իր սիրտը տալ տղուն. պէտք է որ ատենին ալ փոխադարձաբար իր սիրտը նուիրէ մօրը: Այո՛, կը սիրէ իր մայրը ծննդեանը վայրկեանէն, բայց այդ սէրը՝ մեքենական սէր մըն է. սիրով կը դառնայ զինքը սնուցանող մօրը, ինչպէս բոյս մը սիրով կը դառնայ առ արեգակն որ իրեն արգասաւորութիւն կու տայ: Առջի սէրը բնազդում մըն է. ճշմարիտ սէրը՝ երախտագիտութեան կամ անձնանուիրութեան արդիւնք:

Նորածին մանկան մը առաջին խանդաղատանքը՝ սիրալիր են. դեռ չխօսիր, բայց արդէն սկսած է իր ձեռքերը երկնցընել

մօրը ևրևսին, անոր վրայ երկար ստեն կանկ կ'առնուն իր աչքերը, ու այլ և այլ նշանակներով՝ իր պզտիկ սրտէն գեղեալ սէրը կը յայտնէ: Երբ մայրը կը հեռանայ իրմէ, կը սկսի արտասուել. ու երբ կը տեսնէ թէ անիկայ ձեռքերը բացած է զինքն ընդունելու, կ'ուղէ ցատքել ու իյնալ անոր գրկացը մէջ: Քնանալու ատեն՝ երբ ճակատը կը խորշոմեցընէ ու շրթունքը կիսաբաց են, չես տարակուսիր որ իր մայրը կը կարծէ տեսնել: Արթնցած ատենը զինքը կը փնտռէ, կ'արտասուէ երբ զանիկայ քովը չիտեսներ. իսկ երբ անոր դառնալը կը նկատէ, երեսը կը զուարթանայ, արցունքը կը ցամաքին, ու մանկութեան գեղեցիկ ծիծաղը կ'երևնայ անոր այտիցը վրայ: Ու երբ քիչ ատենէն սկսի խօսիլ, իր գորովն ու խանդաղատանքը խօսքեր կը ճարտարեն՝ իր սիրոյն նիւթ և առարկայ եղող մօրը:

Այդ սէրը, այդ գաղտնի զօդը՝ որ զմայրը տղուն հետ կը միաւորէ, հաւասար սիրով մը կը ջերմացընէ իրարու մօտեցած երկու սրտերը: Տղուն սէրը՝ զարմանալի կերպով մը կը գլխաւորէ մօրը սէրը. վասն զի մինչդեռ երկրորդը անձնանուիրութեամբ կը սորվեցընէ, առջինն ալ անձնանուիրութեամբ կը սորվի: Դաստիարակու-

թեան ձեռնարկած այլ և այլ գործերուն մէջ սէրը շատ աշխատանք կը թեթեւցընէ, ուստի և կարևոր է որ մայրը գիտնայ ինքզինքը սիրելի ընել: Ասիկայ ճշմարտութիւն մըն է որ աւելի դիւրաւ կը հասկըցուի քան թէ կը բացատրուի. բայց տարակոյս չկայ որ տղուն բնածին խանդաղատանքը, երբ քաղցրութեամբ և իմաստութեամբ կսուսալարուի, երբ անօգուտ խըստութեամբ կամ սլարտաւոր ցրտութեամբ մը վտանգի մէջ չիյնայ, զօրաւոր զսպանակ մըն է, գործելու ապահով միջոյ մը:

Ինքզինքը սիրցընել գիտնալը, հնազանդեցընելու գիտութիւնն ունենալ ըսել է. վասն զի հնազանդութիւնը քաղցր է սիրով նուաճուած սրտի մը համար:

Մայրենի կառավարութեան մէջ ամէն քան դաշնակաւոր, արգար և ուղիղ պիտի ըլլայ. պէտք է որ տղայն տեսնէ զայն և իմանայ թէ հաստատուն կառավարութիւն մըն է՝ բայց առանց խստութեան. սիրելի՛ բայց առանց տկարութեան: Եթէ մօր մը հոգին՝ տղուն հոգւոյն արծազսնգն է, եթէ իր սիրտը միշտ բաց է անոր, պիտի հնազանդի և հպատակի. վասն զի պիտի սիրէ՝ և սէրը՝ ձգողութենէ առաջ եկած ոյժ մըն է:

Սիրող տղայն հակամէտ է ՚ի հնազան-

դութիւն, ինչպէս չսիրողն ալ ՚ի դիմադարձութիւն: Սիրող տղայն ուժով մը կը կըռթընի մօրը սրտին վրայ, կ'իմանայ անոր բաբախմունքը, անոր երեսէն՝ անոր շարժմունքէն կը փութայ դուշակել կամքն ու մտածութիւնը. անկէց կ'առնու իր ոյժը, ինչպէս իր սրտէն ալ ազդեցութիւնը:

Բայց մայրը երբ յօգուտ դաստիարակութեան կը գործածէ անոր սիրալիք խանդաղատանքը, պէտք չէ մոռնայ թէ վտանգաւոր զէնք մըն է գործածածը: Մանկութեան մաքուր սէրը, պատանեկութեան կրալից սէրը կրնայ ըլլալ. նոյն սէրն է՝ միայն թէ աւելի մեծցած. պէտք է ատենին առաջնորդել իրեն և ուղղել սիրտը:

Եթէ կիզիչ է այն սիրոյն բոցը, և կը սպառնայ կամ կրնայ օր մը հրդեհ մը ճարակել, պէտք է որ մայրը ջանայ չափաւորել՝ փոխանակ գրգռելու. և եթէ հարկ տեսնէ՝ սեղմէ մանաւանդ քան թէ թոյլ տայ որ ընդարձակի: Իսկ եթէ ընդհակառակն ջերմութիւն չունեցող բոց մըն է, արծարծէ զայն իր փչմամբը, բորբոքելու՝ քան թէ մարելու աշխատի: Այսպիսի կառավարութեամբ կրնայ չափաւորել կարգէ դուրս սիրող սրտի մը յուզմունքը, կամ թոյլ սրտի մը սէրը ջերմացընել: Սակայն չխաբուի. վասն զի սիրտը մտքի պէս ան-

սահման կատարելութեան մը ենթակայ չէ. մօրը աշխատանքը տղուն սրտին վրայ խիստ սահմանափակ է. բայց կրնայ քանի մը բանի մէջ կարգաւորուիլ, որպէս զի գործելու ատենը հարկ չըլլայ անհամարտ կերպով ինքն իրեն հարցընել թէ արդեօք աշխատանքը ակնկալութենէն անդին սլտի անցնի՞:

Եթէ տեսնէ որ սղայն ցուրտ սիրտ մը ունի, երկար կամ շատ սիրելու անընդունակ, սիրոյ վարժոցին մէջ դնէ ղինքը և անդադար հրահանգէ սիրոյ գործերուն և անձնանուիրութեան առաքինութեանց. այն ցուրտ սիրտը մօտեցընէ իր ջերմ սրտին, զինքը շարժելու օրինակները յիշեցընելէն չդադրի, ջանայ թրթռացընել բնութեան խորը եզած՝ բայց անգործ մնացած թելերը, և վստահ ըլլայ թէ կրնայ օր մը գեղեցիկ ներդաշնակութիւն մը լսել, կրնայ իր աշխատանքին յաջող ելքը տեսնել:

Բայց սիրող ու մեծանձն սիրտ ունեցող տղու մը կառավարութիւնը՝ աւելի փափուկ խնամոյ կարօտ է:

Տղայն՝ ընդհանրապէս կը սիրէ, վասն զի սիրուիլ կը սիրէ. ուստի իր սիրտը՝ թէպէտ ցուրտ ըլլայ բնութեամբ, թէպէտև գորովով լի, իր սիրոյն առաջին ղեղմունքը նոյն կ'ըլլայ, և մօրը երեսին վրայ հաւասարա-

պէս համրոյրներ կը դրոշմէ: Իսկ օտարաց նկատմամբ, ինչ ալ ըլլայ անոնց բնաւորութիւնը, մատնաւոր սիրոյ և համակրութեան նշանակ մը չեն ցուցըներ տղայք, մինչդեռ իրենց մօրը վրայ կը գուրգուրան խայտալով. վասն զի բնութիւնը՝ գեղեցիկ նախատեսութեամբ մը, խորունկ կերպով զանոնք միաւորած է այն անձին հետ՝ որ անոնց կեանք տուած է, և զիրենք պաշտպանելու և պահպանելու սլարտք մը ունի:

Կարգէ դուրս սիրով մը իրենց մայրերը սիրող սղայոց վրայ կը տեսնենք որ սըրտերնուն ղգացմունքը արտաքին նշանակներով ալ կը յայտնեն. արցունքով, անհանգստութիւններով և անդադար շարժմունքներով: Չանայ մայրը չափաւորել այս կարգէ դուրս ղգացմունքներն, այդ եռանդուն սրտերուն ապագային վրայ վախնալով: վասն զի եթէ ինքը չափաւորելու փոյթ չունենայ՝ տղուն ղգայունութիւնն ալ աւելի կ'աճի, կը մեծնայ, ու իրեն պատանեկութեան, հասուն հասակին և ինչուան ծերութեանը ատեն ահաւոր փորձանքներ կրնայ բերել իր գլուխը: Տարակոյտ չկայ որ մօր մը համար՝ այս ղգուշաւորութիւնը մեծ քաջասրտութիւն կը պահանջէ. վասն զի պէտք է որ ընդդէմ դառնայ այն ղգացման՝ որուն սիրալիբ նպատակն է, անոր

խանդաղատանքն արգելու ու գորովը չափաւորէ: Ուստի և բազմաթիւ են այն մայրերը որ այս ղգուչութիւնը աւելորդ կը սեպեն, վասն զի անոնց վտանգները տեսնելու խելամտութիւնը իրենց կը պակսի. աչուընին կը գոցեն և զարմանք չգար իրենց երբ եռանդուն սիրոյ նշանակներ կը տեսնեն անոր վրայ՝ զոր այնչափ գորովով կը սիրեն, և ուսկից քաղցր և սիրտիական է իրենց սիրուիլը: Սակայն երբէք պէտք չէ մոռնան թէ ինչ հետևորդ վտանգներու մէջ կրնան դնել անոր սիրտը, և թէ ինչ զառածմանց մէջ կրնայ իյնալ այնպիսի սիրտ մը՝ որուն զգացմունքը չափաւորելու փոյթ եղած չէ. վասն զի ինքը մայրն ալ ճանչցած՝ կամ գէթ գուշակած է թէ որչափ դառն են սրտի վշտերը: Ուստի պէտք է որ իր սրտին գոհութենէն աւելի նախամեծար համարի տղուն օգուտը. ղգուչանայ իր անձին տկարութեանը, և չմոռնայ թէ սիրտը՝ նոյն իսկ մանկութեան ատեն կրնայ փրկաւէտ հրահանգներու ենթակայ ըլլալ. ջանայ պահել անոր եռանդը, բայց գիտնայ միանգամայն կարգի դնել զայն: Որպէս զի եթէ տղայն իր երիտասարդ հասակին մէջ մտնէ այն մրրկալից գաւառը, ուսկից արդէն ինքն անցած է, այլ և այլ վշտերէ և այլ և այլ կործանումներէ աղատ ըլլայ:

Այսպէս տղուն սէրը անհրաժեշտ հարկաւոր է դաստիարակութեան յառաջադիմութեանն համար. վասն զի մօրը վրայ ունեցած սէրը կը կատարելագործէ, հնազանդութեան և միանգամայն կատարելութեան սէր կ'ազդէ. զօրաւոր գործակից մը կ'ընէ մօրը: Բայց որպէս զի այս ամէն գեղեցիկ վախճաններն ունենայ, պէտք է գիտնալ չափաւորել զայն. պէտք է գիտնալ՝ ատենին մարել մեծ բոց մը, որ ամէն օր մեծնալով, կրնայ ճարակիչ և ամենաձախ հրդեհի մը կերպարանք առնուլ:



Սէրը՝ սիրտը ջերմացընելով ու հնազանդութիւնը աղգելով, կը հաստատէ զիշխանութիւն և ուղղակի կերպով կը սատարէ դաստիարակութեան յաջողութեանը. բայց սէրը միայն բաւական չէ:

Իրմէ ետքը կու գայ երեակայութիւնը:

Սայն զօրութեան քով՝ որ բոլորովին զեղումն է, կարեւոր շափաւորող ոյժ մը կայ, կենդրոնացուցման ոյժ մը. և յիրաւի, սէրը կը շուայլէ, երեակայութիւնը կը ճոխացընէ:

Սէրը անդադար հոգին դուրս կ'երեցընէ, և իր մեծանձնութեամբը՝ շատ անգամ սիրտը՝ ուրիշի ապաշնորհ սրտի մը կը հանդիպցընէ: Իսկ երեւակայութիւնը՝ բոլորովին հակառակ աշխատութիւն մը կ'ընէ. կը տիրէ արտաքին առարկաներուն, մասնաւոր ուսում՝ մը կ'ընէ անոնց վրայ. զանոնք իրարու հետ կը բաղդատէ, և անոնց յատկութեանցը աւելի լաւ խելամոտելով, աւելի կենդանի և դիւրըմբռնելի առարկաներու հետ կը բաղդատէ ու կը հասկընայ:

Ամէն մէկերնիս՝ մտքերնիս բերելով մեր մանկութեան յիշատակները, կրնանք խելամուտ ըլլալ երեւակայութեան այս մասնաւոր դօրութեանը:

Այն տեղուանքն՝ ուր մեր կենաց առաջին տարիներն անցան, հայրենի տունը՝ երբ մտաւորական դաստիարակութիւննիս կատարելագործելու համար ստիպուեք ենք երկար ատեն անկէ հեռանալ, մեր ուսմանց ժամանակն անցուցած դպրոցնիս, մէյմէկ քաղցր կամ տխուր պատկերներ են, որոնց յիշատակը անջինջ կերպով տրպաւորուած է մեր մտացը մէջ:

Երեւակայութեան այս զարմանալի յատկութիւնը՝ նշանակ մըն է այն սլաշտաման դոր առաջին հասակին մէջ պիտի կատարէ: Ամէն բան կը մեծցընէ, և ընդհանրա-

պէս զեղեցիկ և հաճոյական գոյներով, որով կարող կ'ըլլայ մտաց հետաքննութիւնն արթնցընել: Կայծ մըն է որով միտքը կը բորբոքի, ու նոր աշխարհներ ու անասուններ կը պարզէ անոր առջև:

Կանուխ կ'արթընայ երեւակայութիւնը. և որուն յայտնի նշանակքը կրնանք տեսնել գրեթէ ընդհանուր մանկութեան ամէն գաղափարաց, մտածութեան ց և խորհըրդոց վրայ:

Անով երեւակայութիւնը սստար կ'ըլլայ դաստիարակութեան և օգնական մօրը, վասն զի տղուն սրտին մէջ սորվելու փափաք կ'արթնցընէ, ու հետաքնին կ'ըլլայ այն նոր աշխարհին՝ ուր խոհական ձեռք մը կ'առաջնորդէ իրեն: Մայրը կամ դաստիարակը՝ եթէ կը փափաքին որ իրենց տուած դասերը անօգուտ չըլլան, պէտք չէ անտարբեր աչքով նային երեւակայութեան օժանդակութեանը վրայ. այլ գիտնան օգտակար ընել այն կանխասկզս ազդեցութիւնը, ու չդադրին քաջալերելէն՝ ամէն օր անոր նորանոր սնունդ մատակարարելով:

Երեւակայութիւնն ալ՝ իր զառաժանքն ունի. ինչպէս չստիպաս մարդու, ասանկ ալ տղայոց կրնայ վնասակար ըլլալ:

Տղուն միտքը պատկերներով լեցուն է.

վասն զի անծանօթ աշխարհի մը մէջ կ'ապրի, և իր աչքին առջև անսահման զանազանութեամբ առարկաներ կան, որոնց համեմատութիւններն երբեմն իրեն սպառնալից կ'երևնան, կ'իմանայ թէ վտանգներու առիթ են. բայց իրենց երեւակայութեան գործունէութիւնն այնչափ է, որ գոհ չըլլալով իրաց համեմատութիւնները մեծցընելէն, երեւակայական վտանգներ կը ստեղծեն, և ահաւոր տեսիլքներով յանկարծակի վախու մէջ կը ձգեն զայն:

Տղայոց սովորական վախը երկու պատճառէ առաջ կու գայ: Կամ իրենց երեւակայութենէն և կամ երեւակայութեան զեղծմանէն:

Վախը ընդհանրապէս բնազդում մըն է, որ կը պահպանէ զտղայն իր տկարութեանը և անփորձութեան առջև ելած զիպուածներէն: Բնութեան նպատակն՝ սեռասակաց մշտնջենաւորութիւնն ըլլալով, հարկ սեպած է ամէն մէկուն իր հարկաւոր զէնքը տալ՝ չորս կողմն եղած վտանգներէն պաշտպանելու համար. կ'իմացընէ վտանգը, մանաւանդ թէ կը մեծցընէ ալ որպէս զի արթուն ըլլայ իր պահպանութեանը հսկելու. որչափ աւելի տկար է, այնչափ աւելի վախկոտ: Ուժով արարածը չվախնար, վտանգին չսպասեր, այլ կտոր-

ճութեամբ կը յաղթէ անոր. իսկ տկարը՝ ճայն մը լսելուն պէս՝ մէկէն կը փախչի, իր տկարութեանը և վախցած թշնամոյն մէջ եղած միջոցը կ'ընդարձակէ: Վախը օգտակար զգացմունք մը կ'ըլլար տղուն՝ եթէ իրեն պահպանութեանն ու պաշտպանութեան համար՝ զօրաւոր նեցուկ չունենար մայրենի ձեռքը: Վախը և անոր հետեանք խարդախ հնարագիտութիւններն՝ ճճեաց և ճճճղկանց պաշտպանութիւնն է. իսկ մարդս հրամայելու համար եղած է. քաջութիւնն՝ իրեն յատուկ առաքինութիւն մըն է. և պէտք է որ տղայութենէն սորվի յաղթել այնպիսի ազդեցութեան մը՝ որ մօրն հսկողութեամբը անօգուտ է իրեն համար:

Ուստի տղան բնականաբար վախկոտ է՝ թէ իրեն տկարութեան բնազդմանցն հետեւի, և թէ իր երեւակայութեանը գոհ ըլլայ, միշտ ընդունայն վախերով պաշարուած է: Ահաւոր հիւանդութիւն մը, յորմէ փութալու է զինքը բժշկել. կ'ապրի՝ ուստի պէտք է պատերազմի. վախին հետեանք է վատութիւնը:

Մայրերը, դաստիարակներ ու դայեակներ, վախը իրմէն փարատելու համար՝ զարմանալի միջոց մը կը գործածեն: Ահարկու պատմութիւններ կը պատմեն տղուն. գողերու, բերիներու, ստուերներու և ե-

րեակայական տեսիլներու։ Այսպիսի պատմութիւններով կը հանդարտեցընեն տըղայն, ու կ'ուրախանան որ անոր ձայնն ու արցունքը կրցան կտրել։ Այո, կը լուէ տըղան, կը դադրին անոր արտասուքը, վասն զի կը վախէ որ չըլլայ թէ այն ահաւոր էակները որոնց պատմութիւնն ըրիր, զան իր վրան ալ, կամ զինքը ծեծեն, կամ անունն յախշտակեն տանին։ Բայց լաւագոյն էր թող տալը որ արտասուէ, ընտրելագոյն անոր անհնազանդութիւնը, քան թէ սյգպիսի կերպերով զինքը հնազանդութեան և հանդարտութեան յորդորամիտ ընել։ Վասն զի խաբեցիր ու բռնկեցուցիր անոր երեակայութիւնը, վասն զի անոր միտքը ընդունայն գաղափարներով լեցուցիր։ Ալ անկէ ետքը կը վախէ գիշեր ատեն պատուհանէն դուրս նայիլ. կը կարծէ թէ փողոցներն լեցուն են նոյն էակներով որոնց ստուգութեանն քեզի մտիկ ընելով համողութեցաւ. տերեւներու խշրտայլը զինք կը դողացընէ, ոտքի ձայն մը կ'ահաբեկէ, մթընչաղ լապտերի մը սենեկին մէջ ձգած ստուերէն կը սարսափի. իսկ բոլորովին մութի մէջ գտնուած ատենը վախէն պիտի խենթենայ։ Այսպիսի տարապարտ վախերով ոչ միայն տղուն միտքը կը վնասուի, այլ նաև ինչուան նիւթական առողջ

ջութիւնն ալ կորսնցընելու վտանգի մէջ կ'իյնայ։

Ասանկ են ընդհանրապէս այն ահարկու պատմութեանց հետեւանքը, զորս կը պատմեն մանկանց։ Սոսկալի ու վախնալու առարկաներ անոնց մտքին առջև կը հանեն. ու երբ կը տեսնեն զանոնք ահուգոգի մէջ, քովերնին կը կանչեն, կը յանդիմանեն կամ կը ծիծաղին վրանին։ Տղան կը լուէ առ մութոյ. բայց վախը փարատած չէ սրտէն, այլ մանաւանդ թէ կրկնապատիկ եղած, և որ երբեմն ինչուան անբժշկելի ջղացաւութեանց առիթ կու տայ։

Տղոց մտքէն վախը փարատելու համար՝ մանաւանդ թէ հակառակ միջոց մը գործածելու է։ Սենեկին մէջ մինակ մնացած՝ անակնկալ վախ մը կու գայ վրան, ու դրեղ կը կանչէ։ Մէկէնիմէկ վազէ, անոր վախին պատճառն իմանալու համար։ Քուներկայութիւնդ իրեն վտահութիւն մըն է։ « Մայր իմ, բան չիկայ » պիտի ըսէ. ու աչուրները սենեկին չորս կողմը պտըտցընելով քու գիրկը պիտի ուզենայ իյնալ։ Մտադրութեամբ նայէ իրեն, մտիկ ըրէ. անոր երկչոտութիւնը մի ծաղրեր, վերիվերոյ մեկնութեամբ մը դոհ մ'ըլլար, և անանկ իրեն հաւտացու թէ դու ալ կը վախես։ Քու կերպէդ քաջալերուելով, ալ

և ալիտի չկենայ իր վախին պատճառը յայտնելէն: Այն ատեն պատասխան տուր իրեն. « Այո, որդեակ, իրաւացի է վախդ. ես ալ եթէ քու տեղդ գտնուէի՝ ալիտի վախնայի. ըսածիդ մէջ սովորականէ դուրս բան մը կայ. մօտենանք տեսնելու թէ ինչ է »: Թող որ տղայն ելլէ իր տեղէն քեզի ընկերանայ, ու տեղը չդառնայ՝ մինչև ձեռքովը չջօջփէ իր երկիրդին պատճառը: Այս կերպով իր երեւակայութենէն՝ վտանգաւոր սնունդ մը կը փարատես, հասկըցընելով վախին պատճառներն ու անոնց ընդունայնութիւնը, և վստահութիւնն ու հանգստութիւնը կ'երևնայ սրտին մէջ:

Կը գտնուին անխոհեմ ու ետև առջևն չմտածող մարդիկ՝ որ իրենց անմիտ հաճոյք մը կը սեպեն՝ տղայքը յանկարծակի վախցընել: Անակնկալ դէպք մը, աղաղակ մը, ասոնք են յաճախակի գործածուած միջոցները, որով կ'ուզեն կատակ մը կամ տղուն վրայ անակնկալ տպաւորութիւն մը ընել: Գիշտակ օրինակներ սորվեցուցած են թէ որչափ վնասակար են այսալիսի անխորհուրդ զուարճութիւններ. ինչուան տղայք եղած են որ վախերնէն մէկէնիմէկ խենթեցեր են, կամ ոմանք յանկարծամահ ալ եղած:

Փոխանակ կամաւ վախն արթնցընելու

տղոց սրտին մէջ, պէտք է քաղցրութեամբ խորհրդածել. ասիկայ ամենէն աւելի ապահով միջոց է զանոնք բժշկելու:

Երեւակայութիւնն՝ ուսկից ընդհանրապէս առաջ կու գայ վախը, ոչ երբէք կը մարի. իր ազդեցութիւնը կենաց չափ տեւական է. վասն զի մարդս իր բովանդակ կենացը մէջ ստանալու կարօտութիւն ունի. մինչև կենացը վերջին վայրկեանը աղքատ է և ձեռք կը տարածէ: Երեւակայութիւնն իրեն ետեւէն կուգայ, կը գտնէ զինքն ամէն հասակի մէջ, և իր քովը: Բայց մարդս խանգարած է Աստուծոյ գործը. երեւակայութիւնը տրուած է իրեն իբրև տարր մը իր բարեբաստութեանը. իսկ ինքը չարաչար գործածելով զայն, իրեն թշնամի ըրած է:

Այսպէս երեւակայութիւնը՝ անհոգ մօր մը ձեռք անօգուտ զէնք մը ըլլալէն ետքը, մարդուս ձեռքը վնասակար գործիք մը կ'ըլլայ, իր կրիցը հաճոյակատար ըլլալով. կարգէ դուրս զրգուռած տղայութեանը ժամանակ, այրական հասակին՝ խաբէութեան պատրանաց մէջ, անկարելի բարեբաստութեան մը ետեւէն կ'իյնայ: Բարեբաստութիւնն ունի և պէտք է որ ունենայ իր սահմաններն. երեւակայութիւնը չիճանչնար զանոնք:

Երևակայութիւնը պէտք է նախընթաց
 ըլլայ յուսոյ. վասն զի լուսագոյն աշխարհք
 մը երևակայելով, անաչառ արդարութիւն
 մը, տեսական և սուրբ յարաբերութիւն
 ներ, կը յուսանք Աստուծոյ նախախնամու-
 թեանը վրայ: Պէտք է որ անդադար երկ-
 նից փափաքի, և սակայն իր մտածմունքն
 երկրիս հետ է...

Սակայն մեր նպատակէն չհեռանանք.
 դիտաւորութիւննիս ուրիշ բան չէր՝ բայց
 եթէ ցուցնել թէ մայր մը ինչ օգտակար
 կերպերով կրնայ գործածել այս կարողու-
 թիւնը իր կարևոր և մեծ գործոյն մէջ, և
 թէ որչանի և որպիսի շարիք յառաջ կու
 դան զեղծանելէն:



Սիրով դիւրանսաց և երևակայութեամբ
 զգայուն տղայ մը՝ պէտք է օգնական ըլլայ
 նաև իր մտաւոր և բարոյական յառաջա-
 դիմութեան գործոյն՝ Մտադրութեամբ, ո-
 րով միայն օգտակար կ'ընէ իրեն զու-
 սումն:

Մտադրութիւնը այնպիսի առաքինու-
 թիւն մըն է, որուն սատարութիւնը էական

նապէս հարկաւոր է մօրը՝ որպէս զի կա-
 ռող ըլլայ յաջողի իր փառաւոր գործոյն
 մէջ: Մտադրութիւնը արգասաւոր կ'ընէ
 զուսումն, վասն զի կ'արդիւնաւորէ հնա-
 զանդութեան ընդունած և երևակայու-
 թեան ժողոված դասերը: Մտադրութիւնը
 պէտք է բնականաբար երևնայ, և դասէն
 ստացուած օգտակարութենէն յառաջա-
 գայի. այլ ոչ երբէք բռնութեամբ հրա-
 մայուելով. վասն զի բռնութիւնը կը նուա-
 ճէ զմարմին, կը ստիպէ երկաթի կամքի մը
 հպատակիլ, այլ կ'ապստամբեցընէ զհո-
 գիս:

Մտադրութիւնը փոփոխակի առաջ կու
 գայ ի հանձոյից և ի հետաքննութենէ. բա-
 րեմասնութիւն մըն է, զոր դժուարին է
 ձեռք ձգել, որուն կիրառութեամբը պէտք
 չէ գեղծանիլ, որ կամաց կամաց կ'աճի, և
 զոր պէտք չէ որ մայրը մէկէն իմէկ պահան-
 ջէ: Ապա թէ ոչ յոգնութիւնը չուտով վրայ
 կը հասնի, ապա ձանձրութիւնը, յետոյ
 ստեղծ. վասն զի պատուհասէ վախնալով
 երեսանց մտադրութիւն կը կեղծէ. վար-
 պետը կը խաբուի, և ուսումը անօգուտ
 կ'ըլլայ:

Տղան բնութեամբ թեթև է ու փոփոխա-
 միտ. յարատեութեան և հաստատամտու-
 թեան աշարմար, դիւրամէտ այլ և այլ

տալաւորութեանց: Այս բնական անհաստատամտութիւնը, գործունէութեան շարունակեալ կարեւորութիւնն, այս թեթեամտութիւնն ու անմտադրութիւնը անկէ առաջ կու գայ՝ որ մարմինը կազմակերպուելու համար պէտք ունենալով զանազան հրահանգաց՝ միտքը ոյժը չկորսնցընելու համար երկար հանգստեան կը կարօտի: Վերջապէս մտադրութիւնը կը ստացուի, բայց շատ համբերութեամբ և խնամօք: Անիկայ առաջնորդ մը պիտի ըլլայ տղայոց համար սահմանուած դասերուն ընդարձակութիւնն և պայմանը սահմանելու վասն զի առանց անոր դասերն անօգուտ կ'ըլլան, և պէտք է որ մէկէնիմէկ ընդհատուին վասն զի մտադրութիւնը միայն կրնայ երաշխաւոր ըլլալ ուսման սողողութեանը իսկ առանց անոր՝ աշակերտին միտքը հազիւ հարեանցի տալաւորութիւն մը կ'ընդունի, և նոր տալաւորութեան մը տեղիք կու տայ. առարկաները կ'անցնին, բայց չեն կրնար մնայ:

Մտադրութիւնը՝ տղուն մէկ ձիրքն է. բայց մօրը ձեռքն է իր խոհական կերպովը բարգաւաճեցընել զայն, կամ կանխաժաման սլահանջմունքներովը անօգուտ և փաստակար ընել:

Ցուցըցինք առաջ թէ որչափ հարկաւոր

է անկեղծութիւնը, և որչափ կարեւոր տեղ մը բռնած դաստիարակութեան մէջ. հոս ալ նոյնը կրնանք երկրորդել, թէ որչափ խեղճ է այն մայրը որ չիկրնար վստահ ըլլալ իր տղուն անկեղծութեանը վրայ: Վասն զի խիստ դիւրին է կեղծել զմտադրութիւն. հանդարտ, լռիկ, իրեն դաս կամ խրատ տուող մօրը քով կը նստի տղան. բայց խօսած ատենը՝ աշակերտին միտքը խիստ հեռու է իրմէ, և ուրիշ անծանօթ աշխարհներու մէջ թափառական: Իսկ մայրը խաբուելով, կը կարծէ թէ մեծ օգուտներ պիտի ձեռք ձգէ, ու կը յերկարէ իր դասախօսութիւնը: Ամեն դաս՝ աղէկ կամ օգտակար ըլլալու համար, պէտք է որ համառօտ ըլլայ. ասիկայ անփոփոխ սկզբունք մըն է: Պէտք է որ տղան ինքիմէ փափաք ցուցընէ սորվելու. ասանկով փափաքը կ'արթնցընէ զմտադրութիւն, հաճոյքը՝ ոյժ կուտայ, հետաքննութիւնը օգտակար կ'ընէ:

Յարատե մտադրութիւնը՝ ջանասիրութիւն (application) կը կոչուի: Մտադիր տղայ մը կը սորվի. վասն զի հաճոյք կամ շահ մը կը գտնէ ուսմանը մէջ. ջանասէր տղայ մը ուսման կարեւորութիւնը կը հասկընայ, և շարունակ փոյթ մը կը ցուցընէ իրեն տրուած դասին մտադիր ըլլալու:

ըողակութիւնը՝ գեղեցիկ բարեմասնութիւն մըն է. եթէ մտադրութիւնը քիչ է, յաջողակութիւնն ալ աւելի քիչ. բայց որչափ ալ քիչ ըլլայ՝ բոլորովին անշահատէր չէ: Փառասիրութիւնն, վարձք ընդունելու փափաքը, ուրիշներէն վեր ըլլալու ջանքը՝ իրենն սնունդ կուտան: Ինչ ալ ըլլան այն պատճառները՝ որոնցմէ առաջ կու գայ, մայրը պէտք է խրախուսէ զինքն ու քաջուերէ:

Այս բանիս համար՝ աշակերտին մտադրութիւնը՝ չէ թէ՛ անոր աշխատանքին բարեյաջող ելքը պատճառ կ'ըլլան վարձատրութեան աստիճանը որոշելու: Եւ յիրաւի. հաստատուն յարատեութիւն մը՝ հաստատուն փութոյ յայտարար է, երկարատե քաջասրտութեան, կամքի համբերող հրահանգութեանը, մինչդեռ յաջողամտութիւնը՝ դիրութենէ մը և պատրաստ խելամտութենէ առաջ կու գայ: Եթէ մայրը՝ արգասեացը համեմատ ուզենայ ջանքը դատել, քիչ անգամ իր դատաստանն արդար կ'ըլլայ. վասն զի կրնայ ըլլալ տղայ մը՝ որ շատ աշխատելէն ետքը՝ չափաւոր ելից յաջողութիւն մը ունենայ, մինչդեռ ուրիշ մը՝ գրեթէ առանց աշխատանքի, և իր մտաց յաջողակութեամբը կրնայ անկէ առաջ ալ անցնիլ:

Մտադրութիւնը՝ գործունէութենէ առաջ կուգայ: Պէտք է որ միտքը գործունեայ ըլլալ, գործունեայ մարմնոյ պէս. և ոչ երբէք թողուլ է որ տղան թոյլ ծուլութեան մը մէջ խնայ: Անոր համար պարտեկան է մայրը հսկել՝ որ չըլլայ թէ տղայն վայրկեան մըն ալ անդբաղ մնայ: Երբ անոր վրայ նկատէ նշան մը, կամ խօսքերէն իմանայ թէ ճանճրութիւն մը կայ, մէկէնիմէկ գործունէութեան միջոց մը գտնէ, մտադրութեան նիւթ մը, որ կրնայ թէ ուսումն ըլլալ և թէ խաղ:

Գործունէութեան կը վարժի մարդս, ինչպէս որ ծուլութեան կրնայ վարժիլ. անզբաղ տղայ մը կամաց կամաց մտաւոր թմրութեան մը մէջ կ'իյնայ, և անոր հետեանք է ճանճրութիւնը, այն տխուր վէրքը՝ որով շատերուն կեանքը թէ իրենց և թէ ուրիշներուն բեռ մը կ'ըլլայ և անօգուտ:

Պէտք է ուրեմն մայրը քաջալերէ իր տղուն մտադրութիւնն և յարատեութիւնը, գիտնալով թէ այդ երկու յատկութիւններն մեծապէս օգտակար են իր դաստիարակութեան վերջնական յաջողութեանը համար. զօրաւոր կերպով օժանդակ են դարձեալ ընտելութեան կազմութեանը. վասն զի հոգւոյն ճշդութիւն և հաստա-

տութիւն մը կ'ընծայեն որ զօրութեան ճշմարիտ խարիսխներն են:

Մտադիր միտք մը միանգամայն զիտող միտք մըն է: Մտիկ կ'ընէ, կը նայի ու կ'ըմբռնէ. իրեն համար բնութիւնը, աշխարհք՝ գերագոյն վարժապետք են ուսման, և գիտէ անոնց տուած դասերէն օգուտ քաղել. զարգարել միտքը այլ և այլ փորձառութիւններով, և անոնց ամէն վերաբերութիւններն անաշխատ ըմբռնել:

Մտադրութիւնը՝ հաստատամտութիւն և ապահովութիւն կու տայ խորհրդոց սահման կը դնէ երեւակայութեան, կը ձեւացընէ դատողութիւնն և ախորժակը, և բարոյական զգացմունքը կ'աճեցընէ, իր հանճարոյն ամէն ոյժը արդիւնաւոր կ'ընէ:

Անմտադիր մարդուն համար՝ անօգուտ են երեւակայութիւն, տեղեկութիւնք և գիւրութիւն. անվարժ գործաւորի մը կը նմանի, որուն ձեռքին մէջ գեղեցիկ գործիներ ըլլան, բայց ինքը չի կրնար անոնցմէ օգուտ մը քաղել: Իր այլ և այլ միջոցները՝ շատ շատ նշանաւոր անձ մը կարեւան ընել զինքը ընկերութեան մէջ, վայրկենական փայլ մը տալ անոր. բայց ոչ երբէք կրնայ հաստատուն, տեւական, մեծ և կատարեալ գործ մը արտադրել: Իր բնաւորութեան թեթևութեամբն ու անհաս-

տատութեամբը՝ անկարող կ'ըլլայ շարունակեալ ուսման մը զբաղիլ. շատ բանի ձեռք կը զարնէ, բան մը չկրնար լմնցընել. իր մտացը մէջ խորհուրդներ կը գեղանին, որոնք կրնան մեծամեծ աղէկութեանց առիթ ըլլալ. իր գաղափարաց վրայ եռանդեամբ ամենուն հետ կը խօսի, առանց կարենալու շէնք մը բարձրացընել անոնց վրայ. վասն զի մտադրութիւնը կը յոգնի, և իր անհաստատամտութեամբը նորանոր գաղափարներու ձեռք կը զարնէ, որոնք առջիներուն վիճակը պիտի ունենան: Ասանկով անպտուղ կը մնան իր գեղեցիկ յատկութիւններն. իր ամէն ձիրքերովն ալ անգործութեան դատապարտուած է. կը զուարճանայ, բայց ոչ երբէք կը հրահանգի:

Ուրեմն հարկաւոր է մարդուս մտադրութիւնը, ինչպէս հարկաւոր է տղուն. բայց մանաւանդ հարկաւոր է մօրը, վասն զի պտղաբեր կ'ընէ անով տղուն ուսումը, վասն զի սնտար կ'ըլլայ անոր կտրիճ ջանիցը:



Իսաստիարակին ջանքը պտղաբեր ընելու համար՝ վերջին օժանդակ մը կը մնայ. և է Յիշողութիւնը:

Եթէ մտադրութեամբ՝ երեւակայութեան ամկտփած պատկերները կ'ըմբռնէ, յիշողութիւնը զանոնք կը պահպանէ. հաստատուն կ'ընէ անոնց յիշատակը, ու կը պաշտպանէ մոռացութեան դէմ:

Յիշողութիւնը՝ բնութեան տուրք մըն է. բայց քուն կամ արթուն կ'ըլլայ՝ վրան եղած անհոգութեան կամ փութոյն համեմատ: Մայրը մեծ ազդեցութիւն ունի տղուն յիշողութեանը վրայ. պէտք է անդադար նորոգէ այն փորձերը՝ որ տղուն կարողութիւնը պիտի ճանչցընեն իրեն. բայց ասոր մէջ ալ չմոռնայ չափաւորութիւնն և անոր ուժոյն համեմատութիւնը:

Պատուական է յիշողութիւնը. վասն զի դաստիարակութեան մէջ այն խոհական տնտեսին պաշտօնը կը կատարէ, որ կը շտեմարանէ զցորեան: Իր գլխաւոր գործն է՝ տպաւորել տղուն մտացը մէջ բնութեան առաջին տեսարանները, մօրը առաջին

խրատները, փորձառութեան առաջին դասերը. մեծամեծ Հարստութիւններ կը ժողովէ, ու ըստ ժամանակին զանոնք կարգի կը դնէ և կը պահպանէ:

Տղուն յիշողութիւնը պէտք է կանուխկեկ վարժեցընել, բայց առանց յոգնեցընելու. իմաստութեամբ չափաւորուած կրթութիւն մը՝ կ'ընդարձակէ անոր գործը և միջոցները. եթէ զեղծանելու ըլլայ, ամէն միջոցներն ու գործունէութիւնը կը վերցուին իրմէ. կամաց կամաց կը տկարանայ, և բուն զօրութեանը ժամանակին՝ մահազուկոց թմրութեան մը մէջ կ'իյնայ:

Մայրը կրնայ օգտակար կերպով կրթել տղուն յիշողութիւնը յաճախ հարցմունքներ ընելով իր տպաւորութեանցը, մտքին մէջ եղած յիշատակներուն և խաղերուն վրայ, ստիպելով զինքը որ յաճախ իր մտածութիւնը մի և նոյն առարկային վրայ ամփոփէ. նոյն օրուան մէջ պատահած ու իրեն ծանօթ անցիցը մանրապատում նկարագիրն ուզէ, կամ իրեն վրայ տպաւորութիւն ըրած կամ աչքին առջև հանդիպած դէպքի մը ստորագրութիւնը: Նրջագայութեանէն դառնալէն ետքը կրնայ հարցընել տեսած քաղքին, դաշտին կամ լեռներուն վրայ և քննել վրան ըրած տպաւորութիւնն. երբեմն երբեմն նորոգէ այն հարցմունքը.

ներն՝ մանուսանդ այն բաներուն վրայ որ աւելի հետաքննական են. և եթէ բան մը մոռնայ իր պատմութեանը մէջ, դուրս ձգած պարագաները իրեն յիշեցընէ; և այնպէս վարժեցընէ զինքը միտքը պահելու:

Գեղեցիկ միջոց մըն է ասիկայ՝ եթէ իմաստութեամբ ՚ի գործ դրուի: Սակայն ընդհանրապէս այս կերպով չըլլար տղայոց յիշողութեան կրթութիւնը: Հազիւ թէ սկսած են կարգալ, դիմացինն այլ և այլ հատուածներ, առականը կը դնեն որ սերտեն. իսեղճ տղաքը կը սկսին հեգել, իրենց ամէն ճիգն ու փոյթը բանեցընելով. և վերջապէս կը յաջողին բերան առնուլ. կ'արտասանեն՝ բայց առանց հասկընալու:

Կը գտնուին այնպիսի մայրեր որ իրենց տղայոց այս յաջողակութեանը վրայ կը զարմանան, ու ինչուան բարեկամաց և մտերմաց առջև կը պարծին: Սյո՛, յոգնեցուցեր են զտղայն, աւելորդ բաներով բեռնաւորելով անոր յիշողութիւնը: Վասն զի տղայն մեքենայի մը պէս սորվածին ոչ իմաստը հասկըցած է և ոչ բարոյականը: Սյո՛ պիտի յաջողակութիւն ունեցող տղայն ուրիշ բանի չնմանիր՝ բայց եթէ ծառի մը որ աչնան վերջերը լեցուն է տհաւ պտուղներով. ծառին տերեւները չորնալով, պտուղներն ալ անօգտակար կերպով կը թօթափին կ'իյնան:

Մեր փափաքն ու առաջարկութիւնն այս է՝ թէ տղայքը իրենց առջի հասակէն պատրաստելու է ուսման ժամերու, բայց այդ ուսման ժամերը դեռ եկած չեն: Գաստիարակութեան վերաբերուալ նիւթոց մէջ ոչ անհագութիւն ընելու է և ոչ ալ փութալու:

Գ Լ Ո Ւ Խ Հ Ի Ն Գ Ե Ր Ո Ր Դ



Մօր մը իմաստուն խնամքներովն, ու մանաւանդ գործունէութեամբ՝ արդէն տըղան ունի զսէր, որով կը հնազանդի. զերեւակայութիւն՝ որով կ'ըմբռնէ, մտադրութեամբ՝ խորունկը կը թափանցէ, և յիշողութեամբ՝ այնչափ աշխատանքով ստացած կարողութիւնները կը պահպանէ: Բարոյական ու մտաւոր դաստիարակութիւնը՝ պտղաբեր կերպով իրարու կը մօտենան. ընտիր ցորեանը՝ անպտուղ դաշտի մը մէջ չիյնար, վասն զի մայրը արդէն երկիրը պատրաստած է: Յամբ՝ բայց ապահով կերպով կը յառաջադիմէ դէպ իւր մեծ աշխատանքը. իր խոհականութիւնն,

անձնանուիրութիւնն և սերը ոչ երբէք յող-
նած են: Տղուն կարողութիւնները կը մե-
ծնան, բայց միշտ իր աչքին առջև:

Այն արգասաւոր դաշտին մէջ քանի մը
բողբոջներ կը սկսին երևնալ. ասիկայ
քաղցր խոստմունք մըն է, եթէ մշակու-
թիւնն անօգուտ կերպով եղած չէ. վասն
դի արդէն կը սկսի տունկը պտղաբերել, ու
անանկով մօր մը երկար աշխատանքը՝ ա-
ռատապէս վարձատրուած են:

Բողբոջին անձնանուէր է ՚ի դաստիա-
րակութիւն. առջի ժամէն՝ եռանդեամբ
ինքզինքը գործելու տուած է. ուստի և
դաստիարակութեան գործը կատարելա-
պէս ալ չլմընցած, իր անխոնջ գործու-
նէութեան պտուղները կը սկսի քաղել:

Եւ յերաւի. որչափ գեղեցիկ է այդ պղտի
արարածը, այլ և այլ շնորհքներով զար-
դարուած, և ամէն ակնկալութիւններով
գեղեցկացած: Կը սիրէ իր հայրը, կը սիրէ
իր մայրը, և մէկէն մէկալին կը վաղէ սիրոյ
համբոյրներ ընդունելու և տալու համար:
Տխեղձ հասակէն սկսած է սովորիլ, ուստի
բնականաբար ճկուն ճիւղ մըն է, որ առանց
դիմադարձութեան դիւրանսաց կը հալա-
տակի մայրենի կամաց սիրալիր ակնար-
կութեանցը:

Կենաց առջի տարիները, դաստիարա-

կութեան նկատմամբ ամենակարեւոր տա-
րիներ են. անոնցմէ՝ կը կախուին դալու
տարիներն ալ. ուստի և դաստիարակու-
թիւնը որրանէն սկսելու է: Նկատելու հա-
սակը՝ երկուքէն եօթնին մէջ եղած միջոցն
է. անկէ ետքը ծառ մը կ'ըլլայ, ոչ ևս ճկուն
ճիւղ մը, զոր եթէ ուղեմաս՝ շտկել՝ ոչ միայն
մեծ դժուարութիւն կը կրես, հասպա նաև
ինչուան կրնաս կոտրել:

Երանի այն խոհական մօրը՝ որ իր ժամա-
նակը կորսնցուցած չէ, Արդէն նկատե-
ցինք զինքը այս էական գործոյն մէջ. վասն
դի կարգաւորեց տղուն բնազմունքը, բա-
րի ոճակութիւններ իրեն ազդելով, և կա-
մաց կամաց ուղղեց զինքը ՚ի հրահանգս
բարւոյ: Վրայ հասան տղուն բարոյական
կատարելութիւններն. մէկէնիմէկ ջանաց
տիրել անոնց վրայ, և անոնց ամէն մէկուն
ճամբան գծեց ապահով ձեռքով մը:

Սիրով բորբոքուած, մանաւանդ թէ յԱս-
տուծոյ լուսաւորուած, ոչ երբէք խաբուե-
ցաւ իր դաստիարակութեան այլ և այլ մի-
ջոցներուն մէջ:

Այսպէս արագ արագ կը յառաջադիմէ
դէպ ՚ի իւր նպատակը. հորիզոնին վրայ կը
սկսին հեռաւոր մէգերը փարատիլ, կրնայ
տեսնել ու ճանչնալ թէ մոլորած չէ: Վասն
դի ամէն բան առաջուց տեսած է. և առա-

ջին արգելքներուն դիմաց՝ որոնք այնչափ փոքրոգի մայրեր վհատեցուցած են, արու-
թեամբ ու բարեբաստիկ յաջողութեամբ
քալած անցած է:

Թերևս յոգներ է. վասն զի ծանր է իր
գործը. դեռ աւելի դժուարին պատերազ-
մներ իր առջևը պիտի ելլեն, բայց պէտք
չէ ամենեւին քաջասրտութիւնը կորսնցը-
նել. հանգստութիւնը քիչ ատենէն կը հաս-
նի. իրաւ համեմատական հանգիստ մը,
բայց փառօք ի հանգիստ մը վերջին կուռի
մը, գերագոյն կուռի մը, չար հոգւոյն հետ
երես առ երես մրցելէն ետքը:

Մեր ենթադրած վիճակին մէջ, հոգին
որուն ներկայութիւնը նշանակեցինք, ար-
դէն զօրացած է. կ'երևնայ մեծավայելուչ
բայց դեռ ևս յանստուգութեան. իրեն
նախընթաց են այլ և այլ կարողութիւններ,
որ մէկիկ մէկիկ երևցած են, ծանուցանե-
լով անոր երևնալը, և որոնք արդէն ա-
ռաջին ուսում մը ընդունած են: Աչալուրջ
մայրը տեսեր է հոգւոյն կարողութեանց
արթըննալը, և յուզեալ և երախտագէտ
սրտով մը գետին ինկեր է, լսելով իր սըր-
տին մէջ Աստուծոյ ձայնը, թէ «Տուր ինձ
զսիրտ ք: ու մէկէնիմէկ ետևէ եղած է այս
քաղցր հունձքը քաղելու»:

Դաստիարակութիւնը կարգի գործ մըն

է: Մարմինը, սրտի առաջին կարօտու-
թիւնները, մտաց առաջին՝ բարեմասնու-
թիւններն ունին իրենց ժամանակը. պէտք
է որ հոգին ալ ունենայ իրենինը:

Կան այնպիսի մայրեր որ միայն սիրոյ
եռանդեամբը կը կառավարուին, առանց
այն սիրոյն առաջնորդ ունենալու զխոհա-
կանութիւն. կարգէ՛ դուրս կը խնամեն
տղուն մարմինը՝ երբ այն մարմինը ալ այն-
չափ կարօտ չէ այդ խնամոցը, իսկ հոգին
ամէն կարօտութիւն ունի: Համառօտիւ մը
նշանակեցինք անոր վտանգները՝ նկատ-
մամբ բնականին և առողջութեան. բայց
բարոյական աշխարհին մէջ շատ աւելի
մեծ է չարը, և որուն չեն ուզեր խելամուտ
ըլլալ մարք:

Կը զարդարեն, կը պճնեն, կ'իւղեն անոր
մարմինը, երեսի վրայ ձգելով հոգին, այն
անմահ հոգին՝ որ 'ի դուր կը պահանջէ զու-
սումն:

Զանիկայ պէտք էին զարդարել, զանի-
կայ պէտք էր բոլորով սրտիւ սիրէին:

Եւ սակայն երեսի վրայ ձգած են, իրենց
սիրելի զաւկին մարմնոյն պաշտօն տանե-
լու համար. ամենեւին փոյթ չունին հո-
գւոյն. անանկով նիւթականը կը բռնանայ,
մարմնոյ կարողութիւնը պատճառ է իր
տկարութեանը. վասն զի հոգեկանէն հե-

ուանայով, կը մօտենայ նիւթականին, որ նիւթականէն հեռանայով կը մերձի հոգեկանին:

Այսպէս մարց կոյր խանդաղատանքը պատճառ եղած է սփռելու յաշխարհի անպատիւ զգայականութեան մը առաջին սերմունքը:

Փոխանակ անձնասիրութեամբ սիրելու զտղայն, փոխանակ իր վրայ քու անձդ սիրելու, սիրէ հոգւովդ, քրիստոնեայ մայր, որ գեղեցիկ վիճակ մը կը փափաքիս քու զաւկիդ, բարեբաստիկ ապագայ մը քու դստերդ: Մի մոռնար թէ վաղանցուկ և ոչինչ է անոնց մարմինը, և թէ աստուածային կայծ մը կայ անոնց մէջ. յիշէ թէ ամենէն աւելի գեղեցիկ ծաղկըները, ամենէն աւելի համեղաճաշակ պտուղները՝ ուրիշ բան չեն, բայց ազնիւ մանեւարք՝ որոնցմով բնութիւնը սերունդը կը պահպանէ, կեանքը մշտնջենաւորելու համար:

Մարմինը գերի մը պէտք է ըլլայ, հնազանդ և յորդորամիտ ՚ի հպատակութիւն այդ խորհրդական իշխողին, որ աւանդ, շատ անգամ խոնարհած ընկած է իր փառքէն, կորսնցուցած իր պետութիւնը: Հազիւ երբեք կը խորհրդածենք այս մեծ հշմարտութեանց վրայ: Օրերը կ'անցնին, առանց իսկ քննելու թէ ինչպէս կ'անցնին այդ

օրերը: Մարց մեծագոյն մասը՝ քունի կամ պատրանաց մէջ են. անգործ կը կենան, և ոչ իսկ ուզելով անդրադառնալ թէ հոգի մը կայ հոն, նեղութեան և տագնապի մէջ հոգի մը, որ ուրիշ հոգիէ սփոփանք և օգնականութիւն կը փնտռէ:

Յաճախ խիստ ուշ ձեռք կը զարնուի հոգւոյն դաստիարակութեանը: Անառաջնորդ կը ձգենք գինքը, անխնամ ինքն իրեն, բիրաւոր վտանգաց մէջ. և ինչուան բանականութեան կոչուած հասակը (7էն մինչև 9) և ոչ իսկ կը նայուի վրան, թող թէ փնտռել թէ ինչ խնամոց կարօտ է, և կամ որ բանին փափաք կը ցուցնէ: Եթէ ուշանաք, ձեր ջանքն ընդունայն կ'ըլլայ, անհոգ ու յանցաւոր մայրեր. կամ գէթ ձեռուընկդ ընկած օգուտը անկատար: Չեր անցած աշխատանքները, նոյն իսկ ձեր անձնանուիրութիւնն ու սէրը՝ չեն կրնար երաշխաւոր ըլլալ ձեր ապագային համար. վասն զի այն ստենը յորում երեսի վրայ ու անխնամ ձգած էիք հոգին, թշնամին վրայ հասաւ, սողոսկեցաւ՝ ներս մտաւ խաւարին մէջէն, ու արգելք մը չգտնելով դիմացը՝ ծածուկ աւարառութիւններ ըրաւ:

Հոգին ինչպէս որ ելած է Աստուծոյ ձեռքէն՝ բնութեամբ բարւոյն կը փափաքի: Դերագոյն վիճակ մը ունի, բայց անգէտ է

և տկար. չարը, սկզբնական յանցանաց տխուր հետեւանքը, ահաւոր դորութիւն մըն է: Կայ ու կը սպառնայ, բայց նոյն իսկ իր ներկայութիւնը երկրիս վրայ՝ գեղեցիկ վկայութիւն մըն է մարդկային աղատութեան:

Ո՛վ մայրեր, կսռաւլարեցէք հոգին, ուղղեցէք ձեր փորձառութեամբը, որպէս զի մանուկը կամաւորաբար ընտրէ զբարին, և ահաբեկելով հեռանայ ՚ի չարէն:

Մարք՝ իրենց զաւակաց հոգւոյն պահպաններն են: Աստուած իրենց յանձնած է ամենէն աւելի պատուականագոյն բանը, նորահաս հոգիները, որոց պիտի առաջնորդեն, և զորս պիտի պատրաստեն երկնից համար: Ի՛նչ պատասխան պիտի տան այդ անհոգ մայրերը, երբ իրենցմէ համար ու հաշիւ պահանջուի: Անոնց հոգին կամ բարձրացած է և կամ նուաստացած. թէ սուրբ ըլլայ և թէ ապականեալ, միշտ իրենց գործն է, և ծանր ու ահաւոր պատասխանատուութեան մը տակ կը գըտնուին:

Հոգին կրնայ չարը ընտրել, ինչպէս նաև կրնայ ընտրել զբարին: Չարը ռիսիքիմ թշնամի մըն է. մարդուս անհնազանդութիւնը խզեց անոր շղթաները, ուստի և հոգւոյ տիրապետելու փափաքով վառուած,

անդադար կ'աշխատի մոլորեցընել զմարդիկ, կը նեղէ ու կը դարանի. դուրսն է՝ բայց միշտ պատրաստ ներս մտնելու: Չարը՝ հոգւոյ էութեան մէջ չէ. բայց որովհետև մեծ է իր աղքեցութիւնը, իր օրինացն առջև կրնայ հոգին խոնարհիլ, կըրնայ կամաւորապէս հնազանդիլ իրեն:

Աստուած՝ ամէն սրտերու նոյն սրբութիւնը, նոյն յարմարութիւնը տուած է բարւոյ. աշխարհիս վրայ մէկ օր մը միայն ապրելու համար եկած է սյդ արարածը, և կը սպասէ երկնից. ումէն մարդիկ հաւասարապէս հրաւիրուած են յաւիտենական ուրախութեան. սնոր մէջն է մարդկային հուսասարութեան մեծ օրէնքը: Սյդ հոգիները մէկտեղ կը ժողովուին, մէկ նպատակի կը զիմեն, և որուն ամէնքը իրաւունք և պարտք ունին փափաքելու. բայց դաստիարակութեան դանաղանութեամբը՝ յաճախ իրենց կոչմանէն կը վրիպին:

Հոգւոյն հետ նոր կարողութիւն մըն ալ կու գայ, իրին մասնաւոր և յատուկ կարողութիւն մը, և որուն վրայ պէտք է որ մայրը մէկէնիմէկ իշխէ. — խզմտանքը:

Խզմտանքը գերադոյն կերպով մը կը ստէ անսնց կարծիքը՝ որ զմարդ հպատակ կ'ենթադրեն, անպաշտպան, և հարկաւ ընդ իշխանութեամբ չարի:

Չարը՝ միշտ ահաւոր թշնամի մըն է։
խղճմտանքը յառաջապահ պահպան մը, որ
իր ճայնովը վտանգը կ'իմացընէ։

Ինքն է մարդկային պատուութեան ուղ-
ղիչը. վասն զի հպատակութեամբ սկսուած
դաստիարակութիւնը՝ պէտք է որ պատու-
թեամբ գլխաւորի։

Պէտք է որ մայրը մեծարէ տղուն խիղ-
ճը. նոյն խկ տխեղծ հասակին մէջ ճանչ-
նայ անոր ներկայութիւնը. ոչ երբէք ջա-
նայ խաբել զայն, այլ ընդ հակառակն՝ գիտ-
նայ իրարու հետ հաշտ պահել զանոնք,
տղուն այնպիսի դաստիարակութիւն մը
տալով՝ որ չհակառակի խղճի թելադրու-
թեան և սկզբանքը։



Մարդս աշխարհք կու գայ՝ իրեն հետ
մէկտեղ բնածին զգացմունք բերելով ար-
դարոյն և անիրաւին։ Ի պատկեր Անոր
ստեղծուած որ անսահման արգարութիւն
է, աղօտ նմանութիւն մը պահած է վրան
այդ աստուածային գաղափարին։

Պէտք է մայրն մեծ զգուշութիւն և խու-
հեմութիւն բանեցընէ՝ որ այս փափուկ

զգացմունքը չվիրաւորուի։ Այն զգաց-
մունքն՝ որով կը զանազանենք իրարմէ
զարդարն և զանիրաւ, կը կոչուի խղճ-
մտանք։ Ընտիր և պատուական բեւեա-
ցոյց մը, որ պիտի առաջնորդէ նաւուն,
մըրկալից ծովերու մէջ մտած ատենը, չըլ-
լայ թէ խորտակէ մայրը այդ գործիրը՝ դեռ
չգործածած. չխարդախէ կամ երեսի վրայ
չձգէ. այլ մանաւանդ ետեւէ ըլլայ աւելի
զգայուն և աւելի ճիշդ ընել զայն։ Ամէն
բանէ աւելի՝ խղճմտանքով կը յայտնուի
իր սկզբնական անմեղութիւնը. և ինչպէս
Աստուած անսխալ է, որովհետեւ բոլորովին
ճշմարտութիւն և արգարութիւն է, 'ի
պատկեր Աստուծոյ ստեղծուած մարդն
ալ կը կրէ յինքեան հեռւոր անդրադար-
ձութիւն (reflet) մը ամենայն ճշմարտու-
թեան և արգարութեան. խղճմտանքը թող
կուտայ իրեն տեսնել ինչ որ երես առ ե-
րես չկրնար նկատել. խղճմտանքը կ'իմա-
ցընէ իրեն ինչ որ գեղեցիկ է, ճշմարիտ և
արդար. կը մղէ զինքը անոնց մօտենայու։

Խղճմտանքը՝ Աստուծոյ պարզ և մըն է։
Հաւատարիմ ընկերակից հոգւոյ, մխիթա-
րիչ մըն է՝ որ մարդկանց անիրաւութեանը
պատճառաւ թափուած արցունքները կը
սրբէ. ճառագայթ մըն է յաւիտենական
հրոյն, բնածին գիտութիւն մը ճշմարտու-
թեան, և ոչ արդասիք բանականութեան։

Սակայն ոմանք, ազատախոհք կամ փիլիսոփայ կարծուած անձինք, ասանկ կը կարծեն, այլ կը խաբուին:

Այո՛, բանականութիւնը ուշ կ'արթըննայ տղուն վրայ. այլ և այլ յառաջընթաց զգացմունքներ և ախորժներ կան, սակայն կենացը առջի ժամէն խղճմտանքը կ'երևնայ անոր վրայ: Ի՛նչ սրտածմլիկ ազաղակներ, ո՛րչափ անցամաքելի արտասուք, անակնկալ գրգռութիւններ, մինչդեռ նորածին տղան խօսքէ դուրկ է, յայտնի կերպով կը բացատրեն քեզի անոնց սլատճառը, միայն եթէ ուզենաս հասկընալու հետամուտ ըլլալ:

Վասն զի արդարոյն կամ անիրաւին զանազանիչ զգացմունքը, որ կը հսկէ սլտի արարածին վրայ, գաղտնի կերպով վիրաւորուած է. իրեն առջևը՝ ճշմարտութիւնը ճանչցուած չէ, արդարութիւնն արհամարհուեր է. անոր համար կը բարկանայ կամ կ'արտասուէ, իր կրցածին չափ ուզելով հասկըցընել բարկութիւնն կամ յուսահատութիւնը:

Բանականութիւնը խղճմտանքին ապահովութիւն մը, ճշգրտութիւն և որոշողութիւն մը կու տայ որ առջի բերանը իրեն կը սկսի սի. կ'ընդարձակէ խղճի իշխանութիւնը՝ ու անտեղիտալի հիմանը վրայ կը հաստատէ: Ուստի բանականութիւնը դաստիար

րակութեան վերջին գործն է. անոր առջևը ալ մայրը կը քաշուի, վասն զի մարդը կատարեալ է: Կրնայ դեռ խորհրդատու ըլլալ իրեն, հեռուանց առաջնորդել, յանուն իր փորձառութեան և սիրոյն խօսիլ հետը, բայց ալ չկրնար հրամայել: Բանականութեամբ զարգացած խղճմտանքը սահմանած է անոր իշխանութեան վախճանը:

Բայց այս կատարեալ աստիճանին չհասած՝ արդէն կայ խղճմտանքը. և որպէս զի համոզուիս թէ ամենէն աւելի տկար բանական էսկն ալ, որրանին մէջ եղող մանուկն ալ ունի զայն, կրնաս փորձ մը փորձել:

Օր մը երբ մանկիկը ուրախութեան և խնտումի մէջ է, իրեն առջև յայտնապէս անիրաւ գործ մը ըրէ: Օրինակ իմն, խանդաղատէ գորովանօք կատուի մը կամ ջընկան մը վրայ, ու ետքը առանց պատճառի առ գետինը զարկ կենդանին, կամ քեզի հետ ակնածութեամբ և մեծարանօք խօսող ծառային բարկութեամբ և արհամարհանօք պատասխան մը տուր: Մէկէնիմէկ կը տեսնես որ տղուն վարդատիպ շրթանցը վրայ ծիծաղը կը դադրի, ճակտին վրայէն կը հեռանայ ուրախութիւնը, կը սկսի արտասուել, և իր տժգոհութիւնը ցաւագին ազաղակներով յայտնի ընել:

Անարդար գործ մըն էր ըրածդ, և մանկիկը ահաւաստիկ կը բողոքէ քու անիրաւութեանդ դէմ:

Այն խնամքն՝ որով ուզեր է Աստուած մեր անկատար բնութեան մէջ այդ ազնուական զգացմունքը դնել, այս նուիրական հրատը՝ որ ուրիշ ամէն կարողութեանց քունի մէջ եղած ատենին ալ կը փայլի, այս տկար կայծը՝ յաւիտենական ճշմարտութեան և անփոփոխ արդարութեան, քեզի կը ցուցնէ թէ որչափ դուխաւոր մաս մը պիտի ունենայ խղճմտանքը կենաց գործերուն մէջ:

Վարժեցուր տղայն՝ այս կենդանարար աղբերը դիմելու, այդ անխաբ առաջնորդին ամէն կերպով վստահելու, քանի որ դժբաղդաբար մոլորած չէ. այնպիսի կերպով մը զինքը կրթէ որ իր ամէն՝ նոյն իսկ դուզնաքեայ կարծած գործերը, անոր հաւանութեամբն ընէ:

Խղճմտանքին հաւանութեանը արժանի ըլլալը, նոյն իսկ աստուածային հաւանութեան արժանի ըլլալ է. վասն զի խիղճը՝ խորհրդաւոր կապ մըն է նիւթոյ ու հոգւոյն մէջ, անտես ու անջուլտիելի կարողութիւն մը, որ մի և նոյն ժամանակին մէջ ունի իր հաղորդակցութիւնը մարմնոյ, հոգւոյ և Աստուծոյ հետ: Չանս որ տղայն քու աղ-

դեցութեանդ տակ իմանայ անոր մեծնալը՝ իր ուժոյն և ազատութեանը հետ. զգայուն կշիռք մը ըլլայ ձեռքը՝ ամէն բան արդարութեամբ չստիելու. գերագոյն կարգադրիչ մը, ներքին խորհրդական մը, և որուն միակ հաւանութեանն առջև՝ անզոր սեպուին մարդկային որեւիցէ գովութիւնք կամ արհամարհանք: Պէտք է տղայն այն վիճակին մէջ դնել, որ իր խղճին՝ ի ծածուկ պարսաւը՝ ամէն պատուհասներէն աւելի մեծ սեպէ. անանկով զօրաւոր վստահան մը տուած կ'ըլլաս ձեռքը, որով պաշտպանէ ինքզինքը կրից բունութեան դէմ:

Առջի գլուխներուն մէկուն մէջ յիշեցինք թէ որ բանի վրայ հիմնել արժան է ընտանի կառավարութեան մը իշխանութիւնը: Հիմա խնդիրը լուծուած կը սեպենք եթէ խղճմտանքը այն աստիճանի ուժով ըլլայ՝ որ արդարադատ բնութեամբ մը արգելու կամ պատուհասէ որ և իցէ չար գործ մը:

Ասոր ջանք ըրէք, ո՛վ մայրեր, որ գիտէք սիրել. և ոչ երբէք պիտի ստիպուիք ձեր ձայնը խստութեամբ բարձրացնել. տղան պիտի ուղղուի, թերութիւնը դեռ երևան չելած:

Ի՛նչ մտածութիւններ կ'արթնցնէ այս պիտի նիւթ մը. և եթէ գրուածքիս չափը ներեր, որչափ խօսքեր կրնայինք աւելցը-

նել բարեկարգ խղճի մը ազդեցութեանը վրայ: Մարդկային խիղճը, երբ շահագրտութիւնը կամ կիրքը զանհկայ զեղծած չըլլայ, մեծ զսպանակ մըն է՝ որով իրարու հետ կը հաղորդուին անոր ամէն կարողութեանց շարժմունքը: Ինչպէս մեքենայի մը վրայ անհկայ կ'ուղղէ ամէն շարժմունք, աւանակ ալ բարի մարդուն միակ ոյժը պիտի ըլլայ խղճմտանքը: Անով կը կազմուին ապահով բնաւորութիւններ, հաստատուն և ուղիղ հոգիներ, մեծանձն սրտեր: Խիղճն է որ կու տայ մարդուս այն գերագոյն մխիթարութիւնը՝ կենաց վախճանին հասած ատենը, քաղցր վստահութիւն մը ունենալու, թէ աղէկ ապրած է, և իր աշխատանքին ու վաստակոց վարձատրութիւնը պիտի ընդունի. նաև՝ պիտի մտնէ 'ի նաւահանգիստ, որուն ինքը խոհական ղեկավար մը եղած է:



Ո՛րչափ խնամոց կարօտ է տղայն, և քանի աշխատալից է ճշմարիտ մօր մը գործը:
 Ո՛րչափ ծանր է այն պաշտօնը զոր Աստուած դրեր է իր վրայ: Արդեօք իր ոյժը

համեմատ պիտի ըլլայ իր աշխատանքին, և կարենայ դաստիարակութեան ամէն պիտոյիցը արժանապէս հասնիլ, Հարկ է որ անդադար գործէ. և սակայն ժամանակը կը սահի կը փախչի. անդադար քալել, և սակայն յոգնութիւնը վրայ կը հասնի. ուստի սէտք է որ կարենայ կարգի դնել ժամանակը, և ճշդիւ համրէ ժամերը:

Կանայք կը գտնուին որ մարք են. և սակայն կը ճանճրանան իրենց գործէն. ժամանակը երկար կ'երևնայ իրենց, ու ժամերը տաղտկալի: Ի՞նչ է այնպիսեաց կրածը, կամ ինչպէս հասկըցած են իրենց պարտքը: Մարդ մը կազմելու համար, ճշմարիտ քրիստոնեայ մը ընելու համար՝ իրենց օրերը, իրենց դիչերները հազիւ կը բաւեն. մայր մը՝ օրուան լմընալը տեսնելով, կրնայ Յեսուայ պէս ձայնը վերցընել առ Աստուած և ըսել. « Տէր, կեցու քու արեւդ, որպէս զի կարենամ իմ գործս աւարտել »:

Դաստիարակութիւնը՝ մարդուս մարդու վրայ ունեցած ամենէն աւելի մեծավայելուչ գործն է. գորութեան գործ մըն է, տրկար սեռի մը յանձնուած. և կինը՝ իր փոփոկ և երկչոտ բնաւորութեամբն ալ կըրնայ զօրաւոր և կարող ըլլալ. կրնայ իր պաշտաման բարձրութեանը արժանաւոր

երևնալ. վասն զի սէրն է իրեն եռանդ տուողը, Աստուծոյ բաղուկն է իր նեցուկը:

Այլ և այլ մտադրութեանց վրայ խօսելու նէս ետքը, զորս պէտք է որ մայր մը ցուցընէ իր որդւոյն, հարկ է նաև ցուցընել թէ ինչպէս անոնց չափազանցութիւնը վնասակար կ'ըլլայ:

Ամէն բանի մէջ ճիշտ չափ մը կայ, ուստի անհարելի է անպատուհաս անցնիլ. կոյր սիրով մը և ոչ լուսամիտ գործով տրուած խնամքներ կը թմրեցընեն հոգին. ոյժը, սկզբնաւորելու կարողութիւնն և կամքը իրմէ կը վերցընեն: Տղայ մը՝ զոր մայրը այլ և այլ անօգուտ կամ աւելորդ մեծարանաց կամ դժուանաց կը վարժեցընէ, և որ իր ամէն հաճոյքն մէկէնիմէկ կատարուած կը տեսնէ, կատարեալ հասակին մէջ չի կրնար ճանչնալ թէ ինչ է այն կտրուածութիւնը, զոր երկար ատեն զսպուած փափաք մը կրնայ տալ: Գիմադարձութիւնը՝ իրեն համար նոր բան մըն է. և ամենաթեթեւ դժուարութիւն մը զինքը յուսահատութեան մէջ կրնայ ձգել:

Ահաւասիկ տխուր և վնասակար հետեանք մը մայրական խնամոց:

Հակառակ արդիւնք մը քողելու համար, հակառակ դաստիարակութեան միջոցներ բանեցընելու է. փոխանակ տղուն կամքը

գոհ ընելու, պղտի և իրեն զգալի զրկումներ վրան դնելով: Այն կերպով՝ ամենէն աւելի պղտի շնորհք մը՝ մեծ արժէք կ'ունենայ իրեն առջևը. վասն զի տղան բանով մը վիրաւորուած չէ, և իր զգածմանց ամբողջ աշխուժութիւնը պահելով, ապագային համար զեղեցիկ յաջողութիւններ և զօրաւոր միջոցներ պահած կ'ըլլանք:

Մօր մը անպատեհ խնամոցը մէջ ուրիշ վտանգ մըն ալ կը տեսնենք. վասն զի անոնք՝ տղէն փափուկ զգացմունքները վերցընելով, սիրտը կը կարծրացընեն: Տղան կեդրոն մը եղած է տանը ամէն գործունէութեանը. իրեն համար է որ մայրը կը հսկէ, իրեն համար ծառայք կը յոգնին, ամէնքն զինքը կը խնամեն. Կը գուշակեն իր կարգէ դուրս կամահաճութիւններն. հրաման կուտայ, և մէկէնիմէկ պիտի կատարուի իր կամքը: Տղան տեսնելով ամենուն այս կերպով իր առջև խոնարհիլը, մեծ դադափար մը կ'առնու իր անձին վրայ. հրամայելը՝ իրեն արտունուութիւն մը կը սեպէ, իսկ հնազանդելը՝ չորս կողմը եղողներուն պարտք. կանոն մը կը համարի՝ որ ինքն հրամայէ և ուրիշները մէկէն փութան ՚ի հնազանդութիւն. ուստի և իր բըռնաւորութիւնը պարզ բան մը կ'ենթադրէ, և միայն այս հարկաւոր հետեանքն կը հա-

նէ՝ թէ ամենայն ինչ իրեն պատշաճ է։ Այս գագացմունքը՝ կամաց կամաց կ'աճին սրտին մէջ, և օր մը բոլորովին պիտի իշխեն անոր վրայ։ Մօրը սպաժամ խնամքը պարապի պիտի երթան. անձնասիրութիւնն արդէն ծնած է։

Այո՛, անձնասիրութիւնը երևցած է տղուն վրայ. վասն զի հասուն մարդկանց սրտին պէս՝ տղոց ալ սիրտը ենթակայ է նոյն բարոյական հիւանդութեան, և մայրը միայն կրնայ այս համաճարակ աստէն գինքը պահպանել։ Վասնայ այսպիսի հետեանքէ մը, և մտադիր ըլլայ թէ որպիսի արդիւնք կըրնան յառաջ բերել իր կարգէ դուրս խնամքը. գիտնայ չափու մէջ պահել իր գորովը, և 'ի կախ թողու իր սրտին անխորհուրդ ցոյցերը, երբ իմանայ թէ անոնք տղուն սրտին վրայ գէշ ազդեցութիւն կ'ունենան։

Քիչ մը ուշկեկ, այլ աւելի լաւագոյն կերպով կը յաջողի. վասն զի անձնասիրութեան ունեցած միտմանցը դէմ ուղղակի կը պատերազմի, կրթելով անոր սիրտը գթութեան, գորովոյ և անձնանուիրութեան գործերուն։

Մի մոռնար, բարի մայր, թէ անձնասիրութիւնը բարոյական բորոտութեան ախտ մըն է՝ որով աչուրնուս առջև կը փճանայ մեր ժամանակը. թշնամի է սիրոյ, թշնամի

ուգեշունչ եռանդեան, թշնամի գթութեան գերագոյն գործերուն։ Որպէս զի չըլլայ թէ անձնասիրութեան այս անարգ ախտը քու խնամոցդ յանձնուած սիրտը ապականէ, կանուխ հասակէն վարժեցու գինքը, թէպէտև առանց բուռն կերպով հրամայելու, որ սովորի 'ի զոհել, որ մտադիր և սիրով ետ կենայ այն այլ և այլ բաներէն որ կը զոչտեն իր աչքը, և որոնց մեծ արժէք մը կու տայ. յորդորէ գինքը՝ որ ընկերսիրութեամբ իրեն հաճոյական խաղալիկներէն մէկ քանին՝ չունեցողին տայ. գովէ այն կերպով վարուող ու այնպիսի սըրտով շարժող տղայքը, և մի վախնար յաճախ իր շահուն դէմ մերձաւորին շահը դնել։ Վարժեցուր որ յորդորամիտ ըլլայ իր մէկ հաճոյքէն զրկուիլ, ընկերակիցը սփոփելու կամ անոր ձանձրութիւնը փառատելու համար. և ունեցածը սիրով և մտադիրութեամբ տալ՝ երբ այն տուրքը հաճոյական կամ օգտակար կ'ըլլայ ուրիշ բարեբաստութեանը։ Տարակոյս չկայ որ դժուարութիւն պիտի քաջ տղայն այսպիսի բաներու վարժելու. ուստի ամենեւին պէտք չէ լքանիլ, և այս ուսման պահանջած ջանքովը հասկոցի թէ որչափ զօրաւոր է անձնասիրութեան թշնամին, որուն հետ մինչև վերջին ճիգը արժան է կուուիլ։

Բնդհանրապէս մայրը չունին այս նախա-
հոգութիւնը. իրենց համար տղայն առաջօք
(fantastique) էակ մըն է, զոր կը սիրեն և
որուն կը հնազանդին, առանց քննելու թէ
ինչ սկզբունքէ առաջ կու գայ իր կամքը:
Սովոր են ըսել. « Երբոր մեծնայու ըլլայ՝
կ'ուղղուի »: Սակայն տղայն կը մեծնայ ա-
ռանց ուղղուելու. և անձնասիրական
բնադրմունքները՝ որոնց անուղղակի կեր-
պով քաջալերութիւն կու տայ մայրը, ոյժ
կ'առնուն, և առանց իր ուղեւուն՝ խորունկ
արմատներ կը ձգեն սրտին մէջ:

Մարդուս յատուկ է անձնանուիրութիւ-
նը և մեծամեծ գործոց կատարումը: Հո-
գին կը սկսի ինքիրմէ բարձրանալ վեր ել-
լել քէսլ 'ի այդ աղնուական առաքինու-
թիւնները, բայց մարմինը կ'արգելու: Եթէ
նիւթական բնադրմունք՝ մայրական սիրոյ
վնասակար ձեռնտուութեամբ բարգաւա-
ճին, հոգին կը խղզուի. մարմնոյ չափ զօ-
րաւոր չըլլալով՝ կ'ընկճի 'ի նմանէ, վասն
զի մարմինն է հրամայողը ու տէրը, ու
հոգւոյն իշխանութիւնը տկարանալով՝ կը
բռնադատի հնազանդիլ. որով նիւթը տի-
րող կ'ըլլայ անձնասէր իշխանութեամբը:

Ո՛րչափ շատ են հոգւոյ այս մահուան
օրինակները: Կը ճանչնանք, կը ցուինք
մեր ժամանակի մարդկանց վրայ, տեսնե-

լով բարոյականի զգացման մը պակասու-
թիւն անոնց վրայ: Քանի մը աղնուական
սրտեր տեսնելով թէ ամէն կողմանէ կը
յաղթանակէ անձնասիրութիւնը, դառնա-
պէս կը գանգատին. մեր դարուն երիտա-
սարդութեանը վրայ վեհանձն ու բարձր
փափաքներ ու մտածութիւններ չեն տես-
ներ: Շուտով ու դիւրին ճամբով մը հաս-
նիլ նիւթական հաճոյից լրութեանը, ասի-
կայ է իրենց վախճանը, ասոր մէջ կ'ամ-
փոփուի իրենց ուսումը: Որպիսի տխուր
ժամանակ, և որչափ արհաւրօք լի ապա-
գայ մը:

Խեղճ մայրեր, որ կ'արտասուէք տեսնե-
լով ձեր զաւակաց ցուրտ անձնասիրու-
թիւնը, յիշեցէք ձեր տուած դաստիարա-
կութեան առաջին ժամերը. փորձառու-
թիւնը, արտասուք աւելի չըջահայեաց ը-
լած են զձեզ, և տեսնելով թէ ձեր կոյր
զիջողութեամբը որչափ վնասակար եղեր
էք, կը խնդրէք յԱստուծոյ սպիացընել
այն վէրքը՝ որուն ձեւանալուն պատճառ էք,
և զոր բոլորովին չէք կարող բժշկել:

Ձանան ուրեմն մայրք այդ սրտաճոխիկ և՛
չատ անգամ՝ անօգուտ արտասուաց առ-
ջեն առնուլ, որոնց իրենց անհոգութիւնն
կամ տկարութիւնը պատճառ եղած է.
միշտ արթուն, միշտ իրենցմէ ըլլայ սկզբը-

նաւորութիւնն, միշտ իրենք թշնամոյն առջևն երթան, փոխանակ թող տալու որ թշնամին դիմէ վրանին: Չիսուորին՝ անձնասիրութեան դէմ կուռելու, փճացընեն այն վնասակար սերմը, և վարժեցընեն զտղայն զրկման և մեծանձնութեան. այս կերպով անարգ կրքի մը բողբոջը արմատաքի իլելով, անոր տեղ կ'երևցընեն ընկերական առաքինութեանց զվսաւորը. — զանձնանուիրութիւն:

Անձնանուիրութիւնը հարկաւոր է ընկերութեանց բարեբաստութեանը և սնկատից բարեբաստութեանն համար: Մարգս՝ լոկ իր անձին համար չէ. իր կեանքը պիտի ըլլայ անձնանուիրութիւն. նուիրել ինքզինքը իր եղբարցը կամ իր հայրենեացը. Սիրեցէք մէկզմեկ, կը պատուիրէ աստուածային օրէնքը. քրիստոնեայն՝ բոլորովին սէր է, բոլորովին գուրթ, բոլորովին նուիրմունք: Իր նմանեացը, իր աքսորանաց ընկերակցացը՝ մերթ իր մարմնոյն կորովը կը նուիրէ, մերթ մտայը լոյսը, իր փորձառութեան խորհուրդները, իր կեանքն անգամ՝ եթէ հարկաւոր ըլլայ. իր երկրին՝ երբ կանչուելու ըլլայ, յօժարափոյթ ու պատրաստ է նոյն զոհերուն. վասն զի հայրենիք՝ ամէն քաղաքացւոյ վրայ աննախագըրաւ իրաւունքներ ունի. մայր մըն է՝ զոր

արժան է սիրել, և զոր պէտք է պաշտպանել մեծանձնութեամբ:

Մարդուս ներքին ուրախութեանց ազբիւրը՝ զոհից և նուիրմանց մէջ է. իր բոլոր զօրութիւնն ու բարեբաստութիւնը՝ անոր առատութենէն առաջ կուգայ:

Որչափ աւելի մեծանձն, անձնանուէր և ինքզինքը մոռնայ, այնչափ աւելի մեծ կ'ըլլայ մարդկանց մէջ. պիտի սիրեն զինքը, ինչպէս կը սիրուի անշահասէր բարեկամ մը, ու երախտագիտութիւննին պիտի յայտնեն իրենց մեծարանքովն. Աստուած ալ աստար կ'ըլլայ առատասիտ մարդուն. վասն զի երբ սրտի վրայ է խօսքը, Աստուած սրտով շռայլողին կ'օգնէ, և իր կողմանէ առատութեամբ զինքը կը լեցընէ: Բարեբաստութիւնը, որ իշխանութենէ աւելի գերադանց է, իրաւամբ անձնանուէր և գթասիրտ մարդուն կը պատշաճի. վասն զի երջանիկ ըլլալու համար կարօտ չէ ոչ իշխանութեան և ոչ պատիւներու. իր խղճմտանքը զինքը կը գովէ, անգործութիւնն ու երջանկութիւնը կը թագաւորեն իր գոհ սրտին մէջ, և անիկայ անսպառ գանձ մըն է իրեն:

Անձնասիրութիւնը՝ սրտի ազահութիւն մըն է:

Հարցուր ազահին թէ արդեօք իր կիրքը

երբէք գոհ եղած է. թէ երբէք երջանիկ եղած է: Տիրուր, անհանգիստ և անաւոր տեսեամբ անդադար խռոված է. իր գանձն ամէն օր կ'աւելնայ, շահադիտութիւնները միշտ արդիւնաւոր են, բաղդը՝ իրեն կը ծիծաղի. և սակայն օր մը մեռած կը գըտնեն զինքը իր կամաւոր զրկումներէն, կամ սրտի անհանգստութիւններէն՝ այն արկեղ վրայ յորում ամկոտիւած է իր հարստութիւնը:

Ազահին նման՝ անձնասէր մարդն ալ չի կրնար երբէք երջանիկ ըլլալ. ազահին նման՝ միայնակ կ'ապրի, խեղճ ու արհամարհեալ. ցուրտ է իր սիրտը, իր չորս կողմը եղած սրտերն ալ՝ հաւասարապէս կը ցրտանան, Շահու համար կրնան թերևս գտնուիլ ոմանք որ կեղծաւոր համակրութիւն մը ցուցնեն. բայց ոչ ոք զինքը կը սիրէ. իրեն աշխարհէս ելած օրը՝ չկայ մէկը որ վրան արտասուէ:

Իսկ ընդհակառակն անձնանուէր մարդը՝ բազմաթիւ բարեկամներ, պաշտպաններ ու սիրողներ ունի. նախ ինքն է տուողը, բայց լիովի փոխանակութեամբ մը ետքը կ'ընդունի. արդիւնաւոր են իր շահադիտութիւնն ու սէրը. իր չորս կողմը եռանդուն և սրտալիր համակրութիւններ կ'երևնան, Կը սիրէ ու կը սիրուի. և միթէ ասիկայ մեծ բարեբաստութիւն մը չէ:

Անձնասիրութիւնը՝ Աստուծոյ օրինացն հակառակ ախտ մըն է, հակառակ ընկերական օրինաց, հակառակ ո՞ր և իցէ անհատի մը բարեբաստութեանն ու շահուն: Ուստի ամէն զգուշութիւն ընէ մայրը, որպէս զի չըլլայ թէ պարտաւոր երևնայ Աստուծոյ, ընկերութեան և նոյն իսկ տղուն առջև, իր անչափ խնամքներովն ու կամակատարութեամբ խրախուսելով անոր գաղտնի միտումը, որով մարդկային բնութիւնը ծածուկ կը հակի յանձնասիրութիւն:

Անձնասիրութենէ անբաժան ուրիշ այլ և այլ կրքերու մէջ կը գտնենք նաև զապիւրախտարիւն:

Հասուն հասակի սպասելու չէ ապերախտ ըլլալու համար. ապերախտութիւնը՝ անձնասիրութեան սլէս ծանօթ է մանկութեան: Ո՛րչափ անգամ սուիթ ունեցած պիտի ըլլայ մայրը՝ նկատելու այս ախտը տղուն վրայ՝ իր սմէն տգեղութեամբը, Կռուի անդադար անոր դէմ, ու անոր վնասակար հետևանքներէն զգուշացընէ գտըղայն, սովորեցընելով զինքն յերախտագիտութիւն. հասկըցընէ թէ՛ ոչ ոք պարտըկան է իրեն, և թէ իրեն եղած ծառայութիւններն՝ միշտ գորովալից սրտէ մը սուաջ կու գան, և մեծանձնութեան գոր-

ծեր են: Ասով տղայն կրնայ համողուիլ թէ իրեն համար եղած ամէն բաները՝ պարզ ու բնական ըլլան, և իրաց տրամաբանական կարգին մէջ. և թէ ինչ որ կը հակառակի իր հաճոյիցը կատարման՝ կարգէ դուրս ըլլայ և բռնաւորական: Մտքէն կ'ելլէ այն կարծիքը թէ ամէնքն իրեն պարտըկան են, մինչդեռ ինքն մէկու մը պարտըկան չէ, կամ թէ ինքն հրամայելու համար եղած է, և ուրիշները հնազանդելու. այլ ընդհակառակն՝ խիստ բնական կը գտնէ որ ուրիշներն ալ իրմէ բան մը պահանջեն, կամ իրեն վրայ ալ աշխատանք ու նեղութիւն մը գրուի. և իր մօրը քաղցր հրամաններուն և ակնարկութեանց մէջ անիրաւութիւն կամ ծիծաղական սլահանջմունք չլինկատէ:

Անձնասիրութեան դէմ կռուելու ամենէն զօրաւոր միջոցն է Գութը:



Առաքինութեանց մէջ ամենէն աւելի սրտաշարժն է Գութը. հոգւոյ զգացմունք մըն է, որ և իցէ դժբաղդներու օգնելու համար:

Որպէս զի տղայք զԹասիրտ ու բարի ըլլան, փոխանակ հպարտ և անձնասէր ըլլալու, հարկաւոր է որ զգայուն սիրտ ունենան: Ասոր համար մեծ ջանքի մը կարօտութիւն չկայ. վասն զի զգայունութիւնը՝ մարդուս հոգւոյն բարեմասնութեանցը մէկն է: Մօրը զլլաւոր հոգը պիտի ըլլայ՝ գործածել զայն, բարգաւաճեցընել և արգելուլ որ չըլլայ թէ ուղղութենէն խտտորի: Գէշ կերպով առաջնորդուած զգայունութիւնը՝ կրնայ զիւրազրգուութեան (susceptibilité) դառնալ, որն որ հոգւոյ հիւանդութեան մը կերպարանք կ'առնու, ամենէն աւելի թեթև յարաբերութիւններն ցաւալի կ'ընէ. կը փճացընէ անոր զգայունութիւնը՝ զգացմանց սաստկութեամբը, և իրեն դէմ կը դարձընէ այնպիսի ոյժ մը որ աւելի հեռաւորին համար սահմանուած էր: Վտանգ մըն է ասիկայ, զոր պէտք է առաջուց նկատել. ապա թէ ոչ բարութիւնն գէշի կը դառնայ. հոգին կը հիւանդանայ, և հարստութիւնն է հիւանդութեանը պատճառ:

Տղուն զգայունութեանը վրայ խօսելով, զոր հարկ է մօրը կանուխկեկ ուղղել և անոր բարգաւաճանացը համար ամէն միջոց գործածել, պէտք է որ մտքերնիս որոշ բացատրենք: Զգայունութիւնը՝ ճշդիւ խօսելով,

ուրիշ բան չէ, բայց եթէ սրտի մեծանձն եռանդ մը. ուստի և պէտք չէ շփոթել այն կեղծ զգայունութեան հետ՝ որ երևակայութեան արգասիք է: Առաջինը առաքինութիւն մըն է, երկրորդը կեղծաւորութիւն: Այս թատերական զգայունութիւնէ զիրկ չէին նաև նոյն արիւնարբու անձինք՝ որ այլ և այլ ատեններ տակնուվրայ ըրին զաշխարհ: Բոլորովին տարբեր է այն զգայունութիւնը՝ զոր մայրը պիտի ջանայ բարձաւաճեցընել իր տղուն սրտին մէջ. անով զգայուն կ'ըլլայ, այսինքն անձնանուէր, ներողամիտ և գթասիրտ:

Այս բարեբաստիկ նպատակին հասնելու համար՝ հարկ է որ մայրը հաւաստրապէս գործածէ զընթերցումն, պատմութիւններ, կրթութիւններ, բայց ամենէն աւելի օրինակ: Գիրք մը կայ Գաղղիացւոց մէջ՝ Գործնական բարոյական (La morale en action) կոչուած, որ կրնայ խիստ օգտակար կերպով գործածուիլ, մերթ մէջի պատմութիւնները իրեն երկրորդելով, և մերթ իր ձեռքը տալով կարդալու՝ եթէ արդէն վարժ է յընթերցումն:

Բայց ամէն բանէ աւելի կարևորագոյնը օրինակն է, սորվածը՝ ամէն օրուան հրահանգացը մէջ գնելով: Պէտք չէ երբէք անգործ թողուլ տղուն զգայունութիւնը,

այլ ջանալ որ գթասիրութեան և անձնանուիրութեան գործերու ետեւ ըլլայ: Մայրը կրթէ զինքն՝ ի գործ դնել այդ առաքինութիւններն անանկ պարագաներու և առթից մէջ՝ ուր տղուն նիւթական օգուտ մը չըլլայ. ապա թէ ոչ, գթասիրութիւնը՝ շահադիտութեան կերպարանք մը կ'անուու: Տղուն աղքատներ ցուցընէ՝ զորոնք՝ սիրէ, կենդանիներ՝ որոնց վրայ խնամք ունենայ. այնպիսի արարածներ գնէ անոր առջևը՝ որոնք նեղութեան մէջ են և իրեն կարօտութիւն ունին. բայց իրենք իրենցմէ փոխարէն մը ընելու կարող չեն: Ասանկով անձնասիրութեան մտածութիւններ չեն կրնար նուաստացընել տղուն գթասիրութիւնը. այն տկար կամ թշուառ էակաց վրայ ցըցուցած խնամքն՝ բոլորովին անշահասէր կ'ըլլան:

Մայրը չվստնայ որ տղուն գթասիրութիւն ազդելով, շոյալութեան վարժի. շոյալութիւնը՝ ունայնամտութեան արգիւնք է և ոչ անձնանուիրութեան. իրենց ստացուածքը փճացընողներն՝ աղքատաց ողորմութիւն տուողները չեն, այլ ցամաք՝ ու անառակութեանց ետեւ եղող սրտեր: Տղան՝ ողորմած ընելով, վտանգ կ'սպասէ իրենցը ընելու. միայն մեծանձնութիւն կ'աղղէ ինա, իր զգայունութիւնը շարժելու համար՝

անօգուտ է բարոյական այն խորունկ ցաւերուն վրայ խօսիլը, որոնց՝ աւանդ, օր մը խելամուտ պիտի ըլլայ . բայց այն ատեն դեռ իրեն անձանօթ են, վասն զի միայն բնական յարաբերութիւններ կրնան ազդեցութիւն ընել վրան: Փոխանակ անօգուտ տեղ՝ բարոյական ցաւոց վրայ իրեն հետ խօսելու, մայրը չգաղբի բնական ցաւերու նկարագիրն անոր առջևը դնելէն. ցաւը տեսնելով՝ մէկէնիմէկ կը հասկընայ: Չեռքէն բռնած առաջնորդէ իրեն այն տեղուանքը ուր կը կրէ մարդկութիւնն. հիւանդանոցներն ու աղքատանոցները տանի զինքը. անանկով կարգէ դուրս տպաւորութիւն մը կ'ըլլայ վրան, ու տխուր՝ բայց ցաւակցութեան օգտակար նիւթեր կը գտնէ: Իր զգայունութիւնը կը յուզուի. վասն զի դեռ տհաս սիրտ մը չի կրնար առանց կարեկցութեան նկատել մարդկանց վշտերը. մեր նմանեաց հառաչանաց ձայները՝ համակրական արձագանք մը կ'արթնցընեն սրտերնուս մէջ:

Տղայք ընդհանրապէս զգայուն են և բարեսիրտ: Ինչէն կ'ըլլայ ուրեմն որ երբ մինակ ու իրենք իրենց զլխուն մնան՝ անգութ ու չարասիրտ կ'ըլլան: Կարծես թէ հաճոյք մը կը զգան՝ չարք դործելով. իրենց զոհ մը կը վնասեն, իրենցմէ տկարագոյն

մը, որուն վրայ յաճախ իրենց անգթութեան ամէն փորձերը կը ցուցընեն:

Խեղճ միջառ մըն է՝ որ անահնկալ կերպով տղուն ձեռքն ինկեր է. անփետուր թռչուն մը՝ որ անխոհեմութեամբն կամ յանդգնութեամբ իր բոյնէն ինկեր է. կամ նոյն իսկ բոյնն է ձեռքն ինկածը, զոր կը յափշտակէ ցաւագին մօրմէ մը, ու քարկոծելով վար կը ձգէ զայն, առանց մտիկ ընելու խեղճ թռչնոյն հառաչանացը. հաւկիթները կը կոտորտէ ու պղտի ձագերը կը սպաննէ: Երբեմն ալ իր մէկ խեղճ կամ աղքատ ընկերակիցն է, զոր կը ծեծէ ու կը նախատէ առանց կակըղնայու անոր ցաւագին ձայներէն ու արտասուքէն:

Ինչո՞ւ համար են այս անգութ խաղերը: Միթէ մարդս իր բնաւորութեամբը կը մտենայ այն գիշատիչ կենդանիներուն, որոնց հետ կատաղաբար կը կռուի, և սակայն կը նմանի անոնց՝ առանց ունենալու անոնց հարկին անմեղադրութիւնը: Միթէ չարութեան հոգին կամ աւերման սէրը տնկակից է մեզի:

Չէ. մարդուս սիրտը բնութեամբ անգութ և անողայ չէ. պէտք է ուրիշ պատճառ մը վնասուել տղայոց դատարկակեցութեան այս խաղերուն: Նոյն իսկ իրենց անգթութիւնը զգայունութեան ղեղձմանէն

առաջ կու գայ: Վասն զի զգայունութիւնն ուրիշ բան չէ՝ բայց կենդանի յուզում մը սրտի: Անգութ խաղ մը, կամ նեղութեան մէջ մահուան մօտ եղող արարածի մը տեսիլը՝ իր սիրաբը կը յուզեն, ու այլ և այլ կերպարանափոխութիւններ կուտան աւոր: Այս յուզմունքը՝ եթէ յօգուտ գթութեան չի գործածուի, բնականաբար անգթութեան կ'առաջնորդէ իրեն: Տղան անգութ կ'ըլլայ՝ եթէ չիս գիտեր զինքը գթասիրտ ընել. և ՚ի չարն սլիտի գործածէ նոյն իսկ այն զգայունութիւնն՝ որ բարեոյ սիրոյն մէջ կրնայ ազնուական կրթութիւն մը գտնել: Անգութ կ'ըլլայ եթէ թոյլ տաս որ ներկայ գտնուի արիւնուօշտ տեսարաններու կամ կենդանի արարածի մը բռնական մահուանը:

Անոնց արիւնը տեսնելը, ու մահուան տագնապնին, հեղձամղձուկ հառաչանքնին, երբ խեղճ արարածներն կարծես թէ իրենց կիսաբաց օջորմն, ու ցաւաղին ձայներով՝ գթութիւն կը պաղատին, միշտ մլաստակար պարապմունք են: Ուստի պէտք է որ մայրն արգելու բացարձակ կերպով, մանաւանդ թէ ազսպրէ որ չէ թէ միայն այնպիսի տեսարաններ չփնտուեն, հապա մանաւանդ փախչին հեռանան: Մեծարանք մը ազգէ իրենց առ կեանս. հասկըցընէ թէ

մարդուս թոյլ տրուած չէ փճացընել՝ ինչ որ Աստուած միայն կրնայ տալ, և թէ վըտերը ճանչցընելու պատճառը ուրիշ բան սլիտի չըլլայ՝ բայց եթէ սորվեցընել իրեն որ սփոփէ զանոնք:

Այս կերպով գաստխարակուելով, աղաղան բնական կերպով մը կը կրթուի ՚ի հրահանգս անձնանուիրութեան և զթասիրութեան. սովորելով յանշահասիրութիւն, ՚ի գութ և ՚ի մեծանձնութիւն՝ խուլ սլիտի մնայ անձնասիրութեան ծածուկ խորհըրդոցը, և ապերախտութեան վտանգներէն հեռու: Բազդատութիւնը միայն կրնայ զինքը երախտագէտ ընել:

Ինչո՞ւ համար, օրինակ իմն, ինքն ալ անոնց թուոյն մէջ չէ՝ որ իր ձեռացը օգնականութեան և սփոխանաց կարօտ են: Միթէ պարտեկան էր Աստուած՝ աւելի բարեկեցիկ վիճակ մը իրեն պարզեւել:

Իո՞կ այս մտածութիւնը՝ կարգէ դուրս եւ բախտագիտութիւն մը կ'ազգէ առ բարեբարն Աստուած, որ զինքն աւելի երջանիկ բաղլի մը վիճակեցուցեր է. կարգէ դուրս գորով և սէր կ'իմանայ այն քաղցր մօր՝ գոր կը տեսնէ բոլորոյին զբաղած իր բարեկեցութեանը, ապաղային և անգորրութեանը:

Մեր գողափարները՝ իրաց համեմատութիւնէ կը ծնանին. ուստի հարուստին

տղան՝ որ ոչ երբէք թշուառաց այցելութիւն կ'ընէ, կը համարի թէ իր վիճակը՝ ամենուն վիճակն է. ուրիշ բան չճանչնար, ուստի և չի կրնար համեմատել: Իսկ ընդհակառակն՝ ով սր իր հիւանդութեանց և գրկմանց պատճառած նեղութիւնները կը տեսնէ, կ'իմանայ թէ ամենուն վիճակը հաւասար չէ. ուստի ճանչնալով իր հանգստութիւնը, կը հասկընայ միանգամայն թէ որչափ և որ պիտի պարտականութիւն կայ ուրիշներուն ալ կրածը թեթեւցընելու և մեղմացընելու:

Այսպիսի մտածութիւններով ու անգրագարձութիւններով կրնայ մայրը աճեցընել տղուն սրտին մէջ զգայունութիւնը. ընտանի ընել իրեն գթութեան և սիրոյ գործերը, և ծուռ ճամբաներէ զգուշացընելով, սովորեցընել ՚ի գործել զբարին. աճեցընել ՚ի նմա անձնանուիրութեան ամէն առաքինութիւններն՝ որոնք կը հակառակին անձնասիրութեան անարգ ակտին:



Անձնասիրութիւնը, որուն գէմ անձնանուիրութիւնը կը պատերազմի, միւսանգամ կրնայ գլուխ վերցընել ունայնամտու-

թեամբ: Մինչդեռ արթուն մայրը մէկ միջոցով մը կը վերնատէ զայն տղուն սրտէն, ուրիշ միջոցով մը դարձեալ ներս կը մտնէ: Ուստի հարկ է զգուշացընել զինքը, և իմացընել թէ որչափ կը հակառակի այն դաստիարակութեան գեղեցիկ արգասեացը:

Իր սիրոյն անխոնջ խնամոցը համապատասխանող տղայն՝ արդէն իր կտրիճ մօրը փառքն է: Այլ և այլ բարեմասնութեամբք գեղեցկացած, իր բոլոր անձովը կարծես թէ մոզիչ համակրութիւն մըն է. իր փափուկ ու գեղեցիկ երեսը՝ պատկեր մըն է իր հոգւոյն, և յուսալից ասպագայ մը՝ դաստիարակութեան ձգած գեղեցիկ բողբոջներովը:

Գաստիարակութեան մը կը զգայ՝ քովը տեսնելով իր սիրելի զաւակն ու աշակերտը, և կը խայտայ սրտովը՝ անոր վրայ գովութեան խօսքեր լսած ատենը: Այս ուրախութիւնը սուրբ է և օրինաւոր: Բայց արժան է զգուշանալ որ չըլլայ թէ հպարտութեամբ կերպարանափոխ ըլլայ:

Յաճախ տեսած ենք՝ ձմեռ ատեն ՚ի Բերա Պոլսոյ, և տարւոյն մէկալ գեղազուարթ եղանակներուն մէջ ՚ի գիւղորէս և ՚ի զբօսավայրս՝ սիրուն տղայք չըջագայութեան ելած՝ որոց վրայ իրաւամբ կը

դորովի ու կը խայտայ, պիտի ըսենք նաև՝
 թէ կը պարծենայ մայր մը: Հաղուած, դար-
 դարուած են անոնք, Լէրոսպայէ գեռ նոր
 հասած նորելուկ սովորութեանց կենդանի
 պատկերներ, և երբեմն նաև իրենց ու-
 նայնամիտ մօրը ունեցած աղէկ կամ գէշ
 ակորժակին: Տղայոց հասակին յատուկ
 խաղերն արդելուած են անոնց, չեն կրնար
 ասդին անդին վառվրուտել ու ցատքըտել,
 որպէս զի չըլլայ թէ այնչափ խնամքով ու
 հոգովք տրուած զարգարանքն աւրուելով,
 չկարենան մարք իրենց վախճանին հասնիլ,
 և այդ վախճանն է՝ անցնող դարձողին դո-
 շտոխչ, գմայլական ու երբեմն նաև նախան-
 ձոտ աչքը:

Այս բազմավտանգ ունայնասիրութեան
 գլխաւոր հետեւանքն է զրկել զաղայն իրեն
 օգտակար ու անհրաժեշտ շարժմանէ մը,
 որով ինչպէս շատ անգամ յիշեցինք, պիտի
 ձեւաորոշին իր անդամներն, աճին ու զօ-
 րանան: Եւ ինչ կարօտութիւն ունի օտար
 ու արուեստակեալ զարդերու՝ որն որ նախ-
 կին հասակին բնական շնորհալից գեղովն
 պաճուճեալ է և առողջութեամբ: Սակայն
 ան միջոցին որ Աստուծոյ այս հրաշակեր-
 տը կ'եղծանեն, լեցուն ձեռուրներով կը
 սփռեն դունայնամտութիւն այն պղտի սըր-
 տին մէջ, որ ուրիշներուն նման ունի իր

անձնասիրութիւնը: Կը զգայ կ'իմանայ տը-
 դայն թէ շատերուն աչքն իր վրայ դարձած
 են, կը գուշակէ կամ կ'ենթագրէ անոնց
 զարմանքն, և այդ զգացումը կը ցուցնէ
 իր նայուածքովն ու շարժմամբք:

Թշուառ մայր, սրջափ մեծ է այդ չարի-
 քը զոր կ'ընես այն անմեղ արարածին, և
 որպիսի հառաչանօք և արտասուօք քիչ ա-
 տենէն պիտի բացուին աշուրներդ: Վասն
 զի դաշնադիր կ'ըլլաս թնամուտ մը հետ՝
 որուն գէմ արժան էր քեզ մրցիլ պատե-
 բազմաւ. իսկ դու կարծես թէ կը փութաս
 սատարել՝ որպէս զի ժամ մը առաջ զակիդ
 սրտին մէջ բողբոջի ծլի ընդունայնասիրու-
 թիւնը. այն վտանգաւոր բոյսը որուն ար-
 մատներն օր մը պիտի ընդարձակին ծա-
 ւալին, ու սազականեն փճացընեն անմեղ
 ու անյանց սիրտ մը:

Եթէ դուստր մըն է որուն կ'ուզողուն
 քու այդ անձնասէր խնամքդ, աններելի
 անխոհականութեամբ մը կը գրգռես 'ի նա'
 կանանց արդէն բնական զգացմունք մը. —
 պճնասիրութեան (coquetterie) զգացմուն-
 քը. մինչդեռ նուիրական պարտք մը ունէիր
 յաճախ յանդիմանելով ուղղել անոր այդ
 միտումը, արհամարհոտ ծիծաղով մը քու
 տհաճութիւնդ յայտնի ընել՝ ամէն անգամ
 որ խնամոտ և հոգած կերպով մը կը տես-

նես զինքն հայեւոյն առջև երկայն բարակ նստած, և կամ անոր ախորժակին կամ փափաքանացն անուր և անտեղիտալի մնալով՝ երբ այդ վնասակար արտին արդիւնք են անոնք: Իսկ դու փոխանակ նուաճելու զայն, փոխանակ հետը կուռելու, սատար ու քաջաւերիչ կ'ըլլաս անոր ունայնասիրութեանը. փոխանակ պճնասիրութեան փոխորժակն իրմէն վերցընելու, նորեւուկ ու անոր փափաքած զգեստներով կը սնուցանես զայն: Այդ չնորհալի ու սիրուն զաւակը՝ յաջողիս թերևս ցուրտ պըճնասէր մը ընել. այլ պիտի հասնի այն օրը յորում ըլլայ կին մը առանց առաքինութեան, մայր մը՝ առանց սիրոյ:

Ունայնասիրութիւնը՝ հասուն հասակի մէջ անհանդուրժելի ակտ մըն է. իսկ 'ի մանուկն' ոչ լոկ ծեծաղական, այլ նաև խափանարար մեծ արգելք մը դաստիարակութեան յառաջադիմութեանը: Անոր համար անխոհական մայր մը՝ որ առիթ կուտայ կամ կը սնուցանէ տղուն ունայնասիրութիւնը, ինքն իրեն դէմ արգելք մը հանած կ'ըլլայ: Կրկնապատիկ կը ծանրացընէ իր աշխատանքը, վասն զի հոգւոյ կատարելութիւնը՝ որուն համար հարկ է որ անդադար յոգնի, միայն խոնարհամտութեամբ կրնայ յաջողիլ: Մօր մը կա-

րևորադոյն խնամքն ու փոյթը պիտի ըլլայ ջանալ հասկըցընել տղուն իր տկարութիւնն ու տգիտութիւնը. զգուշացընելով անձին վրայ բարձր համարում մը և կարծիք ունենալէն: Եր բարոյական ու մտաւոր աղքատութեանը խելամուտ ընելով, փափաքելի կ'ընէ իրեն անոնցմով ճոխանալը: Այդ մտաւոր ու բարոյական ճոխութիւնը՝ դաստիարակութեամբ միայն կրնայ ձեռք ձգուիլ: Ունեցած քիչը ստանալիքին շատութեան հետ բաղդատելով, տկարութեանն զգածմունքը, խնդճութեանը ամօթը այնպիսի գաղափարներ են՝ որոնք եթէ ըստ արժանւոյն մշակուին կամ ազդուին յաշակերտն և կամ 'ի մանուկն' կատարելագործուիլը փափաքելի կ'ընեն իրեն:

Մարդս միշտ ընդունակ է կատարելագործուելու. յառաջադիմութիւնը իր նշանաբանն է: — Յառաջ, կ'ըսէ անիկայ որ չի համրեր իր քաշած նեղութիւններն, այլ անոնց չսփաւոր արդիւնքը կը նկատէ. քալենք, կ'ըսէ, ու քալենք առանց հանգչելու, տեսնելով որ հեռուէն երևցած տեսարաններն դեռ մօտեցած չեն, և թէ շատ 'աշխատանքէ վերջը հազիւ կրցեր է քիչ մը ճամբայ կտրել: — Իսկ ընդհակառակն ընդունայնամիտ ու իր անձին վրայ գոհ անձը՝ կը գոչէ հաճութեամբ. « Ալ բաւական է,

ինչու յողնինք ու աշխատինք դեռ ևս առաջ երթալու համար. ահա առաջիկ մեր նպատակը, այլ այսուհետև անօգուտ է ինքզինքնիս նեղելու պարտասեցընել. այլ մեզի համար չզիտցած բան մը չկայ: Եւ այնչափ զաչացու է այնպիսին որ այլոց ցուցըցած արհամարհանօքն ալ չի համողուիր իր տգիտութեանը վրայ:

Ունայնամտութիւնը՝ ամենայն յառաջադիմութեան ուրացութիւն է:

Մօր մը համար՝ աներկիւղ վաղող մը պէտք է: Զաւակին ձեռքէն բռնած՝ անոր հետ մէկտեղ առաջ կ'անցնի ասպազային տիրապետելու համար. երկուքին ալ սիրտը մեծ փափաքով մը վառուած է, վասն զի կը նային յերկինս: Եթէ առաջին քայլերուն փոքրիկ ուղեորը կը գառնայ իր առաջնորդին, ու « Մայր, կ'ըսէ, այլ շատ է. կտրած ճամբանիս պէտք է որ այլ մեզի բաւական սեպուի », ու գոհ կերպով մը զկայ առնու՝ խուլ և անլսող անոր աղաչանացը, այնուհետև մայրը ընդունայն տեղ կ'ուղէ շարունակել ճամբան. այլ անօգուտ են իր արտասուքն և ջանքը:

Առաջ չերթալը՝ ետ մնալ ըսել է. վասն զի մարդս շարժման դատապարտուած է, ու կերպով մը այն մեքենայից կը նմանի՝ որոց ոյժը հարկ է որ գործածուի. եթէ մէկ

կերպով մը չեն քալեր, հարկ է որ ուրիշ կերպով քալեն, և փոխանակ դաշնակաւոր շարժում մը հաղորդելու այն անիւններուն, անկանոն շարժմամբ մը կը խորտակեն կը փճացընեն զանոնք:

Ունայնամտութիւնը վտանգ մըն է դատարակութեան համար. կ'արգելու զբարին և կը սատարէ չարի: Այս երկու տեսութեամբ՝ հարկ է պատերազմիլ անոր հետ և ոչ երբէք խրախուսել: Խոհական ու ճշմարիտ որդեսէր մօր մը գործ է այս. խանդաղատիլ իր որդւոցը վրայ, այլ խնամով զգուշանալով այն ամէն գործերէն կամ խօսքերէն՝ որոնք կրնան արթնցընել կամ սնուցանել ՚ի նա զունայնամտութիւն: Եթէ անկէ հեռու պահելու համար՝ բաւական չըլլան իր օրինակն ու սղդարար խրատները, չվախնայ պատուհաս ալ վրանին դնելէն:

Թ

Մայր մը կրնայ այլ և այլ դաւելներ ունենալ: Զանոնք սնուցանելու և դատարակելու համար թերևս աւելի աշխատանաց կարօտութիւն ունենայ. բայց թէ մէկ

և թէ շատ ըլլան անոնք, մանչ կամ աղջիկ, կերպին և ոճոյն մէջ ամենեին փոփոխութիւն չեն կրնար խոթել:

Ինչ որ ըսինք, և դեռ դրուցելիքնիս ալ մայրական ուսման համար, հաւասարապէս կը պատշաճին թէ՛ մէկ և թէ՛ շատ տըղոց, թէ՛ մանչերու և թէ՛ օրիորդաց:

Վասն զի առաջին մանկութեան հասակին մէջ երկու սեռն ալ նման կառավարութեան մը կարօտ են: Նոյն են իրենց պէտքերը, ու հաւասար մտադրութիւն մը կը սլահանջեն: Իսկ երբ մանկական հասակին սահմանաձայրը կը հասնինք, սլատանելութեան առաջին ժամուն՝ բաժանումն ալ կ'ըլլայ: Այն ատենն է յորում իւրաքանչիւր սեռին կամ անհատին մասնաւոր բերումն ու յարմարութիւնը քննութեան կ'առնուի. և առանձին ուսման ոճ կամ եղանակ մը հարկ կ'ըլլայ անոնց համար յատկացընել. և նորանոր կանոններ՝ որոնք բնականաբար սեռին համեմատ կը զանազանուին, նոր սլարտականութիւններ կը դնեն մօրը վրայ: Իսկ ՚ի մանկութեան՝ ուսումը չընդունիր այդ զանազանութիւնը. միակ նպատակ մը ունի, կրթել զմիտս և զհօգի, — և իր բռնած ոճոյն սկզբունքներն չեն կրնար անձանց համեմատ յեղափոխութիւն կրել:

Այն մըն է մանկութիւնը ուստի կը բոլորի ամենայն. եթէ ջուրը մաքուր ու վճիտ է, ինչ փոյթ է թէ առուակը մեծնալով. իր մով արգասաւորած հովիտներուն մէջէն անցնելու ատենը՝ կը բաժնուի, իր քաղցր ու հեղասիւք դռչիւնովը զմայլեցընելով մեր ականջը, զուարթացընելով սրտերնիս:

Մարդկութեան ուսումն է որ իրեն կը տըրուի. բոլոր կենացը ուղղութիւն տուող մեծամեծ սկզբունքներու մէջ հրահանգուած է: շինուածոյն առաջին քարը դրուած է: Անկէ ետքը կու գայ առանձնական ուսումը՝ որ մասնաւոր անձանց ու իրենց բերմանը յատուկ է. և թէպէտ այս վերջինն ալ մեծ պաշտօն ու գործ մը ունի կատարելու, սակայն ՚ի հարկէ առաջնոյն ուսումը տրուած կ'ենթադրէ: Եւ յիրուի, ինչ կ'ըսէինք այն ճարտարապետին որ շէնք մը կառուցանէ առանց հաստատուն հիմ մը դնելու: Անմարթ է աշտարակ մը բարձրացընել, առանց անտեղիտալի հիման վրայ խարսխելու. և ոչ ալ կաղնին կրնայ երկնաբերձ ամբառնալ, եթէ խորունկ արմատներն հողուն տակ չտարածէ: Որ և իցէ մեծ ու փառաւոր գործոյ՝ հիման ու արմատին մէջ է իր տեականութեան գաղտնիքը: Հիմը դնելը՝ մօրը գործն է. շէնքին ճարտարապետը չէ ինքը, այլ հիման գործաւորը:

Ընդհանրապէս հիմունք իրարու նման են, մինչ դեռ շէնքերն՝ որոց անհրաժեշտ նեցուկն են ու յենարանն՝ իրարմէ բոլորովին կը տարբերին: Սակայն շէնքին ճարտարապետութիւնն որչափ ալ աննման ըլլայ, հիմունքն՝ որոց վրայ կը հանգչին՝ նոյն աշխատանքն ու տեւական հաստատութիւնը կը պահանջեն: Անոր համար արժան է որ մայր մը՝ իր որդւոցը, թէ՛ մանչ ըլլան և թէ՛ աղջիկ, քանի որ կը տեւէ անոնց առաջին մանկութիւնը, հասարակաց ուսում մը աւանդէ: Աւաման բաժնուած օրը՝ իրեն օգնականներ կը հասնին, և որոնք սկզբնաւորելու անբաւական էին՝ անոնք կ'ըլլան շինուածին գործը յաւարտն հասցընողք:

Այն մօրը՝ որուն Ստուած այլ և այլ զաւկըներ տուած է, գլխաւոր և հիմնական պարտքն է ջանալ՝ որ անոնց մէջ կատարեալ միաբանութիւն մը տիրէ. կառավարելոց մէջ միութիւնը՝ կառավարչաց արդասիրութեան հետեւանք և արգասիք է: Ընտանեկան վառարանին քով՝ զերագոյն հաւասարութիւն մը պիտի պահուի. պիտի չգտնուի մէկը՝ որուն համար կարելի ըլլայ ըսել կամ կասկածիլ իսկ՝ թէ երեսէ ընկած, կամ ընդհակառակն, ուրիշներէն աւելի չնորհք գտած է: Սակայն յաճախ կը հանգիպի որ մայր մը՝ առանց հաշիւ տա-

լու իր սրտին այս ծածուկ հակամիտութեանը, նախամեծար կը սեպէ զաւկընէրէն մէկը կամ մէկայլը, կամ անոր համար որ մանչ զաւակ է, կամ որդւոցը մէջ անգրանիկն է, կամ աւելի չնորհք ու բարուց քաղցրութիւն ունի, երբեմն ալ՝ վասն զի գաստիարակութիւնը աւելի խնամ պահանջած է, կամ անոր աշխարհք գալը աւելի վշտով ու արտասուօք եղած է. և որ առաւել ցաւալին է, ոչ միայն կը դնէ անոնց մէջ այս զանազանութիւնը, այլ նաև իր մասնաւոր գորովն ու սէրն ալ ուրիշ որդւոցը առջև. յայտնելէն չզգուշանար: Իրեն համար՝ միայն ներողութեան ու սիրոյ խօսքեր ունի. կոյր է անոր թերութիւններն տեսնելու. երբ վարձատրութեան մը արժանաւոր կ'երևնայ, անոր ջանքը արժանի և զածէն աւելի դուրս ցատքեցընելու ջանք կ'ըլլայ. իսկ երբ պատուհասի մը, բիւր պատճառանք կը հնարուին պատիժը ուշացընելու, և ինչուան երբեմն բոլորովին ալ զանց առնելու: Եթէ իր եղբարցը հետ յանցանքի մը մէջ գտնուի, թէպէտև ամենէն աւելի պարտաւորն ալ ըլլայ, հասարակաց պատուհասէն խալըսողը ինքը միայն է:

Այսպիսի մասնաւորութեան մը արգասիքն ուրիշ բան չէ, բայց ատելութիւն ու նախանձ ձգել համահայր ու համամայր եղ-

բարց մէջ. և որոնք Յովսեփայ եղբարց պէս՝ կրնան օր մը ինչուան վաճառել զինքը: Մօր մը կողմանէ եղած պարտաւոր յառաջագատութիւններ, անոնց պատճառաւ գործուած անիրաւութիւնք՝ շատ անգամ սկզբնական առիթ ու պատճառ են այն ամօթալի նախանձարեկութեանց և հակառակութիւններու, որոնք զանազան գերդաստաններն որդան մը պէս կը կրծեն գաղտ, ու յաճախ ահաւոր և ցաւալի հետեանք կ'ունենան:

Հարկ է ուրեմն որ մայրը զիտնայ ուղղել իր սիրտը երկիւղալից անվտառութեամբ, և անկողնուսէր ձեռքով մը հաւասար սփռել որդւոցը վրայ՝ իր գորովոյն ու խանդաղատանաց սիրազեղ հաւաստիքը: Իր գութը՝ ամբողջ գերդաստանին հաւասար ժառանգութիւնն է. անոր այլ և այլ անդամներն արժան է որ հաւասար իրաւունք ունենան նոյն սրտին վրայ: Գերազոյն արդարութիւն մը հսկէ իր տեսչութեանն ամէն գործոցը վրայ. նմանաթիւ ըլլայ ամէն մէկ տղուն երեսին վրայ գրողմամբ համբոյրը:

Սակայն ամենէն աւելի խիստ բարոյականն ալ ասկէ աւելին չիկրնար պահանջել. վասն զի անկարելին ուղղել մըն է պահանջելը որ անձուկ կանոնի մը մէջ սահ-

մանուի՝ ամէն կանոնէ վեր եղող մայրենի սիրոյն ներքին խանդաղատանքն: Այո, պէտք է խոստովանիլ թէ խիստ դժուարին է մօր մը համար հաւասար սիրով սիրելը. վասն զի սիրտ մը՝ ունի զանոնք զորս նախամեծար կ'ընտրէ, և ոչ ոք իրաւունք ունի անոր ծածուկ բարախմանցն հաշիւը պահանջել. բայց և ոչ ումեք թոյլ տրուած է մայրագութ խանդաղատանաց այս խորունկ գաղտնեացը թափանցել: Իւր սրտին խորութիւնը չափող քրիստոնեայ մայրը, երբ ճանչնայ ու նկատէ հոն կողմնակցութեան միտում մը, պէտք է որ ինքն ըլլայ անձին հետ պատերազմողը. այն ոչ իրաւացի զգածման հետ չգտորի կռուելէն, և թերեւս յաջողի փառաւոր յաղթանակ մը կանգնել, թէպէտ և իր ջանքն փափաքած արդիւնքը չունենան, գէթ անով օգտակար ըլլան որ կարողանայ գիտել ինքզինքն, անվտառ ըլլալ միշտ անձին վրայ, որպէս զի չըլլայ թէ տղայք կասկածին թէ ընդունայն տեղ կուտեր է: Գէթ պիտի վարձատրուի իր կտրճութիւնը. վասն զի զաւկըները գորովալից սիրով մը պիտի կապուին հետը, ու սիրելով մայրերնին՝ պիտի սիրեն նաև զիրեարս: Այդ քաղցր համակրութիւնը, հաւասարութեան մէջ ծնունդ առած սիրալիւր խանդաղատանքը՝

դեղեցիկ ու աստուածաճանոց ունակութեան մը պիտի դառնան: Արնան վրայ հասնիլ աղետից ու թշուառութեան օրեր ընտանեաց համար, սակայն ամբողջիդ ևս պիտի գործեն ընտանեկան միութիւնը, ալ աւելի պիտի հաստատեն խորձին կապը, որով անկարելի ըլլայ զանհկայ խորտակելը:

Ո՛րչափ քաղցր է մտածելը թէ մօրերնուս պարտեկան ենք մեր կենաց ամէն ոյժն ու անուշութիւնը. վասն զի իրենք զօրաւոր ըրած են զմեզ սիրով, իրենք՝ հաւասար գորովով մը միացուցած են մեր սիրտը՝ մեր եղբարց ու քերց սրտերուն հետ. և իրենց օրինակաւը սորվեցուցած են մեզի գիրար սիրելը:

Որպիսի կարեկցութեան արժանի է այն մարդը որ եղբայրական գորովոյն քաղցրութիւնը ճանչցած չէ. օտար մնացեր է անոր զոհերէն ու անձնանուիրութիւններէն. և քանի բարեբաստիկ որ այն քաղցր միութեան ճաշակն առած է լիովի:

Որդւոց իրարու հետ միութիւնը, կամ գերզաստանի մէջ ուժոյ շարանակութիւնը, մօրը գործն է: Այնպիսի էական կէտ մըն է այս տանը ապագային ու անոր մէջ զտնուող անհատից համար՝ որ ամէն կարելի խնամքն և փոյթը պիտի բանեցընէ

հետացընել անկէ ամէն նախանձորդութիւններն որ կ'արգելուն զհամամտութիւն ու զանհկայ եղծանող ատելութիւններն. մանաւանդ թէ ամէն պատկանաւոր աւիթը չլրիպեցընել սէրը ալ աւելի զօրացընելու համար: Այս նկատմամբ մարթ է իրեն քանի մը օգտակար թելադրութիւններ յիշեցընել:

Ամեն բանէ առաջ հսկէ որ չըլլայ թէ երբէք խախտի այն գերագոյն հաւասարութիւնը որդւոցը մէջ, ըլլայ ծառայից ձեռքով, կամ օտարաց և կամ նոյն խակ տղոցը: Չթողու որ դայեակը կամ դաստիարակը, կամ տանը որ և իցէ բարեկամ մը, տղոցմէ մէկը ուզելով յանդիմանել «Նայէ, ըսէ, քու եղբօրդ, նայէ քրոջդ՝ ինչպէս խելօք են. ամենքը զանոնք կը սիրեն. և քու գործած այդ անշնորհք կերպդ կամ թերութիւնդ չեն ըներ»:

Ոմանք կը կարծեն թէ այդպիսի խօսքերով տղու մը գէշ սովորութիւնը կրնան ուղղել, և չեն գիտեր թէ կրկնակի կը վնասեն անով. վասն զի յանդիմանուողին սրտին մէջ ասանց նման խօսքերը կ'արթնցընեն ու կը գրգռեն թէ չէ ապաշաւ ըրածին վրայ, այլ ամօթալի կիրք մը նախանձու. կը նախանձի եղբօրը կամ քրոջը վրայ՝ որոնց օրինակն անխոհական կերպով

իր առջևը կը դրուի. ու անոնց այդ նախա-
մեծար ըլլալը՝ իր աչքին փուռ մը կը դառ-
նայ: Իսկ օրինակ տրուող տղուն սրտին
մէջ ալ ունայնամիտ հպարտութեան զգած-
մունք կը զարթնուն:

Տղայք խիստ լաւ կը ճանչնան ու կը յար-
գեն այն պղտի զանազանութիւններն, զորս
մայր մը երբէք թոյլ պիտի չտայ: Պէտք չէ
որ տղոցմէ ոմանք հրամայեն ու այլք հնա-
զանդին, կամ իրարու քմահաճոյ ակնար-
կութեանց բռնադատուին գերի ըլլալ. այլ
ամենայն ինչ հաւասարապէս բաժնուած
ըլլայ: Նոյն հաւասարութիւնը պիտի տիրէ
նաև ՚ի խաղս. և որովհետև այնպիսի կէտ
մըն է այն զոր դժուարին է ձեռք ձգել,
մայրը պէտք է որ մօտանց հսկէ: Համա-
ռօտ ըսենք, ջանայ հեռացընել ինչ որ կըր-
նայ տղայոց մէջ իրարու վրայ անվստա-
հութեան կասկած մը տալ, կամ մէկմէկու
դէմ ատելութիւն ու նախանձ գրգռելու
առիթ ըլլալ: Բայց չարը խափանելով միայն
գոհ չըլլայ. այլ գիտնայ յօգուտ բարւոյն ՚ի
կիր առնուլ սիրոյ ու շահու միաբանութե-
նէն առաջ եկած զգացմունքը. վարժեցընէ
զեղբարս և զքորս՝ անձնանուէր ըլլալ առ
միմեանս, իրենց կամքն ու հաճոյքը փո-
փոխակի դռհել մէկզմէկ հաճելու համար.
անանկսով ոմանց սիրտը կը սովորեցընէ ՚ի

խանդաղատանս՝ և այլոց յերախտագի-
տութիւն: Տոհմակցութեան և արեան կա-
պանքն ոչ ինչ են եթէ փոխադարձ սիրոյ
յարատև մտադրութեամբք ամրացած չըլ-
լան:

Երբ տղոցմէ մէկը իր անհնազանդու-
թեանն կամ ուրիշ որ և իցէ թերութեան
մը համար արժանաւոր պատժոյ մը տակ
կնայ, անյուր ըլլալու չէ իր պղտի եղբարց
ու քերց աղաչանացն, որոնք արտասուօք
կու գան կը մօտենան իրենց մօրը՝ յանցա-
ւորին շնորհքը խնդրելու համար: Եթէ
յանցանքը թեթև է կամ ըստ բաւականին
քաւուած, հարկ է մեծարել անոնց արտա-
սուքն և աղաչանքը, և խնդրուած ներումը
մէկէն շնորհել. իսկ եթէ ծանր, անանկ որ
մայր մը չկարենայ առանց վտանգելու
առտնին հրահանգաց կարգաւորութեանը,
մէկէնիմէկ պատուհասը վերցընել, գէթ
ժամանակը քիչցընէ. անով աղաչաւորներն
չըբուցաներ արտումութեամբ, և իրաւունք
ալ կրնայ ունենալ հասկըցընելու թէ որ-
չափ ծանր եղած պիտի ըլլայ յանցանքը՝
որ իրենց միաբան աղաչանացն ալ չիկըր-
նար զիջանիլ: Անով ընտիր գաղափար մը
կ'առնուն մօրը արդարասիրութեանն վը-
րայ, առանց տարակուսելու սրտին բարու-
թեանը:

Մտադիր և զգօն մօր մը ուրիշ խնամք մ'ալ պիտի ըլլայ հսկել տղայոց վրայ որ ներողամիտ երևնան իրարու թերութեանց: Բացարձակ կերպով պիտի արգիլէ այն զիրար ամբաստանելներն՝ որ յաճախ նախանձու, վրէժխնդրութեան և քինու արգասիք են. և զգուշանայ որ չըլլայ թէ այն ծածուկ լրտեսութեանց ականջ կախելով՝ յանցաւորը պատուհասէ. մանաւանդ թէ արժան է որ այն պզտի լրտեսը խստիւ յանդիմանէ ու պատժէ ալ, չուզելով և ոչ խսկ ականջ կախել զբուցածներուն: Հասկըցընէ թէ ըրածը գէշ գործ մըն է. և թէ եթէ ստելը ամօթալի ախտ մըն է, հաւասարասլէս անարգ սովորութիւն մըն է փութալը՝ առանց հարկի ու օգտակարութեան և միայն այլոց վնասելու համար մէկու մը անհոգութիւններն կամ ծածուկ յանցանքը հրասլարակել. որ թէ վատութիւն մըն է և թէ մատնութիւն:

Թող որ լրտեսութեան այս ամօթալի միջոցներն անօգուտ են մօր մը համար, որուն լուսամիտ սէր և գործունեայ նախատեսութիւնը բաւական են տղայոց առաջնորդելու համար. սովորեցընէ զանոնք աստիճան անկեղծութեան մը, և ասիկայ է իրեն համար ընտիր առաջնորդ մը: Բայց որպէս զի կարող ըլլայ վստահիլ անոնց

անկեղծութեանը վրայ, արժան է որ մայրն ալ միշտ աննենդ, հաւատարիմ և ուղիղ երևնայ իր ամէն գործոցը մէջ: Հակառակ դրութիւն մը կրնայ այլ և այլ գէշ հետեւանքներ ունենալ:

Վասն զի եթէ մայր մը օգտակար ու զիւրին սեպելով իրմէն հեռու անցած դէպքերուն տեղեկութիւնը փոխանակ իր անձինքնութեամբն առնելու, այլոց բերած լուրերով գոհ ըլլալ, ու զտղայն սովորեցընէ այսպիսի թեթեւ ու մանր սեպուած նենգագործութիւններու, երկու կերպով կը վնասուի. մէյմը որ իւր ուրիշ որդւոց սիրտը իրմէ կ'օտարացընէ, և երկրորդ որ այն անարգ մատնութեան գործն ընող ու իրմէ վարձք ընդունող տղուն սիրտը կը նուաստացընէ, ու միւս եղբարցն ու քերցատելութեանը նշաւակ ու նպատակ կ'ընէ:

Մի և նոյն գերդաստանի տղոց իրարմէ օտարանալուն կամ պաղելուն ուրիշ պատճառ մըն ալ կայ, որն որ առաջ կու գայ ըստ ինքեան բարի կարողութենէ մը. սակայն անպատեհ կիրառութեամբն կրնայ մեծամեծ վնասներու պատճառ ըլլալ. և է նախանձորդութիւնը (émulation):

Կատարելագործութեան անհակառակելի միջոց մըն է նախանձորդութիւնը, յառաջադիմութեան աղբիւր մը: Սակայն որ-

սկէս զի օգտակար ըլլայ, մեծ զգուշութիւնս սկէտք է. և դաստիարակք խորհուրդ կուտան, և թերևս շատ խմաստութեամբ, ոչ երբէք 'ի տան, այլ դպրոցաց մէջ միայն գործածել այդ միջոցը:

Վասն զի դպրոցաց մէջ ընդարձակ է տղայոց առջև բացուած ասպարէզը. իւրաքանչիւր աշակերտ կը ճանչնայ իր ունեցած միջոցներն, առանց ճանչնալու իրեն հետ համընթաց եղողներունը: Գասարանին անձինքն յաճախ կը փոխուին ու կը նորոգուին, ու մրցանաց մէջ միշտ անստոյգ մնալով յազդութիւնը, որ և իցէ աշխատող կրնայ յոյս և աչք ունենալ առաջին պսակին: Այդպիսի հանգամանաց մէջ նախանձորգութիւնը առատամիտ կ'ըլլայ և յիրաւի օգտակար. վասն զի կը խրախուսէ աշխատանքը, առանց գրգռելու զնախանձ:

Անոր համար՝ երբ մտաւոր աշխատանաց հասակն հասնի, առտնին դաստիարակութենէն աւելի նախամեծար արժան է սեպել հասարակաց դաստիարակութիւնը. վասն զի դպրոցը՝ իր զօրաւոր ուսմամբն ու խիստ հրահանգօք՝ մայրենի դաստիարակութեան հարկաւոր կատարելագործութիւնն է: Ամենայն ինչ յիշուով ժամանակի, Գպրոցն է ընկերական կենաց սլառ-

րաստողն, մտաւորական ուսումը աւանդելով սղուն. իսկ մայրը կը պատրաստէ զտղայն դպրոցական ուսումը ընդունելու, բայց մանաւանդ տալով բարոյական ուսումը. մայրը կը կազմէ զմարդ, դպրոցն՝ դբաղաբայի:



Ատուծոյ անմահ շնչովը աշխարհ եկած արարածներէն շատերն՝ մասնաւոր բերում կամ կոչումն մը հետերնին կը բերեն: Անոնցմէ ոմանց համար՝ յառաջագոյն որոշուած է իրաւաց ճամբայ մը. երբ ատենը կը հասնի՝ հարկ է որ հետեին: Սակայն ամենուն ալ տրուած է միանգամայն տիրող կարողութիւն մը, որն որ կանուխ կը յայտնուի. խոհական ու մտադիր աչքերէ չվրիպող քանի մը նշանակներէ կը ճանչնայ զայն մայրը. ու կը սկսի զիտել, փորձել, զարգացընել. և օր մը՝ եթէ կրցեր է ըստ արժանւոյն առաջնորդել, պիտի սլայծառանայ իր ամէն փայլմամբը. դառնայ պիտի ըլլայ հանճար մը:

Այս, պիտի փայլի հանճարը, գերագոյն իմացականութեան հրաշալի յայտարարը.

այն աստղը՝ որ մերթ դժնդակ վշտաց ալ նշաւակ է, և քանի մը նախասահմանելոց ճակտին վրայ կը շողջողայ: Այս յայտնութեան առջևը, մայրը՝ որ ճանչցեր է արծիւը՝ իր թեոցը բարախմանէն, արժան է որ խոնարհի և շնորհակալ ըլլայ բնութեան տիրոջը:

Սակայն հանճարը՝ սովորական կարգին բացառութիւն մըն է. փայլական կրակն է որ մերթ ընդ մերթ կը փարատէ խաւար մթութիւն մը. անսահման կարողութեան զերագոյն յայտնութիւն մըն է՝ առ որ կրնայ ժամանել մարդկային բանականութիւնը. մեծավայելոյ չբոց մըն է որ նորանոր հորիզոններ կը լուսաւորէ. այլ միշտ վայրկենական օդերեւոյթ մը:

Բնդհանրապէս տղայոց ընդունակութիւնն չի կրնար ունենալ այդ ընդարձակութիւնը. սակայն կրնայ իրեն նախամեծար զիտում մը կամ ուսման մը փափաք ունենալ. և որոց մէջ՝ եթէ ըստ արժանւոյն խրախուսուի, կրնայ անոնց մէջ կատարելագործութեան բարձրագոյն կէտը ժամանել:

Իր փափաքած նպատակին պէտք է որ մօրը ձեռքով ուղղութի տղուն միտքը, որ և իցէ գործունեայ օժանդակութենէ մը չզրկելով զինքը: Իր խնամքը՝ տղուն բեր-

ման կամ կոչման առջև ելլող ամէն արգելք անհետ պիտի ընեն. փոխակերպեալ ստանանի մէջ ամիտութեամբ շերասին կապանքն խղեն, թիթեռնիկին թռիչքը փութացընելու համար:

Հեռաւոր ու ջերտտ երկիրներէ եկած բոյս մը՝ նոյն իսկ իր արսորական հողոյն վրայ կու տայ ծաղկըներ և պտուղ՝ եթէ խնամուտ ձեռք մը սկզբնական կլիմայն իրեն պատրաստէ: Բոյսեր կան՝ որոց համար աւելի ջերմութիւն պէտք է. և սրտեր՝ որոնք առաւելագոյն սիրոյ կարօտ են:

Մօրը ջանքն պիտի ըլլայ՝ խոհական պարտիպլանի մը նման՝ մնասակար խոտերուն մէջէն ճանչնալ կենդանասփիւռ բոյսը. զատել և որոշել զայն ուրիշներէն. օգոյ ու արեգական բարիքը վայելող բոյսը՝ կը զլմէ առ լոյսն. ու ծաղկըները՝ գուշակել կուտան նաև պտուղը իր հասունացած ժամանակն:

Ո՛րչափ բազմաթիւ են այն նշանաւոր անձինք որ մօրերնուն պարտը կան են իրենց համբաւոյն մեծութիւնը:



Տղայն կը սկսի կամաց կամաց մերկանալ իր առջի տկարութիւնն ու տգիտութիւնը. իր սիրտը կը ձեւաւորուի, բանավարութիւնը կը մեծնայ, կարողութիւնները կ'երենան և կը ցուցնեն թէ որպիսի ուղղութիւն տալու է դանոնք աւելի կարեւորագոյն ընելու համար:

Իր փոքրիկ ու մաքուր սիրտը կը փափաքի բարւոյն. սակայն մեծ մնաս մը կը սպասնայ. վասն զի կը տեսնենք թէ առաջին մանկութեան դաստիարակութեանն աւտենն վերջի ժամանակի մը հասած ենք, որ բանականութեան կատարելապէս ձեւանալուն նախընթաց է, և յորում մօրը զգոյշ աշխատանաց զիմացն զօրաւոր արգելքներ պիտի ելլեն:

Վասն զի մայրը միայն չէ այդ գործին մէջ. հուժկու թշնամի մը ստուերին մէջ կը հսկէ, և ճարտար գիտէ անոր ամէն մէկ պղտի սխալմունքը իրեն օգտին գործածել. անոր քունն իրեն պատե՛հ ժամանակ գըտնելով, որոմը կը ցանէ փոխանակ ընտիր ցորենի:

Իրախտին օձն է անիկայ, չար ուղին՝ որ նախանձաբեկ կը շրջի այն անմեղութեան բոյնին չորս կողմը. ապստամբ հրեշտակը՝ որ չկարենալով հանդուրժել մարդկային բարեբաստութեան, ամէն հնարք և միջոց կը գործածէ, սատանայական հնարագիտութիւններ, զանկիկայ տակնուվրայ տապալելու: Չարի հնարագիտութիւնը անդադար է իր գործունէութեամբը. արժան է որ բարւոյ հնարագիտութիւնն ալ անգործ չմնայ: Պէտք է բարւոյ հոգին՝ ուժի դէմ ոյժ դնէ, խարդախութեան դէմ, ներուի մեղ ըսել, խարդախութիւն, ոչ երբէք հանգչի, ու չդադրի ըսելէն. Իմնպատակս սուրբ է, ու անշուշտ պիտի յաղթանակեմ: Թշնամին ատաջ կու լգայ, և այն օրը յորում վերջապէս կտրւոր պատերազմի մը հրաւերը կ'ընդունի, իր հակառակորդը այնչափ ձեւնտուք ունի իրեն, որ պատերազմելէն առաջ ամօթապարտ նկուն ըրած է զինքը:

Չարին հնարագործութիւնքը ճարտարարուեստք են. միայն մէկ կերպով, սիրոյ զօրութեամբը, կարելի է յաղթել անոնց:

Սէրը, որուն հանդիսեցանք դաստիարակութեան ամէն կերպարանափոխութեանցը մէջ. տեսանք թէ որչափ հարկաւոր է այն գործոյն սկզբնաւորութեանն ատեն, հարկաւոր զանկիկայ շարունակելու համար, և անհրաժեշտ՝ բարեբաստիկ կատարածին հասնելու:

Մեծ ոյժ մը ձեռք կը ձգէ մայրը իր զօրաւոր սրտէն. կը պատերազմի, կը կռուի զօրաւոր թշնամոյ մը հետ դէմ առ դէմ, անոր հարուածին փոխարէն հարուած մը տալու. և յանդուգն, ճարտար ու հնարիմաց թշնամոյ մը հետ՝ ամէն հնարք ու ճարտարութիւն գործածելու, որպէս զի չըլլայ թէ անկէ յաղթուի: Պէտք է որ միշտ արթուն ըլլայ, մտադիր և չըջահայտեաց, որ չըլլայ թէ չկարծած ատենին՝ յարձակման մը ենթակայ ըլլայ:

Տղայն չէ իր մօրը երկիւղին և անհանգըստութեանցը պատճառը. վասն զի տըղայն անօթ մըն է որուն մէջ պիտի դրուի անուշահոտ իւղ մը կամ դառն թոյն մը. տղայն պատշաճական գանձ մըն է զոր պիտի պաշտպանէ ու պահպանէ. ինքը չէ այն

վատ թշնամին՝ որուն հետ սլատերազմիլ ստիպուած է մայրը: Յառաջապահ զինուոր մը, զէնքը ձեռքը՝ սլատնիշին վրայ կեցած է. խաւարաբորժ՝ բայց անդադար է այդ պատերազմը: Իսկ եթէ ինքն արթուն է, եթէ զգոյշ ՚ի պահպանութեանն, պիտի տեսնէ թշնամուցն մօտենայլը. սլիտի լսէ այն սառրերկրեայ ականին ձայնը՝ զոր կը պատրաստէ թշնամին՝ իր խնամոցը յանձնուած նուիրական քաղաքին տակն հասնելու համար. ու անխոնջ ու աներկիւղ զինուորի մը նման՝ պիտի նետէ ինքզինքն հոն ուր վտանգ կը նշմարէ:

Թշնամին իրեն օգնութեան կը կանչէ ամէն զէշ կրքերը. ամէն ախտք մտադիր կ'անստն անոր ձայնին. և դարմանին արագութիւնը միայն կրնայ ասպակովել իր աղբեցութիւնը: Չպրին կարողութեան ամէն մէկ յայտնուելուն, հաւասար կարողութիւն մը բարւոյ ազդեցութեան դէմ դնելու է. և անոր ներկայացուցիչն է մայրը: Եթէ ժամանակ չկորսնցընէ, յաղթութիւնը դժուարազնի չըլլար իրեն:

Վտակ մը դիւրին կ'ամիտփութի իր ակունքէն. բայց եթէ անձրևներով աճի ու աւերող ու ապականիչ հեղեղ մը դառնայ, մարդկային կարողութենէն վեր է անոր գարմանը:

Կործանելու մօտ տուն մը, որուն հիմունքը խախտիլ սկսած են դանդաղ ժամանակի մը լուռ ջանքովը, գետնի հաւասարելու վտանգէն կը խալըսի՝ եթէ մտադիր ձեռք մը դարմանէ անոր ծածկուած խրամը:

Սմէն գործի յարմար ժամանակ կայ. եթէ մէկը գիտնայ այդ ժամանակին ընտրութիւնն ընել՝ քիչ ջանքով մեծամեծ օգուտներ ձեռք կը ձգուի. ատենն որ անցնի՝ աշխատանքը կրկնապատիկ է, և յաջողութիւնը ոչ նոյնպէս ստոյգ:

Չթողու ուրեմն մայրը որ առանց կռուելու անցնի՝ կռուի ժամանակը. այլ հաստատուն ոտքով սսլասէ թշնամուցն, գուշակէ անոր հնարագիտութիւններն, և տեսնելով զանիկայ գործի մէջ զգոյշ կենայ որ չըլլայ թէ անոր շարժումըներէն մէկը վրիպին իր հսկող աչքէն:

Սակայն չարը սովորութիւն չունի իր ամէն տգեղութեամբն երևնալ: Կը ծածկէ իր երեսը, կը կեղծէ ընթացքը, և կը ջանայ իր ամէն ճարտարութիւնը բանեցընել որպէս զի դիմացինին մտադրութիւնն հեռացընէ այն տեղէն՝ ուր ժամանելն է իր նպատակը: Պէտք է որ մայրը ծիծաղելի ընէ անոր հնարքները. երեսի դիմակը պատուէ, և գետ նոր սկսուելու գործը մէկէնիմէկ փճացընէ:

Ապա թէ ոչ, եթէ սպասելու ըլլայ որ չարը իր ամէն տգեղութեամբն ու յանդգնութեամբը երևնայ, որպէս զի զանիկայ արգելու դիմացը խրամատիւղով, 'ի ծածուկ կը սկսի ուժովնալ, ու կամաց կամաց իր զօրութիւնը փորձելով՝ յարմար ատենին կը սպասէ իր նենգաւոր յարձակմունքն ընելու:

Ինչ բացատրութիւն կրնանք տալ չարի ներկայութեանը աշխարհիս վրայ: Ինչո՞ւ թոյլ տուեր է Աստուած որ գաղափարային մեծութեան փափաքող մարդկային սիրտը՝ ստիպուած ըլլայ ճամբուն վրայ կանկ առնուլ, ու 'ի ծածուկ իրենդէմ լարուած դարաններուն մէջ իյնալ: Ինչո՞ւ թոյլ տուեր է որ թշնամի զօրութիւն մը՝ իր բիւրացի խոստումներովը փորձէ այս դեղեւեալ հոգին. և լուսոյ որդին՝ իր ամէն մէկ քայլին՝ ահաւոր խաւարի մէջ իյնալու վտանգին ենթակայ ըլլայ: Ինչո՞ւ իր այս ազնիւ ձեռագործը՝ նշաւակ ըրեր է այսպիսի անգութ ու անողորբ պատերազմի. այն անդադար մրցմանց՝ որովք կրնայ ըլլալ որ ոյժը սպառի, եռանդը նուազի և ղէնընկէց անձնատուր ըլլայ թշնամոյն:

Եթէ մարդկային հոգին նշաւակ է դժուարին ու ցաւալի փորձութեանց, արդեօք անոր եղկելի վիճակին համար կարելի

է մեզի մեղադիր ըլլալ նախախնամութեան, ու անողորբ համարել զայն: Բայց իր թշուառութեանը մէջ ալ իրաւունք չունի գանգատանաց ձայնը բարձրացնելու. վասն զի այդ փորձութեանց ենթակայ ըլլալը՝ Աստուծոյ կամքովը չէ: Վիշտք՝ Աստուծմէ եղած չեն. վասն զի չէ թէ Աստուած արար դչար, այլ չարը եղաւ իրեն դէմ:

Ասանկ կը սորվեցընէ մեզ մարդկային ազգի առաջին ապերախտութեան պատմութիւնը:

Բայց ո՞ւր թողունք որ չարին աշխարհիս վրայ ներկայութիւնը՝ փառաւոր վկայութիւն մըն է բարւոյն զօրութեանը. ախտից սարսափը կ'ազդէ առաքինութեան զգացմունքը:

Կեանքը՝ մարդուս առաջին յանցանքէն ու Գողգոթայի գերագոյն քաւութենէն ետքն ալ՝ ուրիշ բան չէ բայց եթէ փորձութեան ժամանակ մը. հալոց մը ուր կը զտուի ոսկին. պատերազմ մը՝ որ կրնայ արժել յաղթանակի մը փառքը, պսակը ընդունելէն առաջ՝ սպասելու ժամն է:

Կենաց մեծ խորհուրդը՝ ոմանց վարձատրուելուն և այլոց պատուհասին մէջն է. յաղթութեան կամ պարտելու հետեանքին մէջ: Եւ ինչպէս կրնար գերագոյն արդա-

րութիւնը գործադրուիլ՝ եթէ բարեւոյ հա-
կամիտութեան չհակառակէր չարի հակա-
միտութիւնը, և եթէ ամէնքը ստիպուած
ըլլային հասարակաց կոչման մը հնազան-
դիւ։

Հարկ է որ չարն ու բարին միանգամայն
գտնուին, որպէս զի մարդս կարենայ ա-
զատ ընտրութեամբ գործել. մէկ կողմանէ
լոյս, խաւարը միւսէն. լուսաւոր ճանա-
պարհ մը՝ սակայն դժուարազնալի, ժեռուտ
և գայթեցընող. ուրիշ դիւրին ճանապարհ
մըն ալ, բայց մշուշի ու խաւարի մէջէն՝ որ
կ'առաջնորդեն գիշերոյ. — և այս երկու
ճամբուն գիմաց՝ մարդկային ազատութիւ-
նը, որուն վրայ Աստուած իսկ ունի իր
իրաւունքը. — այս տեսարանն է զոր այն-
չայի դարերէ 'ի վեր կը ներկայացընէ մեզի
կենաց մեծ եղերերգութիւնը, ուր յորա-
փոփոխ են դերասանք։

Մարդս անոր համար գերագոյն արա-
րած մըն է, վասն զի ազատ արարած է։
Բոլոր բնութեան վրայ Աստուած այնպիսի
օրէնքներ դրած է՝ յորոց չեն կրնար և ոչ
մէկ օր մը զարտուղիլ. մարդս միայն ունի
անկախութեան արտունութիւնը. ինքը
միայն ազատութիւն ունի՝ համաձայնիլ
Աստուծոյ կամացն՝ գործելով զբարի, կամ՝
արհամարհել անոր սեպչութիւնը առնե-

լով զչար։ Կրնայ, եթէ անանկ ուզէ, նա-
խատել զԱստուած, չճանչնալ զինքը, իրեն
դէմ ելլելով ասպտամբ ու հայհոյիչ հոգի
մը ըլլալ։

Բարին ու չարը իրարու հակառակա-
մարտ իշխանութիւնք են՝ որ յաղթանակը
իրարմէ յափշտակել կը նային. այդ յաղ-
թութեան վարձքն է՝ կամաց ազատութիւնն
կամ գերութիւնը, իսկ երկու ախոյեանքն
են՝ նիւթ և հոգի. — մարմին և հոգի։

Հոգին՝ սուրբ էութիւն մըն է որ դէպ 'ի
վեր բարձրանալ կ'ուզէ. կը ցանկայ այն
յաւիտենական ճշմարտութեան՝ ուստի ա-
ռաջ եկած է. պանդուխտ մը՝ որ կը հա-
ւատայ թէ իր աքտորանքը վախճան մը ու-
նի, բանտարկեալ մը՝ որ իր արգելարանին
վանդակէն կախուած՝ կը նայի յերկինս ե-
րագելով զազատութիւն։

Իսկ մարմինը. — անզուրթ բռնաւոր մը,
անողոք ու վատ թշնամի մը, բանտապետ
մը։ Այն հողն՝ ուստի իր ծնունդն է, զին-
քը կը քաշկըռտէ, կ'ուզէ անկէ անբաժան
մնալ, մինչդեռ հոգին թեւեր կը փնտռէ որ
կարող ըլլայ սլանալ վեր ելլել մինչև յա-
նարատ զաւառս անսահմանութեան։

Այս երկու հակառակամարտ նախան-
ձորդաց մէջ ընելիք ընտրութիւնը մար-
դուս ձեռքն է։

Կռիւը չկրնար յերկարատե ըլլալ, պէտք է որ մէկը հնազանդի և միւսը հրամայէ: Բայց որո՞ւն ձեռքը պիտի մնայ իշխանութիւնը:

Հոս կը սկսի մարդկային ազատութեան գերագոյն պաշտօնը. պէտք է որ անկիւյ ըլլայ այս որոշմունքն ընողը:

Սըատութիւնը կը յայտնուի կամքով. միայն աղատ արարածը իրաւունք ունի ըսելու, թէ կ'ուղեմ կամ չեմ ուղեր: Անոր համար է որ խաւարի իշխանութիւնը ամէն բանէ առաջ կամքը մոլորեցընելու ջանք կ'ընէ: Կը մերձենայ առ նա ոչ իբրև թըշնամի մը, այլ շողքորթ մը. ճարտարութեամբ իր օգտին կը գործածէ անոր տկարութիւնները, տարակոյսները, և յուշիկ կ'ուղէ զանկիւյ գերել: Կ'առնէ կը տանի բարձր լերան մը վրայ. կը ցուցընէ անոր քաղաքներ ու թագաւորութիւններ, ու կը շլացընէ աչքերը, և այն օրը յորում կամքը զառածանի, չար ոգին կը յայլթանակէ. ալ ինքն է տէրը: Այն մեծ ոյժը, որ միայն կարող էր իրեն դէմ կենալ, իր իշխանութեանը հնազանդ գործակատար մը կ'ընէ. կը թագաւորէ, կը հրամայէ, ու մարդս անոր աչուըններուն առջև կը սողի երկրիս վրայ. մինչդեռ հրեշտակք՝ իրենց լուսեղէն պատմուճաններով երեսնին ծածկելով՝

լռիկ կ'արտասուեն ապստամբ հոգւոյ մը անկմանը վրայ:

Մարդուս ազատութեանը մէջ է իր մեծութեան կամ նուաստութեան խորհուրդը:

Անոր համար դաստիարակութեան գըլխաւոր նպատակն է՝ կամքը անբաժան պահել 'ի բարւոյ: Մայրը կը սորվեցընէ տղուն զառաքինութիւն, կը հասկըցընէ անոր գեղեցկութիւնը, կը վարժեցընէ ու արահետ ճամբու մը վրայ կը դնէ. և որպէս զի որ և իցէ անակնկալ յարձակմանէ զինքը պահէ, կը սորվեցընէ նաև զչար, անոր արհաւիրքը ազդելով տղուն սրտին: Ու երբ այն օրը հասնի յորում ընտրութիւն պիտի ընէ ընդ բարին և ընդ չար, տղան ալ չի գեղեցիկ. որ և իցէ հրապոյրք անկարող կ'ըլլան ջլատել անոր սկզբանց հաստատութիւնը. ու չար ոգւոյն հնարագիտութիւնք ու վարժերը կ'ընդունայնանան անոր անտեղիտալի սրտին առջև:

Սակայն թշնամին կանուխ կը մտնէ 'ի դաշտն պատերազմի. բարւոյն սկզբանց հաւատարիմ՝ հոգին նկուն ընելու համար՝ չի սպասեր որ կամքը բոլորովին ձևակերպելով բաւական ըլլայ իր պաշտպանութեանը: Կը հասնի այն օրը յորում կ'իմանայ մայրը թէ իր խնամոյն յանձնուած սա-

տուահան աւանդը վտանգի մէջ է. դժուարին վայրկեան մըն է իրեն համար. քաջասիրտ արութեամբը կրնայ սպաւհովել իր մեծ գործոյն վերջնական յաջողութիւնը, սակայն տկարութեամբն ու թուլութեամբը կրնայ վտանգի մէջ դնել իր նախկին յաղթանակները:

Պատերազմելու պատրաստուող թշնամին՝ եօթը ամբոցներ ունի, որոնցմէ ուղածին մէջ կը քաշուի. ու զօրանալով՝ յանազնկալս իր որսին վրայ կը յարձըկի:

Այս եօթն ամբոցաց հարկ է տիրապետել յաղթանակը ձեռք ձգելու, և դաստիարակութեան մեծ գործը ամէն վտանգներէ սղատելու համար: Եօթն մահացու մեղքերն են այս ամբոցները:

Մանուկը՝ ՚ի չար ոգւոյ գրգռեալ, դէպ ՚ի անոնց հակամիտութիւն պիտի ցուցնէ. ուստի պէտք է որ մայրը զիտնայ ամէն մէկ անդամուն՝ բռնել անոր ձեռքէն, արգելուլ անոր հակամիտութիւնը: Հպարտութիւն, Ագահութիւն, Անկարողութիւն, Կախաւն, Որկրավոյրութիւն, Բարկութիւն, Ծոռութիւն, իրենց մասնաւոր յատկութիւններն ունեցող ախտեր են, յորոց զիւրին է զիրենք ճանաչել: Անանկ կը կարծուի թէ զանոնք ճանչնալէն ետքը՝ մօրը ուրիշ բան չիմնար՝ բայց հետերնին կուուելու յարմար ատենին սպասել:

Ախակ ենթադրութիւն: Ասիկայ չէ մօր մը գործը. այլ պիտի արգելու անոնց երևնալը, կամ երևնալնուն պէս մէկէնիմէկ ոստաքանց ընէ. չի սպասէ որ ուժովնան, չի սպասէ որ սպառնալից կերպարանք մը աւնուն, որպէս զի հետերնին պատերազմի:

Այոնցմէ առաջ կու գան ուրիշ ամէն ախտերը. անոր համար ալ է որ եկեղեցին եօթը գլխաւոր մեղաց անունը կու տայ անոնց. եօթնգլխեան վիշապ մը՝ զոր մէկ հարուածով մը արժան է կտրել:

Առաջին մանկութեան դաստիարակութեանը մէջ՝ մօր մը վերջին աշխատանքը պիտի ըլլայ ասիկայ:

Եթէ յաղթանակէ, յաղթութիւնը կատարեալ կ'ըլլայ, իր գլխաւոր գործը փառօք աւարտած: Եթէ պէտ իր բարերար գործը միշտ շարունակէ, սակայն խաղաղ ու հանդարտ կերպով ու առանց խստութեան, դաստիարակութեան աշխատանքը դեռ կատարեալ չէ, վասն զի չի կրնար աւարտիլ. բայց վտանգաւոր ժամանակը ալ անցած կը սեպուի, հնճոց ատենը հասած:



Ահաւաստիկ ամենէն առաջ, և ամենէն աւելի ահաւորը՝ Հսրարտութիւնն: Հսրարտութիւնն ու ապերախտութիւնն՝ կորսնցուցին առաջին մարդը, և առաջին սատանան երևցուցին: Մարդուս վրայ Հսրարտութիւնը ցեղական ախտ մըն է. իր կարողութեանը մէկ վտանգ մը. մարդ ու հրեշտակ Հսրարտացան թերևս անով, վասն զի Աստուած գիրենք շատ կարող ստեղծեր էր:

Ունայնամտութիւնը, որուն երևնալուն շանակաց վրայ արգէն խօսեցանք, հըսրարտութեան նախընթաց կարասպեան է, անոր տկար յայտնութիւնը: Հսրարտութիւն և ունայնամտութիւն՝ հաւասարապէս յիսերիմք են մայրենի գործոյն. երկուքն ալ անտեղիտալի արգելք մը կ'ըլլան յառաջադիմութեան: Երբ ունայնամիտ տղան սորվելու ամենեւին փոյթ չընէր, վասն զի կը կարծէ թէ բաւական զիտէ, Հսրարտը կ'արհամարհէ զգիտութիւն, և իրեն տրուած դասերուն և ազգարարութեանց վրայ կը ծիծաղի, վասն զի կը համարի թէ ինքն ամէն բան զիտնալով՝ անկարելի է իրեն նոր բան

մը սորվեցընել: Իր կրթովը կուրացած, ինքզինքը գերագոյն արարած մը կը կարծէ. ու երբ լսէ թէ գիտութիւնք զիւրաւ չեն սորվուիր, առաքինութեանց գործադրութիւնը դժուարին է, կը ծիծաղի մօրը սզիտութեան կամ անբաւականութեան վրայ: Ար գտնէ նաև շողոքորթներ, (վասն զի մանկութեան հասակին համար ալ կըրնան գտնուիլ) որ կը զբաղեցընեն իր կանխահաս հանճարը գովելով, ու մօրը ջանքով սորվեցուցածներն արհամարհելով. « Քեզի պէս խելացի տղոց համար չեն, կ'ըսեն, անոնք »: Տղան ախորժելով կանսայ այս խօսքերուն. « Իրաւ, կ'ըսէ, իմ զիտցածս ինծի բաւական է. ուրիշէն բան սորվելու կարօտութիւն չունիմ »:

Որպէս զի ուսումը օգտակար ըլլայ, թէ օրինակով և թէ ուղղակի տրուածը, արժան է որ սղայն երկու կերպով օժանդակէ մօրն կամ ուսուցչացը. — հնազանդութեամբ և աշխատասիրութեամբ:

Ի՞նչպէս Հսրարտ սղայն Հսրատակ, հնազանդ ու սրտկառոտ կրնայ ըլլալ: Հնազանդութեան և մեծարանաց երկու օրինաց դէմ կը բարձրանայ մարդկային Հսրարտութիւնը. — « Չէ, ես պիտի չհնազանդիմ, պիտի չմեծարեմ », կը զրուցէ այն տղայն որուն վրայ Հսրարտութեամբ սնած

աստատութեան ոգի մը ըլլայ: Ու դէմ կը կենայ իր մօրը, ու իշխանութեան հակառակ պատերազմելու կը գործածէ այն ամէն ոյժը՝ զոր հնազանդելու պիտի ծառայեցընէր:

Հպարտութեան ստոյգ հետեանքն է՝ փճացընել զհպատակութիւն. և անով կը հակառակի մարդկային բարօրութեան, գէթ անոր բարգաւաճանացը: Բարեբաստութիւնը կարգի մէջ է, և կարգն ալ ուրիշ բան չէ՝ բայց եթէ գործադրութիւն հնազանդութեան առաքինութեանը՝ թէ բարոյական և թէ բնական վիճակի մէջ հաստատուած ամէն օրինաց առջև: Հնազանդութիւնը կարևոր է տղուն. առանց անոր՝ դաստիարակութիւնն անստուգ կ'ըլլայ, և տղան տգէտ կը մնայ, մանաւանդ թէ թշուառ. վասն զի իր կեանքը կ'անցնի յանդիմանութիւններ ու ծանր պատիժներ կրելով: Անհրաժեշտ է մարդուս հնազանդութիւնը, վասն զի մարդկանց մէ, յիրաց և ՚ի զիպուածոց կախմունք ունի. իր բարեբաստութեանը մէկ պայմանն է այն, վասն զի կ'ապահովէ իր հանգիստը, խղճի ու սրտի հանգստութիւնը: Հնազանդութիւնը լուծ մըն է զոր արժան է յօժարափոյթ վերցընել. անոր դէմ չիկրնար կենալ աստատութիւնը, և մարդս որ հը-

պարտութեամբը կը մըլուի օրինաւոր իշխանութեան դէմ կենալու, կը խոնարհեցընէ իր ճակատը կրից անարգութիւն տակ: Ո՛րչափ աւելի ծանր է այս լուծը, մարդս անոր գերին է, ուստի և թշուառ:

Հնազանդութիւնը փճացընելով զոհ չըլլար մարդկային հպարտութիւնը, կը փճացընէ նաև գործունէութիւնը, այն որ մարդուս բարեբաստութեանը և մտաւոր բարգաւաճանացն ուրիշ ազդիւր մըն է: Մարդուս գործունէութիւնը իր տկարութեանն զգածմանէն և կարօտութեանցն հարկէն առաջ կու գայ: Հպարտը կը կարծէ աշխարհի տէր ըլլալ. ու իր խեղճութեանը մէջ ծածկուելով, նախանձոտ աչքով մը կը նկատէ աշխատասէր ու արդար մարդկանց բարեբաստութիւնն ու բաղդը: Չըսեր թէ նմանիմ անոնց ու աշխատանքի ետևէ ըլլամ. այլ նախանձելով անոնց յաջողութեանցը վրայ, կը դանգատի. Նամարժեքս, կ'ըսէ, անոնցմէ վեր է, և սակայն մուցուած երեսի վրայ մնացեր եմ: Թշուառ է, ու կը չարչարուի իր խեղճութեամբը, անոնց կարող ըլլալու ըմբռնել անոնց մեծութիւնը. ու թէ որ հպարտութիւնը կ'արգելու անոր մտաւոր հարստութիւնը, կ'արգելու նաև որ սիրտը չձևակերպի մէկ խօսքով, կ'արգելու դաստիարակութեան օրինաւոր ընթացքը:

Հսկարտութիւնը՝ դեզ, պահանջող ու անողոր կ'ընէ զմարդ։ Հսկարտը համողուած է թէ իր բնութիւնը գերազանց է, ու սուտ մեծութեան մը գաղափարներով լեցուած՝ ամենէն պատուոյ կը սպասէ։ Կ'արհամարհէ զայլս, և ուրիշներն ալ արհամարհանօք իրմէ հեռու կը փախչին։ Բայց նա իր միայնութիւնը՝ վկայութիւն մը կը համարի իր ուրիշներէ վեր ըլլալուն, և կը մեռնի անօգուտ և անկարող իր կարծեցեալ զօրութեան պատրանքովը։ Անօգուտ եղաւ իր կեանքը։ 'ի նմին ժամանակի նաև թշուառ։ Եւ սակայն այս ամէն բանին պատճառը մանկութենէն է։ Եթէ մայրը գիտնար սպազային փնասները տեսնել, և ախտին սկզբնաւորութենէն կուտիլ սնոր հետ, հսկարտութեան այս դժնդակ արգասիքը արգելած կ'ըլլար։

Արժան է որ ամէն անգամ անոր գլուխ վերցընելուն՝ ջանայ ուղղել և արգելուլ յառաջադիմութիւնը։ միշտ արթուն՝ առիթ մը չփախցընէ զանիկայ խոնարհեցընելու, իր իշխանութեան դէմ ապստամբող հսկարտ մանկութեան ինքնահաճ ընդունայնամտութիւնը։

Սակայն մեր օրերը կը նկատենք որ ընտանեաց մէջ ոչ միայն պէտք եղած ջանքը կը պակսի անոր դէմ կուտելու, այլ

կարծես թէ ծածուկ քաջալերութիւն մը կ'առնու։ Տղուն աչքին առջևն են ցաւալից օրինակներ, ակընջին մէջ կը հնչեն անխտհական խօսքեր։ Հսկարտութեամբ լեցուած է այն օդը զոր կը շնչէ։ և որովհետև իր բնութեան հակամտութիւններն կը զուգընթանան ընդունած օրինակներուն հետ, տարափոխիկ ախտ մը կը դառնայ որ զարհուրելի ջարդեր կ'ընէ։

Քիչ են արդեօք մեր ազգին ընտանեաց մէջ այնպիսի թեթևամիտ հարուստներ՝ որոնք ուրիշ բան չեն գիտեր խօսիլ՝ բայց իրենց նախնեաց ազնուականութեանը, իրենց խելքին ու գործունէութեանը, ունեցած փառաւոր տուներուն, խարճած այնչափ ստակներնուն վրայ։ Քիչ են անոնք որոնք հազիւ ակնարկ մը կ'ուզեն ձգել ուրիշ իրենց նմանեաց վրայ՝ վասն զի չունին հարստութիւն, չունին սերնդեան ազնուութիւն։ Սակայն ճրջափ ալ բազմաթիւ են անոնք՝ որ իրենց հարտարութեամբն քիչ մը առաջ եկած, կամ առանց այն յառաջադիմութիւնն ալ ունենալու, կը նախատեն խօսքով ու գործով զանոնք՝ որ իրենց դիրքովը կամ ներկայ ու անցեալ արդեամբքը արժանի են մասնաւոր մտադրութեան։ Ո՛րչափ մեծ է այս երկու դաս մարդկանց ալ ազդեցութիւնը իրենց զաւակաց վրայ։

Նայինք այս կերպով մեծցած տղու մը
 միայն: Երջագայութեան ելած ատենը՝ ար-
 համարհանօք կը նայի այն իր հասակակցա-
 ցը վրայ որ իրեն պէս մաքուր հագուած
 չեն. դպրոցին մէջ կ'ուզէ իր ընկերներէն
 վեր առաւելութիւն մը ունենալ. վասն զի
 իր մայրը կառքով կը քալէ, ու իրիկուան
 դէմ սպասաւոր մը կը իրկէ զինքը դպրա-
 տունէն առնելու համար:

Ո՛րչափ ալ ծիծաղական սեպուիւն այս գի-
 տողութիւնք, սակայն ապագային մտածու-
 թիւնը պէտք է անհանգիստ ընէ. ուր մարք
 և ոչ իսկ կրնան հասկընալ, վասն զի իրենց-
 մէ անցած են այն թերութիւնք տղայոց
 վրայ: Ո՛րչափ տարբեր է ուրիշ ընտանեաց
 ազնուական վեհանձնութիւնը որ կը ճանչ-
 նան իրենց արժէքը, գիտեն ինչ որ իրենց
 պատշաճական է, բայց միանգամայն գի-
 տեն թէ ուրիշներուն ալ ինչ կը պարտին:
 Կրնայ ըլլալ որ իրենց օրինաւոր փառասի-
 րութեան մէջ խաբուին. բաղդին ձեռքը
 ծանրնցած ըլլայ վրանին, ու ինչքն և ստա-
 ցուածքը անոնցմէ կորզելով, լոկ անուննին
 ձգած ըլլայ: Առանց քրթմիջելու կը համ-
 բերեն. ու եթէ երբէք հարկ ըլլայ իրենց զա-
 ւակաց հետ՝ տոհմերուն ազնուականու-
 թեանը խօսքն ընել, ուրիշ նպատակաւ չէ,
 բայց որպէս զի հասկըցընեն թէ ինչ պար-

տականութիւն ունին այն անուան. որպէս
 զի երբէք չմոռնան թէ հայրերնէն աւելի
 աղէկ պիտի գործեն, բայց ոչ նուազ քան
 զնոսա:

Մեծվայելութեան հետ՝ ամենամեծ
 զգուշութիւն ալ արժան է ըլլուի ընտանե-
 կան զրուցատրութեանց մէջ:

Ծնողք ամեն ջանքերնին ընեն որ առ-
 թերութեան կատարելութեան, որովհետև
 անկարելի է այն մարդկային տկար բնու-
 թեան, գէթ խոհեմութիւնը ձեռքէ չձգեն:
 Փոխանակ սղայոց հետ իրենց տոհմին
 ազնուականութեանը, կամ իրենց ցեղին
 փառաւոր նախնեայն ու արգեանց վրայ
 խօսելու, որոնք շատ անգամ երևակայա-
 կան են, փոխանակ վարժեցընելու զինքը
 արհամարհոտ սջքով ուրիշներուն վրայ
 նայելու, առիթ մը չփախցընեն հասկըցը-
 նելու թէ որչափ տկար ու անկարող է. թէ
 ինչպէս յաճախ իր կարծեացը մէջ կը սխա-
 ւի. միտքը դրոշմեն թէ տղան ինքիրմէ բանի
 մը բաւականութիւն չունի եթէ այլոց ձեռ-
 քով չառաջնորդուի:

Այս խրատներուն և ազգարարութեանց
 վրայ՝ որ յաճախ և ըստ պատշաճի պէտք է
 կրկնուին, ուրիշ գործնական ուսում մըն
 ալ լաւեցընելու է. ամէն հպարտութեան
 մէկ նշանակ մը տալուն՝ վարպետ ու օգ-

տակար կերպով մը զինքը մահացընելու է. ասանկով կարող կ'ըլլաս այն գէշ խմորը՝ փոխանակ անեցընելու, պակասեցընել:

Տղուն զիմաց ամէն բան պարզ ու բնական ըլլալու է. ինչպէս խօսքերն՝ ատանկ ալ բարբը: այսպիսի օրինակ մը անկարելի է որ իր ազդեցութիւնը չունենայ: Պէտք է կրթել զինքն այն զեղեցիկ պարզութեան՝ որ առջի բերան որչափ ալ աննշան երևնայ՝ կամաց կամաց ճշմարտապէս մեծ և զօրաւոր խառնուածոց առանձնաշնորհութիւնն կ'ըլլայ:

Տնական բարբը պարզ ըլլան. ըսել չենք ուզեր թէ ճոխ չըլլան, այլ առանց ամենեւին ունայնամիտ պերճասիրութեան հետք մը ունենալու: Տղուն աչքին առջև չգրուի ամենօրեայ խնայութեան տեսարան մը՝ իրիկուան ընդունայն չուայլութեա մըքը վատնուած:

Այսպիսի խնամքներով և մտադրութեամբ՝ զգուշութիւն կ'ըլլայ տղուն սըրտին. այն տարաիտխիկ ախտէն ազատ կը մնայ, վասն զի հպարտութիւնը չիկրնար գլուխը վերցընել, ու մօրն խօսքերովը և օրինակներով սիրելի ու զեղեցիկ առաքիչութիւն մը կ'ըլլայ պարզասիրութիւնը: Բնականութիւնը, ամօթխածութիւնն և պարզասիրութիւն, ասոնք պիտի ըլլան

այն սիրուն ծաղկընները՝ որ տղին սրտին մէջ ուռճանան՝ փոխանակ հպարտութեան դառն բուսոյն, զոր արմատաքի պիտի քանցէ մայրը:

Ասոնք ոչ միայն ընտիր առաքիչութիւններ են, այլ նաև կարողութիւնք: Գործոյ և ամենուն հետ վերաբերութեանց մէջ գտնուող մարդը, որ զիտէ զգաստ լուծութիւն մը պահել, որ խոնարհ է՝ առանց նուաստութեան, համակամ՝ պռանց բարկութեան, մէկուն անձնասիրութիւնը չվիրաւորեր: Այնպիսին եթէ տկար, ստորին կարգի կամ չափաւոր հանճարոյ մը տէր ըլլայ, ամէնքն իրեն յօգնութիւն կը դիմեն. կը փութան իրենց ջանքովն ու եռանդեամբ օգնել անոր տկարութեանը կամ չափաւորութեանը, առանց մտքերնէն անգամ անցընելու որ ուրիշէ տեսնուին կամ զուրցուին: Իսկ եթէ զօրաւոր կամ գերագոյն հանճարի տէր ըլլայ, ամէնքը գլուխ կը ծռեն իր զիմացը, անոր չուզած կամ չպահանջած մեծարանքն իրեն կ'ընեն, մինչդեռ ինքն իր համեստ զգուշաւորութեամբը ալ աւելի դուրս կը ցատքեցընէ իր արդեանցը հետ նաև այլոց երախտագիտութիւնը: Բարձրամիտ մարդուն համար վնասակար է իր հպարտութիւնը. վասն զի պատուար ու արգելք մը կ'ըլլայ իրեն գէպ ՚ի կատա-

րելութիւն յառաջելու. վասն զի կը հեռացնէ իրմէ ամենուն համակրութիւնը. իսկ ընդհակառակն պարզ մարդը սիրելի կ'ըլլայ. կը գտնէ իր վրայ դարմացողներ, առանց բարեկամները կորսնցընելու:



Հսկարտութենէն ետքը կու գայ Ագահութիւնը:

Ինչպէս հսկարտութեան՝ ասանկ ալ ագահութեան ախտին սերմը կայ տղուն սրտին մէջ: Այս ամօթալի ախտին ներկայութիւնը ցուցնել՝ այնպիսի հասակի մը մէջ յորում բնութեամբ առատամիտ, աննախահոգ ու վեհանձն պիտի ըլլայ, թերեւս ընդունայն զգուշութիւն մը երեւնայ ոմանց:

Սակայն պէտք չէ խաբուիլ. ինչպէս մեծ մարդը, ասանկ ալ տղան, եթէ զգուշութիւն չըլլուի, կրնայ հիւժիլ հարստութեան կրքով: Ամէն օր պիտի ուզենայ նոր բան մը ձեռք ձգել, ու դիզել ժողովել զանոնք իր քովը. և այս ախտը այնչափ աւելի դժուար կրնայ ըլլալ տղուն վրայ՝ որչափ աւելի ըլլան չար օրինակներն որ ամէն օր իր աչքին զիմացը գտնուին:

Եւ արդարեւ, ինչ է ընդհանրապէս ամէն օրուան տեսածնիս:

Ընտանիք՝ որ բոլորովին նիւթական հոգերու մէջ ընկղմած են. — մեծարանք՝ որ ՚ի ճոխից անբաժան է. — չունեցողներէն՝ երեսդարձութիւն. — ինչուան խղճերու վրայ ինքնահաճ իշխանութիւն մը ունի սուկին: Ասկոյ սէրը՝ ամէն, բայց աւելի մեր ժամանակաց, դժնդակ վէրքն է: Ֆարեկեցութեան պատրուակաւ՝ ամէն սիրտ հաւասար կը հիւժի ընչից փափաքով: Անոր մէջն է մարդկային բոլոր գործունէութիւնը. ոչ երբէք մարդու ձեռքը յոգներ է այդ ոսկին զիզելէն, և կամ կրցեր է շատանալ. այլ որչափ աւելի ձեռք ձգեր է, այնչափ աւելի անյազ և հետամուտ եղեր:

Ընտանեաց մէջն ալ այնպիսի բուն ցանկութիւնը կը գտնուին՝ որոնք կը տաղնապէս զընկերութիւն: Այն ամենօրեայ դբադանք, որոնց դժբաղդաբար հանդիսատես է տղայն, մեծ տալուորութիւն կ'ընեն իր մտքին վրայ, ու տխուր արձագանք մը կը թողուն սրտին մէջ:

Թէ որ ըստ ժամանակին արժանապէս չյանդիմանուի, և եթէ հարկ սեպուի՝ նաև խստիւ չսքստուի, ինքն ալ կը սկսի իր մանր հաշիւներովն դբաղիլ. կը կորսնցընէ անուր սրտին եռանդը ու մտաց վսեմու-

թիւնը: Իր խաղալիկներն ու ձեռքն ինկած ստակը դիզելու մեծ խնամք մը կը կրցուցընէ. կը ծածկէ՝ կը պահէ իր փոքրիկ ստացուածքը, փոխանակ առատամտութեամբ ցրուելու. որչափ աւելի ստանայ՝ այնչափ կ'ուզէ ձեռք ձգել: Կը հասնի պատանեկութեան հասակին, ու արդէն ամէն բանէ ցրտացած պաղած է. միայն անյագելի ծարաւով մը, ընչասիրութեամբ, չարչարուած. կարծես թէ կանխահաս փառասիրութեամբ մը հիւժած մաշած է: Ասոր համար է որ մեր ժամանակաց երիտասարդութիւնը՝ ատենէն առաջ լրջութիւն մը կը ստանայ. սրտին մէջ որդ մը կայ որ կ'ուտէ վինքը. կ'ուզէ վաստըկիլ, բայց շատ ու շուտ վաստըկիլ. և այդ ագահութենէն մղուած՝ իր ապագայն վտանգի մէջ կը ձգէ:

Շանչցեր ենք շատ անձինք որ մէկէնիմէկ ճոխութիւն դիզեր են, ու ոմանց զարմանքին՝ այլոց ալ թերևս նախանձեւուն առիթ տուած: Սակայն քիչ ատենէն լսուեր է անոնց մոխրի վրայ նստելը. բաղդին մէկ քաղցր ժպիտովը համարձակութիւն առած, անոր անգութ խաղին զոհեր են իրենց ապագայն. ու ծնողական խնայութեամբ ժողվուած, հեծութեան արտասուօք դիզուած գումարներ, մէկ վայրկենի

մէջ փճացեր են: Դարձընենք վայրկեան մը մեր մտադրութիւնը այդ անարգ տուրևառին վրայ. ու անոր զոհ եղած անձանց տխուր համրանք մը դիմացնիս պիտի ելլէ. պիտի յիշենք թէ անոնցմէ քանին ստըկին վրայ տուեր են նաև իրենց սիրելի գերդաստանին բարեբաստութիւնը, ինչուան նաև կեանքերնին ալ...: Դարձընենք աշուրնիս այդ ցաւազին տեսարանէն. ու ահաբեկ անոր սոսկալի կոտորածներէն՝ համողութիւնք թէ շուտով աղքատնալը՝ շուտով հարըստնալու հետեանք է յաճախ:

Շատ անգամ լսուած խօսք մըն է թէ վերս Սատուած ու վարդ քսանեց: Մենք կ'ըսենք թէ այդ վերջի բառին տեղ գործածելու էր՝ խոհականութիւն, չափաւորութիւն և գոհ ըլլալ. և համողուած ենք թէ շատ աւելի պիտի ըլլար հարստութիւնը՝ նաև մեր ազգին մէջ եթէ այդ երեք առաքինութիւններն անբաժան ըլլային ՚ի ճշմարիտ բարեպաշտութենէ. և եթէ որչափ կ'աշխատինք ոսկի դիզելու՝ հաւասար ջանք մը ունենայինք բարի անուն և համարմունք ձեռք ձգելու:

Ասոնք տպաւորելու է տղուն սրտին ու մտքին մէջ, գիտնալով թէ անիկայ առաքինութիւններէն աւելի մեր ախտիցն հետեւողութեան մէջ ճարտար է:

Դաստիարակն երբ տեսնէ թէ տղայն ձեռքն ինկած դրամն ու խաղալիկները գիղելու հետ է, ու անյագ ագահութեամբ անոնց վրայ կը գնէ իր ամէն փոյթը, մեծանձնութեան առաքինութեան զգացմանց ջանայ գինքը արթնցընել, ու անանկով պատերազմիլ այդ անարգ ակտին հետ. գթասիրութեան վարժեցընէ զտղայն, մարդկային խեղճութեանց տեսարանին վրայ դարձընէ անոր մտադրութիւնն, և զանոնք սփոփելու առաքինութեան քաղցրութեան խելամուտ ընէ գինքը: Ինքիրմէ աւելի գուրիչը մտածելու գեղեցիկ անձնանուիրութեան սովորեցընէ. սրտովը չկապուի այն պզտիկ ու չնչին բաներուն հետ որ կը գըրդեն իր հաճոյքը. հասկընայ թէ ագահութեամբ ծողվելէն աւելի՝ ճրջափ սփոփիչ է կարօտելոյն օգնելը, ու քանի գեղեցիկ է այն մեծութիւնը՝ որ ուրիշներու աղէտքն սփոփելով ու մխիթարելով կերպով մը կը կերպարանէ զտէրն բնութեան: Տանի գինքն աղքատաց տուները. ցուցընէ իրեն հասակակից մանկութիւն մը ամէն բանէ զրկուած. տղուն աչքին առջև կամ մանաւանդ նոյն իսկ տղուն ձեռքովը, բաշխէ անոնց ողորմութիւն: Սակայն որպէս զի աւելի ևս տպաւորուի սրտին մէջ, պարզապէս մատակարար չընէ գինքն տրուած ու

ղորմութեանցը. այլ հաղորդ առնու իր բարեգործութեանցը. հասկըցընէ թէ իր ձեռքով տրուածը՝ պարզապէս հօրն կամ մօրը քուսկէն ելած չէ, այլ իր մէկ զուարճութեանը, մէկ հաճոյիցը գինն է, ուսկից ինքզինքն պիտի դրկէ՝ կարօտելոյ մը սփոփանացն ու դիւրութեան պատճառ ըլլալու:

Առաջ ըսինք թէ կրնայ տղայն իր աշխատանքովն ու բարի վարքով ստացած պզտի գումարի մը տնտեսութեան տէր ըլլալ: Հասկըցուր իրեն թէ այն պզտի բաղդը՝ աղքատին գանձարան պիտի սեպէ. և առիթ մի վախցընել իր գորովագութ սիրտը գոհ ընող այս գեղեցիկ միջոցէն գինքը զրկելու: Կրնաս մասնաւոր կերպով քննել իր առատամիտ կամ սգահ բարուց հակամիտութիւնները, ճանչնալ դէպ ՚ի բարին կամ առ չարն ըրած յառաջադիմութիւններն. և անոր համեմատ կամ վարձատրել զինքը կամ յանցանացը համեմատ պատուհաս մը դնել վրան: Եւ յիրաւի, կամ կը շատցընէ իր ունեցածը, և կամ առատաձեռնութեամբ իրեն գիմող կարօտելոց կը բաժնէ. կը հսկի կամ յագահութիւն և կամ յառատաձեռնութիւն: Մայրը կը տեսնէ անոր գործելուն եղանակը. իր պզտիկ գանձին կիրառութեան եղանակը գեղեցիկ

միջոց մըն է մօրը՝ օգտակար ընելու գայն տղուն դաստիարակութեանը:

Ախորժելի է տեսնել զտղայն, ապագային փոքրիկ գործաւորը, որ աշխատանաց վարձքը կ'ընդունի, ինչպէս գործաւոր մը իր շաբաթչէքը: Նախանձաւորութեան գըրգիռ մըն է ասիկայ, և վարսեւտ միջոց մը ազահութեան դէմ կռուելու, վարժեցընելով զինքը յողորմասիրութիւն: Այսչափ թուով բարելաւութեանը կամ ուսումնասիրութեան համար տրուած տոմսակներ (bon-points) իրաւունք տան իրեն պլտի դրամական փոխարինութեան մը. սակայն 'ի նմին ժամանակի' թեթեւ յանցանքներու համար ալ, որոնք անատադրութենէ կամ անխողութենէ առաջ կուգան, պարտըկան ըլլայ թերութեանցը համեմատ տուգանք տալ: Չկարծէ մէկը որ պարզ շահադիտութեան մը կերպարանք կ'առնու այն ատեն տղուն աշխատասիրութիւնը, մտադրութիւնն և հնազանդութիւնը. վասն զի տրուած դրամական փոխարինութիւնն այնչափ թեթեւ պլտի ըլլայ որ շահասիրութիւնը կարող պլտի չըլլայ այդպիսի վնաս մը ընել տղուն. մանաւանդ թէ ամէն ջանք պլտի ընէ որ իր պլտիի բաւողը սնուցանէ իր գթութիւնը, և անանկով դիւրին կ'ըլլայ մօրը հաղորդ ընել զինքը ըրած ողորմու-

թեանցը: Յաճախ իրեն յիշեցընէ թէ հարուստին պարտքն է աղքատին ողորմաբաշխ ըլլալ, և թէ՛ օրինաւոր կերպով և յարատե աշխատութեամբ ստացուած հարստութիւնը եթէ պարծենալու տեղ մը ունի, ուրիշ բանի համար պլտի չըլլայ՝ բայց եթէ բարիք ընելու կարողութեամբ:

Մերժելու է անոր սրտէն ազահութիւնը, ինչպէս առաջ մերժեց զանձնասիրութիւն. և որչափ մեր ժամանակաց սովորութիւններն և բարք տխուր պատկերներ ներկայացընեն իր աչքին, այնչափ աւելի ջանալու է վարժեցընել զինքը յանշահասիրութիւն և յողորմածութիւն:

Ողորմածութիւնն ու գութը մարդկային այնպիսի արեւակաւան առաքինութիւններ են որ մարդու սիրտը զգայուն կ'ընեն ամէն թշուառութեանց, դիւրալուր ամէն աղաչանաց: Մաքուր սկունք, ուստի կը բղխեն ամէն աղնուական զգացմունք, գերագոյն քննիչք՝ որ ամօթով կը շառագնեն քրիստոնեայ սիրտ մը աւելորդ ծախուց համար՝ երբ անդին իր եղբարցը հարկաւորն ալ կը պակսի:

Տղուն սիրտը այս գեղեցիկ առաքինութեանց սովորեցընելը՝ աւերակներու վրայ գեղեցիկ ու անուշահոտ ծաղիկ մը բուսցընել է:

Սակայն այս փոխակերպութիւնը մէկ օրուան մէջ չի կրնար ըլլալ: Սիրտը սնդա-
ցընող ու ձեռքերը գոցող ագահութեան
հետ պատերազմելու համար՝ անդադար
ջանքի կարօտ ենք. ախտ մըն է որ այլ և
այլ կերպարանքներով կ'երևնայ, և այլ և
այլ գէշ ախտեր, որոնք կարծես թէ իրեն
հետ այնչափ վերաբերութիւն մը չունին,
անկէ առաջ կու գան:

Այն գէշ հակամիտութեանց մէկն, որոնց
ագահութիւնն է պատճառ, և որուն
վրայ այնչափ մտադրութիւն չըլլուիր ման-
կութեան հասակին մէջ, գողութեան ախտն
է. վասն զի ագահութեամբ է՝ որ մարդս
բաւական չսեպելով իր ունեցածը, կամ ա-
նով գոհ չըլլալով, կը սկսի քննել, լրօտսել
ուրիշինը, և զանոնք ձեռք ձգելու միջոցնե-
րուն վրայ մտածել և յոգնիլ:

Գիտողութիւն ըրէ տղոցդ, և ամենուն
վրայ ընդհանրապէս պիտի կարենաս նկա-
տել այդ հակամիտութիւնը՝ ի գողութիւն:
մանաւանդ թէ պիտի սկսիս ալ զանգատիլ
անոնց գործած քանի մը մանր մունր զան-
ցառութեանց վրայ այդ ախտին նկատ-
մամբ. առջի բերան պիտի սկսին իրենց որ-
կրամիտութեանը կարևոր բաներ վերցը-
նել, ետքը աչուրնուն օգտակար երեցած
կամ սեպած նիւթերը: Թէ որ իրենց մէկ

սլզտի ընկերակիցը, կամ սլզտի եղբայրը՝
նոր խաղալիկի մը տէր եղած ըլլայ, կը զի-
տեն՝ յարմար ատենը կը փնտռեն, ու անոր
հեռաւորութեանն ատեն կը վերցընեն
զայն. իսկ եթէ աւելի ուժով են՝ բռնու-
թեամբ կը յախշտակեն. թէ որ քովի տանդ
սլարտէզին մէջ գեղեցիկ ծաղկըներ, կամ
նոր հասած ստուղներ տեսնեն, պատէն
անդին ալ սնցնելու սիրտ կ'ընեն, ու թէ-
սլէտ քիչ մը վախով կամ ամօթով, այն
պատուական աւարը հետերնին կը բերեն:

Ամէն անգամ որ այսպիսի գողութեան
դէպք մը հանդիպի, մէկէնիմէկ առջևդ
կանչէ յանցաւոր տղան ու խիստ պատժով
մը սլատուհասէ զինքը: Հոս մէկ զաս մը
բաւական պիտի ըլլայ. ամենէն աւելի բնա-
կունն, բայց միանգամայն և լաւագոյնն է,
ստիպել սլզտի գողը որ առածը մէկէնիմէկ
ետ դարձնէ: Թէ որ գողութիւնը տնէն
դուրս օտար մարդու մը վնասովն եղած
ըլլայ, յանցանաց դարմանն ալ աւելի հան-
դիսական կերպով արժան է ընել: Մայրը
պէտք է որ տանի զտղայն այն մարդուն
քով որուն վնաս հասուցեր է. ճամբան ոչ
յանդիմանութիւն և ոչ ծանր խօսքեր պէտք
է ուղղէ անոր, այլ գլուխը կախած իբրև
թէ ամօթով և մահացեալ: Իսկ երբ հաս-
նին մարդուն տունը, թողութիւն խնդրէ

իրմէ՛ սոյնալիսի յանցանքի մը համար, ըսէ որ իր բոլոր ընտանեացը նախատինք է. ու ազաչելով ներել ու մոռնալ, աւելի իր վրայ խօսիքսն թէ տղուն: Այս կերպով տրուած խրատ մը՝ մեծ ազդեցութիւն կ'ընէ յանցաւորին սրտին վրայ. կը խոնարհի, բայց առանց խոնարհեցընելու իր բնաւորութեան արժանապատուութիւնը, զոր միշտ արժան է մեծարել:

Ասիկայ օրինակ մըն է:

Բայց մայրն՝ իր ձեռքին մէջ ուրիշ հազարաւոր նոյնալիսի միջոցներ ունի: Աթէ կրկին նոյն յանցանաց մէջ խնայուն կամ զանի ծանրացընող պարագաներուն համար՝ հարկաւոր սեպուի աւելի խիստ պատիժ մը տալ, արժան է որ մայրը մարմնական պատուհաս մը զնէ վրայ: Այսպիսի ամօթալի ախտի մը առաջքն առնելու համար՝ պէտք է ամենեւին ներողամտութեան կամ համբերութեան միջոցներուն դիմել:

Չէ թէ կը վախենք որ այս դժնդակ միտումը այնչափ աճի տղուզ վրայ, որ տարիներ անցնելէն ետքը այն մեծ յանցաւորաց թուոյն մէջ գտնուի, զորոնք նախատուած ընկերութեան մը վճիռը վատահամբաւ բրած է: Մեր վախը այնչափ հեռու չերթար:

Վախերնիս աւելի անոր համար է՝ որ ե-

թէ տղայն ատենին չուղղուի, գողութեան այս ցաւազին հակամիտութիւնը՝ ապագային համար կրնայ այլ և այլ գէշ ազդեցութեանց պատճառ բլլալ: Տարակոյս չկայ որ յանդուգն գող մը շիկրնար բլլալ, բայց անհաւատարիմ անձ մը իր պարտուցը, ճարտար 'ի խաբել շահավաճառի մէջ, որ գիտէ ուրիշին հաւատարմութեամբը զեղծանիլ. որ անխիղճ կերպով կը զեղծանի ուրիշին վստահութեամբը, և ուրախութենէն ձեռուընները կը շփշփէ երբ իր անհաւատարիմ հնարագիտութիւններովը աւելցած տեսնէ ստացուածքը:

Այսպէս ազահութիւնն ու գողութիւնը իրարու հետ կրնան միութիւն մը հաստատել: Մէկը կրնայ միւսին ճամբայ բանալ, վասն զի երկու ախտերն ալ համաքայլ կ'ընթանան:

Այդ մանր գողութեանց ուղղութեան որուն դէմ այդչափ խստութիւն կը ստուիրեմք մարց ու զաստիարակաց, օրինակ մը մէջ բերենք:

Յանցաւոր տղուն քաղաքին մէջ վաճառական մը կար՝ որ ամէն օր իր խանութին ապակեայ վանդակներուն տակ այլ և այլ տղայոց խաղալիք կը գնէր ծախելու: Տըզան պղնձէ գալարափողի մը աչք տնկած էր ու զայն կ'ուզէր ձեռք բերել. բայց

մայրը չէր ուզեր դրամը տալ՝ ոչ միայն խաղալիկը սուղ ըլլալուն, այլ մանաւանդ անոր համար որ զինքը իր քանքովն ու վարքով գոհ ընելու ամենևին փոյթ մը չէր ցուցնէր տղան : Լացաւ, աղաղակեց, սպառնացաւ տունէն առնել քալել, մէյմ'ալ ետ չդառնալու համար. բայց մայրը անտեղիտալի մնաց : Վերջապէս օր մը իմանալով տանը ծառայից մէկուն պահած ստըկին տեղը՝ առաւ հարկաւոր եղած դրամը, ու մէկէն խաղալիք ծախող վաճառականին խանութը վաղեց :

Գողութիւնը յայտնի էր. բայց տղան կ'ուրանար յանցանքը : Երկրորդ օրը անծանօթ մարդ մը տուն եկաւ, և ուղեց տղուն հետ խօսիլ. ու տեսնելով զինքը ըուրջ ու ծանր կերպով մը ըսաւ. « Խմ պարտքս է պղտի գողերը բռնել ու բանտ տանիլ » : Տղան լացաւ, աղաչեց, իր անմեղութիւնը ուղեց անոր հասկըցնել. սակայն անօգուտ էին արտասուքը. հարկ էր հնազանդիլ. ամօթէն գետին նայելով՝ բոլոր քաղքէն անցաւ. ամենուն աչքը անոր վրայ էր, ու այն տարօրինակ դէպքին վրայ կը խօսէին. իսկ տղայն սաստիկ ամաչելէն գետին կ'անցնէր : Բոլոր օրը այն ոստիկանութեան պաշտօնէին քով անցուց. վասն զի մայրը 'ի ծածուկ անոր հետ խօսքը մէկ ըրած էր,

և խնդրած որ այս բարեկամութիւնն ընէ : Իրիկուան դէմ հօրը տունը դարձաւ տղան, ամօթով լի և ստրջացած :

Այս մէկ օրինակը՝ կրնայ այլ և այլ ուրիշ օգտակար միջոցներ թելադրել որդեսէր ծնողաց :



Ագահութենէն ետքը կու գայ Հեշտախտութիւնը :

Սիրտը ցամաքեցընող ախտէն ետքը, զանիկայ հիւժոյն ու անպատիւ ընողը : Հեշտախտութիւնն այնպիսի թշնամի մըն է՝ որ մօր մը սրտին ամենամեծ վախ մը արժան է որ ազդէ. վասն զի ամենէն աւելի հրապուրիչ ախտն է, ամենէն աւելի հնարագէտն և աղէկ զինուած :

Այլ և այլ հնարքներ կան սիրտը հրապուրելու համար. այլ և այլ վարպետ նենգութիւնը զանիկայ խաբելու :

Չգայարանք կը սատարեն իրեն, մարմինը դաւակից կ'ըլլայ. և իր քանդիչ ու ապականարար գործոյն մէջ զօրաւոր նեցուկ է դժուարամարտչելի հակամիտութիւն մը, և որ աղէկ զիտէ մոլորեցընել զինքը՝ գարտուղեցընելով պահպանողական ճա-

նաստարհէն՝ զոր ցըցուցած է բնութիւնը: Պէտք է շփոթել իրարու հետ կիրքն ու հեշտախտութիւնը, առջինը բոց մըն է որ կը տարցընէ, իսկ երկրորդը՝ լսփլիղող ու աւերիչ հրդեհի մը մարելու մօտ վառարան մը: Հարկ է յիշեցընել թէ մօրը պաշտօնը է այդ կրից կրակը շիջուցանել. մանաւանդ թէ պիտի ջանայ սնուցանել զայն: Արրքերը՝ հոգւոյ կենդանի բերմունքն են. առանց անոնց չեն կրնար ըլլալ ոչ մեծամեծ գործեր և ոչ յարատե ջանք:

Արից հասակը՝ վաղահասուկ (precoce) է: Ասենէն առաջ իմաստութեամբ կառավարուած կիրքը կրնայ գործունեայ կերպով օժանդակել ՚ի կատարելութիւն հոգւոյ դաստիարակութեամբ. ընդ հակառակն կրնայ՝ եթէ գէշ կերպով կամ բնաւ կառավարուած չէ, սոսկալի միբիկ մը յարուցանել այն դիւրաբեկ նաւակին վրայ՝ որ մայրենի ակնկալութեանց քաղցր դանձը կը կրէ: Կանոնով չկառավարուած կիրք մը՝ իր բնութիւնը կը փոխէ. ոչ ևս է տարր բարւոյ, հապա ինքն չարն է:

Գաստիարակութեան գիտութիւնը ասոր վրայ կայացած է՝ որ գիտնայ ուղղել զայն, և ոչ եթէ աւերել:

Երեցածին պէս՝ պէտք է որ մայրը մէկէնիմէկ ցուցընէ իր տիրող իշխանութիւնը

անոր վրայ. ուղղէ, նիրհեցընէ, և եթէ հարկ տեսնէ՝ նաև նուաճէ. խալըսէ զայն չարին իշխանութենէն, և բարւոյ տարր մը ընկու աշխատի:

Անմաքրութիւն, տարածամ ապականութիւն, ամօթալի սովորութիւնք՝ տղոց վրայ յաճախ արդիւնք են չար խորհրդատուաց և օրինակի՝ քան թէ զգայարանաց պէտք: Եթէ բնութիւնը չբռնադատուի՝ խոհական լուութիւն մը կը պահէ, և տղան՝ տարածամ եռանդան յարձակմունքներէ ազատ կը մնայ: Ախտից մէջ մանկութեան համար ամենէն աւելի զարհուրելին՝ անմաքրութիւնն է. կտրիճ նժուզին՝ անհանդարտ քայլերուն տակ բացուած անդնդոց մէջ ամենէն աւելի խորունկը. զինքը սանձող ճարտար ձիավարը՝ զգոյշ կենայ անոր մէջ գահավէժ ձգելէն:

Սմէն զգուշութիւն, ամէն արթնութիւն պէտք է ընէ մայրը՝ տղուն հետ վերաբերութիւն և տեսութիւն ընողներուն նկատմամբ: Թէ ընտանեաց մէջ և թէ դուրսը՝ մաքուր մթնոլորտի մը մէջ պիտի ապրեցընէ զինքը: Անոր առջևը թիթևսովի խօսքեր, անպատշաճ զարդարանքներ, աչքի զարնող ընտանութիւններ պիտի չըլլան. անոր չորս կողմը՝ բարբերինն աւրուած ընկերակիցներ, ախտաւոր ծառաներ, ան-

Հող ու անտարբեր օտարներ պիտի չերևանան երբէք: Տղան կրնայ իր մէջը ահարեկող թշնամիներ գտնել. ամենայն ինչ կը տպաւորուի իր մտքին մէջ. ամէն պատկեր՝ իր կանխահաս երեւակայութեան վրայ կըրնայ ունենալ իր հաւատարիմ՝ ու նման անգրագարձութիւնը: Հեռացուր անոր աչքէն նկարներ, պատկերներ ու արձաններ՝ որոնք կրնան արթնցընել իր երեւակայութիւնը և աղօտացընել իր խորհուրդները. բայց մանաւանդ հեռացուր իր փափուկ ականջներէն՝ անպատշաճ ու անտեղի կենցաղավարութեանց խօսակցութիւնները:

Հո՞ւ մօր մը հսկողութիւնը ոչ երբէք պիտի պակասի. վայրկեան մը միայն բաւական է որ չարը իր փափաքին ու դիտմանն հասնի: Արթնս թէ ամենայն ինչ կը միաբանի՝ այդ հսկողութեան դէմ: օրինակ, խորհուրդք, թեւադրութիւնք, խօսակցութիւնք և ընթերցմունք. ամէնքը խօսքը մէկ ըրած կ'երևնան մաքրութեան գեղեցիկ առաքինութեան դէմ: Սակայն այդ թշնամեաց առջև՝ մայր մը կայ. մայր մը՝ որուն յանձնուած է տղուն անմեղութեան վրայ հսկելու դժուարին պաշտօնը:

Ո՛րչափ շատ են այն մայրերը՝ որոնց վրայ պարտաւոր անհոգութեան մը մեղադրանքը կը ծանրանայ: Մտտարբեր կեցած՝

անխոհական ապահովութեամբ մը կը նիրհեն՝ երբ յանկարծ թշնամին վրայ կը հասնի. կոյր են և խուլ, և երբ գտնուի մէկը որ իրենց ազդէ՝ չեն ուզեր հաւտալ. « Սո՞ք հասակին մէջ, — վրայ կը բերեն ժպտելով, — անկարելի է այդ հասակին մէջ »:

Եւ սակայն կարելի է. վասն զի անմաքրութիւնը մեր ժամանակաց բորոտութիւնն է, որ կը մաշէ զմանկութիւն, ինչպէս ամէն ատեն մաշած, հիւժած ու սպառած է գերիտասարգութիւն. իր ըրած ահաւոր աւերմանց առջև՝ քիչ է որ և իցէ խնամք, արթնութիւն և զգուշութիւն: Մեղուութիւն, սովորականէն աւելի հոգածութիւն, բարեբաստիկ կեանք՝ զգայութեանց արթննալուն կը սատարեն. ո՞ր և իցէ խնամք՝ որ մաքրութեան, առողջութեան, անցաւոր վիճակի մը հիւանդութեան՝ օրինաւոր պահանջմունքէն անդին կ'անցնին, այս բանիս համար միայն բաւական են գէշ ու վնասակար ըլլալու: Սրդէն խօսած եմք թէ ինչպէս անօգուտ խնամք կրնան տածել զանձնասիրութիւն և զունայնամտութիւն. և թէ ինչպէս փոխանակ զօրացընելու՝ ալ աւելի կը տկարացընեն զմարմին:

Մարց խանդաղատական գութը՝ փոխանակ զիրենք զգայուն և սիրող ընելու իրենց որդւոցը բարոյական լաւութեան, յաճախ

անոնց բնական բարեբաստութեան խնամոց մէջ չափադանցութեան կը տանի: Մարմինը կը շահի, բայց հոգին կը կրէ. վասն զի երեսի վրայ մնացած է, և իբրև թէ մութ և անձուկ բանտի մը մէջ արդիւրեւած: Թէ որ չափէն աւելի ամրացընես բանտը, բանտին մէջ եղողին խղճուելուն վրայ ո՛վ կը տարակուսի:

Փոխանակ անուղղակի կերպով նիւթականին օգնելու, և աններելի անխոհականութեամբ մը անցընելու իր ամօթալի ախորժակները, ետևէ եղիր գեղեցկացընելու անոր հոգին. ջանա այն թարմ սրտին մէջ միայն մեծանձնական զգացմունք և ազնուական փափաքներ արթնցընել: Հոգւոյ աշխարհին մէջ ասլոցընել տուր քու տղայդ. ընտրէ՛ իր առջևը դիր մտաւոր հաճոյք՝ որոնք պզտի հասկացողութեանը համեմատ ըլլան. խաղեր, խօսակցութիւններ, պատկերներ, իր չորս կողմը եզողներն, զինքը զբաղեցընող ու զուարճացընող ամէն բան՝ իր բնութեան հոգւոյ մասին հետ և անոր բարւոյն համար միայն խօսին ու յօգնին: Համառօտ ըսենք, սպաննէ գնիւթականութիւն, և արգիլած կ'ըլլաս սնամաքութիւնը:

Բայց միայն այսչափ ու այսպիսի մտադրութիւններով զոհ մի ըլլար, այլ քու տը-

ղուդ վրայ՝ աւելի ուղղակի աղքեցութիւն մը գործածէ: Առանց յօգնելու՝ հսկէ անոր վրայ, բայց զգուշացիր որ չըլլայ թէ տարակոյս մը արթնցընես անոր մտքին մէջ. վայրկեան մը աչքիդ առջևէն մի հեռացըներ. գիշերները ելիր՝ տեսնելու անոր քունը. քննէ անոր նայուածքը, գնացքը, իր սրտին առաջին բաբախմունքը. անհոգ օ՛րջար քննելու անոր մանկական բարեկամութիւնները, սիրալիր ու անմեղ կարծուած յարաբերութիւնները. որպէս զի հեռացընես իրմէ մաքրութեան հակառակ ամէն վտանգ, օտարացընես անոր սիրտը ամէն փորձութիւններէ: Ծանօթ ըլլան քեզի իր ընթացքը, մէկը մէկալէն նախամեծար ընելները. մանաւանդ այն վտանգաւոր հասակին՝ յորում բնութիւնը կը սկսի զգալի ընել իր ծածուկ խայթոյը, արժան է որ տղուն մտածութիւնները՝ թէ մանչ ըլլայ և թէ աղջիկ, և ոչ օր մը ծածկուած մնան քեզմէ: Գլխոցիր ատենին կտրիճ որոշման մըն ալ ձեռք դարնել. Ողբսեւսի որդւոյն իմաստուն դաստիարակին նման՝ ծովուն ալեւացը մանաւանդ մատնէ քու զաւակդ, ու անանկով հոգա անոր փրկութիւնը, քան թէ փորձութեանց վտանգին մէջ ձգել: Հոս՝ ապականարար դրացիներ կան, հեռացու անոնցմէ քու զաւակդ, ասդին՝

պատուհան մը, ուսկից հարկ է դարձընես անոր աչքերը. դուռ մը, և բանալին միայն մօրը քով պիտի պահուի. աղախին աղջիկ մը, և անէն արժան է հեռացընել քանի որ տղան արձակուրդի ժամանակ տուն դարձած չէ. վերջապէս սիրտ մը՝ զոր մայրը պիտի գիտնայ կառավարել, ընտանութիւնք՝ զորս կամ պիտի տածէ և կամ՝ զգուշացընէ, փափաքներ՝ զորս կամ պիտի չափաւորէ, և կամ՝ ՚ի սպառ արմատաբի խլէ. և այս ամէն բանին մէջ այնպիսի խնամք և խռհաւ կան զգուշութիւն պիտի բանեցընէ՝ որ երբէք տղան չիկարենայ հասկընալ չորս կողմը պատած փրկարար արգելքը:

Իրիկուան դէմ երբ կու դայ քու քովդ նստելու, երբ օրուան՝ իրեն համար ծանր աշխատանքին ու յոգնութեան նեղութիւնը քու սիրոյդ ու աղապատանացդ մէջ կ'ուզէ մոռնալ, մի վախնար կամաց կամաց ծանօթացընել իրեն այդ ոխերիմ թշնամուոյն գոյութիւնը, և թէ ինչպէս պէտք է անկէ փախչիլ. չխաբուիլ անոր հրապուրանքէն, առերևոյթ քաղցրութենէն ուր հոգւոյ ու մարմնոյ թոյն մը կը բովանդակէ իր մէջը: Յիշեցու այն անմեղ ու փափուկ սրտին թէ ինչպէս Ստուած կը հեռացընէ իր պահապան ու խնամող ձեռքը անստորը սրտերէն, կը թողուին իրենց պահապան հրեշտակէն,

և թէ սուրբ Արդան անգամ որ ամէն մեղաւորաց համար կ'աղօթէ, չուզեր մտիկ ընել անոնց աղաչանացը:

Յրջուր իրեն ախտին ահաւոր ու գարշ կերպարանքը, և վարժեցուր անոնց դէմ պատերազմելու պարտք ու պատիւը, պարտք մը՝ զոր Ստուածոյ օրէնքն ու հրամանը դրած է վրանիս. և պատիւ՝ որ գրեթէ անոր հաւասար սիրելի ու փափաքելի արժան է որ ըլլայ մեզի:

Մարդկային գործոց շարժման երկու ձգող առիթներ կան. ակամայ հրապուրք մը՝ որ դէպ ՚ի յառաջ կը մղէ, և բնածին վանում մը որ զինքը ետ կը կեցընէ: Հրապուրանաց դէմ արժան է՝ դնել զչափորժութիւն, ազգելով անոր սրտին մէջ կարգէ դուրս սոսկում մը զգայական ամէն անկարգութեանց դէմ. ատենին խուլ պիտի ըլլայ անոնց ամէն հրապուրանացը՝ և այլ և այլ բերաններէ լսած գովութեանց. չար թեւադրութիւնք անպտուղ պիտի ըլլան, և տղան պիտի գիտնայ անարատ պահել առաքինութեան այն գեղեցիկ ծաղիկը՝ որուն անուշակ սերմը փթթեցուցիր. վտանգի ժամը՝ մօրը փառաւոր յաղթանակը պիտի ըլլայ:

Անոր համար արժան է որ մայրը խօսի և ոչ երբէք լռէ. յազեցընէ անոր ամէն

հետաքննութիւններն՝ առանց բորբոքելու զերևակայութիւնն. չթողու որ չարասիրտք և ասպականեալք մտօք գործեն ինչ որ իր պարտքն է գործելը:

Ո՛ր տղայն է, մանաւանդ մեր օրերուն մէջ, որ օր մը խելամուտ չըլլայ այն գաղտնեացը՝ զոր այնչափ խնամօք ուղեցիր իրմէ ծածկել: Օր մը կամ տեսութեամբ կամ ՚ի լրոյ պիտի արթըննայ անոր միտքը, առաքինութենէ թափուր սպասիկ մը՝ անհոգ պիտի ըլլայ որ անոր աչքը չմոլորին անմաքուր տեսարաններով. ախտաւոր և իրմէ երիցագոյն հասակաւ ընկերակից մը՝ պիտի կատարելագործէ այդ տխուր ուսումը: Ու քեզմէ հեռու, քու աղգեցութենէդ դուրս պիտի սորվի այնպիսի բաներ՝ զորս ուշ կամ անագան պիտի ճանչնար, նոյն խակ ընութեան թելագորութեամբը:

Այս յայտնութիւններն կ'ըլլան տղուն՝ զինքը մոլորեցընելու յարմար խօսքերով. այն ախուր գիտութիւնը կը հաղորդուի իրեն՝ հաճոյից ու հեշտութեան հրասպարիչ խաբէութիւններովն ու վնասակար բերմամբ: Կ'ընդունի զայնոսիկ եռանդուն հետաքննութեամբ մը, և արդիլեալ պաղոյն մատուցած ծածուկ ուրախութեամբը: Իրեն օրինակ կ'առնու զանոնք՝ որք արժան էին սոսկում մը աղղել իւր սրտին. կը փա-

փաքի անոնց ախտիցը, և ամօթալի նախանձաւորութեամբ մը կը ջանայ անոնց հետևող ըլլալ:

Ո՛րչափ հեռու են այն ատեն իր մտածութենէն այն խոհական խօսքերը՝ որոնցմով մայրը ջանացեր էր այն ախտին ընդդիմամարտութեան սկզբունքն աղղել տղուն սրտին մէջ: Յաջողեր էր ախտին զղուելի կերպարանքն աղղել իրեն. և ահա ուրիշներն հաճոյական ըրին զայն: Այս վտանգէն խալըսելու համար էր որ նախընթաց զլսով մը ջանացինք ցուցընել թէ որչափ կարևոր է մօր մը վերահաս օգնութիւնը: Պէտք է որ խօսի մայրը, և չթողու ուրիշներուն ինչ որ ինքը կրնայ և պարտեկան է ընել տղուն բարւոյն համար. ապա թէ ոչ, տղան կը կորուսանէ իր անմեղութիւնը, և ուրիշ ասպականեալ և անկարգ անձինքներէ լսածն ու սորվածը՝ ամենատխուր աղղեցութիւններ կ'ընեն իր վրայ:

Կը տեսնես զեղեցիկ ծառ մը՝ որուն ծածուկ մէկ վէրքէն կամաց կամաց հիւթը կը վաղէ: Գեռ երէկ զեղեցիկ և ուռճացեալ տունկ մըն էր, և օրինաւոր յոյսեր կուտար իր վրայ. ինչ եղեր է այսօր:

Կը տեսնես թունալից ճախճախտաւ մը. և ատիկայ արծաթախայլ ջրերու զեղեցիկ ևճ մըն էր, պայծառ հայելի մը՝ որ աստե-

դադարդ երկնից հրաշալիքը կ'անդրադա-
 ճընէր, և որուն վրայ հեղիկ կը տատանէին
 եղեգունք: Յանակնկալս որդն մը կը ծակէ
 անոր թումբը. ջուրը կը սլարպուի, եղէգ-
 ները կը կտրուին, և ապականեալ ջրոց
 աղտեղի բնակչաց գունդ մը կուգան կը
 գրաւեն իրենց բնակութիւնը:

Ասոնց կը նմանի այն գաւակը՝ որը ծա-
 ծուկ ախտ մը կը սպառէ: Կը սկսի թառա-
 միլ թօշիլ, և իր առջի պայծառութիւնը
 կորսնցընել. կը սկսի ապականիլ, խեղճ
 տղաք, — որոց առողջութիւնը անդարձ
 կերպով կը խանգարի. — ո՞վ սորվեցուց
 ձեզի այդ մահաշուկ սովորութիւնները.
 ձեր զգայութիւնը գեռ. քունի մէջ էր, վասն
 զի ձեր կենաց գեռ. առաւօտն էր, և երկ-
 չոտ բնութիւնը՝ չէր ուզած զձեզ արթնցը-
 նել:

Դաստիարակը 'ի դուր գուշակեց եղած
 չարը. 'ի դուր գործածեց իր ամէն խնամքն
 ու ջանքը որպէս զի այդ վէրքը չճարակի:
 Աւագ. չկրցաւ յաջողիլ, ուչ հասնելուն հա-
 մար: Կը տրտմի, դառն արտասուք կը
 թափէ, կը տեսնէ տղուն կորսուիլը և չի-
 կրնար զանիկայ փրկել:

Սակայն արժան է որ գիտնայ թէ ինչ
 կերպով պիտի խուսափէ այդ թշուառու-
 թենէն. արտասուք անօգուտ են, խղճի

խայթը անբաւական: Պէտք էր որ խոհա-
 կան ըլլար, բայց միանգամայն շրջահա-
 յեաց. նմանէր այն ճարտար ու քաղաքա-
 գէտ զօրավարներուն՝ որոնք ուղեւով յաղ-
 թանակել՝ անոր կողմը կ'անցնին՝ որոնց
 դէմ կը կռուէին: Մայրը պէտք է վախ-
 նայ տղուն երեւակայութենէն. վասն զի
 շատ անգամ անիկայ կ'ըլլայ պատճառ՝
 զգացմանցը շուտով արթննալուն: Մեր
 ցուցըցած կերպովը կրնայ զիւրութեամբ
 չափու մէջ սլահել զայն. իսկ եթէ չուղե-
 նայ բնութեան դէմ կուրիլ, իր իշխանու-
 թիւնը կ'արհամարհուի, և ոչ միայն գիտած
 վախճանին չկրնար հասնիլ, այլ նա և տը-
 ղուն ապագայն վտանգի մէջ կը ձգէ:

Կրնան գտնուիլ երկչոտ դաստիարակ-
 ներ՝ որոնց համար մեր առաջարկած գրու-
 թիւնը, տղուն անմեղութիւնը պահպանե-
 լով՝ չարին գոյութիւնը իրմէ չթաքուցանե-
 լով, հակասութիւն երևնայ: Սակայն եթէ
 խորունկ մտածելու ըլլան, կը տեսնեն յայ-
 տնապէս թէ աւելի օգտակար է իրենց ա-
 շակերտին՝ զօրաւոր առաքինութիւն մը՝
 հիմն դնելով անոր ախտին զղուանքը՝ ու-
 բուն գարշ կերպարանքը իրեն ցըցուցին,
 քան եթէ այն մաքրութիւնը որ փորձուած
 չըլլալուն համար զիւրախորտակելի է, քան
 այն անմեղութիւնը՝ որուն վրայ չարը դիւ-

րաւ կը յաղթանակէ, վասն զի ոչ եթէ համոզման՝ այլ բնական բերման մը վրայ հաստատուած է:

Մեթոթխածութիւնը միայն բաւական չէ՝ անմաքրութեան դիւին հրապուրանքը մերժելու և անոր ըսրած որոգայթները խայտառակելու համար: Մօրը յաճախ կըրկնելովը՝ պէտք է որ տղուն մտացը մէջ քաջիկ տպաւորուի թէ ահաւոր թշնամուոյ մը դէմ կեցած է՝ որ իւր ամէն մոլեգին ջանքը կը բանեցընէ կորուսանել անոր առողջութիւնը, և փճացընել բարեբաստութիւնը. տղան կը հասկընայ թէ ինչպէս իր բնական ու բարոյական ասպագայն վտանգի մէջ են. ուստի երբ ախտը զարդարուած՝ իր հաղարումէկ հրապուրանքներովը կը համարձակի մօտենալ տղուն, անիկայ կարող ըլլայ աներկիւղ ու վստահ աչքով մը անոր երեսը նայելով՝ ըսել. « Հեռու կեցիր ինձմէ. արդէն կը ճանչնամ զքեզ. կը նկատեմ քու զազիր կերպարանքդ՝ այդ դիմակին տակ. հեռու, վասն զի ինձի հետ բան չունիս: Քու գալուստդ արդէն ինձի ծանօթ էր. արդէն սորված էի զքեզ ճանչնալ »:

Ո՛րչափ մեծավայելուչ ու գեղեցիկ է այն անմեղութիւնը՝ որ մօր մը ջանքովը հզօր և ազգու կերպ մը առած է. և ո՛րչափ

տարբեր այն սարգամիտ երկչոտութենէն՝ որ միայն առաքինութեան անունը ունի: Ճշմարիտ անմեղութիւնը՝ վստահութիւն մը ունի իր անձին վրայ. ցըցուցած կերպն ալ նոյնը կը քարոզէ: Ճշմարտապէս մաքուր, ճշմարտապէս ողջախոհ տղան՝ որ առաքինութեան և ախտին բուն գաղափարն ունի, գլուխը կրնայ վեր վերցընել. իր ճակատը միայն այն ատեն կը կարմրի ու կը խոնարհի՝ երբ անկարգ խօսքով մը, անարժան տեսարանով մը՝ իր սրտին մէջ եղած մաքրութեան ներքին զգացմունքը՝ ուղղակի նախատինք ու հարուած մը կ'ընդունի:

Որչափ զգուելի է հէշտախտութիւնը՝ այնչափ ալ գերազանց՝ ու սիրելի է մաքրութիւնը: Մէկը հոգուոյ կարողութիւնը կը փճացընէ, միւսը ալ աւելի կ'ընդարձակէ. մաքրութիւնը շնորհք մը ու կատարելագործող առաքինութիւն մըն է: Անմաքրութիւնը կ'ապականէ զսիրտ իր պատրանքովը. իր կոչմանէն հեռացընելով՝ կը նուաստացընէ զայն, և գործակից կ'ընէ իր նախկին զառածմանցը. կը ցուցընէ իրեն անկարգ կիրքը, ու « Հոն, կ'ըսէ, անոր մէջ պիտի գտնես քու բարեբաստութիւնդ: » Ու երբ կը նուաստանայ, երբ կը կորուսանէ իր նախնական աղնուականու-

թեան ամէն զգածմունքը, երբ այլ կը սլակ-
 սի իրեն ոյժը՝ վեր ելլելու, արհամարհանօք
 երեսէ կը ձգէ զինքը իբրև անսխտան գոր-
 ծաւոր մը, և կը շարունակէ իր ծածուկ ա-
 ւարառութեանցն միայնակ դբաղիլ: Ան-
 կարգ շուայտութեան առջի գործն է սիր-
 տը սպականել. այն խիստ դատաւորը՝ զոր
 արժան է մոլորեցընել, ու այն ահաւոր
 քննիչը՝ որուն լուսթիւնը արժան է գնել.
 այլ աւանդ, խիստ դիւրախաբ սլահասլան
 մըն է: Սիրտը՝ սիրելու համար եղած է.
 այնչափ սէր կը բովանդակէ, որուն կիրա-
 ութիւնը կ'ուզէ. չթողուլ որ բարբախէ՝
 անկարելի է. միայն սէտք է դժնգակ զա-
 նաժանքներէ զգուշացընել, և ազդել ի-
 րեն զսէր բարուց և զսէր գեղեցկին: Սիրտը
 եղած է որպէս զի սիրէ զկարգա-
 ւորութիւն, զգեղեցկութիւն ՚ի կարգա-
 ւորութեան, զշնորհս և զդաշնակութիւն:
 Զանիկայ մեր անդորրութեան և մեր ճըշ-
 մարիտ բարեբաստութեան թշնամի ընու-
 զը՝ ընդունած գէշ կառավարութիւնն է.
 պահապանին անհոգութիւնն է՝ որ թող
 տուեր է չարին որ կարենայ մերձենալ
 այն սրբավայրին. առաքինութեան մոռա-
 ցութիւնն է:

Մտի յուզմունք կենաց ուրախութեան
 պատճառ են՝ երբ բարեկարգ և իմաստուն

ըլլան. անոր անկարգ բերմունքը՝ կը զըր-
 գունն զկիրս. բոցը կը սկսի ճարակիլ, և
 առջի բերան կը ծածկէ հեշտասիրութեան
 զազիր կերպարանքը՝ որ կը սկսի յազթա-
 կան կերպով վեր բարձրանալ իր մարած
 վառարանին վրայէն: Երբ մարդկային սիր-
 տը լաւ կարգաւորուած չըլլայ և սկզբունքէ
 զուրկ՝ կը ձգէ ինքզինքն այն անձանօթ աչ-
 խարհին մէջ՝ որուն գոյութիւնը ճանչցու-
 ցած է իրեն կիրքը, ուր մըլած է զինքը ան-
 կարգութիւնը՝ վաժառքելով անոր սլա-
 տութեամբ օգուտ քաղել:

Սյր հրակէզ անապատներուն մէջէն՝
 սիրտը գէպ ՚ի անխուսափելի թշուառու-
 թիւն մը յառաջ կը դիմէ: Յանդգնու-
 թեամբ կը նետէ ինքզինքը այն հեռաւոր
 բոցին մէջ, նման զիչերային միջատներուն՝
 որ լուսոյ անստոյգ սլայծառութեամբը խա-
 բուած հոն սլտի դիմեն. նման այն ան-
 խոհեմ թիթեռնիկին, կ'այրէ իր թևերը,
 կը մեռնի կամ խեղ կը մնայ:

Սյո՛, կիրքը կը խոստանայ զբարեբաս-
 տութիւն, բայց տուած խոստման վրայ չի-
 կենար. զգացմանց գինովութիւնը, անոնց
 վաղանցուկ յիմարութիւնը՝ երջանկութիւն
 ըլլալէն շատ հեռի են: Արնայ ըլլալ որ
 մարդս անկեղծութեամբ հաւատայ՝ քանի
 որ հաճոյից սլատրանքին մէջ կը շարունա-

կէ. բայց ետքը ինչ անհանգստութիւն, որ-
պիսի դղուանք. բաժակին հրապուրիչ քաղ-
ցրութիւնը՝ դառն ըմպելի մը կը դառնայ:
Իրեն զարմանալի երեւցող հատուածակողմ
ասպակին՝ որուն մէջէն անմտութեամբ կը
նկատէր իր սլարտաւոր կենաց պատկերը,
մէկէնիմէկ կը վերնայ իր աչքէն. այնուհե-
տե միայն իրականութիւնը գիմացը կեցած
է, քիչ սլատրանքով ու շատ կրքերով. աչ-
քին առջևն է անկարգութեանցը ճշմարիտ
պատկերը. սրտին մէջ չկայ բան մը, բայց
պարապութիւն, ընդունայն ստորջանք, խըղ-
ճի խայթեր: Ո՛վ պատանի, զոր անխո-
հեմ մայր մը ատենէն յառաջ թողուց որ
իւր գրկէն հեռանայ, որ անհամբեր սրտով
ձգեցիր ինքզինքդ այդ տոչորիչ գաւառնե-
րուն մէջ, ինչ վիճակի մէջ ետ կը դառ-
նաս հոնկէ:

Գեռ երէկ գեղեցիկ էիր, ուժով, ու
վստահ քայլերով կենաց ճամբուն մէջ կը
մտնէիր. գլուխդ բարձր, քու երեսդ՝ ամէն
անցաւորաց համար սիրոյ ժպիտ մը ունէր,
քու սիրուն բերանդ՝ ամէն թշուառներուն
համար սփոփիչ խօսք մը: Գու երջանիկ
էիր այն ատենը: Քու գիշերներդ խաղաղ
էին, պատանեկութեան ոսկեղէն երազնե-
րով որբած, կը փայլէր ճակատդ, ու ա-
չուրներուդ մէջ սրտիդ անմեղութիւնը

կ'երեւնար: Ի՞նչպէս ամէնքը կը սիրէին
զքեզ:

Սակայն ո՛րչափ փոփոխուած ես հիմա:

Սմենայն ինչ թառամեալ 'ի քեզ և քու
չորս կողմդ. չկայ ուրախութեան ծիծաղ
մը քու շրթանցդ վրայ, քաղցր բերկրու-
թիւն մը ճակտիդ վրայ: Փոխանակ արա-
զաքայլ ու բաղկատարած դիմելու ամէն
բարի մտածութեանց և ամէն բարի գոր-
ծոց, մէկզի կը կենաս տխուր և հոգած
դէմքով մը: Ի՞նչ դէպք պատահեցաւ. որ-
պիսի շառագունանք է որ կը խոնարհեցը-
նէ քու ճակատդ, որպիսի ամթալի քաղց
մը զքեզ կը սսլառէ:

Այդ ընդունայն տագնապը, այդ պապա-
կիչ ծարաւը, այդ սրտիդ մէջ եղած պա-
րապութիւնը՝ արդեօք երջանկութիւն է:

Պատասխան տուր ինձի ո՛վ խեղճ պա-
տանի, որ անոնց զոհ եղած ես:

Գու գիտես որ ճշմարիտ են իմ խօս-
քերս, ու քեզի հետ ամէն հասակակից-
ներդ, այն բարոյական մահուան մօտեցած
սրտերը՝ որ ընդունայն ջանք մը կ'ընեն ի-
րենց անառակութեան ժամերուն դառն
պտուղները 'ի բաց թօթափելու:

Մի խաբուիք, բարեբաստութիւնը ա-
նոնց մէջ չէ: Կրից այս մրրկալից ծովուն
վրայ՝ այնպիսի ցամաք մըն է զոր երբէք

պիտի չկարենայ գտնել տապանին աղաւ-
նին: Խնդճ անխոհեմ թռչուններ՝ որ վըս-
տահ ձեր թևոցը վրայ, կարծեցիք յաղթա-
կան ըլլալ մրրկին. ետ դարձած օրերնիդ՝
ամենէն կ'արհամարհուիք, վասն զի ալ
դագրած էք երգելէն:



Նախանձը՝ ծածուկ թոյն մըն է:

Բարոյական հիւանդութեանց մէջ ամե-
նէն դժնդակը, անարգ ախտ մը՝ որ մտր-
դէս ամէն հանգստութիւն կը վերցընէ, ու
կ'ընէ զինքը անիրաւ, չարախօս, ամբաս-
տանող ու երբեմն նաև ինչուան անգութ:
Նախանձոտը կ'ուզէ խոնարհեցընել, նու-
աստացընել, չարչարել զօրաւոր և հա-
րուստ անձերը, որոնց ոյժն կամ կարողու-
թիւնը կը նախատեն զինքը, վասն զի աւե-
լի պղտի կ'երևցընեն. կը սկսի այն ատեն
ժայթքել անոնց դէմ զչարութիւն և զբամ-
բասանս. կ'աշխատի կը յոգնի, ամէն ամօ-
թալի ու վատ միջոյնեբու ձեռք կը զարնէ,
և ամուր յաղթանակովն ալ չի կրնար հան-
զըստութիւն ձեռք ձգել. վասն զի իր ան-

հանգարտ սիրտը ճարտար է վշտաց նորա-
նոր նիւթեր ստեղծել՝ անդադար նախան-
ձու նոր առիթներ գտնելով:

Նախանձն ու նախանձաբեկութիւնը (en-
vie, jalousie) իրարու քորք են. հսկարտու-
թենէն առաջ կու գան, վասն զի երկուքին
սլ ծնունդն է ծածուկ և շատ անգամ կըր-
կնուած բաղդատութենէ մը՝ մէկու մը
բարեբաստութեան, որուն մեք ալ կը
փափարինք հասնիլ: Ար կարծենք իրաւունք
ունենալ, և կը տեսնենք որ մեր իրաւունքը
չճանչցուիր. ինչ որ մեզի կը զլանան Աս-
տուծոյ կամ մարդկանց կարողութիւնը,
այլք սուանց աշխատանքի ձեռք կը բերեն.
ուստի անոնց երջանկութիւնը զմեզ կը նե-
ղէ, և կը փափարինք այն բարեբաստիկ
անձանց վիճակին՝ որք մեր յատուկ ընչից
յափշտակողք կը թուին մեր աչքին:

Նախանձը զիւրաւ մուտ կը գործէ 'ի
սիրտ մարդոյ. հազար ծածուկ անցքերէ
ներս կը մտնէ, և ընտրելագոյնք անգամ
կարօտ են մեծի գգուչութեան: Բազմա-
պատիկ կերպարանաց տակ կը ներկայա-
նայ, և իր տարաժամ երևնալն ալ կը ցու-
ցընէ իր զօրութիւնը. սուրբ Ազգաստինոս
երկու տղայոց օրինակը մէջ կը բերէ՝ ու-
րոնք մի և նոյն սանտուէն կաթ կ'ուտէին,
և մէկը իր կերպերովն ու աղաղակներով

յայտնի կը ցուցնէր իր նախանձը միւսին նկատմամբ:

Երբէք պէտք չէ որ մայր մը մտքէն հանէ թէ ամէն զգուշութիւն, հնարք և արթնութիւն պիտի բանեցնէ՝ որ չըլլայ թէ տղոցը մէջ նախանձ գրգռելու առիթ մը տրուի իր կողմանէ. նախամեծար ընել մէկը քան զմիւսը, կուսակցութիւն, գուրգուրանք՝ հասարակաց պիտի ըլլան, ջանալով յամենայնի արդարութիւն և հաւասարութիւն երեցընել:

Նախանձը, զիրար չքաշելը, ընտանեաց մէջ անմիաբանութեան ու ատելութեան առիթ կ'ըլլան, ուր լոկ սրտերու քաղցր համամտութիւն պիտի երևնար. իսկ ընկերութեան մէջ գժուարաբարոյ ու անվտանգ կ'ընեն զմարդ, ու անձնանուիրութեան գեղեցիկ առաքինութիւնը իրմէ հեռացընելով՝ տխուր անձնասիրութիւն մը կ'ազդեն:

Այս նենգաւոր թշնամոյն առջև՝ մօր մը անվտանգութիւնը երբէք չափազանց պիտի չերևնայ. արժան է որ առաջուց նկատէ անոր երևնալը՝ ու չգաղբի հետը կուռելէն. չսպասէ անոր զօրանալուն՝ կարգաւորեալ կերպով անոր դէմ մարտնչելու համար. չմոռնայ թէ այդ մարտին ելքը՝ կրնայ անստոյգ կամ անյաջող ըլլալ:

Պէտք է զիտնայ թէ ամէն միջոց՝ իրեն օրինաւոր կը սեպէ նախանձ՝ որպէս զի իր ստացուածը կարող ըլլայ պահել. բարի գիտաւորութիւններն ասպականելով՝ ամենէն աւելի լաւագոյն պատրուակներով կը ծածկուի: Բարին նախանձաւորութեան կերպարանքն առնելով՝ առաջ կուգայ, և զայն իբրև իր վահանը կը գործածէ: Անոր համար որչափ ալ թոյլ կը տրուի մօր մը նախանձաւորութեան կիրառութեանց տղոց մէջ, արժան է որ աղէկ զիտնայ անկէ առաջ եկած վնասներն ալ:

Այս վտանգաց մէջ մէկին վրայ ամենէն աւելի կը փախաբինք հրաւիրել մօր մը ուշադրութիւնը: Վասն զի վտանգելի կերպարանքով մըն է անոր երեւոյթը, և եթէ կարեւոր զգուշութիւնը չգործածուի՝ կրնայ ամենէն աւելի հեռատես և խոհական դաստիարակն ալ խաբել:

Նախանձաւորութեան նպատակն է տըղայոց սրտին մէջ լաւագոյն գործելու փափաք մը արթնցընել, յառաջադիմութեան փառասիրութիւն մը ազդել տղուն: Սակայն փառասիրութիւնը վտանգ մըն է դաստիարակութեան համար. եթէ նպատակին մէջ կը խաբէ, եթէ այն անձուկ սահմաններէն գուրս կ'ելլէ՝ որոց մէջ թոյլ տրուած է իրեն շարժիլ, թշնամի մը

կը դառնայ առաւել երկիւղալի քան զղայն զոր կը սլատրաստէ և կամ ուղղակի արտադրած չարք. վասն զի փառասիրութիւնը՝ անզգալի մղմամբ մը կ'առաջնորդէ 'ի նախանձ:

Եւ սակայն՝ փառասիրութիւն մը կայ որ խոտելի չէ:

Ընկերութեան մը մէջ ուր այլ և այլ դասակարգէ մարդիկ խառնուած են և ուր շահագիտութիւնք իրարու հակառակամարտ են, տկարք ու անտարբերք կ'արհամարհուին, փառասիրութիւնը՝ եթէ աղէկ կերպարանքի տակ գտնուի, զօրաւորաց առարկնութիւն կ'ըլլայ և գրգռող 'ի նախանձաւորութիւն առ մեծամեծ իրս: Այսպիսի դիպուածի մէջ թոյլ տալը օրինաւոր կրնայ սեպուիլ. վասն զի սրտէ առաջ եկած փառասիրութիւն մըն է, իսկ միւսը՝ զոր մըստակար և մարդկային բարեբաստութեան թշնամի համարեցանք, հոգւոյն մէջ ձգած և արձրկած է իր արմատները: Փառասիրտը անունն անախորժ է և գէշ դադափար մը կ'արթնցընէ. ուստի և դժկամակութեամբ այդ անունով կը կոչենք անձնական մեծվայելչութեան այն ազնուական զգացմունքը՝ որ զմարդ փափաքող կ'ընէ հասարակաց համարման, և յորդորամիտ այնպիսի վեհանձն գործերու՝ որոնց

նպատակն է ուրիշներու կարծեաց առջև մեծ երեւնալ, ուրիշներու յարգանքն ու մեծարանքը հրաւիրել իր վրայ: Ասանկով մէկը ախտ մը կ'ըլլայ, որուն դէմ արժան է պատերազմիլ, իսկ միւսը առաքինութիւն մը զոր արժան է սնուցանել:

Անոր համար՝ բաց 'ի բարւոյ փառասիրութենէն, բաց 'ի երկնից փառասիրութենէն, որք երկուքն ալ եռանդեամբ և խնամով սնուցանել արժան է, ուրիշ ամէն փառասիրութեան հետ կռուէ և փճացուր:

Երկրաւորաց փառասէրը, որ կըբերովը կ'առաջնորդի գէպ 'ի մեծ գործերուն, կամ անբաւականութենէն՝ միջակ կամ պզտի գործերու կը պարապի, և ոչ վայրկեան մը անդորր բարեբաստութեան վայելից ճաշակը կրնայ առնուլ: Այնպաբար խմող ու միշտ ծարաւի անձի մը կը նմանի. որչափ ստանայ՝ այնչափ աւելի կ'ուղէ ստանալ. ձեռուրները խիստ նեղ ու բազուկները խիստ կարճ կ'երեւնան իրեն:

Մարդկային բարեբաստութեան ուղղակի հակառակող փառասիրութիւնը՝ այնպիսի չար մըն է, որմէ տղայն զգուշացընելու ամենևին ջանք չբանեցուիր. մանաւանդ թէ փոխանակ խելու անոր սրտէն այդ գէշ բերումը՝ ալ աւելի կը գրգռեն. և

ոչ այնչափ նախանձաւորութեան զեղծումը՝ որչափ օրինակին վարդապետութիւնը՝ փառասէր կ'ընեն զմարդ:

Ո՞ր մայրը փառասէր ու հպարտ չէ իր զաւակին համար:

Իր գորովագութ պատրանաց աչքովը՝ կը տեսնէ զայն գեղեցիկ ու հանճարեղ, իր մայրութեան առաջին ժամերէն՝ սիրական զաւակին որրանին քով նստած՝ անոր վրայ երազներով և յոյսերով յափշտակուած ու զբաղած է իր միտքը:

Երբ տղայն կը սկսի անոր խօսքերն հասկընալ ու հասկըցընել, կը խօսի անոր հետ հարստութեան, մեծութեան, իշխանութեան վրայ. կը ցուցնէ անոր ընկերական կենաց բարձրագոյն դիրքերը և թէ անոնց հասնելը իր նպատակը պիտի ըլլայ: Կրօնից ու բարուց վերաբերեալ խօսքերէն աւելի, ծնողք, աղբականք ու բարեկամք՝ տղուն առջև իրենց փառասիրական գաղափարաց վրայ կը խօսին. ընտանեաց անձուկ սահմանին մէջ կը լսէ նա այնպիսի մտածութեանց փափաքներ, այնպիսի յոյսեր ու ակնկալութիւններ որոնք չունին իրենց նպատակ՝ ոչ բարի խղճի մը հանդարտ ուրախութիւնը և ոչ ալ երկնից եռանդուն փափաքը:

Այլ միշտ երկիր և երկրաւորք. երկիր,

և անոր նիւթական բարիքները: Անարդ փափաքներ, փառք, իշխանութիւն, համբաւ և ուրիշներէ զովուելու ջանք: Իսկ երկնաւոր փառաց և ոչ իսկ խօսքը կ'ըլլայ, և ոչ իսկ մտածութիւնը կը յարգուի: Այդ անյաղ փափաքանաց, այդ մոլեկան տենչանաց հորիզոնին մէջ տղան ալ բնականաբար փառասէր կ'ըլլայ: Տխուր տեսարան մը, որուն ներկայ կը գտնուի մայրը՝ առանց հառաչելու:

Այս ակտը՝ որ նախանձու կարապետ է և իր պատմութեանն տակ կը ծածկէ զայն, այս եռանդուն կիրքը՝ որ բազմաթիւ աղետից և բազմապատիկ վատութեանց առիթ է և սպառնալու, մեր ատենի երիտասարդաց, մանաւանդ թէ նոյն իսկ մանկութեան, անմեղ սրտերը կրծող ախտ մըն է: Մտիւր զպրոցաց մէջ, քննէ տղայութեան անմեղ զբօսանքը, տես այն ուրախ և զուարթ դէմքերը. և ահա կը տեսնես տըղաք՝ որ իրենց պատիւ չեն սեպեր այդ խմբին մէջ խառնուիլ, անոնց կենդանի աշխուժութեան մասնակից ըլլալ. հեռու կը կենան անոնց խաղերէն, անոնց զուարճութիւններէն: — Անխոհական մայրը՝ տաւաւորեր է անոնց սրտին մէջ փառասիրութեան խորհուրդներ, զգուշացուցած է զանոնք՝ կարծելով թէ իրեն տոհմը, սերունդն ու անունը անսպառիւ կ'ըլլայ անանկով:

Ո՛րչափ շատ ու վնասակար է այս սլատորանքը :



Խօսելու կարգն եկաւ որկրամոլութեան վրայ . այն անարգ ախտին՝ որ նիւթոյ բարեկամ ըլլալովը՝ ՚ի հարկէ թշնամի կ'ըլլայ հոգւոյ . ախտ մը՝ որ զմարդ դերի կ'ընէ աւնէնէն աւելի ցած կրքերու . և անասնոց կը հաւասարեցընէ զնա :

Որկրամոլութիւնը՝ մարմնոյ բերումն է , ինչպէս մտաց անսահման կատարելագործութիւնը և գեղեցիկը փնտռելը՝ հոգւոյ գործ է : Արթանձրացընէ կը նիւթականացընէ զմարդ , և ոյժն ու առողջութիւնը իրմէ կը վերցընէ :

Ախորժակը՝ մարմնոյ պաշտպան զգացմունք մըն է . իսկ որկրամոլութիւնը՝ ախորժակին ապականութիւնը : Այս դժբնդակ ախտը՝ անհանգստութիւն ազդող արտաքին կերպարանքով չերևնար . սակայն անով ալ աւելի վնասակար է . վասն զի մայրը վստահ կերպով կը դրգէ կը փայփայէ զնա , ինչուան երբեմն տղայն վարձատրելու կամ սլատուհասելու միջոց

կ'առնու զայն : Տղաք բնութեամբ որկրամոլ են , և մարք հաճոյք կը զգան անոնց փոքրիկ որկրամոլութիւններն գոհ ընելով՝ փոխանակ յանդիմանելու դիրենք և ուղղելու : Եւ սակայն այդ կերպով քաջալերուած տղայական որկրամոլութիւնը՝ քիչ ատենէն մեծ կիրք մը կը դառնայ : Որկրամոլ տղայն՝ մարմնասէր կ'ըլլայ յարբունս հասած ժամանակը , անբարեխառն պատանեկութեանը մէջ . և քիչ չեն այնպիսիք՝ որ այրական հասակնուն՝ յանակընկալս կաթուածամահ կ'ըլլան : Մարմինը անօգուտ հիւթերով բեռնաւորուած , կը ծանրանայ ու թմրութեան վիճակի մը մէջ կ'իյնայ . նիւթականը կը բռնանայ մտաւորին վրայ , անբանականը կը հեղձուցանէ զհոգի :

Ո՛վ մեզմէ չէ հանդիպած այն բոլորովին նիւթական անձանց , որ կ'ապրին ուտելու համար , ու կ'ուտեն նեղուելու համար . վասն զի գործարանին՝ ըրած զեղծմունքներով յողնած՝ կը տկարանան ու կը սպառնին : Գանդաղ , հիւանդոտ ու արհամարհուած են . մեծ գաղափարներ , վեհանձնական գործեր , աղնուական զգացմունք՝ անձանթօթ են այնպիսեաց համար : Քերթողին գեղեցիկ երգերը , բնութեան սրտազդեցիկ տեսարանները այն նիւթական ա-

բարածնեցուն վրայ ամենեւին տալաւորութիւն չեն ըներ. անոնց վնասուածը ակտորժահամ կերտուոր մը, համեմով սլատրաստուած ուտելիք մըն է:

Այդ ակտոր օրինակին առջև՝ եթէ մէյմը ուղեկանք աշուրնիս դարձնենք այն աստուածագրոյժ ազնուականութեան վրայ, որով արարածոց տէրը ուղեր է զինք ճոխացընել, անհուն խտիր մը զնելով իր ու այն անբան արարածոց մէջ, որոնց վրայ իշխան կարգեր է զինքը, որչափ նուաստ ու անարժան երեւնայ սխտի մեզի այն՝ որ կամաւ կ'արհամարհէ այդ բարձրութիւնն, և կը խոնարհեցընէ ինքզինքը ինչուան այդպիսի անարգութեան:

Որկրամոլութիւնը կը փճացընէ հոգւոյ կարողութիւնքը. վասն զի ինչպէս կրնայ հոգին գործել՝ երբ բոլորովին նիւթականին աղբեցութեան տակ իյնայ: Ատրիճ լուզակ մը պէտք է որ ամէն օր բարձրացող ծովին խորունկը ծածկուած մարգարիտը փնտռէ. անվախ բախտախնդիր մը, որ ոչ երբէք պիտի գտնուի:

Պատանւոյ մը, կամ նոյն իսկ տղու մը վրայ որկրամոլութեան ունեցած առաջին վտանգը՝ զինքը քաջալերելն է՝ ի հեշտասիրութիւն. վասն զի որկրամոլութիւնն ու հեշտասիրութիւնը՝ իրարմէ անբաժան և իրարու փոխոխակի օգնող չարիք են:

Երբ մարմինը՝ իր ոյժը ստանալու ճիշդ չափէն աւելի սնունդ ընդունի, կենսական առաւելութիւն մը կը ստանայ. և այն ատեն իրեն օգնութեան կը հասնի անբարեխառնութիւն: Վասն զի անիկայ ալ տեսակ մը որկրամոլութիւն է. երկուքին մէջ ալ զգայականութիւնն ու երեւակայութիւնը հաւասար մասն ունին. իրենց ամօթալի հաճոյքն իրարու հետ կը խառնուին: Մնառակութիւնը դրուատող քերթողք դուլած են նաև զկերութեամբ. և գրեթէ միշտ չափէ դուրս շուայտութեանց հետեւանք են անառակութիւնք:

Խելքով մտածող ու անդրադարձող մարդու մը համար՝ աւելորդ է երկարօրէն խօսիլ առ ՚ի համոզել մեր խօսքին ճշմարտութեան. վորձը արդէն անոր առջևն է, թէ որկրամոլ տղան՝ օր մը անառակ երկտասարդ մը պիտի ըլլայ:

Սուրբ եկեղեցին և իր մաքուր վարդապետութիւնը, նոյն իսկ իրեն սահմանած պատուհասները՝ կը ցուցընեն թէ որպիսի են որկրամոլութեան վտանգները: Այն ակտերուն կարգը դրած է՝ որոնք յաւիտենական պատժով կը պատուհասին. միանձնական կենաց խստակրօնութիւնը անոր դէմ կը պատերազմի՝ որովհետև իրաւամբք զանոնք հիմնարկող սրբակաց անձինքն-

րէ՛ սրտի սրբութեան թշնամի համարուած է: Վասն զի եթէ որկրամոլութիւնը անբաժան ընկերակից է վարուց անառակութեան, ժուժկալութիւնը ողջախոհութեան քոյրն է: Օղտակար է մարմնոյ, օգտակար և հոգւոյ:

Պէտք է որ մայրը աղէկ խելամուտ ըլլայ եկեղեցւոյ մտածութեանը, և չմոռնայ երբէք թէ արգասաւոր ըլլալու համար արժան է որ ուսման և սորվեցընելու կանոնը՝ հպատակ ըլլայ աստուածային օրինաց:

Որպէս զի տղադ երկար ատեն մնայ իր սրտին ու մտաց մաքրութեանը մէջ, նայէ ո՛վ մայր որ ջանաս զինքը ժուժկալ ընել:

Եթէ որկրամոլութիւնը կ'առաջնորդէ յանառակութիւն՝ անբարեխառնութեամբ և նիւթական ախորժակի չափազանց աճելովը, կրնայ դարձեալ դէպ ՚ի գոլութիւն տանիլ: Եւ ընդհանրապէս՝ աղայոց առջի գողութիւնները՝ ծածուկ ուտելիք վերցընելով է: Նախ պատու, շարքար, անոյշ վերցընելէն կը սկսի, ետքը իր եղբարցն կամ ընկերաց խաղալիկներ, ապա կամաց կամաց ստըլի աչք կը սկսի ձգել, ու քանի մը փարայէն՝ ինչուան դահեկաններ կը խորէ մօրը սնտուկէն՝ ու ինչուան երբեմն նուե հօրը գրպանէն:

Ամէն օրուան տխուր փորձերը աչուը-

նուս դիմացն են. և մեր նկարագիրը չափազանց չերեւար անոնց՝ որ ցաւալից իրականութիւն մը ունին առջևնին:

Որկրամոլութիւնը՝ հարկաւոր եղածէն աւելի ուտելու կը զրգուէ զմանուկն. ստամոքսը՝ որ կենաց կարևոր էական գործարանն է՝ կը յոգնի. որով այդ որկրամոլ տղայքը՝ օր մը տկար մարդիկ կ'ըլլան, հազար տեսակ հիւանդութեանց ենթակայ. միշտ հետերնին կրելով իրենց կորստեանը անողորմ թշնամի ախտ մը՝ զոր չեն կրնար գոհ ընել, բայց եթէ նորանոր նեղութիւններ պատրաստելով, և որոց զարմանն ու բժշկութիւնը անկարելի է:

Առողջութիւնը գերազանց բարիք մըն է. և մայրը պէտք է գիտնայ շնորհել զայն տղուն: Առողջ ու զօրաւոր մարմնոյ մէջ կարծես թէ հոգին շատ աւելի հանգիստ կ'ըլլայ. ինքը տէրն է, մարմինը ծառայն. տէրը կը մտածէ ու ծառայն կը գործէ. բայց եթէ ծառայն ոյժ չունի կամ՝ նիւթով բոլորովին ծանրացած է, տիրոջը կամքը դուրս չի կրնար հասկընալ և կամ՝ ճշդիւ հնազանդիլ:

Առողջութիւն չունեցողին համար կեանքը շարունակեալ տանջանք մըն է. հիւանդ մարդը՝ ոչ իր ազատութեանն և ոչ հաճոյքի մը վայելքը կ'իմանայ: Այդ խեղճ արա-

րածին համար ամէն բան նեղութիւն է
 և ցաւագին զգացմանց առիթ . տաքը,
 ցուրտը, ինչպէս ձեան՝ ասանկ ալ վար-
 դից եղանակը: Ի՞նչ գործի կրնայ ձեռք
 դարնել, կամ ինչ ասպագայի մը վրայ յոյս
 դնել՝ երբ միշտ նեղութիւն կը կրէ:

Մարդուս բնական կազմուածքը կրնայ
 դժուար կամ տկար ըլլալ, աւաջին ման-
 կութեան հասակէն տրուած խնամոց հա-
 մեմատ: Ինչպէս անոր բարոյական կազ-
 մուածքին՝ ասանկ ալ բնականին վրայ մեծ
 ազդեցութիւն ունի մայրը . վասն զի ման-
 կութիւնը իր գործն է, ամէն բանի համար
 իրեն պարտքեւան է: Մերկ ու խեղճութեան
 վիճակի մէջ՝ բնութեան տիրոջմէ իրեն
 յանձնուեցաւ . իր ձեռքէն կ'ելլէ գեղեցիկ
 պատմութեաններով դարդարուած և մեծ
 հարստութեան տէր:

Աստուածային բարկութեան արժանա-
 ւոր է իր մայրը նախատողը . այն արցունք-
 ները՝ որոնց հոսելուն կամաւ պատճառ
 կամ առիթ եղեր է՝ պիտի համարուն՝ կա-
 պարէ արցունքներու պէս հրախաւն իր
 մարմնոյն վրայ իյնալու:

Բարոյական տեսութեամբ վտանգաւոր
 որկրամոլութեան ախտը բնական տեսու-
 թեամբ ալ երկիւղալի է . վասն զի կը վտան-
 գէ զառողջութիւն: Մտոր հետ կուուելու,

անոր յաղթելու համար մայրը ամէն զգու-
 շութիւն պիտի ընէ . որ չըլլայ թէ կերա-
 կուրները չսպտրաստած՝ տկարութիւնն
 ունենայ իրեն հարցընելու կամ իրմէ հա-
 ւանութիւն առնու: Իր վնասածը միայն
 տղուն առողջութիւնն ըլլայ . հսկէ որ չըլ-
 լայ թէ իր, բայց մանաւանդ օտարի բեր-
 նով՝ որկրամոլութեան վերաբերեալ խօս-
 քեր, կամ այս ու այն կերակուրը և քաղ-
 ցրաւենին նախամեծար ընելու խօսքեր
 բացուին: Ինքը մայրը միայն աւտու իրի-
 կուն տղուն ուտելիքը մտածէ ու կարգի
 դնէ . անոր ախորժակը ամենևին չնեղէ,
 ու քաղց չունեցած կամ ատենէ դուրս չի-
 բռնադատէ զինքը պտուղ կամ ո՞ր և իցէ
 բան ուտելու: Իրեն առողջութեան միայն
 հարկաւոր մտեղէն կամ խոտեղէն կերա-
 կուրներն կերցընել նայի . ականջ չկախէ
 անոր հաճոյիցը կամ պահանջանքին: Նրբ
 այլ և այլ կերակուրներ դրուին առջևը, ու
 անիկայ մէկ կերակուրը մէկալէն վեր դը-
 նելով՝ ուղէ աւելի ուտել կամ ամենևին
 չուտել, մայրը անտարբեր չկենայ անոր
 այդ չափազանց փափկասիրութեանն առ-
 ջև . այլ ստիպէ զինքը՝ ոչ ախորժածին վրայ
 անյապաբար իյնալու և ոչ ալ չախորժածէն
 ձեռքը քաշելու: Բայց եթէ իրական դժուար-
 ութիւն մը կ'իմանայ ուտելու, և կը տես-

նէ որ կը վնասուի, ալ բռնադատելու չէ զինքը. շատ շատ կրնայ ծաղու նիւթ ընել իր փափկասիրութիւնը՝ և գովել այն կերակուրը՝ զոր ինքն ուտելու գժուարութիւն կը ցուցնէ:

Ամենէն աւելի պարզ կերակուրները՝ մարսելու աւելի դիւրին են. ուստի զանոնք պէտք է նախամեծար ընտրես տղուն տալու համար: Զգուշացիր զինքը սովորեցնելէն համեմով խառնուած ուտելիքներու՝ որոնք մանաւանդ տղու մը ստամոքսին նեղութիւն կուտան, և ինչպէս ամէն մարդուս՝ ևս առաւել իրեն առողջութեանը օգտակար չեն:

Միաբան կերակրոյ նստիլը՝ տեսակ մը մարմնաւոր հաղորդակցութիւն է, ուստի պէտք չէ դուրս ձգել զողայս: Եթէ խելօք չկենան և զծնողս ու զգաստիարակս գոհ չընեն՝ մայրը կրնայ անոնց յանդիմանութեան համար մէկ կամ քանի մը անգամ զրկել միաբան կերակուրի նստելուն հաճօքէն. և պատճառը պէտք է որ մէկէն վրայ բերէ թէ այնպիսի տղայք իրենց հօրն առջև երևնալու արժանի չեն. սպա թէ ոչ, ծնողաց կերակուրը՝ իրենցն ալ պիտի ըլլայ. ու սեղանի վրայ՝ հօր ու մօր մէջ պէտք է նստին. հոն է իրենց բուն տեղը: Ըշմարիտ քրիստոնեայ տուներու մէջ՝ օ-

րուան հաստատուն մէկ ժամուն՝ բոլոր գերդաստանը կը ժողվուին, ու Աստուծոյ անունը և օրհնութիւնը հրաւիրելով կը սկսին իրենց կերակուրը. կը ճանչնան իրենց պարտքը՝ չնորհակալ ըլլալու և երախտագէտ Անոր՝ որ իրենց առողջութիւն տուած է, կենաց քաղցրութիւն, և երկրիս հարուստ բերքերը՝ զիրենք սնուցանելու համար: Ընտանեաց զլուխը կը զրուցէ այդ աղօթքին սկզբնաւորութիւնը. մայրը և որդիք պատասխանը կուտան, ու լմննալէն ետքը կը սկսին ուտել:

Գովելի չէ այն մարց սովորութիւնը որ ընդհանրապէս տղայոց կերակուրը զատ կու տան իրեն դայեկին կամ աղախնոյ մը հետ. որով ամենակարևոր կէտ մը դաստիարակութեան՝ իրենց աչքէն հեռու կատարուելու թող կու տան: Վասն զի ինչպէս տղուն ամէն մէկ գործը, ասանկ ալ կերակուր ուտելը պէտք է որ մօրը ճիշդ հսկողութեանը նիւթ ըլլայ. ու տղան իր քովն ունենալով՝ կը տեսնէ թէ երբ իրեն սննդեան կարևոր եղածին չափը կ'անցնի, ու երբ որկրամօլութիւնը կը սկսի. ինքը կը ճաշակէ կերակուրները, և կը նայի որ ոչ չափէ դուրս տաք և ոչ ալ չափէն աւելի պաղ ըլլան. ուտելուն մէջ ալ ոչ այնչափ արագ և ոչ կարգէ դուրս դանդաղ, և միշտ յա-

տուկ մաքրութեամբ: ՄնՀրաժեշտ հսկողութիւն մըն է, և այնպիսի խնամքներ՝ դորս մայրը չիկրնար ուրիշի յանձնել. ազգայնոյ մը անկարելի է իր գործն ընելը. վասն զի կարող չէ այնպիսի մտազրութիւններ պատուիրել՝ որոնց կարեւորութիւնն ըմբռնած չէ:

Թերևս մայրերէն ոմանք դժուարութիւն ցուցընեն տղայքն իրենց սեղանակից ունենալու, ուր շատ անգամ հիւրեր կ'ունենան, և տղայք ընութեամբ անհանգիստ, հարցասէր և շատախօս ըլլալով՝ հարկ կ'ըլլայ յաճախ զիրենք չելիսել, և անանկով հիւրընկալութեան մեծարանքէն պակասիլ:

Իրաւ է որ աշխարհի սովորութիւններն այնչափ չեն յարմար իր դաստիարակութեան պարտուց հետ. և մայր մը չիկրնար միանգամայն թէ բազմութեան հրաւիրելոց նախադաճել և թէ մանրամասն զբաղիլ իր տղայոցը: Բայց եթէ տղայն աղէկ կրթուած է, սորված սեղանին վրայ ինչպէս կենալու կերպը, ու մեծարանաց ու քաղաքավարութեան պարտքէն չպակասիլ, ընտանեկան սեղան մը պատուել ուղող քանի մը բուրեկամբ՝ ոչ տղայոց ներկայութենէն կը նեղուին, և ոչ անոնց ըրած քանի մը հարցմունքներէն. մանաւանդ թէ ինչուան կըր-

նայ ախորժելի ըլլալ. ուստի և այսպիսի դէպքի մը մէջ խիստ վայելչաբար կրնայ թողուիլ որ տղայն իր տեղէն չգրկուի: Բայց եթէ այնպիսի կերակուր մը պիտի տաս՝ որ սովորականէն աւելի յերկարի, և քու ունեցած տանտիկնոջ պարտքերդ կը ստիպեն զքեզ՝ որ մէկ գիշերուան համար գերդաստանի մօր պարտքը թողուս, պէտք է որ տղայն քիչ մը ատենուան համար հեռացուի. մանաւանդ որ կերակրոյն յերկարելը՝ իրեն նեղութիւն ալ կը պատճառէ: Ուստի պէտք է որ զատ ուտէ՝ իր ամէն օրուան որոշուած ժամուն. որովհետեւ քու ժամդ փոխուած է և ոչ եթէ անոր. ուստի և կրնաս ներկայ գտնուիլ իրեն կերակրոյն:

Տղայոց կերակուրը որոշեալ ժամուն տալու է ըսինք. ասիկայ էական կանոն մըն է, որուն ամենեկին զանցառութիւն ընել պէտք չէ: Մեծ մարդոցմէ աւելի յաճախ, բայց քիչ քանակով. իրենց ստամոքսը աւելի կարօտ է, ուստի արժան է գոհ ընել. ուժերնին քիչ է, անոր համար նայելու է որ ստամոքսի աշխատանքն ալ ուժերնուն համեմատ ըլլայ: Զգոյշ կենայ մայրը որպէս զի կերակուրի համար սահմանուած ժամանակէն դուրս ոչ խմորեղէններ և ոչ ուրիշ որեւիցէ բան ուտեն: Վնասակար սո-

վորութիւն մըն է վարժեցընել տղայքը ուզած ատեննին և ժամանակնին անոյշ կամ թեթև բաներ ուտել, ասիկայ զիրենք ոչ միայն շատակեր ընել է, այլ նաև կաղձուածքնին և առողջութիւննին տկարացընել:

Մայր մը որ տղուն մարմնոյն և հոգւոյն այս վնաստակար ախտը կը սնուցանէ, որ անխոյթ կ'ըլլայ անոր ախտրժակն ու կերակուրները կարգաւորելու, և զինքը վարձատրելու կամ իր գոհութիւնը ցուցընելու համար՝ ուտելիք և անուշեղէններ կը խոստանայ, անխոհեմ մայր մըն է: Առանց ուղելու և զիտնալու՝ տղուն մեծ վնաս մը կ'ընէ. և եթէ որ մը վերջապէս աչքերը բացուին և ըրած սխալմունքը ճանչնայ, զանիկայ դարմանելու անբաւական կ'ըլլայ:

Ընտանեաց մայրեր, պատասխանատու դորձաւորնէր էք դուք: Փութացէք, առանց դադրելու աշխատեցէք, մանկութեան շէնքը զեղեցիկ և զօրաւոր ընելու համար ամէն ջանք ըրէք. նայեցէք որ ասպակային շէնքը խորունկ հիմերու վրայ հանգչի, և բարձրանայ փառօք՝ առանց վախ ունենալու որ և իցէ մրրկէ և հողմէ:



Բարկութիւնը երկնքին երեսը երեցած և սպիտակացած հնձոց սպառնացող մրրկալից ամպ մըն է:

Բարեմոյն ու հեզ դաստիարակը պէտք է որ վախնայ բարկութենէն՝ ինչպէս խոհեմ ղեկավար մը կ'ահաբեկի ՚ի մրրկաց: Բարկութիւնը այս մասնաւոր յատկութիւնն ունի՝ որ մարդկային սրտին մէջ կրնայ տեղիք ունենալ՝ ընկերացած ուրիշ սակաւազիւտ սուաքինութիւններու հետ. զանոնք ոչ կը վերնտէ և ոչ կը փճացընէ, այլ միայն կը սպառնայ անոնց, վախի մէջ կը բռնէ և արդիւնքնին կը տկարացընէ:

Հին ժամանակայ իմաստութիւնը ասկառառև յիւսարոյքիւն կը կոչէ զբարկութիւն. և յիրաւի, ասիկէ աւելի ճիշդ սահման մը չէր կրնար տրուիլ: Ինչպէս վախկոտ ծաղիկ մը մրրկի ատեն կը ծածկուի, ասանկ ալ բարի բերմունք կը լուեն բարկութեան առջև: Բանականութիւնն, նոյն իսկ մարդկային մեծ վայելչութիւնը կը մթազնին այնպիսի յուզմանց մէջ: Բարկութենէն տիրացած մարդը՝ կամ վախ կ'ազդէ և կամ ՚ի դուրս կը

չարժէ. չես տեսներ անոր վրայ ոչ արժանապատուութիւն, ոչ ազնուականութիւն, ոչ մեծութիւն, այլ կատաղի գազան մըն է, և երբեմն ալ վնասակար. ուսկից կը փախչինք, կամ միջոց կը փնտռենք վնասը արգիլելու: Ա՛րչափ տխուր է բարկացողի մը տեսիլը:

Ընդհակառակն քանի գեղեցիկ է տեսնել ինքզինքը և իր կիրքը բռնել զխացող և զիրանսաց մարդ մը:

Բանականութիւնը զեակ մըն է մարդկային գործոց. վտանգի մէջ կրնայ փրկել զնաւը, միայն պէտք է զիտնալ սրատեճ ժամը անոր գիմելու: Հանդարտաբարոյ մարդը կրնայ անձամբ ընել զայն, ուր կրքոտը՝ փոխանակ գործելու՝ ընդունայն խօսքերու, անօգուտ անէծքներու կը զբաղի, և մըրը կին կուր կ'ըլլայ:

Բարկացող մարդը՝ յիմար մըն է, և կատարեալ յիմար մը, ոչ կը տեսնէ և ոչ կը լսէ: Ի՜նչ մը որ ինքզինքն անպատիւ ընելով՝ կամաւ անգործութեան կը դատապարտուէ զանձն:

Բարկութեան նախկին պատճառն է մեր փափաքանաց ուժգնութիւնը՝ որ մեր միջոցներուն տկարութեանը դէմ կը զայրանայ. եռանդեամբ այնպիսի բան մը կ'ուզենք որ միայն համբերութեամբ, աշխատանք

տանօք և ժամանակաւ կրնայ ձեռք ձգուիլ. նապատակը կը տեսնենք, բայց անակնկալ արգելքներ մեր զիմաց կ'ելլեն. այն ատեն մեր բարկութիւնը կը գրգռի. զայրացած աչուրնիս երկինք կը վերցընենք, զիմացնիս եղած խոչը անբաւական ձեռքով կ'ուզենք շարժել, և մեր կոյր կատաղութիւնը խափան կ'ըլլայ մեզ տեսնելու այն անցքը՝ զոր հանդարտ սրտով ու մտքով ամենաղիւրին էր մեզ գտնելը: Բարկութիւնը մարդուս ընութեան մէջ է. իր բարուց սպականութեանն հետեանք չէ: Արկու ամալոց իրարու հետ զարնուեցնէ՝ կայծակն կը ծնանի. հոգւոյ հանդիպմանէն, — որ իշխող կարողութիւն մըն է, և պահանջող՝ երբ արժանաւոր ուղղութիւնն առած չէ, — մարմնոյ հետ՝ — որ ստորին գործի և անբաւական հպատակ մըն է, — առաջ կուգայ բարկութիւնը: Իր նշանակները այնչափ չուտով և կանուխ կը յայտնուին, որ անկարելի է մէկէն անոնց դէմ պատերազմելու զբաղիլ:

Ո՛վ մեզմէ չէ տեսած այն սղոթի արարածները որ դեռ չեն կրնար խօսիլ, և որք բարկութենէն կարծես թէ կը խղզուին: Սուր ձայներ կը հանեն, և դեռ անյօդ խօսքերով կ'ուզեն իրենց կամքն յայտնել: Կը խռովի մայրը, ամէն ջանք և հնարք կը

գործածէ զանոնք լուեցընելու. տղուն երեսը արդէն կարմրացած է, երակները ուռած, ձեռքերը կարկամած, որ կարծես թէ իր առողջութեան վրայ կասկածիլ կուտան:

Տղան հաճոյք մը, պահանջմունք մը ունի. ու մայրը կը փութայ հնազանդիլ անոր, վախէն տեղիք կու տայ, ու տեղիք կու տայ առանց ամենեւին հակառակելու. « Ետքը, կ'ըսէ, երբ քիչ մը մեծնայ, այն ատեն կը սկսիմ խտտութիւն բանեցընել, և կամբը չկատարել. հիմա անկարելի է »: Սակայն չիղիտեր թէ ժամանակաւ իր տկարութիւնը աւելի պիտի շատնայ, փոխանակ անհետանալու: Տղան՝ ամէն անգամ որ իր կամքին դէմ բան մը ըլլայ՝ կատաղութեան կերպարանք պիտի առնու:

Բարկասիրտ տղան պէտք է որ խրատուի երբեմն նաև գաւազանաւ կամ ձեռքով. ինչ հասակի մէջ ալ ըլլայ՝ այս խրատն իրեն հարկաւոր է, նաև բնական առողջութեանը տեսութեամբ ունենալով իր օգուտը. վասն զի արեան շարժումը տեղափոխելով՝ չիթողուր որ գլուխն ելլէ, և անով փրկաւէտ և օգտակար կ'ըլլայ:

Թէ որ փութով և գործունեայ կերպով չխրատուի տղան, ալ մայրը անոր դիմաց իր ոյժն ու ազդեցութիւնը կը կորսնցընէ, և անկարելի կ'ըլլայ անոր առաջնորդել:

ամէն անգամ որ սանձը քաշուի, ալ աւելի կը կատղի. և ենթադրելով ալ թէ մայրական առաջնորդութիւնը բարեբաստ եղած ըլլայ դաստիարակութեանը ուրիշ ամէն մասանց մէջ, այս էական կէտին վրայ տըկարութիւնը՝ բովանդակ գործոյն յաջողութիւնը վտանգի մէջ կը դնէ:

Բնդունայն տեղ դաստիարակը սակաւազիւտ առաքինութիւններով ճոխացուցած կ'ըլլայ իր աշակերտը, ընդունայն տեղ կրթած զինքը մեծարանաց և ուժոյ վարժողին մէջ. վասն զի այն ամէն զեղեցիկ ուսումներն անպտուղ կ'ըլլան, եթէ բարկութեան ախտին հետ չպատերազմուի. առաքինութիւն, զօրութիւն, սկզբունք, ամէնն ալ պարապ են: Եթէ տղայն բարկասիրտ ու կրքոտ է, միշտ ինքիմէ գուրս է, և անբաւական ՚ի գործ զնելու համար՝ խմաստութեան իրեն թելադրած խորհուրդները, և յորոց բանականութիւնը կընայ օգուտ քաղել: Բանականութիւնը կը պակսի իր քովը, կիրքն է տիրողը, ուստի և ամենէն աւելի լաւագոյն ուսումը անպտուղ կ'ըլլայ:

Գիտցիր մանկութեան հասակին այս պղտի կրքերը չորցընել իրենց ականը մէջ. այն յաճախակի բարկութիւններն, որոնք ունակութիւն կ'ըլլան և հոգւոյ կատարեալ

Հիւանդութիւն, եթէ ժամանակին զանոնք ուղղելու ջանք չընեն:

Տղուն բարկութիւններն բնական են. իր տկարութիւնը կը մասնեն, և ինչպէս ըսինք՝ իր նախկին փափաքանաց ուժերին բռնութենէն առաջ կու գան. սակայն քիչ ատենէն բնութիւննին փոխելով՝ վնասակար կ'ըլլան:

Տկար է յերաւի. բուռն հաճոյքներ ունի, զոր իր տկարութիւնը թոյլ չտար գոհացընել. վեր ելլել, վար իջնալ կ'ուզէ, աչքին աղէկ երեցած բանի մը կը փափաքի ձեռքն երկնց շնել, ու շատ անգամ անկարելի բաներու ալ ետեւէ կ'ըլլայ. ու տեսնելով թէ նպատակին չիկրնար հասնիլ, կը սկսի արտասուել, սրտալ ու կանչուրուտել: Եթէ մայրն փոխանակ իրեն կամացն հնազանդելու՝ ջանայ ուղղել զինքն, կը տեսնէ որ տըղուն կիրքը կամաց կամաց տեղիք կու տայ ու կը հանդարտի. ու քիչ մը ատենուան կրթութեամբ բողբոլովին կ'անհետանայ իրմէ այդ ախտը: Խակ եթէ ընդհակառակն փոխանակ ուղղելու՝ կամակատար ուղեւնայ երեւալ անոր հաճոյցը, ու անանկով զինքն հանդարտեցընել, այդ յանկարծական բարկութեան դէպքերն աւելի յաճախ կը կրկնուին՝ դոյզն զխմազարձութեամբ. մը մը անոր կամացն. արդարացի մերժում մը

իր փափաքանացը, խոհական հակառակիլ մը՝ մէկէն զողայն մարմնուքի ու թալկացման մէջ կը ձգեն: Ալ այնուհետեւ բարկութիւնը մեծ և զօրաւոր միջոց մը եղած է իրեն՝ կամացը յաղթանակը ապահովելու համար:

Ո՛րչափ սլարտաւոր և կոյր է մօր մը տկարութիւնը այս նկատմամբ:

Բարկացող մարդը՝ անբաւական է առ ամենայն. իր սրտին ընտրելագոյն զգացմունքն, նոյն իսկ առաքինութիւններն ալ մթնցած ու գրեթէ ահաբեկ եղած են այդ յարատեւ մրրկէն: Բարեկամքն իրմէ կը փախչին, ընտանիքն կը զարհուրին, և անկարելի կ'ըլլայ իրեն բարի բան մը արտագրել: Քիչ մը անդորրու կարօտ է, ու մրրկը չիգազրիբ գոռալէն ու փոթորիւլէն: Այնպիսին ոչ լոկ ինքզինքն, այլ քովը մօտեցողներն ալ կը թշուառացընէ. կիրք եղած ատենին՝ ալ իր անձին տէրը չէ. մարմինը կը դողդողայ, ջղերը կ'ուռին, աչուրները կը դառնան, արիւնը երեսին վրայ կը զարնէ, կը նախատէ, կը հայհոյէ. չունի Աստուած, չունի սիրելիք, չունի սլատիւ. անոնց ամենուն համար միայն գառն ու նախատական խօսքեր կան բերնին մէջ, ինչուան որ անցնի բարկութիւնը. այն ատեն կը սկսի արտասուել, կ'անդրադառ-

նայ ըրածին ու խօսածին վրայ և դառնա-
սլէս կ'ապաշաւէ: Սահայն 'ի զուր կ'արտա-
սուէ: 'ի զուր կը խոնարհի և ինչուան ծըն-
կան վրայ եկած ներումն կը խնդրէ. վասն
զի ըրածին ու խօսածին յիշատակն ու ազ-
գեցութիւնը կը մնայ, ու ալ իր ձեռքը չէ
զանոնք ջնջելը:

Իր կեանքը փոփոխակի շարունակութիւն
մըն է՝ չարը գործելու և անոր վրայ զզջա-
լու. սարասդ տեղ կը յուզուի և տակնու-
վրայ կ'ըլլայ. իր բոլոր ոյժը այդ ծածուկ
վէրքով կը սպառի: Ահաւասիկ մօր մը տը-
կարութեան՝ արհաւիրալից արգասիքը. մօր
մը՝ որ մէկ ձեռքովը աղղեց 'ի տղայն զա-
ռաքինութիւն, զուղիղ սկզբունս և զմեծ-
անձն քաջասրտութիւն. և միւսովն սա-
տարեց վնասակար բողբոջի մը ուսձանա-
լուն՝ որ խանգարեց փճացուց 'ի նմա զա-
մենայն լաւութիւն:

Խոհական մայր մը՝ աղէկ կը հատկընայ
իր սլաշտամանց մեծութիւնը: Վասն զի գի-
տէ թէ պիտի գայ հասնի այն օրը՝ յորում
իր խնամքովն ու սրտով կրթուած աշակեր-
տը պիտի ըլլայ՝ ճամարիտ առաքինի ու ճըշ-
մարտապէս աղատ մարդ մը: Առաքինի՛
վասն զի պիտի կարենայ առանց խոչըն-
դոտն արդելքներու 'ի գործ զնել իր ա-
ռաքինութիւնը, և ազատ վասն զի պիտի

խորհրդակցի այն մտքին հետ՝ որուն տե-
սութիւնը լուսաւոր է, երբէք խաւարած ու
մթնցած չըլլալով բարկութեան կրքէն:

Բարի մայրը այս ահաւոր ախտը մէկդի
վաւրնտելովը գոհ չըլլայ: Այլ բարկութեան
տեղ՝ վեր երևցընէ զչափաւորութիւն .
այն գերադոյն կարգադրիչը մարդկային
գործոց, այն սահաւաղիւտ առաքինութիւ-
նը՝ որ ներդաշնակաւոր ճշգութիւն մը կու-
տայ կենաց ամէն գործերուն, և որ ան-
հրաժեշտ հարկաւորն է առ բարեբաստու-
թիւն:

Չափաւորութեան արդիւնք է համբերու-
թիւնը:

Բուռն էր տղայն, եռանդուն իր փափա-
քանացը մէջ: Մօրը խնամքովն որ սորվե-
ցուց իրեն լսել, և իր կամքին դէմ երևցած
հակառակութեանցը հնադանդիլ, հան-
դարտ՝ համբերող ու իր անձին տէրն ե-
ղաւ:

Մեծ ոյժ մը կու տայ համբերութիւնը
մարդկային բարուց: Անօգուտ չէ տղու մը
համար, բայց անհրաժեշտ հարկաւոր տա-
րիքը առած մարդուն: Անոր աղղեցու-
թեամբը՝ առանց կիրք ելլելու կենաց դը-
ժուարութեանցը կը մերձենայ, ու գիւմացն
կըւծ արդելքներէն չիւքանիր: Յամենայնի
զիտէ սպասել ժամուն և ժամանակին:

Երջանիկ ու զօրաւոր ալ կ'ըլլայ անով:

Երջանիկ, վասն զի իր հասարակաց ու ընտանեկան յարաբերութեանցը մէջ գիտէ երևցընել քաղցրութիւն մը, հանդարտութիւն, բարուց անխռով միակերպութիւն, ախորժակաց ժուժկալութիւն, որոնք կենաց հաճոյքը կը կազմեն: Երջանիկ է, վասն զի փափաքանաց չափաւորութեամբն՝ որուն սորվեր է ընկերացընել տեսութեանց մեծութիւնը, տէր է իր կարողութեանցը. ու սինլքոր սրտերը խռովող ընդունայն յուզմանց իշխելով, լիուլի ու նախանձելի յանդորրու կը վայելէ:

Ոչ լոկ երջանիկ, այլ նաև զօրաւոր ալ է. վասն զի ընդարձակ է իր տեսութեան հորիզոնը. կրնայ ապագային վրայ մտածել, վասն զի բարկութիւնը՝ որուն դէմ յասպահովի դրած է զինքը առաջին դաստիարակին ջանքը, կարողութիւն պիտի չունենայ հարթել գետնի հաւասար ընել իր մտաց խորհուրդներն: Պիտի ունենայ հաստատամտութիւն մը իր սկզբանցը ու գաղափարաց մէջ. որողութիւն մը՝ որուն զիմացը պիտի չելլէ երբէք լքուցիչ յուսահատութիւն մը կամ պատրանաց արգասիք արտասուք:

Ստոնք ալ մօր մը ջանիցն արդիւնք են:



Ծուլութիւնը ամենէն վերջը կու գայ:

Ինքն է որ կը գլխաւորէ զգործ չարին. վասն զի բարույ գործոյն դէմ՝ ինքն է գերազոյն ջանքը: Փորձիչը՝ ի զուր ջանք ըրաւ զրգուել զհոգին յանհնազանդութիւն. ու զայն ապահանելու կամ խռովելու համար ըրած այլ և այլ փոփոխ ջանքերէն ետքը, վերջին ապաւէն մըն ալ կը մնայ իրեն. կը ջանայ նիրհեցընել: Ծուլութիւնը քուն մըն է, գործունէութեան տեղ բռնող անտարբերութիւնն է. անով անհակառակելի արգելք մը կը դնէ՝ կատարելագործութեան մարդոյ դաստիարակութեամբ. անոր յառաջադիմութեանը՝ ամենէն աւելի վտանգաւոր թշնամին է:

Ծոյլը կը դարհուրի աշխատանքէ. որ և իցէ դոյզն ջանք՝ ծանր է իրեն համար. ամէն ատեն և ամէն տեղ իր հանգիստը կը փնտռէ, մինչդեռ կեանքը կտրիճ գործունէութիւն մը կը պահանջէ: Ամենայն առաքինութեանց ուրացութիւնն է. ուստի որ և իցէ կերպարանքով որ երևնայ, մօրը ձեռքը միշտ պիտի գիտնայ ջաղխել զայն:

Ծուլութիւնը՝ բնազգում մըն է 'ի մարդ .
ամենէն աւելի գործունեայք և աշխատա-
սէրք ալ բռնադատուած են երբեմն իր
նենգաւոր թելադրութեանց դէմ կռուիլ .
բայց այն ատեն միայն խնտի կերպարանք
կ'առնու՝ երբ միշտ յողթական ըլլալու պայ-
մանին մէջ կը գրուի : Բնութեամբ անոյշ ու
մեղմ անձանց վրայ դիւրագոյն կ'իշխէ, և
հեշտեալ զանոնք կը մոլորեցընէ : Ասան զի
կը դանուին այնպիսի խառնուածք՝ որոց
համար չունինք վախ՝ ոչ ամբարտաւանու-
թեան գրգռութիւններէ, ոչ բարկութեան
մղմանէ և ոչ ալ զգայարանաց հրապու-
րանքէ . անհոգ ու թոյլ բնաւորութիւններ,
որոնց փոխանակ սանձը քաշելու, արժան
է յաճախ մտրակել :

Չանոնք ճանչցընող տխուր նշանակը՝
վրանին տեսնուած անտարբերութիւնն է :
Բան մը զիրենք չիշարժեր . կենաց հետա-
քըննական տեսարանը չունի իրենց համար
ուսում մը . մայրենի դասերն, նոյն իսկ
անձնական փորձառութեան դասերն՝ ան-
արգասաւորք են անոնց . նոյն իսկ շար-
ժումն՝ անտանելի կ'երևնայ, ու կարծես թէ
մահադեկոյց թմրութեան մը մէջ թաղուած
են :

Այսպիսի անտարբերութեան մը առջև՝
ամենակարեւոր է մօր մը յարատե գործը .

արժան է որ այն անհոգ սրտին աղղէ զգօ-
րութիւն գործելոյ : Նմանի այն բժշկին որ
իր դարմաններուն ապստամբ հիւանդի մը
անկողնոյն քով ամէն հնարք կը բանեցընէ
ու կը փորձէ . սասնի ալ մայրը փոփոխակի
գործածէ զհամոզումն և զուզութիւն,
պրաղբորութիւն և զբռնադատութիւն, և
վերջապէս յորդորամիտ ընէ զնա 'ի շար-
ժումն :

Մօր մը համար, ինչպէս ամէն ուրիշ
պարտքեր, ատիկայ ալ գծուարին գործ մըն
է . սակայն պէտք չէ որ լքանի երբէք, և
յաջողութիւնը՝ իր ջանից անվրէպ վար-
ձատրութիւնը պիտի ըլլայ :

Բայց հարկ է ալ որ զիանայ թէ ահաւոր
թշնամոյ մը հետ է իր գործը . անոր ամէն
ջանքին, անոր յարատե շարժմանցը՝ դէմ
դնէ գանդաղութեան ոյժը . այն ժայսի կամ
լերան զօրութիւնը՝ որ կը յողթանակէ բըւ-
նութեան ջուրց, դէմ կը կենայ մրրկաց
բուռն թափոյն, և անոնց ահեղասաստ ոյ-
ժը կ'արհամարհէ :

Գուցէ մեծամեծ ջանքերն՝ չափաւոր ար-
դիւնք մը արտադրեն . սակայն ժամանակն
իրեն համար զօրաւոր օժանդակ մըն է :
Չըլլայ թէ երբէք իր առջի ջանիցն անար-
դասաւոր ըլլալը տեսնելով՝ լքանի վա-
տասրտի իր գործոյն յաջողութեանը վրայ :

Վասն զի կրնայ ըլլալ որ այդ յաջողութիւնը երկար ատեն սպասեցընել տայ. կրնայ անկատար յաջողութիւն մը ըլլալ. այլ էր ջանքն հարկաւ պտղաբեր պիտի ըլլան. մէկ օր մը չէ նէ՛ միւս օր մը, իր խնամքը պիտի ուղղեն այդ ծոյլ բնութիւնը. արթընցընեն զինքն ու բռնադատեն ոտք ելլել ու յառաջ քալել: Ձեռք ձգած քիչոյն ալ արժան է որ գոհ ըլլայ. վասն զի եթէ չարք տեսած չըլլար, կամ անոր հետ պատեւրազմելու վիճակին մէջ չգտնուէր, որչափ դժընդակ յարձակման մը ենթակայ պիտի ըլլար:

Ծուլութիւնը կը վերցընէ ՚ի մարդոյ ոյժ և աղնիւ զգացմունք. թշնամւոյն հանապազօրդ ջանիցը դէմ՝ վատութեան անձնաւորութիւնն է. ընկերակից երկիւղի, ու երեսը կը ծածկէ երբ կը բացուի այն խրամը՝ ընդ որ չար հոգին գահավէժ և յաղթական կերպով պիտի իյնայ՝ տիրապետուած սըրտին վրայ: Գծնդակ կերպով մը կ'առաջ նորդէ առ ամենայն ախտս. ժողովրդական առած մըն է այս, և ամէն օրուան խոհականութեան փորձերով ստուգուած: Եւ յիրաւի. բարին միայն յարատեւ ջանից կարօտ է. զանիկայ ՚ի գործ զնելու համար՝ գործունեայ ու կտրիճ սիրտ մը արժան է ունենալ. ծուլութիւնը ծածուկ օժանդակ

մըն է չարին ձեռքը՝ որպէս զի կարողանայ իր ծառայութեանը նուաստացընել զմարդ, գիտնալով թէ ուր ինք կը գործէ՝ հոն կանկ կ'առնու ու կը դադրի բարւոյն գործը:

Ծուլութիւնը ամօթալի ախտ մըն է մարդուս վրայ, իսկ ՚ի մանուկն ահաբեկիչ. վասն զի կ'արգելու կամ կը փճացընէ ուսման ամէն բարեբաստիկ արդիւնքը: Անոր անհոգ կամ անտարբեր փոքրիկ սրտին մէջ բան մը չիմտներ. ուսուցչին դասերուն և աշակերտին մտաւորականութեան մէջ սղնձէ պարիսպ մը կը բարձրանայ. հարկ է որ դաստիարակին անխոնջ ձեռքը՝ այն անանցանելի պատուարը խորտակէ, որպէս զի ուսման ճամբայ բանայ: Ծուլութեան բնազդման դէմ՝ գործունէութեան զգացմունքը դնէ. և տղուն օրերը անցընել տայ հրահանգօք, դասերով ու խաղու: Անոր մտաց զբաղմունքն զանազանեալ ըլլան, որպէս զի դիւրաւ չյոգնի:

Սակայն դասերէն ու խրատէն աւելի դժուար է օրինակը: Եթէ մայրը գործունեայ ու աշխատասէր է, եթէ իր ամէն մէկ ժամերը հարկաւոր զբաղմանց նուիրուած են, անհնարին է որ այնպիսւոյն զաւակը ծոյլ ըլլայ:

Ո՛րչափ շատ է դժբաղդաբար դատարկակեաց մարց թիւը, որոնք չունին ուրիշ

դբադմունք՝ բայց երկըննալ հանգչիլ բաղմոցներու վրայ: Իր ընտանեկան սարտուց մեծութիւնն ու կարեորութիւնը մոռցող կամ արհամարհող մայր մը, դժնդակ օրինակ մըն է չարի. և իր խրատներէն աւելի, զորոնք զործովը կը ստէ, տուած գատարկակեցութեան տխուր օրինակը՝ կը քանդակուի տղուն սրտին մէջ:

Գործունեայ ու աշխատասէր եղիր, ո՛վ մայր, որպէս զի դաւակիգ ալ քեզի նմանի: Վասն զի եթէ ծոյլ է տղայն, ինչ բանի կու գան իր ուրիշ այլ և այլ բարեմասնութիւններն, ու յերկնից ընդունած ձիրքերը: Սրտին մեծամեծ յատկութիւններն, հոգւոյն այլ և այլ կարողութիւնները՝ անգործ ու գրեթէ անգամալոյծ կը մնան: Ծուլութիւնը արգելք է իրեն գործելու. անհոգ ու անօգուտ կերպով կը նիրհեցընէ զինքն. հարուստ գանձի մը քով՝ աղքատ մըն է: Փոխանակ քայլելու՝ կը սիրէ զկայ առնուլ և հանգչիլ:

Սակայն աշխատանք, հոգւոյ ու մարմնոյ գործունէութիւն, անդադար քայլել մը, — ահաւասիկ ինչ որ պարտք դրուած է առաջին մարդոյն վրայ:

Այո՛, պէտք է միշտ քայլենք, ինչուան որ մեր յոգնած ու պարտասեալ ոտքերը գան զարնուին գերեզմանի մը քարին հետ:

Այդ ապառաժ վիմին վրայ կառուցուած է յաւիտենական ուրախութեան քաղաքը, և ուր կը ժամանեն քաջասիրտ ընթացողք. վատք և ծոյլք՝ կ'իյնան ճանապարհին վրայ, և ոտքի ելլելու ժամանակը կը պակսի ածոնց:

Կեանքերնիս ուրիշ բան չէ՛ բայց աշխատանք ու անոր հետեւանք յոգնածութիւն, ցաւօք լի գործունէութիւն մը, յաղթահարուած ու նորէն 'ի վեր երեցած խոջընդոտն և արգելք: Պատուհասի մը օրէնք է այս, նախկին յանցանաց աստուածապատուէր քաւութիւն, բայց միանգամայն մեր ճշմարիտ բարեբաստութեան աղբիւրը:

Վասն զի գործունէութեան մէջ է մարդուս ոյժը. և իր ճրից հրահանգօքն ու կըրթութեամբ կ'ապահովէ իր իշխանութիւնը: Կեանքը՝ աշխատանաց մէջն է. ծուլութիւնը մտաւորականութեան մահ մըն է, թէ՛ ընկերական և թէ՛ անհատ մարդու համար արգիլուած, ու հակառակող աստուածային օրինաց:



Եթէ մայրը հասկըցաւ իր սաշտաման
ծանրութիւնը, եթէ հսկեց մտադիւր և
քաջութեամբ սպտերաղմեցաւ, եթէ գիտ-
ցաւ մէկիկ մէկիկ դետին տապալել ևօթն
գլխաւոր ախտերն, իր սիրալիր դաւկին
կորստեանն համար իրարու հետ միաբա-
նող այդ մոլեգին ու ահաւոր թշնամիքը, ա՛յ
ատենը եկած հասած է իրեն՝ որ կարենայ
քիչ մը հանգիստ առնուլ:

Այնուհետև նոր կերպարանքի մէջ կը
մտնէ տղուն դաստիարակութիւնը: Վասն
դի ալ մայրը ուրիշ ձեռքերու սկիտի յանձնէ
այդ սիրալիր գանձը, զոր այդչափ և այդ-
սկիտի անձնանուէր կտրճութեամբ շարին
հրապուրանքէն սաշտսականց:

Հանգչէ, ո՛վ բարի մայր, ու շնորհակալ
եղի՛ր Աստուծոյ, որ օրհնեց քու գործդ ու
պսակեց ջանքդ:

Պատրաստ եղի՛ր ատենին ընդունելու
քու երախտագէտ որդւոյդ փոխադարձ
սէրն ու խնամքը:

110a

ՀԱՅԿԱՍՏԱՆԻ
ԳՐԱԴԱՐԱՆ



0025938

ՀՀ Ազգային գրադարան



NL0025938

